


~~7-9-C-15~~



Residentia Germania Soc. 1650

His Ego nec me
Imperium tas rerum, nec tempora pono.
sine fine dedi.





VIRTVS CORONATA,
SEU

CORONARVM

Illustrata Documentis & Exemplis

IMPERATORVM, ac REGVM

EX AVGVSTISSIMA ET
SERENISSIMA

DOMO AVSTRIACA

ET:

HISPANA



Primum Hispano Idiomate conscripta

Per

R.P. JOAN: EUSEB: NIERENBERGIUM
è Societate JESU.

*Postea Italicè per Comitem Horatium Corradinum,
ac nunc latinè reddita*

Per Alium de Societate IESV
Sacerdotem.

Cum facultate Superiorum.

VIENNÆ AVSTRIÆ,



Typis Joan: Bapt: Hacque, Typogr: Acad: 1675.

BIBLIOTECA NAZ
ROMA
VITTORIO EMANUELE

BIBLIOTECA NAZ
ROMA
VITTORIO EMANUELE

VIRTVS CORONATA,
SEU

CORONARVM

Illustrata Documentis & Exemplis

IMPERATORVM, ac REGVM

EX AVGVSTISSIMA ET
SERENISSIMA

DOMO AVSTRIACA

ET

HISPANA



Primum Hispano Idiomate conscripta

Per

R.P. JOAN: EUSEB: NIERENBERGIUM
è Societate Jesu.

*Postea Italicè per Comitem Horatium Corradinum,
ac nunc latinè reddita*

Per Alium de Societate IESV
Sacerdotem.

Cum facultate Superiorum.

VIENNÆ AVSTRIÆ,



Typis Joani: Bapt: Hacque, Typogr: Acad: 1673.

REVERENDISSIMO
AC CELSISSIMO

PRINCIPI,

AC

DOMINO DOMINO
GEORGIO

SZELEPCHENI




ECCLESIAE METRO-
POLITANÆ STRIGONIENSIS
ARCHIEPISCOPO,

LOCIQUE AC COMITATVS
EJVSDEM SVPREMO ET PERPETVO
Comiti, Primati Regni Hungariæ Legato nato,
Summo & Secretario Cancellario, Sac. Cæs. Re-
giæq; Majestatis intimo Consiliario, nec non per
dictum Regnum Hungariæ Locum-
tenenti. &c.

DOMINO DOMINO
GRATIOSISSIMO

):(

Visum



Illud fuit *Celsitudini*
Tuae, Reverendis-
sime & Celsissime
Princeps præsens
opusculum Viri ab
eruditione ac pietate celeberrimi Joannis Eusebii Nierembergii, ut cætera ejusdem opera, minimè privatis peregrinarum tantummodò linguarum limitibus debere concludi. Latebat illud primùm ad Europæ fines, inter angustias Hispani idioma-
tis: Protraxit in theatrum Italiæ
Vir Illustrissimus, Comes Hora-
tius



tius Corradinus : Nunc in pu-
blicam , totique mundo com-
munem lucem Latini sermonis
eluctatum , sinus literatissimæ ,
amantissimæque literatorum
mentis *Celsitudinis Tua* gratia
promptè excepit. Suscepti con-
silio non unam esse rationem
auguror. Maximorum in Or-
be Principum memoriæ ac re-
verentiæ *Princeps* hoc dedit;
hoc contulit Virtutum heroi-
carum theatro *Primas Ecclesia-
sticus* : hoc exemplo ad imita-
tionem efficacissimo donavit
Pastor animarum Metropolitæ ,
quando nihil æquè proficit ad
): (2 seque-



sequelam, quàm Primi Mobilis antecessus, hoc est, summorum Principum actiones præviæ: Hoc decrevit meritissimo encomio vivacissima recordatio, Eorum imprimis, quorum auspiciis gloriosè in regionum laborum partem *Celsitudo Tua* aliquando assumpta; atque in Honore hunc apicem Prudentiâ, & Consilio, Constantiâ, & Fide suffragantibus exinde subvecta est: *Rudolphus II.* Majores *Celsitudinis Tuæ* amplissimo diplomate collaudavit: *Ferdinandus II.* opimis ab Italia sapientiæ cum spoliis



spoliis revertentem, muneribus
per Hungariæ Regnum specta-
tissimis applicuit : *Ferdinandus*
III. & Leopoldus meritis in Rem-
publicam clarissimis indies au-
ctum summo statûs Ecclesiasti-
ci ac Civilis honore corona-
verunt. Itaque deberi se scivit
Celsitudini Tue Virtus Corona-
ta, & Coronarum : Illa, quam
ex laudatissima Regum ac Cæ-
sarum imitatione, laureis &
ipse, ac corollis multiplicibus
incinxisti : Ista, ut auspicio No-
minis Tui facta palam, vel
exemplo Tuo accendat ad se-
quelam ; secuturis de terra ac
coelo



coelo vicissim & constanter
adoreis coronandam. Præliba-
sti jam in terris suavissimos fru-
ctus Heroicæ Virtutis, quos gra-
tulamur animitus addictissimi.
Parùm dixi, si non etiam spon-
dere ausim, quæ aliundè nequa-
quam obtingit, quàm à virtute,
beatam olim immortalitatem.
*Vive Reverendissime ac Celsissi-
me Archi-Praesul Ecclesiæ, & Re-
gno Apostolico quàm diutissi-
mè felix.*

**CELSITUDINIS
TUE**

Devotissimus

J. F. S. J.

Index.

INDEX CAPITVM, ET PARAGRAPHORVM.

PARS I.

- §. I. *Muneris Regij eminentia requirit Principem Vir-
tutibus deditum.* pag. 1.
- §. II. *Regis Probitas avertit damna, quasi peccet, po-
pulo accumulatur.* p. 7.
- §. III. *Castigat Deus delicta Principum etiam levia-
ra; indeq, eorum Probitas est Reipub. utilissima.*
(p. 12.)
- §. IV. *Magna utilitas Virtutum in Principe a sub-
tractione mali exempli.* p. 18.
- §. V. *Principum probitas, magna Regnorum utilitas.*
(p. 22.)
- §. VI. *Incomparabile bonum Reipub. est exemplum
boni Principis.* p. 24.
- §. VII. *Principis probitas plura confert commoda
Reipub. quam bone leges.* p. 31.
- §. VIII. *Ut exemplum Principis sit utile Reipub. de-
bet illud à vera virtute proficisci.* p. 37.
- §. IX. *Pretiosa virtus Principis à laureola speciali in
cælo, quam promeretur.* p. 40.
- §. X. *Regia Virtus cooperatur Jurisdictioni spirituali
in extirpandis vitijs.* p. 47.
- §. XI.

Index.

- §. XI. *Qua debeat esse celsitudo virtutum Regiarum.* p. 52.
- §. XII. *Probi Regis oratio est efficax apud Deum, & proficua Reipublica.* p. 55.
- §. XIII. *Virtutes Principem Regno amabilem reddunt.* p. 58.
- §. XIV. *Virtus conciliat Principi famam, existimationem & fidem.* p. 59.
- §. XV. *Regia virtus obsequio populi compensatur.* p. 61.
- §. XVI. *Virtus Regia venerationem conciliat.* p. 62.
- §. XVII. *Virtus Regia firmat Iustitiam.* p. 64.
- §. XVIII. *Virtus est Principi opportuna in consilijs.* p. 66.
- §. XIX. *Emolumentum probitatis Regia Prudentia.* p. 67.
- §. XX. *Princeps probus ditat Rempublicam.* p. 68.
- §. XXI. *Virtus Regia non tolerat adulatores.* p. 70.
- §. XXII. *Princeps probus in bello felix.* p. 71.
- §. XXIII. *Principis probitas est felicitas Regis & Regni.*

P A R S II.

- *Cap. I. Virtutes & facta heroica Rudolphi I. Rom. Imperatoris.* p. 75.
- Cap. II. Virtutes Imperatorum, qui Regum Hispania praedecessores fuerunt.*
- §. I. *Alphonsus Hispani Imper: à Virtute Iustitia illustru.* p. 108.
- §. II.

Index.

| | |
|-------------------------------------------------------------|---------|
| §. II. Virtutes Alphonsi sapientie in Roman. Imper. Electi. | p. 111. |
| §. III. Virtutes Alberti I. Rom. Imper. | p. 115. |
| §. IV. Virtutes Friderici Pulchri Rom. Imp. | p. 117. |
| §. V. Virtutes Alberti II. Rom. Imp. | p. 120. |
| §. VI. Virtutes Friderici IV. Rom. Imp. | p. 123. |
| §. VII. Virtutes Maximiliani I. Rom. Imp. | p. 132. |
| §. VIII. Virtutes Caroli V. Rom. Imp. | p. 143. |
| §. IX. Virtutes Ferdinandi I. Rom. Imp. | p. 172. |
| §. X. Virtutes Maximiliani II. Rom. Imp. | p. 178. |
| §. XI. Virtutes Rudolphi II. & Mathie Rom. Imp. | p. 180. |
| Caput II. Regum Hispania Virtutes. | p. 185. |
| §. I. Virtutes sancti Regis Ferdinandi. | p. 186. |
| §. II. Regis Pelagij. | p. 199. |
| §. III. Regis Alphonsi. | p. 201. |
| §. IV. Regis Alphonsi II. | p. 203. |
| §. V. Regis Ramiri. | p. 204. |
| §. VI. Regis Alphonsi Magni. | p. 205. |
| §. VII. Regis Sancij Majoris. | p. 206. |
| §. VIII. Regis Ferdinandi Magni. | p. 207. |
| §. IX. Regis Alphonsi VI. | p. 211. |
| §. X. Regis Garzia II. | p. 213. |
| §. XI. Regis Sancij III. | p. 214. |
| §. XII. Regis Ferdinandi II. | p. 216. |
| §. XIII. Regis Alphonsi VIII. | p. 217. |
| §. XIV. Regis Alphonsi IX. | p. 218. |
| §. XV. Regis Sancij Strenui. | p. 222. |
| §. XVI. Regis Ferdinandi IV. | p. 223. |
| §. XVII. | |

Index.

| | |
|---------------------------------------------------------------|---------|
| §. XVII. Regis Alphonsi X I. | p. 225. |
| §. XVIII. Regis Ioannis. | p. 226. |
| §. XIX. Regis Henrici III. | p. 228. |
| §. XX. Regis Ferdinandi V. | p. 238. |
| §. XXI. Regis Philippi I. | p. 241. |
| §. XXII. Regis Philippi III. | p. 242. |
| <i>Caput IV. Virtutes Coronata Religionis & Prudentia</i> | |
| <i>Ferdinandi II. Imperatoris & Philippi II. Regis.</i> | |
| | p. 243. |
| §. I. Virtutes Ferdinandi II. Rom. Imp. | p. 244. |
| §. II. Virtutes Philippi II. Regis Hispania. | p. 325. |





VIRTVTIS CORONATÆ.

§. I.

Muneris Regij eminentia requirit Principem Virtutibus deditum.



Virtutum; quæ Principem decent; emolumenta cognoscantur; expendenda primùm est gravitas muneris Imperantium, obligatio status, occupationum scopus. His probè perspectis statim animo Principis occurreret justus timor damnorum, quæ ejus vitio, ex neglecta prædictorum attentione in populo possent evenire. Quibus malis aditum omnem præcludet ipse virtuti deditus; saltem ea ex parte, quâ muneris sui rationem accuratè expensam cum adminiculo virtutum sedulò exequetur. Agrippina Neronis Mater, ut à perdita prodigalitate filium averteret, magnam vim pecuniæ profundi super mensam jussit, quâ inspectâ erudiretur ille, quantâ foret jacturæ, tantos acervos insanè præde-

A

gisse

gisse. At extenuatio fisci non est ea regnorum pestis, ut perniciosius non interdum ferant exitium ab intermissis à principe curarum, munerisque proprij considerationibus, ac functionibus. Quare ut virtutis studia commendem, officij regij eminentiam, ac pondus propono, cui benè, laudabiliterque administrando magnus virtutum comitatus, ut succurrat, est necesse.

Temporibus Ludovici, ac Lotharij Imperatorum in Aquisgranensi, Mogantino, ac Parisino Concilijs Ecclesiasticis complura sancita sunt, quibus Reges occupari pro muneris sui ratione conveniat. Decernebatur, ut moderator Christiani populi Princeps in Sanctitate, & Justitia imperaret, paci, atque concordiae studeret: Ecclesiam Dei defenderet: sacras aedes, earumque ministros protegeret: curam viduarum, ac pupillorum ageret: necessitatibus indigentium subveniret: curaret, ne locus injustitiæ esset, ne patrociniū improbitati, ne spes impunitatis sceleri: ne incentivum audaciæ: ne nisi certum supplicium delicto foret. Ideo, aiebant, Regem adorari à throno, ut vicariâ voce Numinis recta decernat: ut disponat, provideatque ipse, ne deficiat æquitas: ne per subordinatorum tribunalia Veritas obscuretur: ut credat in officio sibi cælitus commisso non agi causas hominum, sed Dei; cui rationem pro gestis reddere

dere tandē in morte oporteat : demū ut ad Regē recursus sit pauperum, quibus aures nunquam non pateant, si fortē per injuriam, negligentiamque ministrorum opprimerentur. Hæc Conciliorum dictamina primū Francia excepit, firmavitq; deindē Germania repetitis sanctioribus, atq; iisdem penē verbis Hispania complexa est. Nec immerito; Rex quippe pro ratione officij est tutela pupillorum, ac viduarum, pauperum pater, custos justitiæ, vindex pacis, tanquam boni in Republica optimi. Hæc illa est munificentia, quā Rex privatorum quorumvis liberalitatem transcendit. Beneficus in myriades capitum quotidie; si bonus est; ut injurius in totidem, si malus. Tanta in munere regio ex virtute à principe culta claritas. Affirmabat Julius II. Pontifex; Sapientiam in homine vulgari argentum esse, gemmam in Principe: Pro virtute accommodatiū fuisse locutus; quam in cæteris huminibus pretio carere nemo dixerit, ut argentum: at in viro Nobili comparabitur auro, in Principe superexcedet gemmas, vincet adamantes, singularior erit unionibus. Ita nemo non opulentus, ac felix, qui virtuosus: subscribit Xenophon (lib. 7. Cyr.) *Nullas homini cuiusvis, ac præcipuè ei, qui in alios Imperium habet, opes existimo pulchriores, & honestiores, quam virtus sit.*

Doctrinam Conciliorum repræsentantium munus Regium prævenit pulcherrimis documentis,

olivi Idumææ Rex, postea patientissimus Job, qui abs se gesta in officio Principis luculenter describit (cap. 29.) *Quod liberasset pauperem vociferantem & pupillum, cui non erat adiutor. Benedictio perituri super me veniebat, & cor vidua consolatus sum; iustitia indutus sum, & vestivi me sicut vestimento, & diademate iudicio meo. Oculus fuit cæco, & pes claud.* Pater eram pauperum, & causam, quam nesciebam, diligentissime investigabam. Conterebam molas iniqui, & de dentibus illius auferere pradam.

Regia dignitas non otij est theatrum, sed curarum. Est supplementum defectibilitatis humanæ: est oculus cæco, manus manco, pes claud, robur infirmo, spes orphano, præsidium viduæ, subsidium indigenti: solamen universorum, iustitiæ ara, charitas in omnes diffusa. Hinc singulorum ad unum justa inclinatio, & amor; tantò evisceratio, quantò universali in omnes providentia divinitatem, cuius vices sustinet, operando repræsentat. Iurisdicção, quam populus confert; authoritas, quàm communis veneratio impartitur; tributa, in quæ confluunt sudores vulgi; non serviunt regio honori, divitijs, ac commodo; nisi ad compensam beneficentiæ, quam aut capiunt, aut sperant omnes ab administratione muneris in æquitate, subsidio, ac defensione Reipublicæ collocati. Affectus, & reverentia populorum, non nisi sunt gratiæ

gratiæ redditæ, pro bene meritis Imperantis. Prima institutio Principum, non ut dominantur fuit, sed ut serviant communitati. Successit præcipiendi indulta facultas, sine qua regalis officij executio frigeret. Conditio regnandi nobilis servitus est: aiebat Antiochus. Ut servire Deo, regnare est; sic regnare in populo, est servire. Subjiciunt se imperantibus gentes commodo suo, non Principis. Isti earum conductitiæ tantum operæ sunt. Quidquid tributorum, ac vectigalium eviscerant, mutua tantummodo est provocatio beneficiorum, à Principe in commune conferendorum: Officium regale est impensa ingentium sollicitudinum, laborum, adeoque etiam virtutis exaggeratæ, atque exinde commodorum, quæ redundant in Rempublicam, maximorum. Audiatur Synodus Parisina (l. 2. cap. 1.) Ecce quæ conferat emolumenta Rex bonus. Est ille regnorum tranquillitas, tutela patriæ, securitas plebis, robur populi, medela languentium, solamen omnium. Est ille, qui temperiem æcri, Alcyonia pelago, fertilitatem agris conciliat: qui allevat egenos, qui hæreditates filiorum locupletat, qui delibare facit in vita mortali futuræ beatitudinis dulcores. *Humana felicitatis principia, & origines* dixit esse Principes virtuti ditos Concilium Ephesinum (l. 1. c. 4.) Virtutum itaque magnitudo exequendo muneri regio apprimè opportuna est. A principe dima-

natfelicitas in subditos, à virtute in Principem. Utrinque pessimè, ubi virtus labascit. Regno Princeps, ut corpori cor, ut mundo sol; ut iste lucem & calorem in sublunaria, ita Rex tranquillitatem, æquitatem, & felicitatem in subditos influit. Non est bene corpori, cui cor languet: colliduntur invicem membra, alterantur. Ægritudo cordis armat dentes in manum; ungues acuit in vultum, caput in partes divellit, hominem homini eripit. Par ruina regnis, quibus à capite, volo dicere, à Principe, spiritus virtutis vitalis non succurrit. Iret in umbras mundus, si soli activa vis lucis periret, si segnior euigilaret ab ortu, si tepidior remitteret à radijs, si à revolutionibus consuetis, ut ab officio proprio vacaret. Non meretur agnomen Regis, qui virtutem non amat: ita pronunciavit Nicolaus Papa. Et S. Isidorus (l. 2. sent.) Rex à rectè agendo vocatur. Si enim piè, ac justè, ac misericorditer regit, meritò Rex appellatur; si his caruerit, non Rex, sed Tyrannus est. Et alibi (cap. 48.) Reges à rectè regendo vocati sunt. Ideoque, sicut, rectè agendo Regis nomen tenetur, ita peccando amittitur. Agesilaus Rex Lacedæmoniorum audito Persarum Regem dici magnum; in quo, inquit, me major? si non justior.

Virtus Regem facit, quia peccare in officium non patitur. Sed exiguæ istud laudis esset, acquiescere

quiescere in eo duntaxat, quod vitio careas. Etiam illud virtus confert Principi, quod pro excellentia conditionis erigat imperantis animus ad sectanda augustiora bonæ mentis, quæ longè exsuperant solam à peccatis immunitatem. De hac prærogativa regiæ in virtute eminentiæ nunc agemus. Plus cooperatur assistens Regibus Divina Providentia ad fastigium virtutis, quàm quod sola illustris officij ratio suo genio deposcit.

§. II.

Regis probitas avertit damna, quæ, si peccet, populo accumuluntur.

LAudatissima est ea charitas Imperantis, quæ, ne incommodet populo, à peccatis abstinet.

Pretium illius, ut picturæ ab offusis umbris capiamus. Meritum probi Principis felicitas, demeritum improbi, ruinæ. Quam bellè sceptro Christiano connectitur moderamen illibatæ conscientiæ! Princeps, qui sibi non imperat, qui à crimine non abstinet; à damnis ingentibus Remp. non præservat. Quis in purpura Davide sanctior, Ezechia, Josia? Primus incomparabilem pietatis Heroëm egit: alter, & tertius, plerisque cæterorum fuit inculpator. Eorum nihilominus causâ,

cum à recto deflexerant, concussum est Regnum, & subditi attriti; non dissimulante Deo, quantumvis Principum aliàs Sanctiorum crimina, etiàm in populo castiganda. Non erit actus supervacaneæ demissionis, meminisse Reges interdum suâ culpâ plurimùm calamitatum in Rempublicam redundare. A solis eclipsi magna in sublunaribus alteratio. Conferebat cum sole Principem Augustissimus Carolus V. & sapienter tenebatur à metu, ne in vindictam suorum delictorum subditi aliquando gravarentur. Terreabant exempla è Sacris litteris deprompta, quibus non modo enormes Regum noxæ, sed & leves interdum culpæ armaverant Divinam Nemesis, etiam per subditorum latus in viscera Principis grassantem. Vult divina bonitas quam maximè resplendere in Regibus, tanquam in emblematis suæ potentiae; & lineamentis suæ eminentiæ. Aiebat Trismegistus, Regem esse ultimum Deorum, ac primum hominum; nempe, ut virtute antecellat homines, & Angelos æmuletur vitæ integritate. Libro II. Paralip. (cap. 8. v. 29.) legimus, propter Regem Achabum universam Judæam fuisse à Deo attritam. Quatuor simul plagas unius impietas provocaverat. Uno impetu Syria, Samaria, Idumæi, ac Philistæi Regnum convulsere. Rex Samariæ Phacee die una centum viginti millia militum de robustissimis ac veteranis cohortibus Achabi prostravit,

stravit. Syriæ populi florem Judææ direptis, depopulatisque urbibus messuere. Pari ruinâ in spoliis Idumæ, ac Philistæorum, terrarum illic magnificentia cum opibus recidit. Omitto scæviens ipsum in viscera regni caput; dum templi, ac regiæ domus thesauros Achab sustulit, ut Assyrios in societatem armorum pelliceret; quorum quidem cupiditatem implevit, sed auxilium non sensit: semper egens, pulsus aulâ, regno extorris. Penetravit vindex flagrum, quâdam sanguinis successione in propinquos. Maasias filius Regis occisus, & Ezraites Prætorianorum præfectus, & Elcana Principi gratosus. Nempe tragœdiam, quam Regis impietas conceperat; subditorum ruina confecit.

Improperabat Isaias Baltassari Babyloniorum Monarchæ: *Tu terram tuam disperdidisti: tu populum tuum occidisti.* (c. 14. 20.) Nimirum absque ferro, & inermis, dum scelestus in Deum pugnat, Imperij sui carnifex evaserat. Notat probitatis regiæ defectum Daniel (cap. 5.) quando appensum in statera, & inventum habere minus, Medis, ac Persis casurum in prædam edicit. Stragem populi depinxit Xenophon (l. 7.) qui Persas obvium quemque trucidasse ferociter refert. Tu, tu itaque Baltassar terram tuam disperdidisti, tu populum tuum occidisti.

Initio sui principatus fulminabat Rex Achab in Eliam Prophetam, quod causâ fanis triennio

nio regnum Israël infestantis, quod pluviae de caelo prohibitæ, quod calamitatum tot intercurrentium causa esse videretur; quod per ipsum staret, inedia populum emori, armenta pabulo destitui, campos siccitate ardescere. Ita impij, ut exculpent se se, inculpant proximum, etiam innocentem. At: non ego, inquit Propheta (3. reg. 18.) non ego ille, qui Israël em conturbo: tu ille es, & Domus Patris tui, qui legem Dei dereliquisti. En malum, en causa. Rursus fame conflictabatur terra, atque etiam triennio, tum, cum Saul vexatione improba acerbius Gabaonitas exercuerat. Non finijt malum, donec pependissent .è patibulo duo filij Saul, & nepotes quinque, per complures menses ab infami ligno expiantes regiâ impietatem: Deo regum crimina in Achivis, ut aiunt, plectente.

Sed & Saulis inobedientia in Amalecitis contra Dei mandatum lentè extinguendis regnum pessum dedit. *Quis non obedivisti.* ait Samuel (Reg. 18. 18. *voci Domini neq, fecisti iram furoris ejus in Amalec: idcirco quod pateris, fecit tibi Dominus hodie, & dabit Dominus etiam Israël tecum in manus hostium.* Regis impietas fecit exercitum fundi, & vinci. Meminit Theodoretus (l. 14. hist. c. 7.) Ducis Trajani, qui reprehensus à Valente Cæsare, quod victus esset: *non ego, inquit, Imperator, victus sum, sed tu ipse perdidisti victoriam, qui contra Deum aciem instruere non desinis, & ita ejus auxilium Barbaris*

baris conciliis. Nam abs te oppugnatus illis se adiungit. At Deum sequitur victoria, & ad eos accedit, quibus Deus se Ducem prebet. Castigabat Deus peccata Saulis diversimodè pro varietate, & multipliciter pro æquivalentia delictorum regiorum. Ut enim Rex æquivalet multis, ita crimen regum non simplicis culpæ, aut pœnæ est. Horret animus ad ea, quæ Concilium Parisiense loquitur. Nam (c. i. pag. 80 i. col. i.) sic habet: Scimus propter Regem improbum tranquillitatem populi concidere, mare animorum concitari in feros fluctus, diminui terræ germina, fisci obsequia populi, corrumpi ærumnis prosperitatem Reipublicæ, multiplicari filiorum, atq; charorum mortes, ab hostibus vastari Provincias, à feris greges dilacerari: hyemem acerbius inhorrescere: ver tardare fertilitatem seminum: commercia maris abrumpi: grandines, & fulmina frequenti glacie, & spiculis quassare messem, decoquere virorem, amaricare fructus, elidere arbores. Nec modo tenebras statui suo inducit Rex improbus, sed & obnubilat seriem filiorum*, ac nepotum, ut non gaudeat tertius hæres primâ gloriâ parentum. Ita propter Salomonis improbitatem in Roboamo filio extincta fuit majestas, & gloria Regni à Davide fundati. Ita Concilium, ut ad veritatem, sic ad horrorem. Sed & David pietate ac fortitudine bellicâ clarus, suis, quæ virtuti immisce-

immiscebat peccatis felicitatem subditorum nonnunquam corruptit. Adulterio semel commisso, turbas, seditiones, bella, cædes, exitia regno intulit: filium quoque rebellem expertus. Doctus interim experientiâ, quantum veneni â capite diffundatur, consolationi suæ illud superesse lætabatur, quòd mortis Abneri, viri plurimùm regno profuturi, atque immeritò occisi reus non foret (2. Reg. 3. 18.) *mundus ego sum, & regnum meum apud Deum usque in sempiternum â sanguine Abner.* Sed incautè postea reciderat in arrogantiam recensiti per provincias populi: quam temeritatem, superbiamque Deus immani peste immissa in populum mulctavit: hæc unius diei dimidio septuaginta millia subditorum absumpsit (2, Reg. 24.) Tanto populi damno stetit Regem peccasse. Nec modus supplicio fuisset, nisi misericordia percipientem Angelum repressisset; & ipse excidij suorum author Rex lachrymis, sacrificio, prece justitiam Divinam placasset.

§. III.

*Castigat Deus delicta Principum etiam
leviora, ideoq; eorum probitas est
Reipublicæ utilissima.*

Nisi haberemus pro comperto è sacris litteris, vix fidem præstaremus dicto, quòd delicti vel minus causâ, ejusdemque vulgò minus considerabilis,

derabilis, & facilè cæteroquin veniâ digni, multa innocentium turba insolitis planè pœnis vapulet, ex eo duntaxat, quòd subsit imperio illius, qui peccavit. Verùm, ultrà expectationem, fidem faciunt, quæ subjungam. Occurrit in argumentum Archimedis apud Hieronē Regem Siciliæ inventio. Apparari jusserat Hiero vastæ magnitudinis navem Ptolomæo Regi Ægypti mittendam. Sed molem pondere immanem, nec multitudo maxima robustissimorum hominum movere loco poterat, ut inde asportata mitteretur in mare. Archimedes machinarum ingeniosissimus artifex desperatæ rei occursurus, promittit Regi effecturum se, ut quòd plurimi nequivissent, solus Rex, suâ manu, sine ope, sine labore promoveat onerariam, impellendo quoquò destinasset. Dixit, & fecit. Attonitus ad eventum Rex: quidquid, inquit, posthac Archimedes fieri posse pronuntiaverit, fide sanctum credatur; Aio: & ego, non superesse ultrà locum dubio, quòd graviora Regum crimina severè plectantur, ubi constiterit minora castigari in pondere, & mensura. Non invenit finem sacer Historicus (2. Paral. 35.) laudum de Rege Josia prædicandarum: quòd tamen barbaro homini fidem non dederit, opportunè monenti, penè inculpatus exercitum amisit: regnum luctu ex inhumata sua morte consecuto confecit. Et non metuant peccantes sine modo, si in modico lapsi sic plectuntur? Ezechias cum aliqua opulentia

lentiæregiæ ostentatione Babyloniorum Legatis thesauros Domûs regiæ, ac scriniorum recluserat: atque ecce adest Êlias, qui terribilem Dei nomine sententiam fulminat, & regni excidium, & translationem thesaurorum in Babylonem prænuñciat. Neque ita multò post Nabuchodonosor Judæam subjugat, Regem cum filiis captivum transfert, regalemque familiam in mancipia atque Eunuchos commutat. Accuratas rationes Deus exigit à Regibus, quos cupit eximiè in justitia, & virtute fundatos; nec dissimulat, etiam cum leviter à recto exorbitant. Egerit Protogenè in Josia vindictæ acutissimam lineam proferendo, certè egit Apellem in Abimelecho, aliam interfecantem peritiori acie superinducendo. Visus in illo umbram formalis peccati acerbiùs vindicasse, in isto etiam materialẽ noxam, & vitij penumbram, quòd tamen speciem consummati sceleris præseferret, crudè est persecutus. Regnum Geraræ adierat Abraham, & sociam thalami Saram secum adduxerat (Gen. 20.) metuens, ne captivæminæ pulchritudine incolæ raptam illam facerent, se occiso; finxit Saram sibi sororem esse. Rex peregrinæ pulchritudinis sibi in thorum adsciscendæ cupidus, à satrapis commendatam adduci in palatium jussit. Neque aliud fuit, quod indignantem Regi, ac subinde huic populo Deum in acerba flagella utrique infligenda provocavit. Ferali morbo corripitur Abimelech. Pari ægritudine decumbit aula omnis: adest

adeſt ſub quietem de cœlo nuncius : & morieris, inquit, Abimelech, uxorem in domo tua habes alienam. Planè inexpectatum fulmen. Habebat intactam hanc peregrinam Abimelech; nec ſciebat nuptam ulli. Quare confidenter : ergo, inquit, peribimus, quia inſcij peccavimus? numquid non ille hanc ſororem ſuam, iſta hunc fratrem ſibi eſſe aſſeverabat? Puris manibus, & mundo corde ſumus operati. Tanta erat Regis innocentia! Non deſuit veritati Deus; atque juſtum pronũcians: Et ego ſcio, inquit, quod ſimplici corde feceris, & ideo cuſtodivi te, ne peccares in me, & non dimiſi, ut tangeres eam. Nunc ergo redde viro ſuo uxorem, quia Prophe- ta eſt; & orabit pro te, & vives: ſi autem no- lueris reddere; *Scito quod morte morieris in & omnia quæ tua ſunt.* Exemit à periculo ſimul omnem aulam, ac ſe Abimelech, poſtquam in- ſigni cum pietate, ac munificentia proſecutus Abrahamum, ac Saram, coſdem à ſe dimiſit. Prius tamen in documentum regnantibus factus, quantum debeant formidare, vel umbram peccati. Inculpatoſ omnino Reges, vult Deus eſſe, ne quos iudices conſtituit cæterorum, ulla ex parte veniant in opprobrium ſui officij iudicandi. Impegit in eundem ſcopulum Pharaon Rex Ægypti (Gen. 12.) ex eadem illic peregrinorum Abrahami, & Saræ occaſione. Sublata mulier ex commẽdatione pulchritudinis in aulam, ſtatim illuc

illuc flagellum intulit : quo Rex quantumvis in-
 sons à crimine, plagis maximis cum Domo sua à
 Deo castigatus fuit. Pestis, plagarum maxima, à
 Flavio Josepho immissa scribitur, cum seditio-
 num popularium comitatu. Philo Judæus ægri-
 tudines, cum doloribus acutissimis, atque die-
 rum pariter, ac noctium incredibili molestia in-
 flicta memorat. Ita umbra peccati vivam ul-
 tionem, imago delicti animadversionem seriam
 contulit, quâ culpa Regis, quomodolibet incul-
 pati ipsum & cum illo multos exagitavit. Quare
 Chrysostomus (hom. I. in Matth.) *Quicumque*
Regum placuerunt Deo, distius regnaverunt: quot-
quot autem malignè gesserunt, velociter & à regno,
& à vita cum amara morte præcisi sunt, & humi-
liavit eos Deus sub inimicis eorum. Quam memo-
 rabilem sententiam proculdubio à fortiori intu-
 lerit Chrysostomus, postquam observasset deli-
 carum Dei sensum ad exiguas quantumlibet um-
 bras delictorum à regnantibus suo splendori of-
 fusas. Exigit Regum conditio, ut qui in caput
 populi constituti sunt, eminentiam quoque vir-
 tutis, quam docent, profiteantur. Exigit Di-
 vina in eos munificentia, quæ illos vicarios suæ
 jurisdictionis, emblemata suæ magnitudinis, si-
 mulacra suæ potentiae constituit; ut non turpi-
 ter commaculent, ac decolorent adeo veneran-
 dam imaginem sibi impressam, neque indignè ob-
 scurent dignitatem adeo illustrem ex super in-
 ducta

ducta deformitate & maculis culparum. Celsitudo dignitatis mensura est virtutis, quæ Regem deceat. Concilium Ephesinum (t. I. c. 4. *Imperatorem Theodorum nuncupabat summa celsitudinis, & dignitatis umbraculum, & simulacrum*: certè non alterius, quàm Divinæ. Prudenter Alphonsus Rex Arragonum, is, qui Neapolim subegerat, eos aiebat, qui cæteris imperant, cæteris quoque debere supereminere virtute. Et Aristoteles existimabat, plus humano genio inesse oportere Principi: cum pastor armenti de armento non sit; & pastor populorum ab Homero vocetur Princeps. Orientales Barbari, atque ex prudentissimis Chineses eam ob rem solent Regem suum nuncupare *Thiencam*, hoc est, filium Cœli (Semed. p. 2. c. 14.) utique non propagine, sed merito virtutis, cuius eminenti, ac supramundano pretio adoptionem cœli consequatur. Immittit Deus in subditos, etiam ea de causa poenās Regij delicti, ne exemplo ad imitandum trahantur. Quare & proprio flagro, & verberare populi eruditus refrænatur Rex à licentia peccandi: ne duplici incommodo Regnum pessumdet; quorum alterum sunt plagæ ob delictum Imperantis metuendæ; alterum, ac priore infelicius imitatio prava regalis exempli. Nulla maior calamitas ab improbitate Principum in Remp. manat instructione peccandi. Hæc Principatum, & Imperiorum est ratio, teste Dama-

sceno (de Barl. c. 13.) ut exhibeant normam, cui se conformant suditi: qui prompto obsequio sequuntur, & amant, quod imperantibus novērunt placere.

§. IV.

Magna utilitas virtutum in Principe à subtractione mali exempli.

HÆc utilitas sit è præcipuis altera, quæ virtutem Principi suadeat, per quam occasio flagitiorum, ab exemplo improbi dominantis corroborari solita præcidatur. Tantâ sævitie malum Principis exemplum grassatur in subditos, ut morte immanior, non occidat tantummodo, sed & occisos supervivere in multam mortem faciat. Ita Gregorius (in pastor.) *Qui in conspectu populi malè vivit, quantum in illo est, eum, à quo attenditur, occidit; quanto igitur gravius, si is etiam imitetur.* Non est lues, non pestis sic afficiens, & contaminans communitatem; ut depravati mores in Rege. Continuâ serie à palatio in omnem domum, civitatem, ac provinciam virus diffundunt. Egregiè Velleius Paterculus. (l. 2.) *Non ibi consistunt exempla, unde caperunt; sed quilibet in tenuem recepta tramitem, latissimè evagandæ viam faciunt, & ubi semel à recto deerratum est, in præceps pervenitur: nec quisquam putat turpe, quod alijs fuit.*

fuit fructuosum. Saulem parcentem opimis, gregibus, atque inimico Numinis Regi Agag, prona ad imitandum populi studia in servandis similiter spolijs, ac armentorum gregibus; & captivis secuta sunt. *Et pepercit Saul, & populus Agag & optimis gregibus ovium, & armentorum, & vestibus & arietibus, & universis, quæ pulchra erant* (1. Reg. 15.) Primus ad flagitium Rex, deinde in vestigia populus. Ab alto proclivior, tanquam saxum in subjectas valles, labitur malitia. Et à capite juxta adagium Græcorum putrescit, ac putet piscis.

Cum primum Joas teste Josepho (1. 9. antiq. c. 8.) curam Religionis, & reverentiam Numinis dimisit; illico à satrapis, & primoribus regni desertæ aræ, & via facta, ut solet, exterminio, De Manasse refertur (4. Reg. c. 21.) quòd impietatibus suis provocaverit universum Judam ad parem turpitudinem vivendi. Quorum causam tangit Lactantius (4. Inst.) *Quoniam mores, ac vitia Regis imitari, genus obsequij indicatur, abjecerunt omnes pietatem; ne exprobrare scelus Regi viderentur, si pie viverent.* Ut solsequium se gyrat ad motum sui syderis; ita prosequitur subditus, pari passu antecedentem Principem vivendo. De Ptolomæo Rege Ægypti refert Justinus, primum illum extulisse signum protervæ licentiæ, in cujus castra omnis postea regio convolvavit. Monchant Pharaonem satra-

pæ (Excd. 10. 7.) ut condescenderet in protectionem Israëlitarum, cò quòd, ut aiebant, jam propè perierit Ægyptus. Ibant ipsi proceres, & conquistum Moysen cum fratre sollicitè introducebant ad Regem: simulque aderant optatam peregrinationem pro populo electo impetraturi. Annuit protectioni Rex: sed propè nihil concessisse visus, quando exoratum iter novis exceptionibus statim limitavit. Regis volubiilitatem pari Protheo complexi sunt satrapæ, statimq; ejecti sunt de conspectu Pharaonis Moyses, & Aaron, ipsis ad expellendos nunc fratres manum commodantibus, qui paulò ante ad palatium officiosè deduxerant.

Potentissima est vis exempli Regij. Impellit ad imitationem quâdam specie obsequij. Præsto sunt adulatores, qui Principem, etiam in probro imitari, justum putant. *Imperatoris colluvio lex flagitiorum est*, inquit Hegesippus (l. 2. de exc. Jeros. c. 5.) & Quintilianus. (decl. 4.) *Hac est conditio Principum, ut quidquid faciant, precipere videantur.* Armiger Saulis ad inferendas sibi manus alio argumento non eguit, ubi Regem conspexit sui ipsius interfectorem. Testatur Ælianus, Macedones à temporibus Alexandri Magni ex ejus exemplo longè arrogantiores in moribus evasisse. Tantum hujus Principis in populo autoritas, ceu siderum in sublunaria influxus, valuit; ut non modo illius mores, sed

sed & habitum corporis imitarentur: ideoque cum aliquantum obtorto collo incederet; nemo erectus spectari voluerit. Decumbebat in Hispania à febris Carolus V. ordinaverant medici, ut cæsariem levando capiti, deponeret: manavit consilium Medicorum in aulicos etiam valentes: omnes cæsariem posuere: non necessitatis, sed studij causâ conformandi se per omnia suo Principi, mansitque pilus deinceps minutior; donec nostris primùm Imperatoribus cirri, & prisca capillamenta reverterentur. Stultior fuit adulatio Æthiopum, qui processerunt ad incisionem corporum, ne à Principis similitudine recederent. Si oculo ille caruisset, non erat, qui oculum nollet perdere: si mancus esset; non erat, qui brachio ferrum admoveere refugeret: claudicabant in vestigia claudicantis. Obstupefendum illud ex Suida, quod Imperante Theodosio, cum eunuchus esset Eutropius, qui in aula plurimùm valebat, gratiæ apud hunc demerendæ causâ plures excindi se, cum jactura barbæ, atque etiam cum discrimine vitæ fecerint. Ratio tam præcipitis studij in Principe imitando tangitur à Tullio (ep. ad Sulpit 4.) *Quia vulgus, quod exemplo, id etiam jure fieri arbitrantur.* Exitiosa sanè res est malitia imperantis. Liberrimis alis involat in oculos, animosque subditorum. Inde primùm vulgata peccandi licentia: deinde modus, & ratio improbitatis auctoritate



thoritate publicâ firmata : demum per adulationem laudantur scelera in obsequium Principis, ac transeunt in legem.

§. V.

Principum probitas, magna Regnorum utilitas.

UTi damna avertere, ita conciliare emolumenta Regno solet Probitas Principis. Ejus flagitia provocant Dei flagellum : ejus virtus accumulât in commune beneficia cœlestia. Per Davidis Sanctitatem prosperatum fuit regnum Israël in eam majestatem, & gloriam, quæ tempore Salomonis in summum apicem evecta refulsit. Per Ezechiae probitatem obsidione soluta est Hierosolyma, quæ premebatur à Sennacheribo : imò producta in regionem Philistinorum potentia, & excussum jugum Assyriorum. Levabat intaminatas manus in cælum Princeps, & auxiliares inde copiae convolabant. Ita habent Sacrae litteræ (4. Reg. 18.) *Adhæsit Domino, & non recessit a vestigijs ejus, fecitq; mandata ejus, quæ praeceperat Dominus Moysi: unde & erat Dominus cum eo, & in cunctis, ad quæ praecebat, sapienter se agebat.* Per Samuelis pietatem Principis in Israël, ac Judicis affluebant victoriae portentosa. Per Gedeonis integritatem expugnatus

pugnatus Chananæus, & fundata Hebræorum Respublica. Debuit Moyfi, suo duci, populus ab Ægypti servitute in libertatem assertus, quod is amicus Deo fuerit, ne omnino periret, toties Numini tumultuosus ac rebellis, & promeritus centies internecione deleri. Probitas Principis anima est populi, quâ stante non habet iste, unde metuat ruinam. Virtute Josaphati Judæa à circumfusus hostibus triumphavit, ne nudato quidem gladio victrix. Spes, & fiducia Abiæ super divino adjutorio, pugnavit in octingenta millia, cæsis in acie quingentis millibus inimicorum, & dilatato per victoriam adeo palmarem imperio. Ditavit pari virtute Rempubli- cam Rex Asa deleto exercitu Æthiopum, myriadem superante, & trecentis falcatis curribus instructo. Dicitur non potest, quæ emolumenta Hispaniæ contulerit probitas Ferdinandi Tertij Regis: undique affluebat opulentia; undique victoriæ, ac triumphi recenscebantur. Levi manu in compendio perstrinxit gloriosissimi Principis encomia. Ernandus Perez Guzmannus, dum ait: voluisse divinam bonitatem correspondere benefaciendo Sanctitati hujus Principis, dum totis triginta quinque, quos ille regnavit annis, non audiit famem, aut pestem per Hispaniam memorari. Liberalis æquè ad præmia conferenda Deus est, ac potens ad infligendas pœnas. Æquè manus illius extenta ad misericordiam,

cordiam, ut districta ad justitiam. Uti solet ob delicta Principis regna atterere; ita consuevit ob virtutes Regum eadem impensius benedicendo condecorare. Non considerat Deus Regem, ut hominem privatum, sed ut personam publicam repræsentantem subditos. Flagitia Regum, flagitia capitis, quæ, ut & virtutes capitis redundant in membra. Providentia Divina Regna æstimat, ut accessorium Principis; quare ad merita & demerita sui Principalis ea cælitus gubernantur. Accuratè Deus attendit, quid Reges agant, ut secundùm benefacta dimensam felicitatem subditis dispenset. Proinde beatos dixeris, quibus Rex probus obtigerit. Præclarè Coelestinus Papa Theodosio Imperatori. *Subsequuntur omnia proffera, si primitus, quæ Deo sunt chariora, servantur. Abraham fide floruit, omnemque orbem fide sua prosperitatis implevit. Moyses populi liberator zelum Domini contra eos, si quos à Divino cultu recessisse probârat, armavit. David Regem sua præcepta servantem in regno, ut ille inimicos subderet, Dominus custodivit.*

S. VI.

*Incomparabile bonum Reip. est exemplum
probi Principis.*

NEcdum patuit exaggerata utilitas, quam bono communi confert probitas Principis.
Minus

Minus est ampliari regnum; quàm ad bonam frugem componi: minus est Divitem opibus facere Remp. quàm virtutibus locupletare. Pretium sine pretio pretiosissimum confert in emolumenta publica exemplum Imperantis. Ut vitia Dominantium corrumpunt populum, sic virtutes instruunt. Verissimè in persona Theodorici pronunciat Cassiodorus (3. var. cap. 12.) *Facilius est errare naturam, quàm dissimilem sibi ut possit princeps formare Rempublicam.* Consonat Plinius (in Paneg.) *Flexibiles quamcunque in partem ducimur à principe: huic enim chari, huic probati, esse cupimus, quod frustra speraverint dissimiles: nam vita Principis, censura est, eaque perpetua: ad hanc dirigimur, nec iam imperio opus est, quàm exemplo.* Valde observandum, quàm immobili pede iverit Judæa in vestigia suorum Dominantium. Cum rectè euntibus servabat lineam, quam depravabant cum errantibus. Erat gens cedro digna, cùm imperaret David, Josaphat, Ezechias, Josias. Horum mores formabant populum. Alternantibus deterioribus, declinaverunt in flagitia, juxta raptum primi in terra animorum mobilis, qui Rex est. Rem omnino miram! æquè probos non extitisse Hebræos, cùm eisdem insignes Prophetæ, & Sanctissimi Divinarum legum interpretes adessent: At cùm probi Principes clavum tenuère, fuisse mirum in modum Religiosos! nempe plus ponderis



deris ad vitam ritè componendam dat Principis exemplum, quàm conciones, & miracula Prophetarum. Regnante Ozia, abundabat Judæa choro Prophetarum. Aderat Isaias, Joël, Abdias, Amos, Michæas, Jonas; nec tamen fuere tum, nisi tempora flagitiosissima & dissoluta quàm maximè, Nempe non suppetebat exemplum Principis, qui unus plus centum Prophetis in mores influit. Experiebantur Prophetæ plus in populo valere ædificationem profectam ab aula, quàm concionem intonatam à cathedra. Luctabatur cum Idololatria, ac vitij Isaias regnante Achabo, & Manasse; sed ludebat operam: vidit expugnata utraque Ezechia Imperante. Elias, atque Eliscus incassum fatigabantur ad conformandum legibus Divinis Israël, non vitæ austeritas, non ardens Zelus, non eximia Sanctitas, non calentissimæ preces, non impetrata de Cœlo in obluctantes prodigia, non miraculorum multiplicitas ad emendationem gentis proficiebant: momento Josaphat & Josias ad probitatem imperium composuere, reductâ pietate, instauratâ Religione, quodque mirandum est, absque adminiculo prodigiorum.

Supra miraculorum efficaciam valet exemplum Principis: qui si virtutem colat, magno miraculo par est. Redibat è Scotia S. Columbanus, in qua viderat Regem, vitæ exemplo ad legum divinarum normam composuisse totam ferocissi-

mæ



mæ tùm gentis regionem. Rogatus quid prodigiorum ibi spectasset: maximum miraculorum, inquit, & præstantius universis Rex Scotiæ Convallus est. Ipse virtutum suarum lampade, & odore exempli reduxit ad legum Sanctorum orbitam latissimè nuper deviantem à recto populum. (Boët. l. 7. hist.). Recte Pindarus. *Rex est ingenium & mores hominum*, Nam quo ipse genio, quibus moribus, quo studio quantumvis arduo se gerat, subditi gregatim consequuntur. Ut Hebræi ad divinam opem implorandam per jejunia, ac preces confluerent, suffecit Mardochæum populi principem ab Esthere designatum prorupisse in publicum, indutum sacco, & opertum cinere. (Ester. 4.) Nihil ad vocem Jonæ sunt commoti Ninivitæ, atque ad prædicationem permanserunt surdi, donec primum ad seriam de flagitijs pœnitudinem inflammarentur à Rege: qui cilicio indutus, ac ruinam urbis deprecans per susceptam inediam, & afflictationem corporis modum monstravit, quo tandem placandum Numen esse, ut contigit, speraretur. Esdras ad luctum, & planctum universam gentem promovit; ubi prior ipse dignitate, prior quoque exemplo pœnitentiæ signa publica, non convocatione, non adhortatione, sed facto suo præmonstravit (1. Esd. 10.) hac arte in reprobrum sensum abusus Nicanor (1. Mach. 4.) ut persuaderet populo impietatem, sat

fat egit Raziam Principem habere in potestate, quem si circumvenisset, impulissetque ad idola, nullo negotio superstitionem toti provinciæ intulisset, exemplo Raziæ certius quàm decretis, imperijsque Antiochi permovendam. Validissimam legem esse pronūciavit Socrates, mores imperantium : validissimam, inquam, quòd ad ardua quæque, quòd compellere leges nequeunt, Regum exempla subditos, non modo obligent, sed, & necessitent. Compulsus ad famem ac sitim tolerandam fuit exercitus à Davide, quando desideratam de cisterna Bethlehem aquæ portionem, non modo non libavit, sed & coram Domino effudit; ita compescens exemplo voluptatem, cæterosque ad ferenda militiæ onera, atque incommoditates provocans. Consecutus est Cato tam laudabilis abstinentiæ parem fructum; quando in communi exercituum siti propinatam sibi à milite lympham projecit; ne impatiens ipse acerbæ molestiæ, minus patientes haberet legiones ad similem penuriam. Occidit ipso facto sitim universorum, inquit Lucanus; fuitque Imperatoris exemplum militi pro oceano aquæ dulcis, Abstinebat à vino Joannes III. Lusitaniæ Rex, & abstēnios fecit aulicos; pro delicijs blandi liquoris potandos dulcissimo Regis exemplo. Suadebat Rex David! Ethai Gethæo. Heri venisti, & hodie compelleris nobiscum egredi? cur venis?

revertere,

revertere, & habita cum Rege; quia peregrinus es. Sed non adeo imbellis animi Ethai: vivit, inquit, Dominus & vivit Dominus meus Rex; quoniam in quocunque loco fueris, Domine mi Rex, sive in morte, sive in vita, ibi erit servus tuus. Noluit Urias descendere à palatio in Domum suam; non refici cibo, & potu domestico, recogitans, quòd Princeps regionum armorum Joab habitaret sub papilionibus, & incommoda terræ, inclementiamque aëris perferret; atque ita illicitum redderet omnem succenturiato militi voluptatem. Profuit generositas Jonatæ in tela & enses obuios, per præruptum iter ad trecentorum millium castra hostilia penetrantis, ut armiger contemptis, quæ ante oculos obversabantur, periculis alacriter Regium Principem consequeretur: potiori calore, quàm quem mille mortes impedire possent, sibi infuso ab heroica adolescentis Regij antecendentia. Quare Concilium Parisiense Regibus quàm efficacissimè inculcandum proposuit: ne exemplo bono ad subditos unquam deessent. (l. 2. c. 1. p. 799.) Rex à regendo nomen habet: Primum se, deinde aulam à vitijs purget: & in virtutibus studeat, quam locupletissimè per gratiam Dei abundare: exemplo bono subditos instruat: præcepta Christi salutaria fideliter, & obedienter adimpleat. Bonum operando efficiat, ut ij, quos gubernat, pacem
ament,

ament, concordiam, & charitatem foveant; & sanctis operibus Deo cooperante abundant: dictis & factis diligenter advigilet, ut universi pietatem, justitiam, & misericordiam colant: demum observet super his omnibus Deo fore rationem aliquando reddendam.

Regia virtus, est machina Archimedis, quâ ab uno homine adducitur solius impulsu digiti moles, quam viribus centuplicatis non emoveant â centro quàm plurimi. Archimedis postulatum fuit: *da locum, ubi pedem figam, & terram movebo.* Obvium Principi hoc artificium est: nulla difficultate, tanquam ad motum digiti, mundum cui imperat, impellit. Quod Prophetæ comminationibus, quod concionibus â pulpito hortatores, quod viri Sanctissimi austerioris vitæ professione non evincunt, virtute sua Rex probus efficit. Audeo dicere, quod efficacius quidpiâ virtuti regiae insit quàm Zelo Apostolico. Scimus Apostolos non adduxisse Imperium Romanum ad ovile Christi: unus tamen Princeps adduxit. In Ecclesia primitiva tot fulsere viri illustres, tot inclyti â sanctimonia, tot â miraculis clari, plus omnibus tamen illi contulit Constantinus Imperator. Præstitit maxima hic princeps, non fusâ vel guttâ sanguinis, non exhaustis ullis molestijs, vivens inter aulæ commoda, atque in personæ eminentissima Majestate. O rem deplorandam! Tanta potest Princeps:

Princeps, tanta cum facilitate, cum nullo, quod reformidet incommodo; negligit tamen! & subsidia, quæ conferre potest in commune, vertit in detrimenta. Princeps primum mobile est populi; rapit secum inferiora astra omnia. Primum mobile est regula temporum, Rex actionum humanarum in Republica. Sed regulando alteri objecto non profutura est regula, nisi à quavis obliquitate ipsa primum recesserit. Præclare Plutarchus: *Quemadmodum oportet, ut ipsa regula primum recta sit, nihil habens obliquum; deinde reliqua sibi admixta, quatenus sibi congruunt, exaquet: consimili modo Princeps; postquam Imperium in seipso paraverit, ac direxerit, vitamque suam composuerit; tunc debet sibi applicare eos, quibus imperat. Nec enim cadentis est, alium erigere, nec ignorantis docere, nec incompositi componere, nec ordinare inordinati; nec imperare ejus, qui non paret imperio.*

§. VII.

Principis probitas plura confert commodis Republicæ, quàm bonæ leges.

EXempli Regii utilitas, cum utilitate legum comparatur. Felicem dicimus Rempub. cui bonæ leges sunt, feliciter dicere oportet, quæ nacta est principem exemplarem. Plus confert in commune laudabilis vita imperantis, quàm

quàm sanctissimæ leges Lycurgi , aut Spartaë. Et Lycurgi modestia Lacedæmoniorum. Remp. efficiaciùs composuit , quàm statuta , quæ moderandæ illi condidit. Ita Justinus (l. 3.) Lacedæmoniis leges dedit Lycurgus , *non inventione earum magis , quàm exemplo clarior*. Siquidem nihil lege ullâ in alios sanxit , cujus non ipse in se documentum daret. nempe

- - Componitur orbis

Regis ad exemplum : nec sic inflectere sensus

Humanos edicta valent , ut vita regentis.

Mobile mutatur semper cum Principe Vulgus.
(Claud. 4. Conf. Honor.) Quæ sanctionibus multiplicatis non impetrarunt , solo sæpe Reges exemplo effecerunt. Ut Imperator Severus , ac Julianus compescerent exorbitantias sumptuum popularium , post pragmaticas , & edicta , quibus nihil profecerant , suo sunt , quod subjunxerunt , exemplo consecuti. (Ammianus l. 16. Pari arte Vespasianus pristinos mores , & severiorem cultum , proscripto luxu , in urbem retulit. Præcipuus enim adstricti moris cultor Vespasianus fuit , antiquo ipse cultu , victuque : Obsequium inde in Principem , & æmulandi ardor validior , quàm poena in legibus , & metus. (Tacit. Ann. l. 8.) Alexander magnus prohibiturus licentiam & stultas profusiones , quæ irrepperant in militem , abstinuit à legibus : prior ipse temperantiam ac moderationem est professus. (Curt. l. 3.)

l. 3.) Atque hinc axioma celebre Jurisconsulti (Macer. in l. off. ff. de re milit.) *officiū regentis exercitum; non tantum in danda, sed etiam in conservanda disciplina consistit.*

Plurima sunt, quæ legibus adverfantur. Illas tempus oblivione sepelit; illas earum multitudo obruit; illas frequens mutatio à debita veneratione deijcit; illas protervi mores relaxant; illas negligentia ministrorum enervat; illas conniventia superiorum irritat; illas audacia, atque impudentia subditorum proterit. Accidit denique quod notat Tacitus (3. ann.) ut Reip. ipsi fastidium tandem creent, simile illi, quod olim flagitia intulerunt. Indubitatum est autem quod ad constitutionem, emendationemque Reipublicæ opus pragmaticis non sit futurum, si in quo virtutem impetrant Reges, etiam obtemperent. *Non tantum legis mutatio profuerit, quantum consuetudo eis non parendi nocebit.* (Arist. 2. pol. c. 6.) Leges, ubi in contemptum ex defuetudine venerunt, vastam morum ruinam faciunt, quam si reparare per nova statuta contendas, non subtrahes, sed congeres materiam, in quam populus irreverentiùs transgrediendo bachelur. At Principis exemplum adeò venerabile existit, ut adorationem nunquam deperdat, neque incurrat contemptum legum, mortuis duntaxat ab apicibus vociferantium.

Habeatur itaque & istud pro emolumento regalis

galis exempli, quod viva voce præcipiat observantiam virtutis. Viva lex est actio Principis, potentior lege scriptâ, mortuâq;. Theodoricus animam propositæ abs se constitutioni daturus: *Volumus*, inquit, *hoc exemplum in nostris prædijs inchoâre, ut nulli gravis sit iussio, quæ constringit & Principem.* (l. 5. c. 18.) Sumptuarias leges vulgaturus Vespasianus Imperator, moderatione prius assumptâ fecit authenticas. Quare Livius. (l. 1.) *Si quid injungere inferiori velis, id prius in te, ac tu ostende, sic facilius omnes obedientes habebis.* Chinenfium Monarcha Tunchim (Semed. p. 3.) populares suos ad agriculturam persuasurus, positâ majestate manus aratro applicuit, & sulcos duxit. Vilescit lex, cujus oneri subtrahit humeros Princeps. Non persuadet oratio, cui authoritatem non addit operatio Dominantis. *Nec potest habere authoritatem sermo, qui non juvatur exemplo: cum iniquum sit bona præcipere, & talia non fecisse.* (Cassiod. l. 11. ep. 81.) Adhæc legum universalium in populo authoritas constabilitur, si earum vel una observetur à Principe. Consentit ad omnia sancita populus, quando vel in aliquo habet Principem præcuntem. Si non singula æquè imperans adimpleat, consequitur tamen benigna in favorem Dominantis interpretatio. Præsumunt subesse causam, credunt intercurrere defectum, gloriose in alijs compensandum. Confidunt ma-
jora

jora promitti per usurpatam contra vulgares observantias licentiam. Disputant Theologi cum Jurisconsultis : num proprijs legibus Principes teneantur ? Jus Imperiale docet solutum esse à legibus Principem. Substistet ea opinio, si ad mentem effati Apostolici intelligatur : qui docet ; justo, non esse positam legem. Quare hoc privilegium competet Principi ; sed justo. Liceat omnino ex gloriosissimo titulo, justì, eximi imperantem à legum onere : ex quo scilicet ad celsiora virtutum opera sollicitatur, quàm quæ legibus possent imperari. Inutilis omnino foret legem stimulus illi, qui inclinatione voluntatis eò jam agitur, quò necessitate sanctionum cæteri pertrahuntur.

Ut Princeps ad id fastigium pertingat, magna illi integritate, ac virtute est opus. Nec tamen adhuc abesse vult Deus vim exempli ; quo concomitetur factò communem observantiam. Sæpè ingentibus periculis se implicuit Moyses per errores admissos, vix aliquando culpabilis. A Madianitis mandante Deo proficiscebatur in Ægyptum cum filijs, ac familia. Motus asperitate itineris, & operis periculo distulerat circumcidere Eliezerum natu minorem, adhuc lactentem. Videri poterat vix in legem peccasse : quando multitudo tota Hebræorum quadraginta annorum spatio postea per desertum deducta simili de causâ parvulorum circumcisio-

nem omiserat, non indignante, non exprobrante Deo, minùs exigente compeniam pro intermisso obsequio. Occurrit nihilominus Moyfi itineranti, in diversorio Dominus, & volebat occidere eum. Notant Interpretes, causam irati Numinis in Moysen, & placationis in reliquam gentem eam fuisse, quod ipse in populo constitutus Princeps vacasset ab exemplo legis adimplendæ. Oportebat illum cum dispendio quolibet procurare executionem mandati Divini; quodque conveniebat in cæteris dissimulari, in Duce nequaquam visum est, fuisse à periculo correptionis, ac poenæ infligendæ liberandum. Mensura alterius, & regula, debet esse in suo genere præstantissima, atque indeficiens. Regum vita stat in ideam, ac normam, cui virtus & observantia populi conformetur: quamque propterea sit necesse nulla ex parte deficere. Sibi & alijs perfectum esse Principem convenit. Imo teste Basilio (orat. 20.) perfectio Principis non tam propria ipsius, quam communis omnium esse debet: nempe singulis per exemplum communicanda. Transumptæ duntaxat populorum virtutes sunt; præstantius in autographo regio, ut resplendeant, oportet. Princeps simulachrum est, cuius lineamenta corporis, animique subditorum quisque intra se efformat. Plures subditi, plures pictores sunt, qui ad unum exemplar Principis intenti transferunt in suos animos inorum, ac vitæ imperantis similitudinem.

Nec

Nec tamen quidquid virtutis expresserint, æquabunt adhuc illam, quæ in Principe residet, nempe fontem, ac magistram communicatæ perfectionis. Nam ut Xenophon (l. Cyrop.) *Principis est, non solum præstare solùm, verùm etiam curare, ut subditi quàm optimi sint.* Ciceroni non est magna laus Regem hominem esse frugì: utique, quia insuper excellere in virtute, atque eam diffundere in subditos illum convenit.

§. VIII.

Vt Exemplum Principis sit utile Reip. debet illud à vera Virtute proficisci.

Utilitas exempli; quam præstat bono publico Princeps, fundata esse debet in substantia, non in apparentia virtutum. Absit, contentam esse sola superficie compositionis externæ; si internum robur ac firmitas conscientiae desit. Decipietur quàm maximè Rex, qui hoc pacto decipere cogitat Rempublicam. Procul à vitijs abesse proponat, non ea tantummodò teneat palliare. Equidem si non tollatur, saltem expedit improbitatem occultari: longè tamen fructuosius est omnino carere malitiâ, quàm nequiter eandem dissimulari. Impossibile

verò est scelera imperantium ex toto tegere. Ita tunc suo Neroni Seneca, (l. 1. de Clem. 8.) *Tibi non magis, ac soli latere contingit, multa enim circa te lux est; omnium in istam conversi oculi sunt: prosequitur Claudianus (l. 4. Conf. Hon.)*

Hoc te praterea crebro sermone monebo,

Vt te totius medio telluris in orbe

Vivere cognoscas; cunctis tua gentibus esse

Facta palam; nec posse dari regalibus usquam

Secretum vitij. Nam lux altissima sati.

Oculum nihil esse finit, latebrasq; per omnes

Intrat, & obscuros implorat fama recessus.

Concordat Plinius Junior in Panegyrico. *Habet hoc primum magnæ fortuna, quod nihil secretum, nihil occultum esse patiatur. Principum verò non modo domos, sed cubilia ipsa, intimosque recessus; omniumque arcana noscenda fama proponit, & explicat.*

Regium exemplum gradatim in omnem regionem diffunditur. A persona imperantis transit in Palatinos, & aulicos, à Palatinis in cives, à civibus in reliquam regionem, & populum omnem. Quare Theodoric. Rex apud Cassiodorum (l. 10. Ep. 5.) *A Domesticis, inquit, volumus inchoare disciplinam, ut reliquos pudeat errare, quando nostris cognoscimur excedendi licentiam non præbere.* Cohærent dictis ea, quibus à Concilio Aquisgranensi Ludovicus Pius Imperator admo-
mum

mun vestram venerabilem semper esse, & exemplarem: atque ut fama boni vestri nominis plenè complectatur subditas imperio vestro gentes, simul ac exteras. Congruum nempe est, cum ad vos confluant populi, ut extinguant dissensiones, ac discordias mutuas, refrænentque per auctoritatem Imperialem omne nefas; ne reprehensione digna opere mini, cui incumbit emendare delicta Vasallorum. Pari cum energia Arnulpho Imperatori inculcat concilium Moguntinum: *Semetipsum, suamque Domum ab operibus nequam emaculet; bonisq; operibus exuberare faciat, ut ab ea ceteri exemplum semper capiant.* Illis primum, qui regio lateri adstant impensior vis exempli est conferenda: ab his enim dimanat institutio in cæteros, ut ex injecto in stagnum lapide formantur circuli ex circulis, atque latius diffunduntur. Hæc erant studia magni Davidis. Ita ipse de se testatus: *Perambulabam, inquit, in innocentia cordis mei in medio Domus mee.* (Ps. 100.) Ab illo in proceres; ab his in viciniam omnem bonus odor virtutis manabat. *Non adhaesit mihi cor prævum: ambulans in via immaculata hic mihi ministrabat: non habitabit in medio domus mee, qui facit superbiam.* Ita virtute à capite in omne membrum diffusa facilè fuit eniti in eam laudem, ut testimonium haberet viri secundum cor Dei. Similia meditatus Senator Prætorianus apud Cassiodorum (l. 11, Ep. 8.) pronunciabat.

ostendimus in nobis, Deo juvante, continentiam, ut eam militibus sine pudore imperare possimus.

§. IX.

Pretiosa virtus Principis à laureola speciali in cælo, quam promeretur.

Quam pretiosa sit in Rege virtus, atque exinde quanti meriti, ex eo liquet, quod Divinum aliquid præferat, quia natum utilitati communi. Nam suffragante Angelico Doctore, tantò divinius, atque æstimabilius est bonum quodlibet, quantò universalius, & diffusum magis in plures. Quare meritum Principis non est singulare, sed æquipollens quamplurimis. Quod si Apostolorum merita transcendunt pretio multa Ascetarum, & Anachoretarum opera; certè virtutes Principum, quæ promovent bonum commune, inter Apostolicas erunt numerandæ. Disserebat super imitatione conversationis Apostolicæ concilium Moguntinum temporibus Caroli Magni, dicebatque quod nihil ita hanc imitationem pariat, quam si ita vivat aliquis, ut bonum eius in commune proficiat, atque universis meliora provideat. Nescio, quid affine magis descriptioni virtutis regiae dici possit: nescio quid ad gloriam consecutæ imi-

imitationis Apostolicæ aptius inveniatur probitate dominantium. Magni meriti fuerunt opera Isaïæ ad conversionem Judææ impensa; majora erunt Regum complurium, qui in populis longè pluribus, plus Prophetis non paucis ad promovendam virtutem profecerunt. Omnium operum Divinorum divinissimum esse docet Sanctus Dionysius, cooperari in salutem animarum. Non est supra dignitatem regię virtutis, quod vocetur Divina, & divinissima; quia ad morem divinitatis augent Reges in populo probitatem, unde salus comparatur: & quia ratio boni communis Divinum aliquod est opus, cui conservando se impendunt boni Reges. S. Chrysostomus cum Doctore Angelico pluribus in locis conferunt ad invicem virtutes eas, quæ sunt ad alterum, cum cæteris, quæ privatam personam perficiunt. Amborum pronunciatum est, prævalere dignitate, & merito virtutes, quæ feruntur in utilitatem proximi: Inferiora istis esse opera vigiliarum, jejuniorum, vitæ austeritatis, & mortificationis corporum. Addit D. Thomas, prævalere illas actibus virtutum eminentiorum, ut contemplationis, & Religionis, è quibus sunt, frequentatio chori, psalmodiæ, ac cæterorum eiusmodi. Jam verò virtutes regię non modo, pluribus, sed & universis proficue sunt. Necesse itaque fit, eas plurimum estimare, & plurimum meriti comparare, conferendo

do in publicum vitam exemplarem, rigore Justitiæ, zelū boni communis officio Principis correspondentem, atque in supra allegatis concilijs declaratur. Conficitur etiam, inferioris meriti opera facere hominem arduam quamvis Religionem professum, quantumvis prolixo choro adstet, incedat nudipes, operiatur sacco, jejunia & flagella frequentet. Sine exaggeratione locutus fuit S. Franciscus Borgia, quando Carolus V. Imperator, idemq; pius Princeps, religiosissimo illi viro collocutus affirmaverat; dolere se, quod ad mortificationem corporis captandam, ut desiderabat, non posset decumbere vestitus: respondit enim vir Apostolicus: Domine, noctes, quas olim sub dio, & in castris pervigilavit Majestas vestra, nunc indormire vestitum non patiuntur. Beneficij autem divini est, quod per molestias pro Ecclesia Dei exantlatas in militia plus comportaverit antea meritorum, quàm insepulti cilicij Religiosi multi ex suscepta vitæ austeritate possint obtinere. Animadvertat itaque Princeps utilitatem ex virtute sibi potiore cæteris evenire. Quantò enim fructuosior ea manat in commune, tantò amplius meritorum arrogat Principi: & meritum tantò celsius provenit; quantò est proficua magis actio universis.

Non omittam, quod tradit Chrysostomus. Ejus omnino pretij esse virtutes Principum, ut excedant gratias, & dona miraculorū propter efficaciam, quàm
habent

habent in subditos, quos exemplo suo flectunt ad rectitudinem competentem. Affirmat D. Thomas (2.2. quæst. 124. a. 3.) quod conatus ac studium ad probitatem, & virtutes Christianas proximum inducendi (quod proprium est munus Principis Christiani) si speciem virtutis attendas, sit actio præstantior martyrio. Martyrium quippe ad fortitudinis virtutem pertinet; procuratio autem boni moralis & spiritualis in proximo pertinet ad virtutem Charitatis, quæ principatum sine controversia tenet inter omnes virtutes.

Æstimet itaque semetipsum Princeps. Erigat in sublime cogitationes ad celsitudinem sui muneris, & requisitarum illi rectè administrando virtutum. Consideret in quo apice perfectionis conditio Regum subsistat. Summum Christianæ Sanctitatis est, zelare honorem divinum, expugnare scelera, & promovere virtutes. Hæc occupatio est Christiani Principis, dignam factura contentionem de præeminentia perfectionis cum quolibet laudatissimo religioso instituto. Major certè perfectio inest curæ, ac sollicitudini Christiani Principis, per quam vitia removentur à populo, & gentes legi Divinæ conformantur, quam operibus sanctioris cujusque Anachoretæ, aut religionem asperrimam viventis cœnobitæ. Distinguit D. Thomas inter perfectiones statuum religiosorum. Alij profitentur vitam activam exercendo opera misericordiæ

cordiæ corporalia, qualia sunt procurare redemptionem captivorum apud infideles; aut ministrare infirmis: Alij profitentur vitam contemplativam, quæ considerationi vacat rerum divinarum, earumque laudibus in choro & psalmodia deservit. Utrisque præstantiorem esse affirmat illam religionem, quæ occupatur in removendis ab eo peccatis, seu in salute animarum procuranda. Hæc ipsa est obligatio, & occupatio officij regalis, cum ea insuper prærogativa, quod Rex in propria persona præstare longè plus possit, quàm integra quæque religiosa communitas, imo quàm conspiratio in eundem finem omnium Religiosorum.

Atque hinc specialis gloriæ ducitur argumentum, quæ muneri Regio debetur, nempe laureolæ in cælo super cæteras non una ratione illustrioris. Communem aio esse laureolam Doctorum, Apostolorum, ac Regum ob impensam parem operam, pro ratione non dissimilis officij curæ animarum à faucibus orci revocandarum. Ternas tantummodo laureolas cum D. Thoma enumerant Theologi (in addit. ad 3. par. q. 96. art. 11.) quas vocant speciales coronas & præmia, conferenda in cælo ijs, qui cum incomparabili victoria decertarunt in terris adversus cacodæmonem animarum hostem. Ut autem triplici quasi cerbero armatur infernus adversus animam, nempe carnis, mundi, ac Dæmonis

monis illecebris, atque insultibus; ita triplex consequitur victorem laureola: una virginum, ob animam à voluptatibus carnis servatam immunitatem; altera Martyrum, ob contemptam vitæ, commodorumque terrestrium spem, adusque profusionem sanguinis pro Deo, & veritate: tertia Doctorum ob triumphatum, depulsumque dæmonem à propria & aliorum infestatione. Partis huius postremæ exercitationes sunt, illuminare gentes per saniora consilia, & doctrinam orthodoxam, atque ad virtutis, morumque Christianorum prosecutionem exemplo invitare. Nemo hanc laureolam Regibus negaverit, si munere suo cum laude fungantur. Illi salubritate legum, ordinationum efficacia, ac vi mandatorum legitimè promulgatis, atque executioni strenuè exequendæ propositis, quavis earum vivacius impellunt ad virtutem. & proscribunt obstantia vitia, salutemque subditorum, promovent; magis etiam quàm audere præsumant mille Doctorum calami, & lucubrationes in idipsum intentæ.

D. Chrysostomus Nabuchodonosorem fecisse opus Evangelicum pronunciavit, quando, ut sit Barbarus Princeps, per edictum tamen publicum habendam Deo vero venerationem imperavit. Munus sacri concionatoris fuisse executus videbatur. Nec defuisset merito Apostolico præmiu

mium condignum ; nisi cum superbia reliquorum vitiorum vulgus vultum imperfecti operis plane oblitterassent. At Princeps Christianus cætera virtuti deditus, si exemplo & Pragmaticis mores in populo salutare fundet, atque intra legum limites contineat Remp. non modo actionem Evangelicam patrasse, sed laureolam Apostoli consecutus ex imitatione virtutis jure censetur. Recardo Regi, qui universam Hispaniam ad fidem Catholicam adduxit, rem pluribus antea viris Apostolicis attentatam, sed minime perfectam, hujus laureolæ honores quisque obtigisse præsumet. Ejus erant illæ voces in tertio Toletano concilio plenæ spiritûs ardentissimi, quibus profitebatur; curarum regiarum primas partes esse, ut subditos ad res æternas, atque cælestes erigant. Idem Episcopos Franciæ, & Hispaniarum alloquens agebat (pag. 214.) incumbere solitudini Regiæ, veritatis rationem & amissum procurare: Parum fore, si auctoritas Principis in temporalibus gloriosè se habeat: providentiam superesse digniorem, quæ impendatur bono animarum privato. Quare inquebat, ô Beatissimi Sacerdotes ! non eò tantum industria nostra feratur : ut bene sit Reipub. ex provinciarum regimine prudenti : erigamur etiam per Christi gratiam, ad procuranda cælestia ; ne quidquam ignoretur in populo, quod Christianum hominem nosse convenit. Si

unitis

unitis viribus cō tendimus, ut felicitas publica obtineatur per compositos mores, & refrēnatam improborū licentiam, si regno tranquillitatem procurata pace restituimus; quanto auctior vigilantia, studiumque attentius esse debet, quò opportunius res Divinæ in commune cogitentur, ac desiderentur!

§. X.

Regia virtus cooperatur Iurisdictioni spirituali in extirpandis vitijs.

A Movere è medio flagitia scopus est jurisdictionis Ecclesiasticæ; sed & occupatio propria providentiæ regię. Reges ab Episcopis per jurisdictionem distinguuntur; zelo tamen procurandæ in populo virtutis differre non debent. Digna vox fuit Imperatore Constantino (apud Euseb. l. 4. vit. Const. 24.) Vos Episcopi in Ecclesia, ego Episcopus extra eandem à Deo constitutus sum: nempe, quoad sollicitudinem & vigilantiam in munere similiter pastoritio, quamvis diversæ jurisdictionis. In Rege Ferdinando & Isabella laudant Historici, quod politicorum Principum æquè munere, ac zelum pro Dei honore sacerdotum fungerentur, ex tanta bonorum Spiritualium affluentia per Regnū procurata. Nō est aliena à Principe sollicitudo,



& vigilantia Divinorum. S. Damascenus (in vita Barl. & Ios.) eam de plurimis vult omninò esse primam, quæ regium pectus obtineat. Quocirca laudat Josaphatum Regem Indorum, qui pro indubitato affirmare solebat; Præcipuam dignitate, & utilitate curam Principi incumbere, ut instruat subditos in timore Dei, & Justitiæ reverentia. Nec deerat suæ doctrinæ hic Princeps; qui ad legum normam ita affectiones, actionesque componebat, ut exemplo subditis prius quam lege præiret, atque exinde, ut peritissimis navarchus ad immobile justitiæ gubernaculum cum dignitate assideret. Nicolaus primus in responsis ad postulata Bulgarorum, meminit Nabuchodonosoris, qui edicto severissimè caverat, sub poena capitis, atque excidio fortunarum, ne quisquam blasphemus in Deum esset. Tantum, inquit Nicolaus, apud hominem barbarum, atque gentilem valuit Dei reverentia; nec tamen cordi sit Principi Christiano Deum offendi toties, ac contemni? Digna omnino Principe-cura, digna sollicitudo, & muneri imperantis conjunctissima. Propheta David loquens de Filio Dei, tanquam Rege, hoc illi pro officij sui ratione principalius attribuit, quod divinorum mandatorum interpres, & orator sit. Ita profitentem inducit (ps. 2. v. 6.) *Ego autem constitutus sum Rex ab eo super Sion montem sanctum eius, predicans praeceptum eius.*

Hæc cura Divinorum præmia muneris Episcopalis

palis Regi confert: Dum Episcopatum canonum executionem promover; dum quod illi doctrina & prædicatione suadent, ipse sociata sua auctoritate efficit impleri. Optimè concilium Aquigranense: (p.3. c. 2.) Summam auctoritatem habent Principes in Ecclesia: sua namque potentiâ constabiliunt disciplinam Ecclesiasticam. Eorum brachium necessarium Ecclesiæ non est, nisi ut, quod conficere verbo doctrinæ Sacerdotes non possunt, ipsi per rigorem manus dexteræ subministratum obtineant. Sæpe cooperatio potentiæ mundanæ lucra multiplicat regni cœlestis. Qui in fidem, & mores Ecclesiæ peccant fræno animadversionis regiæ coërcentur. Reprimuntur superbi à vindice Principum gladio, ne canones utilitati Ecclesiasticæ commodos, ut solent, pessumdent.

Inter decreta Gelasij Papæ refertur, non raro in sacris litteris conjunctum fuisse munus Principis, & Sacerdotis: idem factitarunt Gentiles, consalutantes eundem & Imperatorem, & Pontificem: utrorumque judicio constituebatur ab imperante non esse negligendam Divinorum curam, æquè ab illo promovenda sacra; & Dei cultui, ac saluti animarum providendum. Christo Domino ob divinitatem personæ jure obtigit, ut in se unum colligeret dignitatem Regis, & sacerdotis, quas deinde divisas esse voluit, tanquam insufficientibus humeris creatæ imbecillitatis ad utrum-

D

que

que onus simul portandum. Neque tamen ita ab invicem recesserunt, ut immortalī potius connexæ vinculo ambæ dissociari mutuo non possint. Altera alterius ope indiget. Regia potestas eruditione Pontificū instruitur; vicissim doctrina Pontificia authoritate regiā fulcitur. Directionem illa actionum præstat, hæc urget executionem. Zelo indivisæ sunt, quamvis distinctæ Jurisdictione.

Summè igitur sibi persuadeat Princeps sui muneris non tantum esse rem politicam curare. Promovere insuper cum oportet studia æternorum bonorum, dispulsis flagitijs, atque erectâ Republicâ ad coelestem, ut firmetur in temporaneis, beatitatem. Multū adjuvat felicitatem temporalem vitæ innocentia. Imò sincera nulla felicitas, ubi conscientia insincera. Regis plurimū interest præcludere viam flagitijs, nec delicta impunè committi. Alitè in pectus demittenda est sententia, quam pronunciavit concilium Parisiense (l. 2. c. 1.) regnante Ludovico, ac Lothario Imperatoribus, sumpta ex operibus S. Isidori. Ita namque intonat: *Reges, quando boni sunt, muneris est Dei; quando verò mali, sceleris est populi; secundum meritum plebium disponitur vita Regum: testante Iob: qui regnare facit hypocritam propter peccata populi. Irascente enim Deo talem Regem populi suscipiunt, qualem pro peccato merentur. Nonnunquam pro malitia plebis Reges mutantur: & qui ante videbantur esse boni, decepto regno fiunt ini-*
qui.

qui. Verba sanè tremenda, sed quoad postremas partes apprimè à Regibus pensanda, & observanda. Eadem insinuat Venerabilis Petrus Parisinus (c. 73. Ver. abbr.) qui ita loquitur : *Contingit pro malo gregis, ut sapè verè boni delinquat vita pastoris, & secundum meritum plebium disponantur corda Rectorum.* Formidanda planè redditur gubernatio, si propter flagitia populi, manum à Principis tutela Deus amoveat, sinatque illum verti in reprobum sensum. Num defuit dictis fides ab historijs Arragoniæ ? Petrus Atares pro Principe bono habitus regnum obtinuit ; sed ab obtento deinde dejectus, eò quòd mutatio honorum mutationem morum non ferendam in Principe induxerit. O quàm interest dominantis existimationi, ac fortunæ, expurgasse à flagitijs Regnum ! Ita monet Synodus Parisina (l. 2. c. 1.) *studendum est Regi, ut non solum in se, verum etiam in sibi subiectis Regis nomèn adimpleat, provideatque ut populus sibi subiectus pietate, pace, charitate, misericordiâ, atque concordia & unanimitate, ceterisque bonis exuberet operibus, ut hæc habentes Dominum secum habere mereantur, sciatque certissimè, quòd non solum de se, verum etiam de ipsis Dominus ab eo fructum bonæ operationis exacturus sit.* Tota instructio canonis fertur ad persuadendam Regi depulsionem scelerum à populo. Huc enim inculcata virtutum inserendarum multiplex obligatio, & validè incussus metus divini iudicij, rationisque districtè reddendæ contendunt.

§. XI.

*Qua debeat esse celsitudo virtutum
Regiarum.*

QUOD oporteat esse eminentes virtutes regias, constat ex antedictis. Nunc dicimus debere easdem eminere, quoadusque adæquent supereminens populo culmen regalis fastigij. Patres Concilij Tiburiensis (sub form. pp. in ep. prol.) admonuere Arnulphum Imperatorem, *ut misericordia & modestia omnes præcellat.* Liber Deuteronomij majorem perfectionem postulat in Rege aliquando constituendo, quam in reliquo duodecim tribuum populo; imo exaggeratiorem ea, quam Levitæ, & Sacerdotes profiterentur. Erant licentiæ complures dissimulatæ pro vulgo in lege scripta: In ea tamen libertate Rex ad perfectionem sublimiorem adstringebatur: quasi juxta legem gratiæ, quæ illos postea abusus correxit, severiorem vivere haberet necesse. Permittebatur cæteris uxorum multiplicitas, at Regi prohibebatur, requirente Deo in Principe castitatem, & temperantiam sublimiorem (Deut. 17.) ne scandalum populo per suam petulantiam crearet. Promittebatur cæteris in præmium Divini obsequij temporalis felicitas; at Regi prohibebatur accumulare sibi aurum & argentum, ne fræna avaritiæ laxaret. Ita quandam paupertatis, & castimoniam, virtutum

Evan-

Evangelicarum imaginem exigebat Numen à Rege, non postulatam à populo. Obedientiæ valde religiosæ obligationem non erit, qui insuper requirat ab eodem exigitam, qui præceptorum Divinorum curam illi potissimum commendatam legerit, ipsumque ab Ecclesiastica jurisdictione fuisse pendentem ex imperio Divino animadverterit. Accuratam vitæ instituendæ rationem addidit Divina lex. *Postquam sederit*, inquit, *in solio regni sui, describet sibi Deuteronomium legis huius in volumine.* Propriâ manu id faciet, & describet eum librum, in quem comportata, confertaque sunt plenius edicta Divina, lata in libris Exodi, Levitici, & Numerorum. Liber quoque transcribendus accipietur à sacerdote: ac denique transumptum istud semper secum deferet, atque habebit Rex, legetq; illud omnibus diebus vitæ suæ. Sufficiebat ordinante Deo, librum legis prælegi populo post exactos annos tantummodo septem, at Rex jubebatur non facere, aut sustinere, ut sibi lex prælegere: sed legi ab ipso librum, & relegi non annis septem, aut uno elapsis, sed quotidie oportebat. Porro ipsa libri descriptio regiâ manu faciendâ jubebatur juxta dictamen providentiæ cœlestis, ad promptiorem lectionem, ad memoriam rerum in eo contentarum firmiorem, ad expediendas difficultates, quas apices alieni facile objecissent. Universa autem hæc circumspectio tendebat ad commonefaciendum illius Nationis

principem, ut agnosceret præcipi sibi minimè vulgarem legis reverentiam, minimè raram virtutem, eximium ab omni parte timorem Domini, exaggeratam sollicitudinem mandatorum, ac ceremoniarum legis exequendarum. Ad hæc perfectionibus huic religiosius adstrictus Rex, insuper præstantissimæ, nec minus Evangelicæ virtutis, humilitatis singulariter excolendæ admonebatur. Prohibebatur, ne superbè cor erigeret supra subditos, quos fratres illi Deus compellat: nolens etiam à Principe usurpari in illos præsumptionem patris. Quamvis enim nomen patris foret nomen dilectionis; visum tamen erat Deo, ut simplicior, planiorque foret in populo Regis conversatio, non recedentis ab æqualitate fratris.

Tanta virtutum eminentia postulabatur à Judæo Principe; & minorem Christiânæ gentis moderator præferat? Tanta Regis perfectio fuit exigita in lege scripta; & inferiorem patiaturs lex gratiæ? tam religiosè, & evangelicè Regem Israëlitam oportebat vivere; & à promulgata luce Evangelicæ perfectionis Rex Christianus vivat dissolutior? non hæc exaggeratiùs asserta censebuntur, si momenta ponderentur rationum, & dictorum fontes inspiciantur. Natura Regij muneris ea est, quam Menander expressit. Rex imago divinitatis animata est; conformari illam suo prototipo per eminentiam virtutum est necesse. Hoc nisi fiat; deerit muneri, deerit obligationi, deerit con-

conditioni suæmet celsitudinis. Ad dimensum tam illustrium operationum consequentur Regem præmia in Cœlo : si obligationem exæquaverit gloria ingens ; si minus ; poena potens. Horrenda prænunciat Parisinum Concilium (12. c. r. p. 800.) agens de munere regio, quæ ad rem præsentem faciunt. *Sciat, quod sicut in throno hominum primus constitutus est, sic & in pœnis ; si iustitiam non fecerit, primatum habiturus est. Omnes namque quoscunque peccatores sub se in præsentem habuit, supra se in illa futura pœna habebit.* Confirmat eadẽ Spiritus sanctus per sapientem. Potentes potenter tormenta patientur, (Sap. 6.) & fortioribus fortior instat cruciatio.

§. XII.

*Probi Regis oratio est efficax apud Deum,
& proficua Reipublicæ.*

Opportuna Reip: in plurimis est virtus in Regnante. Huius documenta aliqua dedimus : alia deinceps prosequemur. E multis insignior fructus redundans in bonum commune ab oratione probi Principis derivatus, fons est complurium in Remp: gratiarum cœlestium. Cui commode fuerit Judæis Ducem habuisse Moysen nemo ignorat. Oratio illius constrinxit terram, ne absorberet ; continuit cœlum, ne annihilaret promeritam

toties supplicia universa gentē Victoriā adversus Amalecitas suis precibus, & invictis, quæ pro-
tendebat in favorem pugnantium ad Cœlum bra-
chijs evicit. Princeps Josue terram Chanaan ob-
tinuit, triumphis per supplicationem impetratis
clarus. Preces, & sacrificia Davidis Rempublicam
à peste depascente innumerabilem populum libe-
rarunt. Imperante Ezechia non erat Hierosolymis
efficacius in obstantia pericula præsidium oratio-
ne Principis. Imperator Theodosius Christianā
demissione, & supplicationibus ad Deum pro ro-
bore & armis felicissimè utebatur. Nemo dixerit
Rudolpho I. ad triumphos plus arma, quàm pre-
ces contulisse Nutabat acies in celebratissimo
contra Ottocarum Regem Bohemiæ conflictu;
cum in genu provolutus Rudolphus calidā prece
divinam opem implorat: & ecce militi instaura-
tur vigor, disjecti hostes, parata victoria, Otto-
carus in præliō occisus, Regnum Bohemiæ arbi-
trio, & voluntati gloriosi victoris relictum. Plura
alia Rudolphus per frequentem cum Deo com-
municationem fortunatissimè perfecit. Habebat
quotidie orationi faciendæ destinatas horas, qui-
bus quotquot adversarentur impedimenta, etiam
urgentissimarum occupationum constans atten-
debat. Dicere solebat: certam sibi gubernationis
prosperè semper eventuræ fidem fore, si conjun-
ctus Deo, gratias cœlestes affatim procurare sa-
tageret. Hoc dictamine sapienter usus, felicissimè
guber-

gubernavit, præfuitque Imperio magna cum gloria. Addidit viribus orationis fervorem Religionis, concomitatum cætera virtutum heroicarum frequentia, quibus auctiora semper reddidit suarum laudum incrementa. Imperator Carolus V. virtute militari promovebat bonum Ecclesiæ, sed & plurimum confidebat orationi, quâ divinius obarmatus ad incomparabiles triumphos provehebatur. Quovis die manè antequam in publicum prodiret, genuflexus horam integram impendebat orationi, auditus non rarò ex vehementia affectuum inclamare: Domine in tuas manus Ecclesiam tuam repono. Finitis precibus recitabat horas canonicas ex ritu Ecclesiastico. Nullo non die per omnem vitam sacro missæ sacrificio interfuit, unico illo dempto, quo in profectione Africana propter vim ferocissimæ tempestatis non fuerat concessa occasio celebrandi. Hæc Caroli cum Deo conjunctio susceptas expeditiones fine optatissimo coronabat. De Davide Religiosissimus Scriptor Thomas à Kempis commemorat (cap. 4. man. part.) *In die fuit miles fortis in bellando contra hostes: & in nocte devotus monachus orando cum gemitu, & lachrymis pro peccatis commissis.*



§. XIII.

Virtutes Principem Regno amabilem reddunt.

INter emolumenta regiarum virtutum celebriora, est gratia & affectio, quam in populo sibi conciliat Rex virtuosus. Huius demerendæ potior debet esse cura, quam etiam dignitatis asserendæ. Affirmat Simmachus (in relat ad Imp.) *Amari, coli, diligì Imperatorẽ maius Imperio est.* Exoso Principi nutat in capite corona. Grus apud Xenophontem (l. 8.) *non aureum istud sceptrum est. quod regnum custodit; sed copia amicorum verissimum & tutissimum est sceptrum,* & Seneca (l. 1. de clem.) *salvũ Regem in aperto clementia constituit: huic inexpugnabile munimentum est amor civium.* Potentiam Alexandri supra solium Darij evexit amor subditorum. Fortuna Principũ pendet ab affectu popularium. Subditi ultrò ac sine tergiversatione tributa pendebant Steunoni Regi, in eo & vitam in eius obsequium sacrificabant, qui aamabant. (Jo. Mag. l. 14. c. 1) Cor populi studeat venari Princeps, & sibi conciliare. Hoc eveniet modestiã, hoc consequetur humanitate in omnes. Periculosè ex fastigio Imperantium nascitur fastidium subditorum. Pulchrà virtus, etiam in Principe, demissio. *Qui rectè utitur regni potestate, ita prestare se omnibus debet, ut quanto magis honoris celsi-*

celsitudine claret, tantò semetipsum mente humiliet
 (Isid. 3. sent. cap. 49.) Henricus IV. Castellæ
 Rex Principum sui temporis humanissimus aiebat:
 ita oportere Regem cum privatis conversari, quâ
 ratione, si ipse esset privatæ fortunæ, desideraret
 Regem secum agere: non esse contra eminentiam
 dignitatis, si Princeps affabilitate prosequatur
 subditum: accrescere authoritatem dominantium
 ex amore populi, atque hunc provocari ab huma-
 nitate Imperantis.

§. XIV.

*Virtus conciliat Principi famam, existima-
 tionem, & fidem.*

Valde exornant, & constabiliunt dignitatem
 publica existimatio, fama, & fides authoritati
 regiæ conciliata. Arma victorias per multam im-
 pensam sanguinis conferunt, sed opinio regna
 adiicit cum voluptate partium. Judas Macha-
 bæus complura prælia famâ confecit. Ad eius
 nominis, velut magnifici æris sonitum confluebat
 multitudo. Hoc ipso, quod ferebatur pugnare
 bella Domini, quod æquitatem, quod Justitiam
 coleret, jam habebat sequaces affluenter. Falisci
 in Romanorum partes transierunt, quia & fortes,
 & æquos esse inaudierant. Plures gentes in eo-
 rundem Jura, & clientelam ultrò coaluerunt, non
 tam

tam potentiâ , quam infringere fortè poterant , quàm moribus, qui circumferebantur illecti. Dis-
 sitos ab urbe per vasta terrarum spacia Machabæos
 fama probitatis, justitiæque Romanæ in senatum,
 amicitiam rogaturos excivit. Regi Alphonso, qui
 à *perusa manu* cognominatus fuit, Galletiæ, Por-
 tugalliæ, aliarumque Provinciarum fasces ex fa-
 ma liberalitatis accefferunt. Opinio virtutis con-
 servat Regibus Imperium, & promovet. Quod
 cum Josue Dominus esse diceretur (cap. 6. v. 7.)
 omnis illum regio est reverita. Nulla arte existi-
 matio fortiùs inclarescit, quàm ubi creditur ful-
 goribus regiæ dignitatis radios divinos immisceri.
 Ita loquitur Arias Montanus (in Jos.) Ratio quæ
 Christianos Principes fecit barbaris venerabiles,
 sola fuit fama virtutis , atque existimatio fidei,
 quam præsumuntur observare, tanquam Deum ti-
 mentes.

Errant errore pessimo, qui studia omnia confe-
 runt ad negotia status, toti demersi in procuratio-
 ne, conservationeque temporalium. Errant, qui
 improbo labore per artes humanas eò toti ferun-
 tur, ut Majestatem Principis erigant semper in
 sublime; nec animadvertunt vana esse molimina,
 quibus Cœlum non assistit, & quæ non adjuvat
 Deus. Equidem auctoritas Imperantis frænum
 est inimicorum, quorum reprimatur audacia, ubi
 animo metus insedit. At si desit existimatio, ca-
 dit respectus, parvi-penditur offensa. Exaggerant
 famam

famam Salomonis sacræ literæ comparatam à Sapientia (3. Reg. 4. 11.) dominantis, & per finitimas nationes divulgatam, quod hæc judicijs regijs fidem certam adstrueret. Nec alteri Cicero committendos esse fasces censebat, præterquam *fama cupido*. Quocunque tandē modo hanc Tullij doctrinam circumscribebat, atque ad moderationem virtutis Christianæ revocet S. Augustinus (1. 5. de Civit. cap. 13.) hæc tamen universa fallent in immensum, si speretur per actiones beneplacito Divino adversas posse famam comparari. Dei gratiæ debet, qui inter homines opinione præpollet, & generatim amatur.

§. XV.

Regia virtus obsequio populi compensatur.

HAbere populos dicto obsequentes unum de emolumentis est regiæ probitatis. Naturæ impulsu ferimur in reverentiam meliorum, & rationis ductu in obsecutionem eorum, quæ suadent. Cyrus malè collocatam fore jurisdictionem dicebat, ubi melior non esset imperans obediens (1. 8. Xenoph.) & *vinculum est fidei melioribus parere*, ait Livius. Isocrates Principi suo suadebat, ne deterior appareat illo, quem cupit sibi esse obsequentem. Et Dionysius, *ætterna natura lege*

lege receptum esse pronuciavit, *ut inferiores præstantioribus pareant.* Adstipulatur Aristoteles (7. polit. c. 10.) qui ea ratione asserit gentes liberaliter submittere se illi, qui eminentioris virtutis splendores exhibet; quemadmodum sublunaria corpora, & elementa motibus obediunt sphaerarum cœlestium, raptâ à naturæ præstantia, quâ pollent istæ. Rex Alphonsus Neapolitanus pretium Principis constituebat in amore virtutis, eò quòd hæc prærogativa sine negotio ad arbitrium dominantis animos subditorum componat.

§. XVI.

Virtus Regia Venerationem conciliat.

Veneratio præcedit obsequium, & venerationem opinio de Principis virtute præconcepta. Erat Rex Scotiæ Convallus Princeps virtutis adeo venerandæ, ut ex sola erga illum reverentia subditi à flagitijs temperarent (Boët. l. 9. hist. Scot.) De veneratione, & obsequio sibi Principi ab Iduæis præstito, ex intuitu virtutum, quas profitebatur, copiosè Job differit (c. 29.) videbant me, inquit Juvenes, & abscondebantur, & senes assurgentes stabant: Principes cessabant loqui & digitum superponebant ori suo; vocem suam cohibebant Duces, & lingua eorum gutturi suo adhærebat. Auris audiens beatificabat me, & oculus videns

videns testimonium reddebat mihi : & infra (v. 21.) qui me audiebant, expectabant sententiam, & intenti tacebant ad consiliū meum : verbis meis addere non audebant, & super illos stillabat eloquium meum : Expectabant me sicut pluviam, & os suum aperiebant, quasi ad imbrem ferotinum : si quando ridebam ad illos, non credebant : & lux vultus mei non cadebat in terram. Si voluissem ire ad eos, sedebam primus ; cumque sederem, quasi Rex circumstante exercitu, eram tamen mœrentium consolator. Causam venerationis tantæ assignat Job, muneris, quoungebatur regij executionem : quod iustitia & iudicio inductus à vexationibus impij liberaverit pauperem, & orphano fuerit adiutor, quem cæteri deseruissent.

Non est apparatus, non fulgor, non majestas comparabilis virtuti Regem adornanti. Incedere solebat Alphonfus Rex Parthenopes, sine turba apparitorum, sine multo comitatu aulico. Improbabant consuetudinem familiares, monebantque detrahi authoritati regię, per hanc circa regem hominum solitudinem : præter morem cæterorum Principum istud esse aiebant, qui satellitio, & numero Nobilium stipati prodeunt in publicum. Neque ego, reponebat, Alphonfus, vado incomitatus, ut vos existimare videmini : comes mihi innocentia est : meus satelles est amor populi : his stipatum præfidijs nullus metus aggre-

grediatur, nullum probrum offendet. Princeps Lacedæmoniorum Agesilaus sine pompa, & corona militari procedens, dicebat; maiestatem, & magnificentiam eminentiæ regiae comparari virtute; & prudentia, non satellitio imperantis. Rogatus, quæ securitas esse posset Principi à custodia militum indefenso? prudentissimè respondit: si eo modo Rempublicam gubernet, ut filios pater. Henricus IV. Rex Hispaniæ ornatu vulgari amiciebatur: monuere procures, videri maiestatem ex illo apparatu posse vilescere: Nequaquam, ait Henricus; dignitas Regia non accipit testimonium à purpura, & paludamento, quia turpe est Principem velle distingui à subditis per habitum prius, quàm per virtutis excellentiam.

§. XVII.

Virtus Regia firmat Iustitiam.

Nihil optabilius Principi virtutem amanti, quàm efficere ut cursus Iustitiæ promoveatur, nulla passione, nullo respectu executionem interpellantibus. Econtra nihil proclivius, cum vitia in dominantem irrepsissent, quàm ut prima se fisti à progressu Iustitia experiatur. Quare sicut à Iustitia regno commodum, sic à probitate Principis Pelusiotæ in sacrificijs solam à Dijs Iustitiam, tanquam Reipublicæ firmamentum precabantur. Quæsitum fuit ex Agesilao, quæ virtutum foret præ-

præstantior, justitia, an fortitudo? respondit: justitiam posse carere fortitudine, fortitudinem justitiâ non posse. Aristides nomen fortunæ *Græcorum* obtinuit: anni, quibus imperavit baculo, aureo sunt comparati propter æquitatem, cui advigilabat. Boëtius (de consol: l. 1.) laudes anni non à fertilitate terræ, sed à rectitudine gubernationis celebrandas esse dixit. Eandem in rem Grægorius (lib. 7. Ep. 120.) pro consummato regnantium in Remp. beneficio affirmabat esse intaminatam administrationem justitiæ. Et Nicolaus Papa ad Michaëlem Imperatorem scribens (ep. 9.) *justitia, inquit, pretiosa est margarita, qua non solum in thesauris regis, verum etiam in sterquilinis est inquirenda.* Nullibi ea suo pretio caret: in gubernatione autem, pretio, valore, emolumento locupletissima abundat, gloriosamq; reddit Principis maiestatem. Ita iterum Nicolaus ad Imperatorem (ep. 8.) *Vestra potens virtus in Domino potius gloriatur, in bonitate laudetur, in justitia exaltetur.*

Decorum est Principi vindicare attentius injurias illatas subditis, quam irrogatas sibi. Observavit Philo, Pharaonem Regem ex duobus cum Josepho carceratis absolvisse pincernam, non magistrum pistorum; eò quod ille in solum Regem, hic etiam in cæteros peccaverit; fraude, mora, aliisque artibus in plures injustus: quare hunc patibulo addixit promeritum pendere à trabe, qui

E

sape

sæpe suspenderat aliorum justas expectationes. Decet similiter Regem gratitudo, remuneratione fidelium servitorum, quibus colitur à subditis, ut horum exemplo provocet omnes ad constantem fidelitatem: Testimonio quippe Concilij V. Toletani (c. 6.) Exemplis cæteri provocantur ad fidem, cum fideles non fraudantur mercede.

§. XVIII.

Virtus est Principi opportuna in dandis Consilijs.

Consiliorum anima habetur à Principe virtuti dedito; aiebat Sophocles (in Oedip.) *Improbam in mentem bona consilia non cadunt.* Et Augustus Imperator (apud Dion. l. 50.) *fieri non potest, ut qui probrosam, & voluptuosam vitam traducit viro aliquid dignum, vel consulat, vel agat.* Impossibile est affectus consilia appetitui conformat. Qui avertit flagitia, non feret sententiam pro virtutibus. Nunquam capitur bona resolutio à mala voluntate, nec verum dictamen à contrario appetitu. Quare Ambrosius: *Qui consilium dare volet, alienam à vitijs custodire debet prudentiam. Quis in cæno fontem requirat? quis de turbida aqua potum petat? quis utilem iudicet causa aliena, quem videt inutilem vite sue? quomodo potes eum iudicare consilio superiorum, quem vides moribus inferiorem?* (1. 2. de offic. cap. 13.)

cap. 13.) Seceſſerunt à corona Roboami decem tribus, quòd Rex imprudentium conſilium ſaniori prætulèrit; quod ex incivilitate & malitia, deſerta meliore deteriorem ſententiam conſulentium arripuerit.

§. XIX.

*Emolumentum probitatis Regiæ,
Prudentiæ.*

PRUDENTIÆ æquè conſultivæ, atque cæteris ſapientiæ rationibus in Principe confirmandis probitas conſulit. Ad prudentiam, docet Ariſtoteles requiri bonam voluntatem, ſolutamque à vitijs, & animi perturbationibus. Conditiones iſtæ tanto ſunt deſiderabilioreſ in regnante, quanto eiùs prudentia maiorem nacta eſt campum excurrendi per exercitia longè anguſtiora vulgi actionibus, in ſpem fortunatorum eventuum. Concilium Tiburienſe (in ep. prol.) adducit cum laude ſententiam Martini Epifcopi, quam in commendationem prudentiæ regiæ inſtituendo Regem Mironem pronunciavit. Si prudens eſt animus tuus, tribus temporibus diſpenſetur: *Præſentia ordina, futura provide, præterita recordare; & ſermo tuus non ſit inanis, ſed aut ſuadeat, aut moveat, aut conſoleatur, aut præcipiat.* Quanta ab his prudentiæ occupationibus neceſſitas omnigenæ virtutis!

tutis! Qui improbus est, & voluptatem pro ratione complectitur, non attendit ad præsentia, non expendit futura, præteritorum obliviscitur. Unde proveniat in verbis pondus, si à levitatibus cor abripitur? Unde persuasio boni, si malo inhaeret, unde decentiora eliget, si deteriora concupiscit? unde erit consolator, quem non tangit alienæ infelicitatis commiseratio? unde rationabilia imperabit, qui non obtemperat rationi?

§. XX.

Princeps probus ditat Rempublicam.

EXimius fructus virtutum regiarum est opulencia Regni. Moderatio regnantis locupletat Rempublicam. Abolet enim sumptus superfluos, ac simul diminuit onera tributorum. Præclare differit Amalasunta Regina apud Cassiodorus (l. 10. ep. 3.) *Qui rationabiliter disponit propria, non appetit aliena; tollitur enim Principibus necessitas excedendi in tributis, quoties assueverint propria moderari.* Proprium regalis animi est, non se, sed alios locupletare. Parsimonia Imperantium maximum est vectigal. Tantum per eam subditis liberaliter distribuit, quantum non exigit. Laudatur Alexander Severus, referente Lampridio, quod officia palatij ad solam necessitatem restrinxerit: *Aulicum ministerium in id contraxit, ne essent tot homines in*

in singulis officijs, quot sola necessitas postulare. Sororiae sunt prodigalitas, & avaritia; quamvis genij planè contrarij. Sumptus enim superflui, qui nascuntur ex prodigalitate, generant avaritiam, probrum regnantium turpissimum. Quod per excessus deperditur, necesse postea habet Filcus, ut sordide resarciat. Non latuit hæc veritas Cornelium Tacitum, dum ait. *Ærarium quod per ambitionem exhausseris, per scelus supplendum est.* (l. 12. Ann.) Propterea Cato duas pestes Reip. nominabat, avaritiam, & luxum; quibus maxima Imperia convelluntur.

Sed moderatio Regnantis non modo temperabit à tributis, verùm etiam munificum se largiendo præstabit. Poterat Traianus frequentissimis congiarijs populum donare, quia modestè vivebat. Sic namque Plinius in panegyrico: *Eas vires habet frugalitas, ut tot impensis, & tot erogationibus vel ipsa sola sufficiat.* Ipse Traianus regalem fiscum spleni in corpore humano comparabat, qui dum inflatur, & intumescit, cætera membra facit attenuari, ac flaccescere. Princeps, qui fiscum augmentat, facultates subditorum diminuit. Qui verò parsimoniam, & modestiam colit, tantùm abest, ut auferat à subdito, ut non magis eidem donet.

§. XXI.

Virtus Regia non tolerat Adulatores.

Virtutis Regiæ proventus certum præstat antidotum adversus pestem adulationis: ingens sanè beneficium Reipublicæ. Assentatio apud Curi-um malum Regibus congenitum vocatur. Plutarchus illam proditori confert, appellans adulatorem, patriæ, & virtutis crudelem inimicum. Crates Thebanus aiebat Principem inter adulatores cogi incedere, ut inter lupos agnum. Plato (in phædro) adulatorem nuncupat pestiferam belluam toti humano generi, similem strygi veneficæ, ac Dæmonio. Adulator est bestia omni humano generi pestilens, similis veneficio, imò impuro dæmoni.

Malo suo in hunc scopulum impegit Roboamus, qui ut assentatoribus placeret Regnum scissioni, excidioque supposuit. Incredibile est, quodamno Regem, ac Rempublicam decoquant proceres, & ministri, qui veritatem, plerumque ab aula exulem, longius arcent. Sapienter conquerebatur Ludovicus XI. Rex Franciæ: cum sibi universa abundè suppetant, solam deesse, quam audire cuperet veritatem. Hanc, inquebat, pater meus asserebat suo tempore agonizare, nunc planè mortuam, & absque confecto codicillo, expior: Vivunt Principes fascinati & cæcis similes in corona assentatorum. Ut enim corui mortuos

exocu-

exoculant, ita isti excæcant vivos, ne videant, intelligantque saniora.

Rogas causam, cur Regibus proponere veritatem rarus ausit? Respondebo eam esse, quia audire renuunt. Magis inescat dulcedo assentationum, quàm rigor admonitionis sinceræ. Optime nonnemo de Principe malè audiente dixit, quod, sicut multis ex esu dulcium dentes putrescunt, ita hunc ex auditu adulationum aures corrupisse. Ab eiusmodi morbo modestia, ac probitas Principem absolvunt.

§. XXII.

Princeps probus in bello felix.

Succurrit virtus Principi in toga, & sago. Magnum quin etiam ad victorias momentum confert, seu quia Princeps virtutum amans accuratè circumspicit iustitiam causæ, quæ solet Deo dante triumphare; seu quia sincera rebus agendis præmittitur intentio, nihil immiscendo arrogantiae, aut inanis gloriæ, quas cædibus ac strage humiliatasolet Deus compescere. Liber Judicum refert hoc pacto bis attrittas fuisse tribus Judæorum, cum cæde quadraginta millium. Erat equidem bellum iustum, sed admixta prava intentio. Plurimum ad victoriam facit, non nisi Dei gloriam quæsisse.

Gregorius VII. Imperatori Henrico sequentem

admonitionem præscripsit (ep. 7.) *plus honorem Dei, & Iustitiam eius procura defendere; quam honori proprio providere. Securius enim quilibet Princeps mille impios potest causâ Iustitiæ punire, quàm propria causâ gloria, quemlibet Christianum gladio sternere; omnia enim creavit. & regit, qui dixit: Ego gloriam meam non quero: saluti quippe nostræ tunc verè providemus, cum in cunctis nostris actibus gloriam Dei proponimus.*

Ad hæc dispositiones ad victoriam obtinendam multiplicat virtus, easque non fallibiles; ut opera pietatis, ac Religionis. Ita instruit Regem Bulgarorum in bellum euntem Nicolaus Papa, Cum in prælium proficisci disponitis, quod ipsi commemorastis agere, in Dei nomine non omitte; id est, ad Ecclesias ire, orationes peragere, peccantibus indulgere, missarum solemnij interesse, oblationes offerre, confessionem delictorum sacerdotibus facere, reconciliationem, communionem percipere, carceres aperire, vincula dissolvere, & servos, & præcipue confratres & debiles, atque captivos libertate donare. & indigentibus elemosynas erogare. Opera pietatis, & misericordiæ vivaciores reddunt preces, ac cætera Religionis exercitia Exaudire lamenta pauperum est norma, ad cuius amussim exaudiatur Regum ab alto supplicatio. Quare idem Pontifex ad Imperatorem Michaëlem scribens: Vos, inquit, qui pii estis, tanta aures ad audiendos clamores pauperum, id est, humilium, pro Ecclesia Dei vociferantium audire debetis;

tantòq; ad audiendam legem dirigere vestram intentionem magis oportet, quanto ipsi penes Deum haberi orationem vestram acceptam desideratis.

§. XXIII.

*Principis probitas est felicitas Regis
& Regni.*

Alphonfus Rex Arragoniæ & Neapolis præfens dissertationi habitæ super officio Principis, quæstionem eam, quæ de felicitate susceptæ gubernationis, atque regnorum promovenda, vertebatur, resolvit ex Doctrina Sancti Augustini. Reges, inquiebat, erunt felices, & horum regna prosperabuntur, si justè imperaverint; si ad voces gratulantium, & applaudentium; & inter obsequia demisse consalutantium non altum sapuerint, sed homines se esse meminerint. Si studuerint vires totas impendere promovendo cultui, & honori Numinis. Si Deum timuerint, amaverint, & reveriti fuerint. Si tardi ad vindictam sumendam, prompti ad impertiendam veniam extiterint. Si nudaverint gladium vindicem pro sola necessitate, atque ad defendendam Remp: non verò ad pascenda odia, & saturandas privatas æmulationes. Si veniam indulserint, non impunitati scelerum firmandæ, sed emendationi impetrandæ. Si quos convenit tractare rigidius,

benignitate commiserationis, & munificentia præ-
miorū, velut oleo affuso placaverint. Si publicam
licentiam, dissolutionemque tantò acrius strin-
xerint, quantò liberalius laxare possunt. Si appe-
titui suo prius imperaverint, quàm subditis legem
tulerint. Si hæc ipsa non inanjs gloriæ causâ e-
gerint, sed amore felicitatis æternæ. Si non ne-
glexerint sacrificia humilitatis, misericordiæ, & o-
rationis quotidie offerre pro suis delictis. His
dotibus instructos Reges, atque Imperatores verè
felices esse dicemus, & regna ab his longè fortu-
natissima. Verissimum est nec posse distingui,
nec sperari felicitatem Regni, à Regis felicitate
disjunctam : siquidem ex mente Henrici IV. feli-
citas Regis est facere felicem Rempubicam.



VIRTVS CORONATA

S E U

CORONARVM

PARS II.

Exhibens illustria Virtutum Exempla,

QUÆ


IMPERATORES, ET
REGES

Ex Domo Austriaca, & Castellana
ediderunt.

Conscripta Hispano Idiomate

à R. P. JOAN: EUSEB: NIEREMBERGIO
è Societate JESU.

*Deinde in Italicum, ac demum in Latinum
translata.*




VIENNÆ AUSTRIÆ

Apud Joan: Bapt: Hacque, Typog: Acad.



17



Doc
cont
gives
3 Q
p
p
p
p



VIRTVTIS CORONATÆ

PARS II.

§. I.

*Virtutes, & facta Heroica Rudolphi Primi
Romanorum Imperatoris.*



Imperator Rudolphus, priusquam Augusta corona insigniretur, Comes erat Habsburgi, & Naxiæ (ut refert Æneas Sylvius) ac majoris partis Alsatia Dominus. Nobilissimam originem duxit per lineam masculinam à Principe per Europam Domo Francorum. Hanc Pharamundus Rex condidit, qui ex Germania profectus postea regnum Gallia fundavit. Progenitores Rudolphi à Gallica Domo sejuncti mansere comites Habsburgenses, & priscam Francorum stirpem in sua prosapia retinuerunt octingentis & quinquaginta annis, postquam ea in Gallia, & alibi per vicissitudinem,

dinem temporū fuisset extincta. Quare à Germania, & Francis non est ad originem à Petro-Leonibus in Italiam recurrendum, ut fecit Volaterranus. Joannes Stabius in Laurea Maximiliano Primo dicata enumerat ad usque Rudolphum Reges novem, comites quatuordecim. Nobilissimam prosapiam corona Imperiali primus hic exornavit, post insignes victorias quatuordecim à diversis hostibus reportatas, respondentes numero Majorum, qui regios honores in gloriosum nepotem transmiserunt, inferiore interim titulo contenti. Exinde Rudolphus eā sanguinem Avorum eminentiā nobilitavit, ut domum fundaverit, quā in mundo nulla extat magis Regia, magis Cæsarea.

Pater Rudolpho fuit Albertus sapiens, Comes Habsburgi; mater Hedwigis de Comitibus Kiburgi. Chronicon Belgij ex Edmundo, filiam fuisse dicit Imperatoris Friderici II. Natus fuit Anno 1218. susceptus ē forte baptismi ab Imperatore prædicto. Huic à prima ætate in bello servivit, ea generositatis, & prudentiæ commendatione, ut existimationem universorū sibi facile conciliaverit. Nondum primā lanugine tinctum suspiciebant aulæ proceres vetustiores, æstimabant periti artis militaris ministri, colebant milites veterani. Tanta passim de adolescente ferebatur opinio, ut pertranseuntem Magnates palatij, & exercitus Imperialis honorificè consalutatum, stantes, & aperto capite prosequerentur: præsentiae & indolis
maje-

majestate, alteram, quæ augustior imminebat, præveniente. Inter eos, quibus venerationi erat Rudolphus, fuit insignis mathematicus, qui observatus ab Imperatore, quod impensius adolecentē revereretur, causam tantæ propensionis rogatus, liberè respondit: Majestatis Vestræ in Imperio olim successorem veneror. Non fecerat conjecturam è stellis Astrologus; satis illi portendebant venturos honores augusta capacitas, dignitas oris, & animi magnitudo in juvene admiranda. Promicat heros Indoles ab omni ætate, & statu, ut sol allucet, etiam à nebulis. In Italiam cum Imperatore profectus ab exercitijs equestribus, ac ludis militaribus specimina dedit laudatissima. Nemo erat, qui in hastiludijs, & torneamentis Rudolpho palmam præiperet. Mortuo Genitore Comite Alberto reversus in Germaniam, thalamo sibi conjunxit Annam Comitissæ Alberti de Hohenperg filiam. Suscepit ex ea filios tres Albertum, Rudolphum, & Aremannum. Postremus aquis haustus interiit, jam destinatus à patre, ut filiam Regis Angliæ desponsaret. Septem præterea filias Rudolpho Anna peperit, omnes ut formæ, sic præstantissimorum cum summis Principibus matrimoniorum sorte felices. Una de his Wenceslao Regi Bohemiæ, altera Carolo II. Regi Neapolis, tertia Otthoni Duci Baviariæ, quarta Comiti palatino Rheni, quinta Duci Saxonie, sexta Marchioni Brandeburgensi nupsit. Prima, ac major natu

rariori felicitate sponsum sibi vivens in cœlo quaesivit, ordinem Religiosum professus.

Fama virtutis militaris, quæ de Rudolpho circumferebatur complures Respublicas, ac Principes invitavit, ut in Præfectum armorum ab ijs adscisceretur. Eum Ottocarus Rex Bohemiæ præfecit Equitatu, dum contra Istrianos bellum gereret. Eius ductu insigni adversus Ungaros victoria, profligato Rege Baba, potitus est. Eum Argentoratenses universo suo exercitui Ducem præfecerunt, cum fructu victoriæ, & regionum in potestatem redactarum. Eum invocarunt Tigurini, ut militiæ præesset, semper usi prosperis sub hoc campiductore successibus. Ipse in causa sua bellum movit Baroni de Tuffenstein, item Godefrido Habsburgico consobrino, atque etiam Basileensibus, ubique Marte & arte victor. Solebat ingenio fortitudinem fulcire. Fuit inventor navium, quæ tenues, magnâ industriâ & facilitate traductæ, & aptatæ serviebant Rheno expedite transmittendo. Columbariam stratagemate suam fecit. Præmiserat quippe Boselmannum vase occlusum, qui in præsidium receptus portæ recludendæ viam pararet, & victorem Rudolphum acciperet. Uttembergam alia arte occupavit. Prodigabant noctu præsidiarij, equis albis, ut fallerent invecti, & regionem infestabant. Totidem numero, & colore de suis instruxit, duplo militum numero equorum clunibus imposito. Hos præ-

misit

misit ad muros, conſequentē mox cætero equitatu. Admiſſi pro ſocijs hoſtes præſidium ſuo Duci compararunt. Præſidentia dici poſſet, quod ſubjungimus, niſi ab animi magnitudine fuiſſet ordinatum. Caſtra caſtris, & urbe inimica dividebantur. Rudolphus abit à milite, ad ſtationem hoſtium penetrat, ſalutato nemine urbem ſubit, imo colloquitur, exprobrat æmulis cauſæ, quam tuerentur iniquitatem, urget compositionem, ac ſœdus. Rem inauditam ! valet inviſtæ generoſitatis eloquentia, vincit cauſæ fiducia, conciliantur hoſtes, & qui venerant conſligere, ſœdus pangunt, veniunt auxiliares Rudolpho : jamque unus in hoſtem progreſſus captivum in caſtra adducit exercitum, hoſtium juxta Imperator, atque amicorum.

At inter arma non deſerat pietati, ac Religioni Rudolphus. Celebratiſſima vivit recordatio exhibitæ venerationis Sacroſancto Eucharistiæ myſterio. Inde Rudolpho diadema, inde Domui felicitas & incrementum. Accidit, ut Comiti ad venerationem proſecto occurreret in agro Sacerdos deferens ſacrum viaticum de more Eccleſiæ ad hominem moribundum. Erat dies intempeſta, & multæ pluviæ iter infecerant. Ibat eques Rudolphus, ſacerdos pedes. Taſtus ad occurſum Divinæ ſub figura panis præſentiæ tenero Religioſi affectu Comes equo deſilit, atque in ſubjectum lutum poſitis genibus affuſus Deum ſub Euchar-

stico velo latentem adorat. Tum ad sacerdotem conversus : minimè, inquit, convenit, ut ego equo invehar, & tu pedes incedens deferas Dominum meum, ac Redemptorem, cape equum, inside & perge, quo evocaris. Addidit facto obsequium ; nam aperto capite magnâ cum demissione jam ipse à pedibus sacerdotem stipatoris loco comitatus, deducit ad domum conferendo viatico designatam ; mox volenti Plebano præmissa gratiarum actione pro beneficio equum reddere ; absit, inquit Rudolphus, ut in usus meos hoc iumentum redeat, quod divino mysterio fuit aliquando deputatum : tibi habe equum, & vale. At sacerdos Spiritu Prophetico afflatus, in præmium pietatis impensæ, nomine Dei Imperium Romanum Rudolpho vaticinatur, ac spondet, domumque imposterum tantam, in quam complura Imperia, & regna sint confluxura. Coepit fructum prædictionis non multò post Rudolphus, & in posteros semper Dei donis auctiores in hunc diem transmisit.

Ferunt eadem de causa pietatis fuisse à sanctimoniali quadam in Suevia prænunciatum Rudolpho diadema ; vaticinio fidem eventus fecit. Quærebatur Germania per interregnum viginti octo annorum Principem, qui animo magnitudini suæ par majestatem Imperatoriam cum dignitate in lucem reponeret. Pauci anni, quibus post Fridericum II. Gulielmus Batavus regnavit, & alij, quos

Al.

Alphonſus ſapiens Rex Caſtellæ in Imperatorem electus promittebat, diu ab Hiſpania expectatus, nunquã impetratus nihil prodeſſe poterant publicæ Imperialium negotiorum moli. Itaq; Electores Francofurtũ evocati de creando novo Cæſare deliberarunt, qui fortitudine militari, cæterisq; virtutibus regiſ nutantis Imperij clavum à longa vacatione teneret. Viſum fuit congregatis quærendum alium à Rudolpho non eſſe. Itaq; in Imperatorem acclamatur feſto die Michaëlis Archangeli, feliciffimo planè omine, ſeu repræſentaturus ipſe Imperio Angelum, ſeu habiturus præſidem Imperiorum Michaëlem in ſui, atque Auguſtiſſimæ ſuæ Domus Genium Tutelarem. Promovit electionem Rudolphi Archiepiſcopus, & Elector Moguntinus copioſiſſimè tum effuſus in laudes Comitſ, cuius virtutum experimentum aliquod non multo ante ipſe ceperat. Quippe nuper Romã reverſens ditiones illius intraverat. Occurrit illic Comes hoſpiti, & honorificè habitum continuatis officijs Aggripinam uſque perduxit. Per iter totum animo Rudolphum emenſus fuit Moguntinus. Reperit in illo Principem coronã Imperiali dignum. Quare, dum valediceret, ſublatis in cœliſ manibus Deum rogavit, ſibi copiam fieri priuſquam moreretur tam dignum caput viciffim honorandi. Fuit unanimis in Rudolphum inclinatio Electorum, non obſtante Regis Bohemiæ Otocari æmulatione, qui pro corona Imperiali can-

didatus, per aurum, & legatos rem suam satagebat, etiam ad summum Pontificem missis Internuncijs, qui sollicitarent patrociniū.

Nihil minus tunc, quàm de diademate cogitabat Rudolphus intentus susceptæ contra Basileenses expeditioni, quos promotis castris ad mania, jam tenebat arctè. Ubi accepit inopinatum nūcium, premere ultrà desit, quos poterat opprimere: missis qui reconciliationem suaderent, pacem fecit. Et Basileenses victi à benignitate victoris affirmarunt, hæcenus se cum Comite Habsburgensi bellum gessisse, nolle autem imposterum cum Cæsare pugnare. At loci Episcopus irritior ex veteri similitudine, auditâ procerum Imperii suffragatione, quòd ominosam haberet Rudolphi virtutem militarem, in cælum suspiciens, O Christe, inquit, salvum tibi thronum tuum tuearis, ne te inde Comes iste dejiciat. Confirmavit factam electionem Pontifex Gregorius decimus, ad quem Imperator legatum illico destinaverat. Placuit singulariter summo Christiani populi pastori convenisse Electores in personam Rudolphi, eò quòd ad exterarum nationes magna hujus Principis à multo tempore fama ingentium virtutum penetraverat. Ipse verò ad capeſſendum diadema Aquisgranum se contulit. Res ibi memorabilis accidit. Incuriâ eorum, qui regalia, & apparatus Cæsareum advehere debebant, factum, quod sceptri unâ deportandi non meminerint. At sibi constans

stans in functione Rudolphus Crucifixi effigiem de altari capit, atque hoc, inquit, Sceptrum est, quo Deus regnat, quo redempti omnes sumus: hoc ego utar contra hostes Dei, ac Imperii, & personæ nostræ rebelles. Juere in sententiam Principes, ac crucem exosculati præstiterere consuetum Cæsari homagium. Die Coronationis præfulgida Crux sereno Cœlo, in aëre comparuit, uti tempore Constantini Magni factum legimus. Omen fuit inaugurationis gratæ Superis; & gloriosorum eventuum Pietate, ac Religione ducibus per Augustalem Rudolphi prosapiam in Imperio secutorum.

Frat Rudolphus à dotibus tanto fastigio dignis omni ex parte à natura instructus; minus tamen se perfecturum religiosissimè credebat, nisi dotibus naturæ, Dei gratiam adderet: quo propitio vivebat certus secundissimæ fortunæ. Ac propterea statim initio gubernationis signum crucis, quod monimentum est redemptionis nostræ, voluit esse pignus suæ felicitatis. Magna veneratione ferebatur in hoc trophæum Christi. Ejus honori Tulnæ Ecclesiam construxit. Ex peculiari in illam devotione providebat; ut negotia majoris momenti in feriam sextam hebdomadæ differrentur. Quare si pugna incunda, si suscipienda ponderosior expeditio, si aliud reconditoris considerationis agendum; continuò deligebatur dies Christi Passioni dicatus, quem sibi faustum, ac felicem,

licem, ex præsidio crucis constanter promittebat; etiam favente per secundos successus experientia fortunatè capti auspicii. Curabat, ut in vexillis, signisque militaribus Crucifixi Imago depicta representaretur. Nec externo tantùm apparatu fovebat devotionem, sed & prosequabatur intimo affectu, ac plurimùm oratione. Quotidie statas horas impendebat fundendis precibus: per quas actionibus susceptis præsidium, ac propitium de Cœlo Numen ardentè implorabat. Solebat dicere: conjunctionem cum Deo plurimam commodare operam bonæ gubernationi: nihil prius principi statagendum, quam ut sibi Dei benevolentiam demeretur, hæc pacto omnia in tuto prosperè fore collocanda. Constantissimus erat in occupando tempore ad orandum præfixo, nullis ab eo negotiorum momentis unquam avocari se passus.

Post susceptam coronam convocavit proceres Imperii Norimbergam ibi constituturus, & restauraturus res Germaniæ. Aduere Principes, alii per legatos, alii in persona propria. Solus Rex Bohemiæ Ottocarus, seu fortunæ Rudolphi invidus, seu ex magnitudine suæ potentiæ tumidus, nec præsto fuit, nec procuratores misit. Regnabat ille à mari Baltico adusque Adriaticum, nempe præter Bohemiæ, & Moraviæ Regnum, inuasit nuper Dominatu Austriæ, Styriæ, Carinthiæ, Carniolæ, Borussia, aliarumque Provinciarum. Attamen non habebat ex Imperii proceribus, qui par-

tes

tes cum illo sequeretur. Eriam Dux Bavariae Henricus aliquamdiu tergiversatus, tamen requisitus, ut adesset dietæ per legatos adfuit, & sacramentum novo Cæsari dixit. Itaque pertinax in proposito Ottocarus à dietâ Imperiali Rebellis pronunciatur: agiturque reus repetundarum ob usurpatas mala fide terras Austriæ, cæterarumque regionum. Confluxit, priusquam aperto Marte ageretur, mansuetudo Rudolphi cum superbia Ottocari. Tentavit Imperator benevolentiam, & monitis frangere contumacem, & prævenire rigorem, quem provocabat quotidie auctior Bohemi insolentia. Promovit indignationem temeritas Legati, qui in conventu Augustano coram Imperii proceribus nomine sui Regis admodum irreverenter in Cæsarem peroraverat. Omnino constituerant Electores plectere maledicum, existimantes immunitatem Legati non extendi ad impune ferendam huiusmodi petulantiam. Sed prohibuit poenam benignitas Cæsaris, quæ excusationi, & deprecationi fuit. Induxit Principes ad dissimulandum facinus hominis in aliena persona sui impotentis. Interea cum clementia nihil apud Ottocarium proficeret, expedita sunt arma. Hæc ne remoram postea paterentur, providè prius alia per Imperium negotia complanare Rudolphus statuit. Recusabant ditiones per interregni tempus male partas reddere priscis possessoribus Ludovicus comes Palatinus, & Marchio Badensis. Hos adortus

bello Imperator ad obsequium compulit : nihil motus ærumnis, & periculis, quæ obviam ferebantur ; amore justitiæ nihil non principi præferendum ratus. Ab istis in Bavariam cum exercitu transiit, Duce illic Henrico nuper juratam fidelitatem abnegante, & hærente partibus Ottocari. Magna cæde, & ruina patriæ attritus Dux tandem ad humiliter petendam veniam, & facienda imperata se submisit. Inde in ditiones Ottocari movit ; castra & civitates expugnavit, ac Viennam obsidione pressam ad deditionem coëgit. Inclinauit cum fortuna animum Rex, atque ad parendum Cæsari persuasus cristas posuit ; rem quantò depressiorem superbo, tantò acerbiorum Ottocaro. Pacis conditiones Cæsar victor præscripsit : Rex dimittat Austriam, Styriam, Carinthiam, aliasque Provincias : Cognitionem jurium in illas sibi, ac Proceribus Imperii committat : Ratam habeat Electionem Rudolphi : Juramentum fidelitatis præstet : Investituram Regni Bohemiæ, ac Moraviæ à Cæsare accipiat : Reddat Regi Hungariæ per vim erepta : Captivi utrinque in libertatem asserantur. In sui favorem Ottocarus nihil cupidius expetit, quàm ut homagii abs se præstandi solemnitas sub papilionibus ageretur : nempe ne abjectum ad pedes Cæsaris, & ad manus oscula exercitus circumfusi spectarent. Data fuit auris arroganti postulato : sed postea mandatum à Cæsare, ut tentorio sic inserta essent retinacula, ut ad momentum solui pos-

possent. Quare dum flexo genu ab Imperatore Rex vexilla Bohemiæ, & Moraviæ de more accipit, resolutum siparium militi Cæsareo, Bohemoque repræsentavit Majestati Rudolphi advolutam superbiam Ottocari.

— Vidit factum Princeps arrogans, sed animo pressit: At reducem in Bohemiam acrius ad intimos sensus extimulavit elatioris & ipsa genii femina, Cunigunda uxor. Hæc centum improperiis maritum adorta indignum regio honore dixit, qui sustinuerit facere imperata illius, cui non multo ante imperaverat: qui pacem excidio turpiorem fuerit complexus, qui in dedecus suæ potentiae, cum dominaretur à septentrione in meridiem constringi se passus sit intra claustra sylvæ Hercyniæ, atque hoc impetraverit beneficii loco, à ministro nuper suo, & ab hoste: Ipsam se, si modo exercitus sibi committeretur, audaciam hanc in regem conjugem fæde bacchatam generositate suâ ulturrâ credidisse olim se potentissimo Principi nupturam, cum vidisset ab eo profligatos Tartaros, repressos Hungaros, subjugatos Styros, victricia in Italiam immissa signa: egregiam verò fortunam sibi obtigisse ex marito sic ignavo! Fregit incautum Regem uxoris maledicentia. Abjecit juratam fidem, rupit concordata, collegit copias, statuit repetere, quæ dimiserat. Nec territus Cæsar revocato propere in castra milite novo fulmine constituit contumacem percellere. Ut oblatae fuerant

literæ, quibus dicto nuper sacramento obnunciabat Ottocarus: Bene habet, inquit Rudolphus, perjurus est, Deum habebit adversarium: vindicabit iste fidem temerè violatam, & patrocinetur æquitati causæ in perfidum, ac rebellem pugnantem. Occurrerunt cum validissimis utrinque copiis sibi mutuò partes in finibus Austriæ. Aderat Rudolpho copiosa nobilitas, è quibus Tigurini centum facto memorabili simul omnes fortissimè dimicantes occubuerunt in prælio, multis vulneribus faucii, & conversa fronte, nullam aversi unquam ab hoste vestigii notam testati. Miserat auxiliares copias Ladislaus Rex Hungariæ, Regis Stephani filius; quem postea ad demerendam sibi plenius gentem Rudolphus in filium adoptavit. Accidit, ut feriâ sextâ, die à devotione Rudolphi celebratissimo, & fausti nunquam-non ominis prælium comitteretur. Voto prius concepto Ecclesiæ in honorem triumphalis Crucis signi construendæ, quod postea religiosè, ac magnificè præstitum, mandavit; ut Albertus filius vexillum Imperatorum Crucifixi imagine decorum proximus Cæsari præferret. Concurrere acies magnis animis; audacissimè Bohemi, Cæsarei & fortissimè, & religiosissimè. Quidam è Basileensibus vir nobilis, ac pius, præibat suæ cohorti elatâ voce præcincens sacrum carmen, quo Deiparæ laudes decantantur: alii fuisse dicunt hymnum *Salve Regina*. alii, *Ave maris stella*, alii similem in populo vulgatam linguâ

quâ vernacula orationem. Fuit pugna acerrima, & multi utrinque sanguinis. Premente fortiùs Bohemo concussa Styrorum ala coeperat aliquantum fatiscere. Ut inclinare eam partem vidit Rudolphus, equo desilit, ac genu posito Dei opem implorat. Rem prodigiosam! Rediêre viris animi, eaque invaluere fortitudine, ut memorabili plane virtute victoriam postea coronaverint. Erat in Exercitu Ottocari Herbutus homo Polonus, statura præeminens, gigantis instar, validus laceratis, & audaciâ promptus. Hunc pacta mercede animaverat Rex facinus aggredi, quo aut Rudolphum sterneret, aut ei, quâ posset, incommodaret. Occurrit dimicanti Herbutus, & ferociter in Cæsarem inVectus plagam intentabat. Non declinavit singulare cum monstro certamen Rudolphus, luctatusque cum obfistente, gladium giganti in viscera adegit, prostratumque humi confecit. Ulteri commilitones Herbuti necem, equum, cui Cæsar infidebat, circumfusi confodiunt. Nec tamen dejectus animo, ut in pedes Rudolphus, in obstantes ut periculo, sic ardore inflammator pugnavit. Mox adfuit Imperatori miles, qui in auxilium convolaverat. At ipse frequentiores jam circumspiciens: Rem vestram, inquit, in hostem agite, ego salvus sum. Conscenso subinde, qui alter aderat, equo pugnam in Bohemos redintegrat, eo impetu ut aciem adversam mox fecerit inclinari. Stetere tamen æmuli pertinaciter, donec duorum

rum è Styria nobilium gloriosâ virtute dejectus equo Ottocarus, atque octodecim vulneribus confossus spiravit. Intellecto Regis periculo Cæsar mandavit, ne interficeretur; misitque, qui incolumem servarent: at non profuit optasse salutem illi, qui vitam temere in discrimen conjecerat, Divis æquè, ac hominibus ex perjurio invisus. Jacuit corpus exanime suo sanguini insepultum, & ornamentis regalibus à gregario milite spoliatum; Fuit hic exitus Regis Ottocari, qui fructum arrogantiae suæ retulit, dic unâ, vitâ, regno, & honore exutus. Cui omne ex eo infortunium, quòd cum esset regnator terrarum ac populorum complurium, imperium tamen sui, ac faminae unius minus æquâ felicitate tractaverit.

Rege extincto animus militum elanguit; quare desperata à manibus salute, eam quæ à pedibus superfuit, involarunt. Stitit calorem incitati ad eundem militis Rudolphus, & internecionem Bohemorum prohibuit. Cadaver Regis defuncti reddi iussit, voluitque honorifice tumulari. Desiderati sunt ex hostibus quatuordecim mille. Excesserat numero exercitus adversæ partis Cæsareum, non tamen generositate, & disciplina militari, quarum alteram exemplo Imperator, alteram institutione perfecerat. Ducis simul, ac militis fortissimi specimen Cæsar in prælio præstitit, assecutus, ut alias semper summorum in bello Principum Annibalis, Scipionis, Catonis, cæterorumque gloriam militarem.

rem. Non est omittendum, quod ad hæc tempora refert Æneas Sylvius de Rudolpho. Defectu aquæ laborabat siti exercitus. Fortè ex agro proximo sublatam à messoribus amphoram cerevisiæ attulerant ad Cæsarem milites. Urgebat sitis, & instabant officiosè circumfusi, ut libaret. At Rudolphus: Ite, & messoribus potum, quem sustulistis, referte: non mihi, sed exercitui sitiebam: neque amphora hæc pro tantis sufficiet. Discussa est glorioso dicto sitis ab aridis militum faucibus, nec fuit, qui de molestia amplius quereretur, aut sollicitus illi levandæ circumspiceret opportunitatem. Victoriâ clementiùs est usus Rudolphus. Regnum Bohemiæ Wenceslao Ottocari filio attribuit: & quò obstrictum plenius sibi faceret filiam Gißam, alii Juditham vocant, matrimonio ei conjunxit. Vicissim Rudolpho filio Agnetem, itidem Ottocari filiam desponsavit, addito in patrimonium Ducatu Sueviæ, & Landgraviatu Alsatiæ: Austriæ porro Albertum primogenitum rogantibus Provinciæ statibus, Principibus Germaniæ intercedentibus, & annuentibus Electoribus præfecit: nempe meritis hujus, jam tum per gradus ad Imperium olim capeßendum aspirantibus. Alter interim filiorum Rudolphi fortuito casu aquis haustus interiit, attemperante Deo, uti solet, cum adversis prospera, ne felicibus nimium, quam oporteat, res humanæ auferantur.

Rebus ad vorum compositis totum se Cæsar accin-

cinxit ordinando Imperio : Deviaverat illud per
temporum vicissitudines à regulari motu : & habe-
bat necesse Intelligentiâ providè, ac solícite assi-
stente, ut reponeretur in cursum, suâ dignum præ-
stantiâ. Quare, ut notat Rhoo (lib. I.) abstînuit
à profectiōe in Italiam pro capeſſenda corona à
Romano Pontifice juxta morem complurium An-
tecessorum. Considerabat damna, quæ per re-
gnantis absentiā facile per Germaniam poterant
succedere. Expendebat lucra, quæ ex profectio-
ne Italica admodum exigua reportarentur. Vide-
bat multis Imperatorum illud iter infructuose, plu-
ribus infelíciter evenisse. Itaque suadentibus pro-
fectiōem respondebat per apologum Æsopi
Leonem belluarum regem desiderasse & impe-
trasse, ut minor animantium populus ægrum se in-
vísèrent. Vulpem posteriore loco venisse; moni-
tamque ingredi abstînuisse; eò quòd vestigia in-
gredientium plurima observasset, redeuntium nul-
la: nempe priora in alimentum ægroti cessisse; hi-
bi, nisi imprudenter perire vellet, non aridè pe-
riculum. Et Rudolphus pluribus Imperatorum
contigisse ajebat, ut aut in hoc itinere perirent, aut
inglorii reverterentur: se neutrorum exemplo fo-
re prodigum Majestatis. Nihilominus absens ami-
cissimè coluit Romanos Pontifices. Nicolaus ter-
tius fretus autoritate Rudolphi eximia multa
confecit, plura fidenter ausurus, si longiùs super-
vixisset. Inter alia Regem Neapolitanum munere

senatoris Romani privavit. Petrum Regem Arragonum cum Siculo & Neapolitano composuit. Acuebat cor Pontificis ad audendum favor, & amicitia Rudolphi; cujus existimatio, sicut in Germania obedientiam, ita in Italia reverentiam evincebat: Donavit sedi Apostolicæ Rudolphus Ravennam cum Exarchatu, & Bononiam amplissimas civitates. Quibus tesseriis amicitiam & liberalitatem in Pontifices comprobantibus, simul contestabatur pietatem, fidem, ac Religionem in Deum eximiam, concomitatam virtutibus gloriosissimo, & Christianissimo Principe dignissimis. Pietas quippe munificentiae in Ecclesiam mater est: quæ à Cæsare superimpensa fuit tam universum, quam singularibus plurimis piis locis, ditante alibi, alibi dotante.

Opinione, ac fama Imperatoriæ Prudentiæ claruit Rudolphus pretium, & venerationem Procerum, ac populi exinde consecutus. Si iudicium de prole disceptantium fæminarum magnam sapientiæ existimationem Salomoni contulit; conferre potuit Rudolpho frequens quoq; sententia in causis maximè ambiguis gloriôsè prolata. Venerat Cæsar Norimbergam: adfuit illico mercator accusans hospitem, apud quem diverterat, quod marsupium ducentis coronatis grave depositum in manus, reddere, imo accepisse pernegaret. Non erant super deposito confectæ tabulæ, non testimonia. Veritatem abditam prudentia Rudolphi protra-

xit in lucem. Captavit opportunitatem rei agendæ, postquam de materia, & qualitate bursæ plenè fuerat edoctus, in id tempus, quo non multos post dies erant adfuturi solemni cum apparatu Patri-
cii, ac cives ad manus oscula, atque consalutan-
dum Cæsarem. Adfuit inter cæteros designatus
hospes, fortuitò ex aliorum ornatu ab elegantiori
compositione, ac cirris pilei discernendus. Ulus
occasione Imperator, & in benignam conversatio-
nem familiariter immixtus pileum hospitis è cæte-
ris civium apparatibus laudat: imò complacen-
tiam habendi illius, ac cum suo commutandi præ-
se fert. Quid infra humanitatem magis ageret ho-
spes, nisi prompte offerret tanto Principi, tam exi-
guum, sed ut advertebat cupitum munus? offert
itaque & acceptat oblatum Cæsar. Sed aliquanto
post secedens à congressu fidum hominem cum pi-
leo ad civis domum, atque conjugem ablegat:
mandatque ut mariti nomine in fidem exhibiti ga-
leri, bursam formæ, & quantitatis designatæ, re-
conditam loco, quem ipsa nosset, postulet, atque
evestigio transmittat. Persuasâ indicio mulier cri-
menam depromit; & impetratam nuncius defert
Rudolpho. Cæsar adhuc perneganti tabernario de-
positum exhibet, ac confusione opertum percel-
lit. Consecuta est pæna improbè mentientem; ac
sagacitate, industriaque Imperatoris eruditi Prin-
cipes merita fide, condignoque timore sapientiam
Imperantis impofterum sunt profecuri.

Erat

Erat Imperium annis præteriti Interregni gravissime convulsum. Dominabantur injuriæ, depredationes, discordiæ, tyrannides. Nihil arma in tot flagitia profecissent, nisi prudentiam gubernationi Rudolphus admovisset; nisi consilio & industria, reginæ virtutum prudentiæ collactanteis, opera Herculeis propè viribus desperanda suscepisset. Bellum gesturus præmittebat accuratam singulorum eventuum circumspeditionem. Facta resolutione procurrebat ut fulmen. Ita expéditiones prudentia, prudentiam fortitudinem promovebat. Contra eorum morem, qui dum inconsultâ cupiditate feruntur, quo stulta ambitio applicat, plerumque abeunt inglorii. Consueverat dicere: Imperia gubernari per virtutem prudentiæ, & per tyrannidem frequentius dilatarî: sed subjungebat; quod præstet imperare bene, quâ amplificare quomodolibet Dominatum. Utroq; axiomate confundebar pronam ambitionem ad alienâ concupiscendâ. Cujus in Rudolpho suppressæ, ac edomitæ magnum sane prodigium fuit, cum princeps esset genio, potentiâ, felicitate nulli secundus, atque ad solum non a natalibus evectus, sed virtute propria eluctatus cepisse poterat experimentum voluptatis, quâ plurimi inebriantur, sceptrâ sibi & coronas multiplicandi. Tantus animo, ac fortuna præsumptionis nihil jactabat: æquè auscultandis aliorum consiliis deditus, atque negligendis adulatoribus. Dicebat assentatores more hypo-

rum grassari: siquidem hi jumenta, quæ scalpunt, & lambunt etiam solent absumere: illi principum exitia, ac ruinas festinent, dum verborum dulcedine lethargum, ut improbæ sirenes immittunt.

Prudentia moderationem superinduxit. Non cupiditas, non fastus auferebat Rudolphum. Sua-
debant multi, ut capta opportunitate, quæ affuebat, domus suæ, atque Imperii incrementa procuraret. At ille immobilis aiebat, privata lucra curari à principe admodum temperanter oportere: publica verò commoda non consistere in promovendis finibus, sed in bono regimine, qui scopus unicus esse debeat Imperantis, si Reip: prodesse velit. Ita non efferebatur dignitatis Imperatoris eminentiâ, ut intuens quandoque Cæsareum diadema sic proloqueretur: ô Corona quam tu illudis oculis te appretiantium! Sed si homines nossent, quantum ex te molestiarum, ac curæ proveniat, nemo sanè te humo attolleret. Rogatus causam; unde tanta dominandi universim cupiditas; ut prodigium sit reperire quempiam, qui fasces seriò detrectet? cum econtra quamlibet ceterarum artium ignorantes, atque ad illius exercitium provocati, sine mora exculant, atque imperitiam ultro profiteantur. Respondit Cæsar, e pluribus eam esse, quod vulgi opinione, pro stolido, ac bardo habeatur, qui præesse nesciat: neminem proinde esse, qui stoliditatem velit de se primus enunciare. Innuebat hoc responso: Dotes Imperantium

rium à prudentia conferri, cuius necessitatem cum haberet perspectam, ipse in gradu eminenti per eam fieri conspicuus satagebat.

Vulgi sermonibus sic attendebat, ut fructum institutendæ gubernationi caperet. Juerat aliquando dissimulato habitu (quamvis in apparatu vestitum ne quidem aliàs luxum quæreretur) per vicos urbis celebrioris. Ingressus domum panificis obvi ad ignem se applieuit, quod aura foris rigidior afflaret. Mater familias hominem plebeum rata, atque ideo commotior audaciam exprobrat subintrandi alieno tempore peregrinam domum. At placatior ille, ut sermonem porrò contexeret, veniam facti demissè rogat; militis egeni, ac pauperis conditionem simulatam prætendit; dicit se in obsequio Imperatoris absumpsisse facultates omnes, at pro impensis servitijs nullam compensationem retulisse, quinimo fraudatum condigno stipendio à Cæsare, nullam meritorum suorum rationem habente. Tum foemina acrius incalescens: ita ita, inquit, Cæsar ipse istus est, qui ruinam nobis quæsit, & vos auxilio illi, obsequioque estis; altam crucem omnes promeremini; hoc tamen pro salute vestra votum est. Reposuit Rudolphus: quantum mea interest, nolo ultra lamentari; at cur vos de Cæsare conqueramini, non video: ab eo vobis nihil sinistri. Tu enim vero hæc nescis, ait foemina, numquid non ille ad incitas redegit pistrinum omne hujus civitatis? prius opulente, &

laute habuimus, nunc angustijs domesticæ rei conficimur (correxerat namque Imperator per eos dies abusus, qui per insolentiam hujus artis magistrorum irreplerant) tùm impulso ad limen hospite, facesse, inquit, â domo non tua; simul vâs aquæ, quod se manibus obtulerat in focum injicit, qui tardantem adhuc Rudolphum cinere, ac fumo obruit, ac progredi fecit: prosequentem nihilominus amæno, affabilique risu mulieris urbanam rusticitatem.

Munificentia planè Cæsarea profusus in omnes, in se ipsum illiberalior videri potuit. Non ostentabat Majestatem Imperatoriam â conquisito apparatu vestium, aut satellitij, aut comitatûs. Totam reponebat in generositate & virtute, quæ sola principem in Rudolpho spirabant, quidquid tenuitas vulgaris habitus obloqueretur. In castris planè exosam habebat pompam, fartis vestibulis ac refectis, frequenter usus. Fastus ingens fuit, quo Ottocarus Bohemiæ Rex amisso priore prælio adjurandam fidelitatem compulsus coram Rudolpho comparuit. Magna cum ostentatione superbivit aula omnis: jumenta quoque textis auro phaleris, quas pretiosi lapides distinguebant, invehantur. Paludamento nitebat Ottocarus, ostro, & raritate gemmarum radiante. Perstringebat Cæsarum oculos Illustris apparatus, & ne quid in Majestate Imperatoria desideraretur, hortabantur Rudolphum proceres, ut posito viliori, nitentior

rem habitum indueret, qui dignitatem æquaret. Risit supervacaneam suorum solitudine n Cæsar, & quandoquidem, inquit, Rex Bohemæ toties griseum vestem meam derisit, fiat, ut vestis mea grisea eundem derideat. Vos quoque convenit abstinere à pompa; armis induimini, casside caput & thorace æreo pectus armate. Hastas & apparatus militarem, quo ferimini ad pugnam succincti adstate, sinite Bohemos opum ostentatione splendescere, vos æra, & robur martium monstrate. Hæc enim vero vos sola decent, ac me. Fecere imperata Palatini. Et Imperator vulgari penula indutus adfuit juramento fidelitatis, atque homagio recipiendo.

In administranda Justitia severum se præstitit. Non ferebat injuriis præsertim egentiores prægravari. Acerrimè in prædones viarum inquirebat. Octoginta castra, seu facinorosorum receptacula per Imperium excidit. Captos latronum primipilos, aut clavo affigi, aut capite minui fecit. Tanta exinde per Germaniam consecuta itinerantium securitas, ut profecti mercimoniorum causa affirmarent, tutiora sibi esse, quæ deportabant, in vijs publicis, quàm olim fuerint in domibus, atque officinis. Diruit complures arces, à quibus vicinorum infestationes, prædæ, insolentiæ in patentes provincias redundabant. Hos seditiosorum nidos erectis alibi munitionibus in tutelam finium compensavit. Eo regnante proruperat è

gehebris nonnemo, qui se Imperatorem Fridericum II. superstitem nominabat. Concordabat oris aliqua similitudo; dabat indicia nonnulla rerum ab eo Cæsare gestarum cum complicitibus non paucis etiamnum viventibus. Profundebat uberem in obvios pecuniam, incertum quâ arte comparatam. Nec deerant, ut fieri amat, rei novæ sectatores, quin certatim ad impostorem confluebant. Placuit initio Imperatori fabula, quam scitè admodum homo agebat: At ubi cœpit incautus regionem involare, deditione urbes capere, edicto Rudolphum ad restituendum diadema compellere, adfuit illico Cæsar armatus, & impostori præproperè: neque enim differebat momento, quæ necessitas suadebat, captam Friderici umbram quæstioni subjecit, convictumq; imposturæ mandavit ignibus absumi: pænâ, quam promeretur adulterator monetæ, ob confictam Principis imaginem, omnino condignâ homini, qui ipsum quoq; Principem confinxerat.

Iustitiæ gemella Pax est. Ambæ in pectore Rudolphi amico complexu jungebantur. Vires, ac fortunam bellicam quærendæ tantummodo paci impendebat. Hanc ut constantem obtineret, tentabat initio premere motus omnes litigantium, aut pactis, aut armis. Ita Principum simultatibus disturbatis locum rationi faciebat. Nec erat, qui adversus monentem tergiversari vellet, cujus expeditæ deliberationes, ac vires notissimæ suggerebant

bant argumentum ad tranquillitatem. Interdum ne motus graviores ciceret, dissimulabat adverte-
re, quæ fiebant, nec tricabatur in minutijs rerum,
aut exstimationis. Constituerat Honorius IV.
Pontifex in salutato Imperatore Vicarium Italiæ
Prizivallam, quamvis postea per legatos confir-
mari illum à Cæsare in suscepto munere postula-
verit. Poterat Cæsar indignari. Attamen dissimu-
lavit, sive ob reverentiam, quam sedi Apostolicæ
deferbat, sive ne tranquillitatem Italiæ turbaret.
Persuasus iisdem argumentis, plura summis Pon-
tificibus indulxit, nunquam reflexâ ad obsequio-
rum molestias, quæ occurrebant, pietate. Pacem
amabat, tum quod ipsa per se prodesset, tum quod
conduceret bello. Nam qui pacem habet cum
multis, sine labore uni bellum movet. Quare age-
bat litigantem cum pluribus, prudenter acturum,
si concordet cum duobus, atque ita liti tertiæ,
quæ majoris sit momenti validius insistat. Et ipse
ut in hostem unum majori cum fructu incumbere-
ret, paciscebatur cum adversarijs tenuioribus. Ad-
hibebat insignem ad omnia industriam, & expedi-
tos animi motus. Quandoque etiam inimici do-
mum adibat, & factus conviva ex hoste, sine arbi-
tris compositionem solus inibat, ut facili cum im-
pensa, sic prospero ut plurimum cum eventu.

III Fuit Principum Clementissimus Rudolphus. Fa-
cilius ad veniam, cum demissi, ac supplices de-
precarentur, etiam rebelles. Affirmabat, penite-

re se, quod aliquando inclementior, nunquam autem, quod nimium facilis fuerit. Ita loquebatur, cum dicerent nonnulli Rudolphum ab accepto diademate mores mutasse, atq; jam supra genium, imo ultra quam oporteat esse clementem. Interebat balistariorum concertationi Imperator, uti exercitijs quibuscunque militaribus adesse cum voluptate semper consueverat: Ex his imperitior, dum incautius arcum tractat, jaculo de manibus elapso non longè absentem Cæsarem gravius ferit. Evestigio ille in carcerem ad pœnas, ut ex orchestra ad palatium Cæsar pro vulnere curando. Conclamant ex adstantibus nonnulli præcidendam esse improbo manum, quâ sic improvidè in Principem peccasset. At Rudolphus benignior: egregium verò & opportunum consilium! prius præcidi manum oportebat, antequam telum jaceret, & feriret; numquid vulnus ex præcisa manu curabitur? solvite hominem à vinculis, ac dimittite. Oderat Rudolphum Ottocarus odio vatiniانو Rem, ut putabat, Cæsari gratam facturum nonnemo obtulit se necem Ottocari procuraturum. Reposuit Imperator: non diffiteor inimicus mihi Ottocarus est; nec tamen exinde me decet facere, quod dignoscitur alienum ab æquitate, ratione, & humanitate: sinite illud vivere. suo tempori servetur.

Eximia ad omnes ferebatur civilitate. Observavit aliquando submotam fuisse ab apparitoribus

tur-

turbam quæ confluxerat ad videndum, & consalutandum Cæsarem. Quare ad importunè officiosos obsecro, inquit, sinite ut accedat ad me populus: non enim in Imperatorem electus sum, ut articula, vel sipario claudar. Penè oblitum Majestatis reddebat Humanitas, adeo condescendebat in omnes, ut consolaretur, & beneficeret. Etiam irâ commotus incitationem animi mansuetudine attemperabat. Omnia opera charitatis dulcore condiebat: vicissim charitate universorum colebatur. Sed & affabilitatem non deserebat majestas. Regum legati, ac Principes Imperij ad assatum Rudolphi tremere, & obmutescere sunt soliti. Ipse vero discutiebat trepidationem humanitate, & tale, sic dicam, regio revocabat obmutescentes ad vitam. Duo exterorum Principum legati ad alloquium convenerant; canus alter barbâ, & capillo niger, alter canus capillo, & niger barba. Animum utrique facturus ad perorandum Cæsar, quæstionem antea in aula motam de causâ tanti inter capitis & menti utrinque pilos discriminis in medium advocat, & si negotia feliciter expedire vultis, prius, inquit, edicite, quo casu factum putetis, ut caput mento non respondeat in colore pilorum. Reposuit alter cæsariem sibi multò ante natam, quàm barbâ crederet; ideoque prius incauisse. Subdidit alter tinctam fuisse abs se barbâ frequentius, quàm capillitium, atque ita ex consuetudine bibendi acceleratam sibi humiditate

maturitatem, ac senium barbæ prius, quàm capilli. Responso festivè accepto Cæsar promptè auditos benignè dimisit.

Pari quæ majestatem consequabatur magnificentia claruit Rudolphus. Præmijs obsequia sibi ac Reipublicæ impensa locupletissimis compensabat: stipendia ut militi exhiberentur, singulariter curabat: ut qui officio suo cum satisfactione præfuisset, abiret sine remuneratione non ferebat. Præ cæteris eos honorabat præmijs impensius, in quibus capacitatem negotiorum, munerumque conferendorum experiebatur. Eum, qui à sacris illi confessionibus fuit, non attentâ conditione natalium, quòd parentem haberet pistorem, ad Archiepiscopatum Moguntinum evexit, atque Imperij Electorem fecit. Plures ob merita commendatos eminentibus dignitatibus, atque Dominijs admovebat.

Fortitudine incomparabili excelluit Rudolphus. Non vacat rememorari gesta in prælio ad Laam Austriæ oppidum contra Regem Ottocarium. In devexa ætate primi floris invictum robur retinuit. Burgundiam utramque postremis vitæ annis ad obedienciam & recognitionem Imperij revocavit. Mompelgardij civitate, ac regione in potestatem redactis septuagenario major in hostes, ea virtute animi, iisque viribus invecus fuit, quibus in florenti ætate impellere obstantes cunctos inimicorum consueverat. In eo conflictu occiso
cui

cui infidebat equo, delapsus in terram multo tempore pedes pugnavit, cumque hostium multitudo in alescere, avulsus à suis summa cum dexteritate pugnando cominus, ac retrocedendo in castra revertit. Quod dum facit, ut erat armis, atque ætate prægravis in propinquum aquæ vadum insilijt, in se suaque, quæ fluitabat trabe, hasta pro contubus ex hostium telis se eripuit. Redditus suo militi mox ad terram appulit, promotoque confestim exercitu penetravit in viscera Burgundiæ, eade, ac vastatione urbis Vesontionis ditionem latè pervagatus. Expediti interim à Rege Galliæ Philippo pulchro legati accurrerant, nomine sui Regis comminantes Philippi in persona adventum, nisi ab ijs provincijs exercitum quanto cius Cæsar revocaverit. Risit ad minas Rudolphus, atque ad Legatos. Veniat, inquit, Rex Philippus: Præsto habet expectantem: Recipietur, tanquam qui non ad cupedias accesserit; intelliget, quàm vanum sit legem ferre armatis. Suggestibus tamen, quod minus expediat, eo in loco hære ex annonæ defectu, qui potentior hostium metu castra infestabat. Replicuit invicto animo Cæsar: nec istud facit ad suadendum recessum. si vicerimus, suppetet de apparatu hostium, quo vescamur: acti in fugam abundè relinquent, quod alendo exercitui sufficiet. Deficiente nihilominus annonæ, nec conspecto hoste, prior ipse rapas, ac leguminum radices vellere cæpit, & manducare, exem.

exemplo commonstrans naturam eo contentam
 esse posse, quod offertur. Imitati Imperatorem mi-
 lites de subsidio com meatuum non cogitarunt.
 Adfuit interea cum milite Robertus Burgundiæ
 Dux, & Theobaldus Ferrentanus. In hos partem
 legionum Helvetarum immisit Rudolphus, qui fu-
 sis magna cum clade Theobaldi copijs, onusti
 spolijs in castra Cæsaris reverterunt. Cogitabant
 persistere, & vallo communire se Burgundi, donec
 Rex Galliæ suppetias ferret. Disuasit consilium
 unus, qui non multo ante in Imperatorijs castris
 militaverat. Ne obsistite Cæsari, inquebat, novi ge-
 nium, fortunamque Rudolphi: sine damno nostro
 nos ille hinc non dimittet, in valla quæcunque
 prætenderimus, involabit. Itaque reveriti virtu-
 tem, nomenque Cæsaris misere legatos, qui de
 pace tractarent. At Imperator nihil minus, quam
 de compositione cogitans, mandavit, aut arma il-
 lico ponerent, aut confingerent, aut imperata fa-
 cerent. Postremum hostibus visum fuit consul-
 tius, & Burgundia ad obedientiam Cæsaris, & Im-
 perij redijt. Incredibile videri potuit in Principe
 annoso, & à pluribus bellis lasso tantum animi, tan-
 tum in perferendis molestijs patientiæ etiamnum
 superfuisset. Certè roboraverit animum longa
 propitiæ fortunæ experientia, & consuetudo vin-
 cendi. Quatuordecim quippe prælijs præfuerat
 semper Victor. Inde Rudolpho per Universum
 mundum fama, ac veneratio comparata, cujus
 clien-

clientelam, & amicitiam non modo Christiani Principes, verùm etiam barbaræ gentes, Persæ, Moscovitæ, ac Turcæ missis legationibus quæsierunt.

Mortē obiit, ut vitam egerat, felici. Imo ex morte piè obita fortunatior, quàm felix ex vita gloriøsè transacta. Proficiscebatur Francofurtum procuraturus Alberto filio postea Imperatori, diadema. Iter agentem febris corripuit. Sensit illico occultâ vi finem laborum imminere. Quare expiata per sacram confessionem conscientia, acceptaque à confessario, quem semper unâ deducebat, delictorum Dei nomine remissione, sacrosancto Eucharistiæ sacramento, sibi ad æternitatem viatico, instrui voluit; ut sacro illi mysterio imperium cum vita redderet, cui devotissimus semper vixerat, & à cujus veneratione augustalem dignitatem fuerat consecutus. Mox à cæpto Francofurtum itinere destitit, Spiram se deportari mandans, atque identidem succlamans: Eamus, eamus Spiram; ibi me Imperatores expectant. Sepulturam in iuebat antecessorum Cæsarum, ad quos ibi sepultos, consors futurus optaræ quietis, corpore contendebat. Invaluit ægritudo, dum non longius Spirâ in loco Germershaim nuncupato substitit. Ibi post iteratam Sacramentorum participationem pijsimè animam Deo reddidit: Obiit anno millesimo, ducentesimo, nonagesimo primo, natus annos supra septuaginta: postquam à suscepro diademate Imperiali totos decem & octo regnas-

regnasset. Imperator longè gloriosissimus; qui præclaris rerum gestarum monumentis Principum imitationem promeritus, belliducum admirationem consecutus, posteris in virtute participanda pulcherrimam hæreditatem reliquit.

C A P V T II.

Virtutes Imperatorum, qui Regum Hispaniæ prædecessores fuerunt.



Subjungimus amplissimo virtutum choro, quem in se unum collegerat Rudolphus Imperator Austriacus, singularia earundem decora, quæ sparsim in rebus gestis aliorum ex Castellana, & Austriaca Domo Imperatorum resplenduerunt, veneratione omnium, atque in primis imitatione Principum dignissima.

§. I.

Alphonsus Hispaniarum Imperator, à virtute iustitiæ illustris.

Multi Reges Castiliæ titulo Hispaniarum Imperatoris compellati sunt. Accommodari maxime hoc cognomentum potuit Alphonso septimo.

mo, qui iisdem ritibus, quibus Imperatores Romani in Germania inaugurantur, iisdemque ceremonijs coronari se fecit. Tribus vicibus, & diademate semper dissimilis metalli fuit redimitus. Refert Julianus Perez, eum altera vice coronam argenteam suscepisse in urbe Legionis, tertiam & auream Compostellæ: ac propterea æque ab Hispanis atque etiam ab exteris gentibus, imo & Gallis pro Imperatore habitum, cultumque fuisse. Petrus Cluniacensis in literis ad summum Pontificem non Regem, sed Imperatorem vocat. Ipse demum Pontifex hoc ei nomen autoritate sua firmavit. Dignissimus fuit hoc cognomento Alphonsus, à demissione Christiana, atque à singulari dono Justitiæ per Hispaniam celebratissimus. Usurpaverat Alphonsus Arragonum Rex Alphonsi Imperatoris vitricus partem opulentioris Castiliæ nulla restitutionis faciendæ spe relicta. Collegit copias Imperator, ut vis repeteret, quod ratio non impetrabat. Attamen malebat in Maurorum sanguine ferrum tingere, quam dedecorare illius aciem in pectore Christiano: ratus quantum gloriæ accederet à victoria de infidelibus; tantum laudis decedere ab impugnata in filijs Ecclesia Dei. Itaque Regem Arragoniæ prius modestiâ, quam viribus expugnare aggreditur. Mittit Legatos, qui demissè ab Arragonio, tanquam Patre, hæreditatem filio debitam postulent. Offert vicissim cum affectu promptissimo amorem filia-

filialem, & suppetias, si quâ vocaret, constantes. Consecutus fuit modestiâ, & demissione quod armorum fortuna faciebat incertum. Placuit Arragonio virtus in hoste armato, fractusque ex considerata æquitate causæ, adeo temperanter rem suam agentis, mutavit retinendi alieni Imperij propositum, & privigno ditiones vi ac fraude nuper ademptas restituit. Addidit luculentiora præmia modestiæ regali divina retributio. Alphonso universam Hispaniam subdidit, Principes in ea Christianos ac Mauros, ut tributa penderent, ipsumque ut mandata acciperet Arragonium effecit. Obstupuit Ludovicus Galliæ Rex per ea tempora in Hispaniam appulsus, cum Toleti vidisset aulam tanto principum numero refertam, qui Alphonso Imperatori parebant, atque ad illum præpotentium in orbe Regum concursunt evocati confluerant. Non capiebat Urbs amplissima populorum multitudinem: Strata per campos inter tentoria agmina diffundebantur, omni insuper opulentia instructissima. Affinabat Rex Franciæ nulli in mundo Regum parem aulam tum fuisse.

Justitiæ severissimus cultor Alphonsus fuit: hæc illius nomini famam, gubernationi gloriam contulit. Non ferebat vilissimo cuique injuriam inferri. Pari plausu celebrata fuit in comitati profectio suscepta in Galliciam causâ Justitiæ, ac triumphantis Cordubam accessus, cum urbem in deditio-

ditionem acciperet. Venerat à Gallæcia popularis implorare Regiam opem adversus nobilem, qui supellectilem misero ereptam, abnuebat red-
dere, & contempto edicto regio pergebat gravio-
ra comminari, si jure secum contendere supplex
tentaret. Offensus improbitate facti, & iniqua
civis miseri vexatione Rex, statuit ipse vindicare
injuriam. Divulgata interim invalitudine, atque
à negotijs publicis recessu, quàm celerrimè absque
comitatu in Gallæciam advolat, mandatque è ve-
stigio Nobilem illum præ foribus curiæ elisis fune
faucibus appendi. Præstitis pro æquitate ejusmodi
documentis frequentioribus magnâ lucè Regnum
purgavit, quàm iniqua audacissimorum protervia
solet invadere. Affirmabat Episcopus Palentinus
ultra opus non esse per Castiliam licitoribus aut
carnifice, quando jam omnis injuria exulabat. Ita
Regis pro æquitate studium eam virtutem electio-
nibus singulorum inferebat, factumq; ut profectio
una in favorem causæ privatæ, cederet in publi-
cam felicitatem, & communem divitibus juxta
atque egentioribus fructum tranquillitatis.

§. II.

*Alphonsus sapiens in Imperatorem Roma-
num electus à majestate, magnanimitate
& sapientia commendatus.*

H

Alphon.

ALphonſus X. cognomento ſapiens à Proceribus Alemanniæ in Imperatorem Romanorum electus animi magnitudine incomparabili claruit. Eius majeſtatem, & magnificentiam conſeſtatae ſunt nuptiæ regales, quas fecerat Principi Ferdinando de la Cerda, cui Blancam Sancti Ludovici Regis Franciæ filiam deſponſaverat. Excivit ad eam ſolemnitatem potiorum Principum maximorum per Europam partem. Interfuere Rex Granatæ, Eduardus Primogenitus Angliæ, Philippus Galliæ Delphinus, Petrus & Sanctius Infantes Arragoniæ, Fridericus Emmanuel, ac Philippus fratres Alphonſi: ejuſdemque tres filij Sanctius, Petrus, & Joannes, nec rarior cæterorum Principum Corona.

In illo nobilitatis & magnificentiæ theatro, apparatus Regalium ſplendor, cum majeſtate ſumptuum, & conviviorum incredibili pompa certarunt. Proſtabant per compita lautitijs apparatusiſſimæ menſæ, opimis dapibus undequaque inſtructæ: nemo adſtabat, qui cuſtodiret, nemo qui mercaretur: Singula primis occupantibus patebant, nequaquam ſucceſſione commeſtibilium deficiente. Patebant nummulariæ menſæ e quibus ab ærario Regio pecunia erogabatur gregatim depoſcentibus. Veſtiaria aderant inveſtiendis promptè, qui minus ornati comparebant, ſingulorum conditione ſpectata, & condigno habitu exornata. Pretia munerum quæ Principibus viris e-
roga-

rogabantur, tanto anteibant intervallo cætera, quanto ipsi eminebant universis. Ea resplenduit per eos dies Hispanicæ Aulæ munificentia, ut æquaverit majestatem populi Romani, cuius aliquando meminit Valerius Maximus: cui sicut abesse non poterat invidia tantum habenti, sic deesse non valebat gloria tantum donanti.

Majori sumptuum gravitate Regiam Constantinopolitanam prosecutus fuit Alphonsus. Infelici bello Imperatorem Orientis fustum, fugatumq; tandem in potestatem redegerat captivum Sultanus Babiloniæ. Lytrum exigebat pro detento immensum cui impar exsolvendo erat ærarium Byzantij. Imperatrix subsidium a Pontifice & Rege Franciæ sollicitaverat, sed uterque non æquabat sumptuum necessitatem revocando in libertatem marito. Conscia magnimitatis Alphonsi in Hispaniam trajecit expertura Principem liberalitate parem suæ indigentia. Excepta fuit prodignitate Personæ. Indoluit fortunæ Imperatoriæ Rex, consolatusque præsentem, promisit acceleratâ ope, viribusque ærarij universis procurare redemptionem captivi Cæsaris. Contigit, ut Imperatricem ad regias dapes una secum, ac cum conjuge accubituram evocaret. Excusabat hæc convivium, quod voto concepto affirmasset, non assidere mensæ publicæ, donec quam quærebat exsolvendo lytro opem corrogasset. Adesse tamen orabat Alphonsus, ac fidere: decem dierum spatio

futuram compotem universæ pecuniæ : tandem per legatos se transmissuram Barbaro, conditionesque reponendi in libertatem Imperatoris patiturum. Stetit promissis Alphonsus, atque insuper invicta animi celsitudine postulavit ab Imperatrice, uti eam quam à Pontifice ac Rege Franciæ æris summam antea impetraverat, illico eisdem restitueret, alienis sibi impensis non placere suam liberalitatem adjuvari.

Expeditionibus animi magnitudini respondentibus claruit Alphonsus, literis æquè, ac gloria militari inclitus. Vendicavit à Mauris Regnum Muriæ ab urbe Lorca in Alicantē, & à Chinchilla Carthagenam usque vasta terrarum spatia victorijs emensus. In toga Lycurgum egit, pandectas statutorum Hispaniæ confecit, æmulatus gloriam Justiniani Imperatoris, qui legum Romanarum compilationem promoverat. Mathematicis disciplinis apprimè instructus princeps in ea doctrina sui temporis evasit, conditis quæ circumferuntur, & a nomine Authoris inscribuntur, tabulis Alphonsinis. Fama laudum tam Illustrium conciliavit Alphonso nomen per mundum ingens. Detulerunt illi Proceres Alemanniæ diadema Imperiale; à quo tamen recipiendo abstinuit, profectiōnem in Germaniam longa dilatione moratus, donec omnino desperato in eas regiones adventu Principes de alio substituendo cogitaverint. Videbatur fortunæ modum voluisse

luisse ponere, seu ex temperantia seu modestia amplificandæ majestatis, ne illius fortè favor tandem, ut assolet, sua magnitudine laboraret. At sapientiæ modum non posuit, cum in omni vita pietatis cultor, eandem constans in seram ætatem transmisit. Moriturus mandavit deferri corpus Mucciam, charam sibi ac fidelem civitatem, cuius in sinu acquiesceret: cor verò iussit Jerosolymam deportari, contumulandum eo loco, ubi fons vitæ, Dei filius obierat.

Ut associatus amorì divino testaretur affectum, quem cum mundi Redemptore in eas Regiones signatas mille cœli gratijs foverat: simul ut ostenderet, quo erga Passionem Christi Domini animo semper fuisset, cui cor, fiduciam, inclinationemque prouissimam vivens detulerat, ac moriens consecrabat. Nec insolitum fuit alijs Hispaniæ Regibus in fidei ac pietatis argumentum quærere locum sepulchri Jerosolymis, ubi corda apponerentur, futura signantius in manu Dei, ubi proximius cœli vestigijs admoverentur.

§. III.

*Albertus Primus Romanorum Imperator
Princeps fortis, ac Clemens.*

ENituit in Alberto I. Imperatore, ab obtentis victorijs quamplurimis nuncupato triumphatore celsitudo animi, & ingenuitas mentis. For-

titudinem cæterarum virtutum comitatu stipatam traxerat in mores. Religione in Deum, clementia in populum, veritate ad omnes, affectu in probos quàm inclinatissimo admirandus. Æstimare singula pro merito solitus, pretium singulare deferebat tribus hominum classibus: Gynæceo honestati dedito, clerico pietatem amanti, ac militi generoso. Osor erat summus callidorum hominum, ac veteratorum; non ferebat delatores, non nugivēdulos, non bilingues: vires pietate firmabat. Documento sit, quod in causæ ac prælij conflictu cum Adolpho Imperij æmulo gessit. Occurrerat hic in acie inter confertos dimicanti, & nunc inquit concedes cum victoria usurpatum diadema. At Albertus non minus generosè quàm piè: Sicut fuerit, inquit, voluntas in cælo, sic fiet; mox intorta hasta adversarium in oculo ferit, supinatumq; obtruncat. Non impetus armorum, non martius furor fecerat excidere pietatem, & modestiam à pectore Alberti; etiam inter iras serenam ad divina mentem servabat. Victor tùm, & asserto sibi Imperio, ad cuius diadema jam tertium evocabatur, maiora in seipsum victoria est usus. Vetuit quàm primum, ne ultra sui milites stragem facerent, nec profligato duce, jamque ad internecionem festinanti, atrocius incumberent: eratque in eo discrimine hostis, ut præter militem gregarium, etiam e Comitum eminentiori nobilitate septuaginta omnino perierint: deleri proinde universos

versos non superfuerit difficile. Ita laudes Julij Cæsaris æmulatus fortitudinem mansuetudine, & clementia attemperavit. Viennensibus aliquando infestus nunquam illis placatior evasit, quàm eum habuit ad pedes abjectos ac post desperatas eorum res veniam deprecantes: Admisit tum supplices, atque injurias cum maximè ulcisci posset liberaliter condonavit. Cæterum in præliis, quotquot gesserat, gessitque complura, semper victor, triumphatoris cognomentum promeruit.

§. IV.

Fridericus Pulcher Rom. Imperator, Pius, fortis, verax, moderatus, affabilis.

Habitabat in Friderico Pulchro pulchrior anima; corporis lineamentis ad decentissimam simmetriam compositis. Mentis generositas hunc Principem edocuit fastidire ac spernere diadema, quod propinquitas sanguinis, quod Pontificius assensus, quod arma & virtus militaris contulerant. Bis victor adversus Ludovicum æmulum, tertio prælio ex calore dimicandi præcipitatus in manus hostium, captusque, fortiora dum vinceretur, edidit specimina, quàm fecerat sæpius triumphator. Adductus in conspectum Bavari seu prudentiæ, seu constantiæ argumentum præstitit nihil loquendo. Detentum in captivitate solici-

tavit homo ignotus, ut oblato equo uteretur, ac profugeret: suspicatus artem magicam Fridericus libertatem & Diadema talibus adminiculis comparandam rejecit: factoque signo crucis impostorem cum equo fecit evanescere. Recusata tamen libertas malâ fide tum capienda, non multo post sincer ori ex caula successit. Compulsus à Leopoldo Friderici germano Ludovicus captivum honorifice dimisit. Convenère, ut ambo titulo Imperatorio pergerent cognominari, ambo imperio simul præessent, ambo pari auctoritate uterentur, atque in edictis quæ alteruter ederet, præfigeret sui nomen collegæ: Duo dicasteria Imperialia constituerentur, quorum sanctionibus similiter alterius in altero dicasterio Cæsaris nomen præmitteretur nomini isthic imperantis. In vicem auxilio essent: invicem ut fratres se coleant: neuter altero non conscio novorum feudorum institutionem faceret: Injuriam alterutri factam mutuis suppetiis vindicarentur. Ita concordasse referunt Wolfgangus Lazius, Joannes Cuspinianus, Gerhardus Rhoo, aliique. Pacem amicitiamque firmavit inter divina officia ad aras participatum ab utroque par Hostiæ sacrosanctæ. At Fridericus inconstantiam fortunæ perosus, & ædio mundanæ vanitatis, abstinuit imposterum à publico, receptumque in diriones hæreditarias ad bonam mortem se disposuit, relictis in totum fascibus Ludovico Collegæ; quæ occasio fuit scriptoribus

ptoribus nonnullis affirmandi, volente Bavaro renunciasse Austriacum diademati, præstiloque juramento de non repetendo folio dimissum; fuisseq; laudatissimam in Friderico juratæ sponsonis observantiam, qui exinde de administratione Imperij nihil ultra cogitaverit. Verum aliter referunt acta Joannis XXIII. summi Pontificis, quibus post sublatam captivitatem affirmatur Fridericus in Italiam evocatus, ut ritu antiquo à Christi in terris Vicario tanquam legitimus Imperator coronaretur: Eum tamen gustatæ jam tranquillitatis amore detrectasse honores oblatos, atque in proposito dimittendæ creatæ vanitatis omnino perseverasse. Quare deinceps de felici ad æternitatem transitu sollicitus locum sepulturæ designavit, atque eiecit in Carthusiensem cœnobio, quod sua munificentia prius fundaverat. Abstinentiæ in victu fuit admirandæ, penè ipsis Carthusiensibus inimitabilis. Vix manducare aliquando ac bibere credebatur. A delicijs, & voluptatibus singulariter abhorrebat, ignotum sibi prope mundum faciens, & ipse sua voluntate jam quoque mundo ignotus. Hebetudinem oculorum in captivitate contraxerat, à jejuniis & lachrymarum frequentia. Anachoretam tum egisse visus, postea monachum omnino induisse videri poterat, nunquam tamen posita Maiestate. Ad ultimos usque vitæ dies amabatur & colebatur à cunctis, ob liberalitatem, & benignitatem, quâ ferebatur

batur in omnes. Communi fama celebrabatur, neminem Friderico à servitijs fuisse, qui opulentior non recesserit.

§. V.

Albertus II, Rom. Imperatori Magnanimus, fortis, ac verax.

SUPRA multum propitiæ favorem fortunæ liberalior virtus Albertum in apicem gloriæ evehit. Non extitit Princeps, quem Imperia tanto ambitu quærent, non fuit, qui minus eorum fulgore auferretur. Eodem anno ad Bohemiæ, Hungariæ, atque Imperij Romani diadema vocatus est. Quod per longam ætatem alij ambiunt, nec obtinent, hic etiam tergiversando intra anni spatium suscipere rogatus fuit. Prius fortunæ, quàm sceptro manum, curasque applicui. Aderant Viennæ Legati, qui delatum ab Electoribus Imperium supplices ut acciperet, deferebant. At enim verò Albertus: Habeo sollicitudinum satis, inquit, in duorum regnorum, atque Provinciarum hæreditariarum administratione promovenda: Imperij accessio importunè curas multiplicaret, quandoquidem priores rebus pro dignitate gerendis totum occupant. Ago proinde gratias pro oblato diademate Cæsareo: oculos in alium conijciant Principes, qui sufficiat tantæ moli cum satisfactio-
ne

ne gubernandæ: Ite, & quam seriò concepi voluntatem Electoribus renunciate. Hæere attoniti ad dicta legati, cæteroquin à raro Principe inopinatum hoc responsi relaturi. Noverant interea promississe Albertum Hungaris, minime diadema Cæsareum, esto præsentaretur, ab illo acceptandum, quò prælentior Regno maneret. Itaque ad Hungaros digressi precibus egere, ut Albertum Imperio, & Germaniæ faverent, atque obligationem ex promisso contractam remitterent. Tum impetrato Procerum Gentis assensu redeunt ad Albertum; Instant quàm supplices, quàm argumentis fulti, orant, ut coronam capiat, ut Germaniæ universæ expectationi ne desit, ut communi bono, quod eo imperante sibi pollicebantur omnes, in caput accedat. Emollivit perorantium energia obfirmatum ad modestiam pectus Alberti, qui inundantibus per lachrymas oculis non ultra sustinuit adesse colloquio. Recessit itaque in interius conclave, & cum animo suo meditatus, quid debeat bono publico, quid supra vires hæc resistantia valeat, tandem ad oratores reversus annuit postulato, & ratam habuit Electionem. Dignior Imperij fastigio, quò detrectaret ascendere, meritisque ab Imperio suspici, quod gloriòse despiciebat.

Animi maximi Princeps, & excelsæ admodum mentis fuit Albertus; sed magnitudinem spirituum heroicorum habebat in potestate: ita ad bellandum

dum promptus, ut ad paciscendum pronus: ita moderatus, dum consulebat, ut efficax dum imperabat. Erat illi, tùm Archiduci, cum Bohemis bellum. Exercitu comparato rogavêre proceres, quem copijs Ducem præficeret: si alium imperare militi oportet, inquit, cur me Archiducem Austriae censeatis non video. Nulla illi pompa in comitatu, non luxus in vestitu, non fulgor in apparatu: collum militari munimento obarmatum, atque illud pretiosè ab auro, gemmisq; instructum ostentare gaudèbat, tesseram dignitatis Imperatoriae hanc esse ratus. Ensem non dimittebat à corpore, aut præferre manu, aut lateri affixum deferre solitus. Ad pericula intrepidus, inter medios hostes dimissa casside, par gregario cuique, solo gladio rem agebat: venationibus ferarum deditissimus, quod eâ militiæ speciem aliquam præ se ferrent, existimabat occupationum id genus Principi, cum maximè convenire: Expeditius omnem aliam animi relaxationem solitus dimittere, quam exercitium Venationis. Desideraverat in Amuratem Turcarum Imperatorum pugnare, sed apparatui subtraxit se barbarus. Interim morte præpropera obiit Albertus: in vicem spei maximæ relicto apud universos luctu ingenti. Ut ad obitum Christiane instituendum se componeret curas Regnorum, & Imperij illico dimisit, eâ fecilitate manumissas, quâ difficultate susceptas. Morientis supremæ voces fuerunt: O Deus æternæ, atque omni-

omnipotens ; ignosce illis ; qui causa meæ mortis
fortè fuerunt, quibus ego quoque ex animo igno-
sco, meque, ut supplico, misericorditer tu respice.

§. VI.

*Fridericus III. Imperator, Pacificus, Pru-
dens, Iustus, & pius.*

FRidericus III. quinimo potius quartus, vitæ
laudatissimæ Princeps extitit. Hunc non modo
morum Innocentia sed & virtutum singularum fre-
quentissimus comitatus dignissimum augusto dia-
demate demonstravit. Si pietas, Justitia, pax à re-
liquo mundo pulsæ exulassent, penes Fridericum
salvæ resedissent. Imperavit annis quinquaginta
tribus in summâ tranquillitate ; Hanc prudentia
& probitas Imperantis conciliavit. Neque enim
minus opportunitate consilij ad pacem conservan-
dam, quam necessitate armorum ad bellum geren-
dum, tutandosque fines est opus. Imo bonarum
legum viribus Imperia felicius tranquilluntur,
quam armorum strepitu. In bello valet fortuna,
in pace operatur prudentia. Debit Imperi-
um sua Alcyonia Prudentiæ Friderici, qui uni-
versum Dominatum ad regulas rationis, & æqui-
componebat, ad quarum momenta prius ipse ani-
mum conformaverat. Offerebatur Corona regni
Bohemiæ capeßenda, sed non sine bellorum mo-
tu.

tu. Ergo maluit alteri, qui potiori jure ad Sceptrum vocabatur favere. Hunc foederatum sibi, se justitiæ effecit, & pro coronæ gloria, incinctus est gloriæ corona. Iterum gubernatio Regnorum simul Hungariæ & Bohemiæ pro hærede minorenni ingerebatur, non sinè titulo competentis Patrocinij. At iterum discussit lubricum onus Fridericus: sufficere ajebat sibi curas moderandis ditionibus auitis, atque Imperio: periculosum esse negotium pro altero tractare aleam: Proceres deligerent è medio nationis viros probos, qui moderatores publicæ rei, & præceptores forent Regij adolescentis: sibi non vacare, ut intricetur curis alienis. Non ita faciunt aquiescere regna, qui juri dicundo præesse gestiunt, qui immittere falcem quaqua- verum student. Pax Friderico amorem populi, & plausum exterarum nationum contulit.

Plus illi existimatio Prudentiæ, quàm compluribus cæterorum Principum bellicæ laudis commendatio gloriæ comparavit. Bis in Italiam profectus, continuum penè triumphum egit: ab omni parte acclamationes, & plausus. Una populi Romani, & concors vox: Vivat, vincat Fridericus Pacificus à Deo coronatus Imperator. Nec tamen à bellis omnino vacavit Fridericus. Interceperant Belgæ filium Maximilianum, & Brugis detinuerant: advolavit eò Cæsar cum triginta millium exercitu: eripuit captivitati filium; & sediciosos compescuit, usus dexteritate, & efficacia ad-

admiranda Pro magno Prudentiæ adminiculuo cooptaverat impenetrabile factarum designationum secretum, altissimumque agendorum silentium. Perspicaces ad omnia Itali, unum Cæsarem pervideri non posse, nec arcana illius penetrari confitebantur. Non auditus fuit ullū unquam decepisse; plurima verò consultissimè animadversus fuit dissimulasse. Aiebat: valde decorum accidere Imperanti, si audiens non audiat, & videns non videat.

Amicus literatorum, eas duntaxat literas impensius amabat, quæ gubernationem perficerent. Poëtarum proinde & oratorum ingenia, luxuriantia non habebat in pretio, nec artibus alijs curiosioribus attendebat. Linguam latinam apprime calluit, eaque plurimum delectatus potissimum loquebatur. Sermo illi non affectatus nec exaggeratus. Dicebat: Reges & Principes operari, ac facere; cæteros loqui. nec libris Jurisconsultorum admodum attendebat: quos affirmabat allegationibus atque expositionibus sæpe fucum facere æquitati. Ferebat sententiam de plano, plerumque juxta dictamen luminis ac prudentiæ naturalis, amoto strepitu concertationum legalium, ac textuum conflictu. bene nihilominus promeritus de jure scripto, volumen de feudis confecit, nova methodo ordinem, dispositionemque materiæ feudalium accuratè complexus. Afficiebatur conversationibus eruditorum, hominesque

nesque doctos amanter fovebat ; exosos ex adverso habebat moriones & parasitos , nullas sibi delicias esse asseverans ex commercio ignorantium, aut ex familiaritate superborum.

Axiomata præferebat prudentiâ & Religione referta. Rogatus in quos homines viveret propensior. Eos inquit impensius amo , qui Deum amplius, quam me diligunt. Constitutus in rebus adversis , agebat : grandis felicitas posse oblivisci quod emendare non valemus. Quæsitus ; quæ homini fortuna acceptabilior queat evenire : respondit : si bene moriatur. Decumbens à pedis ægritudine : non video , inquit ; quæ differentia Cæsarem inter, ac civem intercedat : hoc tamen scio, feliciorum esse civem, cui sanitas ; quàm Imperatorem, quem infirmitas tenet. Agebat per Oratores Ludovicus XI. Rex Franciæ, ne Cæsar cum Burgundiæ, & Flandriæ Ducibus pacisceretur, quin potius Belgio incumberet, & id ad Imperium revocaret, id quoque Burgundiæ repetendæ non defuturum. Respondit Fridericus traducto à fabulis argumento ; tres agebat, in cauponam diversitæ, qui absumptis epulis, cum unde solverent, non haberent, polliciti sunt grassantem, in vicinia ursum conficere, atque ex pelle divendita facere tabernario satis. Pacta conditione abiisse in sylvam, sed non æque sustinuisse belluam factam obviam. Alter enim versus in fugam, alter in arbo-rem eluctatus, tertius animosior procubuerat in

ter-

terram, retento quâ posset spiritu pro mortuo delusus feram, atque ita evasurus incolumis. Astum huic profuisse. Adfuisse Ursum, pertentasse sensum meatus, nec observatum respirare dimisisse ut cadaver: sensim verò recurrente in sylvam belua resumptis animis convenisse socios: mox eum qui ab arbore scenam inspexerat quæsisse protinus, quid in aurem procumbenti Ursum insinua-
verit? hunc verò respondisse: suasit, ne imposte-
rum pellem Ursinam cogitemus vendere urso non-
dum occiso. Non addidit apodosin conclusio-
nis manifestæ Cæsar, sed proposito argumento
oratores dimisit.

Facili accessu admittebat omnes, & audiebat,
cupidus & mederi lamentis, & nosse vulgatam su-
per æquitate sua existimationem, & prætensionibus singulorum accomodare rationem. Nec mo-
do affluentes promptus accipiebat, sed & disertos
advocabat, non factò conditionum discrimine,
non diminuta versus quemquam agendi facilita-
te. Si fortè Majestate territos vox, animusque de-
fecisset, ultrò invitabat erigendo, & suggerendo
copiam se expectorandi. Fidei, ac veracitati tri-
buebat plurimum. Ajunt extra inaugurationis so-
lemnitatem nunquam ex Friderici ore fuisse audi-
tum juramentum. Cujus religiosissimus cultor ni-
hil non agebat, ut sanctè ad momentum singula
observarentur. Memor inter alia se jurasse, quod
è bonis ad Imperium spectantibus nihil alienare
I vel.

vellet : nulla arte, nullis bene meritorum officijs, nullà in quemquam privata propensione induci potuit, ut aliquando in morem prædecessorum Cæsarum alienandum ab Imperio quidquam indulgeret. Affirmabat, parcum, & illiberalem videri se nalle, quam esse perjurum. Marchio Estensis Mutinensem Ducatum postulabat, annuam vicissim pensionem perpetuam pollicitus, pendendam Imperio : nullatenus annuisset Fridericus, nisi proceres multis rationibus docuissent cessionem eam Imperij juribus minimè præjudicare, convenientem Reipublicæ, atque utilem fore : Imò Mutinam, ac Rhegium civitates Cæsari haud subesse, ideoque non diminui, sed accrescere ex pensione oblata Imperij fortunas.

In administranda Justitia accuratus, in juribus privatorum tutandis vigilans, ne ipse ulli incommodaret mortis ac reddendæ tandem Deo rationis memoriam pro argumento prætendebat. Sæpius in eas voces prorupit. Væ vobis Principes, quia quales in subditos estis, talem in vos fore Judicem supremum in morte experiemini. Hæc consideratio non modo æquitatem, sed & clementiam persuadebat Friderico. Cives Viennenses audacissimè in illum protervi, etiam obsidione cinctum in palatio concluderant. At postliminio resipiscentes & affusi pedibus deprecabantur veniam, familiarem, nativamque Austriacis Principibus Clementiæ Virtutem invocantes. Placatio-
Fri-

Fridericus, magis, inquit, famæ, quam suppliciorum mihi cura est. Itē & fidelitatem denuo jurate mihi, atque hæredibus, & vivite vitam, quam condono. Acceperat ab indicio complurium incolæ designatæ civitatis intemperantius de Cæsare colloqui. At ipse nihil motus: finite, inquit homines liberè loqui, in libera civitate. Patientiæ documenta dedit eximia. Intellexerat è Primoribus quendam, cui beneficia complura contulerat oblitum gratitudinis debitæ seditionem moliri. Nullatenus commotior affirmavit, mirum esse, quod tantæ existimationis homo indignū aliquid præcipitantiùs faciat suorum majorum gloria. Constantia & æquabilitate animi fuit indicibili: utramque rectæ conscientiæ securitas confirmabat. Iter per Helvetios agens, quos ob raritatem sui comitatûs poterat, ut dudum offensos, formidare, non territus progrediebatur; monentibus de periculo, & suadentibus copiosiore ad latus frequentiam, respondit. Mea me innocentia proteget. Erant, qui in Germaniam ab Italia reducem hortabantur ab aditu certæ regionis, ut caveret, insidias isthic & dolum parari. At Cæsar; nequaquam, inquit, fidem meorum suspectam habeo, hæc mihi adversus quodlibet periculi est munimen.

Passiones animi habebat in potestate. Subegerat in Hungaria ditionem Günsensium. At postea: multum operæ, inquit, præstitimus in
I 2 hoc

hoc populo subjugando ; plus præstabimus, si victores hostium, cupiditatibus quoque nostris imperaverimus, atque animum ab avaritia, cupiditateque vindictæ represserimus : Sinamus debellatos vitâ, & facultatibus pristinis frui. Minus studij in accumulandis opibus collocabat. Totus in reverentiam, ac timorem Numinis inteneus. Tutor Ladislai Regis Hungariæ existens, non audivit consilia importunè sollicitantium, ut quâ viâ facile posset Ladislaum è medio tolleret, atque Regnum Hungariæ sibi assereret. Tanti, inquietabat, non facio Regna, & opes, ut propterea peccare vel cogitem, vel ausim. Delectabatur animi relaxationibus honestis tantummodo, ac fructuosis. Comœdias audiebat religionem, & virtutem repræsentantes : non capiebatur morionum levitatibus : intelligens aulicorum plures saltationibus distineri : febri, aiebat, mallem concuti, quam perdere tempus inter similes vanitates. Suggestebat hæc axiomata Friderico usurpata à teneris moderatio, ingenita honestas, & circumspectio, ne qua ratione in dignitatem Principis peccaret. Cum in Italia ipsi, atque Imperatrici conjugii passim per urbes, & oppida frequentissimæ solemnitates compararentur, accidit ut à Vico quodam prodiret obvius chorus puellarum, sed petulantius indutus, nec decenter tibias coopertus. Illico ad Imperatricem conversus Fridericus : Abeamus hinc, inquit, chorea hæc non virginum, sed me-

me-

meretricularum videtur esse. Florum, & hortorum culturâ impensius delectabatur, imitatus Regum aliàs consuetudinem, ut Attali, Hieronis, Jubæ, Archelai, Antonini Imperatoris, aliorumque. Conquisitas itaque cum delectu diversarum specierum plantulas procurabat; exactam prius illarum naturam, & qualitates habens perfectas, multis in eo genere physicis ac botanicis præstantior visus. Vitæ, victusque temperantiâ insignis, contentus frugali apparatu mensæ, abstinenter à cupedijs, & sobrietati maximè intentus. Transmisit exemplo suo easdem in Eleonoram Conjugem è Regibus Portugaliæ natam virtutes. Sualerant Medici, uti Imperatrix ob permutatam cum æstuosiori Lusitanica in Alemanicam regionem, tanquam ad suscipiendos liberos futurum opportunius vinum, posthac biberet. Ut audivit rem constitutam Imperator, accito Ænea Sylvio, 'qui deinde fuit summus Pontifex; Abi, inquit, & Imperatrici renuncia, magis mihi placere conjugem sterilem, quam vinibibam; si me amat, à vino abstinabit. Prudentissima Eleonora replicuit. Dicite meo Cæsari, vitâ mihi chariora semper fuisse eius imperia, sed si usum vini imperasset, potius fuisset electura mortem, quàm mihi à teneris charan hanc dimissura abstinentiam.

§. VII.

*Maximilianus I. Imperator, fortis, castus,
modestus, justus, affabilis, liberalis,
pius, & charus.*

Migrasse in Maximilianum gratias omnes dixeris : Virtutes quoque in pectus abiisse. Ita universæ ab actionum gloria, atque ab heroica compositione corporis aspirabant. Nemo illo dexterior in experientia armorum : nemo expeditior in usu. Armatus ad omnia promptior, ut inermium quisque. Libratione simplici infidebat equo nullo stapedis usus minister. o. Machinarum, & operarum militarium ut peritissimus inventor, ita in ijs artificum cultor. Cujuscunque ex his instrumenti etiamnum Adolescens conficiendi primum ut observabat artem, illico etiam conficiendi involabat. Erat ingenij vivacissimi, & memoriæ ultra modum tenacis. Majestate vultus venerationem occupabat omnium. Incessu gravis : sermone ad pondus & energiam conformato, tota sensuum, orisque conformatione venerandus.

Ab Adolescentia virtutum studia in seram ætatem transmisit. Prima earum pietas in Parentem enituit, cui obsequentissimus semper vixit. Amore in illum ferebatur constantissimo, nunquam visus paternæ voluntari incommodasse. Ad mandata æquæ, ac nutus attentissimus nihil omittebat, quo

quo placitis illius se attemperare poterat. Mortuum plurimis exequiarum impensis coluit: prosecutus æquè singulari cum veneratione sublatum, ac fuerat viventem complexus. Erat in Maximiliano innocentis verecundiæ amor, decens modestia, sui in semet cauta collectio, virgineus candor. Tanti animi, ac generositatis princeps æquabat ex pudica vitæ compositione virginem, imo non erit locus exaggerationi, si dicamus superasse. Nemini posita veste, aut minus decenter cooperatus unquam se videndum præbuit; nemo testis actionis minus decoræ esse potuit; usque adeo etiam necessitatibus humanis non sustinebat intervenire alienos aspectus. Neminem in conclave admisit, qui accubituro vestes detraheret, neminem qui abeuntem à lecto indueret. Clausis, obseratisque ostijs solus sibi, atque huic ministerio sufficiebat. Providit quoque in morte, ne nudaretur, mandavitque, ne mortuo sibi femoralia, aut tibiale inducerent, sed involutum linteis componerent in sandapilam. Ex modestia adeo studiosa facile liquet, quam castè vixerit: cum præterea nihil admodum cibo, ac potui, intemperantiæ irritamentis indulgeret: simul cum integritate sanitatem corporis validam, firmatamque consecutus. Plurimum delectabatur scientiarum notitia, atque eruditione sapientium: cum his familiaris, in hos munificus, inter hos liberrimus conversabatur. Aiebat vel ideo se in pretio tales habere, quod

maxi
mil?
libe.
ros ab
quot,
inter
his se
orgia
Austri
acum
fuerit
geniis

quod delecti essent à Deo, qui in populo emine-
rent. Incitabat illos, atque animabat, quà verbis,
quà præmijs, ut in eruditione, ac sapientiæ studio
proficerent, ipseque suggerebat argumenta & mi-
nistrabat otia, quibus rem litterariam promove-
rent. Nec deerat interdum proprijs inventioni-
bus in chartam conjectis, quas eisdem expenden-
das, imo emendandas committebat. Communi-
cabat cum illis negotiorum curas Imperialium,
quodque a publico suppetebat tempus impen-
debat conversationi cum literatis, ac librorum
evolutioni. Modo arcana scripturarum ac Theo-
logiæ conferebat, modo Philosophiæ, Astrorum-
que scientiæ, ac Mathematicis incumberebat. Mo-
dò historijs, sacræque Principum antiquitati evol-
vendæ vacabat. Fuit Princeps disertissimus: pari
felicitate idiomatum multiplicium gnarus. Lo-
quebatur expedite Alemannicam, Gallicam, Bel-
gicam, Italicam, atque in lingua latina admodum
elegantem. Stupebant ad responsa sapientissima
Regum Oratores, atque in dietis Imperialibus Ele-
ctores, ac Principes oratione Maximiliani pluri-
mum delectabantur. Eleganti prosa, ac versu acta,
& gesta propria conscripsit, naturam item, & vires
nonnullorum animantium explicuit. Fuit expedi-
tissimæ Eloquentiæ, ac tanto amplius prodigi-
osæ, quod in pueritia impeditioris linguæ, usum lo-
quendi per novem, & ut alij referunt, per annos
undecim laboriosius fuerit consecutus.

Nec

Nec modo se facilem eruditis præbuit, ut a cæteris videretur remotior. Pro lemmate in tabulis, atque ore circumferebat: veram charitatem visa proximi cuiusque necessitate, non posse precēs expectare, sed illico solere succurrere. Adeo non attendebat congregandis pecunijs, ut quorundam reprehensionem retundens diceret: non ideo Imperator sum, ut præfectum, custodemque ærarij agam: homines curæ meæ commissi sunt; Quod si ab his divertens a divitijs capiar, ex Imperatore servus, ac mancipium evaderem. Inaudierat nobilem quendam privatarum facultatum inopia laborare. Ut hominem ad fortunam meliorem erigeret, statuit admoveere muneri, in quo ad præmia consequenda posset aptari. Misit itaque ad exigendam centuni millium florenorum summam, debitam Cæsari in urbem quandam Imperialem. Rediit homo cum argento plenè exsoluto: at in ærarium non nisi quinquaginta millium numerum intulit? Præfectus ærarij observato æris defectu Imperatorem monet. Hic virum nobilem accitum jubet causam dicere, eecur pro integra, dimidiam pecuniæ portionem tantummodo in arcam intulerit. Itaque inquit ille factum scio: attramen confectis de more rationibus dati, acceptique, crediderim me universam pecuniam exsolvisse. Neque tunc ultra addidit Maximilianus. Interim redit ad Imperatorem thesaurarius, queritur ab homine diminutum æs, nec rationes negotij adhuc confectas.

etas. Revocatum illum jubet Cæsar rationes postulas edere. Respondit Nobilis; non abnuo rationes conficere: at imperitus sum in arte supputandi: desidero, ut Majestas Vestra gnaros ejusmodi operum, Præfectum imprimis ærarij, ac Fisci Præsidem mihi accommodet, qui â multa experientia similium instructi edoceant me artem, quâ conficere computum tanti momenti cum fructu Majestatis Vestræ ac meo possim: Intellexit Cæsar, quo tenderet ille, & ingenti, quo vivebat, animo, simul misertus hominis paupertatem applausit dicto, ac liberum â cura rationum dimisit. Habuit aliquando Maximilianus in ditioe sua hospites Reges ternos, Poloniae alterum, alterum Hungariæ, ac tertium Bohemiæ. Rara in terris summorum, ut in Cœlo planetarum conjunctio. Omnes munificentia, quæ decebat, Imperatoriâ cultos, honoratosque accepit, peractisque curis publicis, in quas convenerant, fecit cum Cæsareæ existimationis splendore reverti.

Aberat ab animo Avaritia, in quem ambitio non penetraverat. Uladislao Regi Hungariæ non erant filij. Proceres desperatam â Regina sterili successionem suo quisque capiti quærebant. Rex, ut ambitionem audacium, spemque improbam compesceret, vocat Cæsarem in Hungariam, & coronam offert. Dum exercitum præmittit Maximilianus, Regina ferre uterum nunciatur, ac subinde masculum parturivisse. Aderat jam Cæsar, sed
mi-

minimè turbatus, imo aggratulatus Regi Hæredem, eo ipso quem adduxerat, exercitu proceres ad obsequium, atque homagium Regi novo præstandum compulit, mox depulso armorum civilium metu, ac tranquillitate revocata militiam omnem ab Hungaria revocavit.

Clementia ad proportionem magnanimitatis se efferebat. Monentibus ut merita poena plecteret contumaces, ac seditiosos: Condonemus, inquit, offensam, ut cum iteratò rebelles fuerint tumultuati, iterum habeamus, unde possimus ignoscere. Venerant proceres, ordinesque Flandriæ, ut deprecarentur Cæsaris Clementiam, & veniam impetrarent super motibus, ac seditionibus nuperis, in ipsum concitatis. Tum Maximilianus: Ignosco lubens singulis, nec jam ullius injuriæ meminere; statimque oblata dextera humi prostratos allevavit. Provolutus ad Cæsaris genua Philippus Ravenstainius humillima corporis, animiq; compositione agebat gratias, quòd admissus in conspectum sperare offensorum indulgentiam posset; pro qua etiamnum supplex rogaret. Cui Cæsar: novi inquit, quid postules; jam pridem ex animo offensam absterxi & condonavi, iterumque remitto, quidquid peccatum abs te fuit. Expugnabatur castrum Viennensis Civitatis infessum ab Hungaris, primusque ut solebat Maximilianus, in fronte pugnabat, & inter dimicandum vulnus acceperat in pectore. Castro in potestatem redactò, editio-

dirione acceptos hostes vulneris, atque offensæ oblitus amanter, clementerque, contra quam meruissent, dimisit: addiditque, dum confugerent fecisse illos, quod viros fortes oportebat: Sive modo Clementiæ esse, in subjugatos minimè atrocius animadvertere.

Fortitudine bellica clarissimus, prælia, & conflictus, quibus quàm plurimis adfuit, aut præfuit, gloriøsè semper illustravit. In altero contra Gallos animadverso peditatus inclinantis periculo, ab equitatu, quem ducebat, avolans coniecit se in pedes, ductorque trepidantium aciem erexit, vicitque. In altero stitit equitatum trepidantem, & respicientem ad fugam: nam commixtus in fronte dimicantibus, invehensque in Alexandrum Peritonium adversæ partis Ducem, hunc lanceâ confixit, promotisque suorum animis operosam victoriam retulit, summo periculo tertium defunctus.

Respublica Veneta confisa viribus, quas tùm in Maximilianum parabat, more apud Romanos quondam usurpato miserat caduceatorem, qui bellum denunciaret, his usâ verbis: senatus, populusque Venetus Maximiliano bellum indicit. Intrepidus ille adhæc. Ite, inquit, & cum libertate bellum gerite, quâ indixistis. Fama refert scriptorum literis commendata Maximilianum sui temporis heroum in bello Principem fuisse. Quæ existimatio tanto gloriosior est, quanto ea ætas in arte militari fortissimis Imperatoribus clauit, è
qui-

quibus fuere Ferdinandus Catholicus, Emmanuel Rex Lusitaniæ, & Alphonsus Albuquerqueius dominator Indiarum.

Magnanimus in omni fortuna, noverat agere, & pati fortia. A Brugensibus seditiosis captus, atque indignè tractatus, insuper affundentibus oleum flammæ Gallis, modo propè condemnatus mori, modo laceffitus injurijs: constanti nihilominus vultu intrepidus, nihil unquam Majestate & fortitudine ingenita gessit indignum. Trepidabant ad aspectum illius, qui ceperant, & venerabantur, qui tenebant captivum. Non indulgebant videndum populo rebelles, ne captus aspectu Principis in favorem emolliretur, & solutum à captivitate vellet. Interceperat Rex Galliarum Carolus desponsatam Maximiliano Ducem ~~Britanniæ~~ *Britanniæ*, abduxeratque invitam, & compulerat vi ad renunciandum primis Sponsalitijs, indignitate facti etiam inter Gallos improbata: Insuper Margarita Maximiliani soror, Carolo propediem nuptura, jamque in Franciam deducta, remittebatur ruptis sponsalibus in Germaniam. Principibus Imperij factum detestantibus, invictò animo nubem à fronte discussit Maximilianus. Ipso die, quo infandum facinus per nuncios acceperat, hastiludio, exercitijsque militaribus præparatis adfuit, ex dissimulata injuria gloriosior, quam fuisset ex dolore prodito.

Humanitate in omnes profusus, nemini se negabat.

gabat, qui alloqui vellet. Trepidus ad Majestatem Principis prior occupabat, serenabat turbatos, timidos faciebat audere, & eloqui: interdum obambulans cum accedentibus, responsa interrogando præveniebat. Ad obvios minoris fortunæ præmittebat familiaritatem; & offerebat libertatem differendi: tum auditos benignè ac promptè dimittebat: affirmans debere subditos ab alloquio & præsentia Principis discedere semper hilares, ac contentos.

Veritatis amantissimus, respondebat fidei subditorum fide integra & constanti. Pro dimisso à Brugenſibus remanserat obses Philippus Clivenſium Dux. Hic Maximiliano nondum Cæsari: oro, inquit, serenitatem vestram, edisserat candidè; num pacta, vi equidem extorta ab hoste, jurata tamen observaturum se sincero animo proposuerit, ita namq; rebus ego quoque meis prospexero. Reposuit Princeps: observabo, inquit, jurata, & complebo, neque aliter Regem agere convenit.

Pietatis in Deum operibus clarus, eximios inde fructus retulit. In prælio ad Polangiacum oratione milites ad rem fortiter gerendam hortatus, fiduciam victoriæ non repositam in viribus, sed in ope divina, qui non esset defuturus æquitati causæ, pronunciavit, jussitque universos ter procumbere in genua, & repetitis totidem vicibus præsidium de cœlo invocare. Prior ipse provolutus fuit humi, tum exercitus omnis, libatoque ter osculo

culo terræ ad pugnam & victoriam assurrexit. Abreptus æstu venationis inter montium per Tyrolim juga, dum capream ardentius insequitur, repente amissa ex oculis fera, reperit se in præcipitio, unde reditus non apparebat. Non accurrere, non auxiliari comites poterant, nec patebat via, quâ quisquam opem ferret. Attoniti prospectabant à valle Principem aulici, & deplorabant amissum. Et ipse bidui inedia fractus mortem operiebatur. Inclamavit tamen ad circumstantes radicibus inaccessibleium rupium aulicos, quâ poterat voce & nutibus, ut eum necessitas moriendi instaret, nec susceptis de more Christiano sacramentis obire vellet, monstrata saltem Eucharistica dape copiam sibi facerent Deum supremis affectibus in terra adorandi, accipiendique ultimam ab illo benedictionem. Concurrit vicinia omnis ad lugubre spectaculum morituri, ut credebant Principis, & prosecuti sacram Hostiam ad locum, unde à Maximiliano conspici poterat, facile cogitari potest, quo calore pro charo Principe precabantur. At ecce, ut præsentem in sacramento Deum adoravit Maximilianus, adest ignoti vultus homo, & amoris expeditè petraë fragminibus aliquot, callem aperit, factusque Principi propinquior, euge inquit, non deerit unquam, qui tibi auxilio sit, ne metuetus sequere, & à præcipitio abi. Securus est ductorem in vestigia Maximilianus dimoventem nullo labore saxa, & iter complanantem. Tum reditus

ditus aulicis in gaudia diffluentibus, ubi circumspicit pro merito præmiandum ductorem, ab oculis hunc evanuisse animadvertit: studiosè quæstus non ultra comparuit. Affirmavere omnes haud dubie Angelum fuisse, qui Maximiliano in subsidium coelitus venisset.

Christianæ pietatis documentum assidua mortis meditatio existit. Hæc Cæsari per familiaris fuit. Mandaverat Oeniponti profusis sumptibus apparari palatium. Non erat ad gustum operatus Cæsaris architectus. Itaque Maximilianus: Artifex in hoc opere, inquit, operam lusit, ego genio meo efficacius impendam laborem: Tum ipso die confici tumbam deponendo post mortem corpori mandavit: eandemq; abditam in theca serico superinducta quacunq; proficiscebatur deferri. Pluribus annis cum Cæsare peregrinabatur hæc arca: erat nonnullorum suspicio regio ibi thesauros abscondi. Et affirmabat Maximilianus rem illic omnium sibi utilissimam, quæque plurimum sua interesset latere. Ad eam verò sæpius oculis conversus repetebat animo, Maximiliane, aliquando moriendum esse cogita: eccur gloriam indies auctiorem quæris? eccur tantorum compos, augustioribus inhias? non te satis capient tot provinciæ, & regna, quem loculus iste plenissimè colliget? Pluribus annis antequam moreretur non sustinuit vocari Rex, aut Imperator: volebat ut omissis ambagibus, tantumodo Maximilianum

lianum se compellarent. In morte religiosi, ac pij Principis præclara dedit specimina. Morientis ad proceres, ac Principes circumstantes hæ fuerunt voces, dicite Carolo, ac Ferdinando Nepotibus meis; constantes fidem Catholicam, quam à maioribus acceperunt, tueantur, eamque adversus suborientes sectarios fortiter defendant. Planè enim per ea tempora virus pravæ doctrinæ disseminare per septentrionem ceperat Lutherus: cuius implacabilis osor Maximilianus, admodum dolebat, quod præpropere fato eriperetur, priusquam conceptis, meritisque pænis impium plecti fecisset.

§. VIII.

Carolus V. Imperator maximus & fortissimus.

DE Carolo V. nihil dixit, qui non gloriosa dixit omnia. Corpore non admodum grandis, maximus animo fuit. Congenitus illi mars, & bellona sunt visi. Adhuc tener gladium corripiebat, quamvis invalido pugno vibrandum in icones, & tapetia, in quibus armati repræsentabantur. Irepebat juxta caveas, & abdita leonum septa, unde obvio, qui manibus occurrebat, stimulo feras belluas laceflebat; ut fuerit necesse, ne aliquando periculum gravius adiret, rimas omnes, & aspectum ferarum præcludere. Doctus à nemi-

K

ne,

ne, suomet genio, distribuebat ephebos, & coetaneos in turmas, formabat acies, præerat illis ut dux, ducebat agmen, ut primipilus: ordinabat velitationes, impugnabat castra, sistebat captivos, victor inferri se insidentem sellæ per palatium, in similitudinem triumphi faciebat. Contigit, ut ex colludentibus inberetur à Carolo repræsentare ducem adversæ partis: ea erat Turcarum. Renuit ille personam barbari agere, instititque, ut etiam Carolus aliquando mutaret vices & non Christianæ militiæ duntaxat præfecturam susciperet. At recusavit Carolus commutationem: ut tamen morosum adolescentem ad colludendum flecteret, pileum illi, ac plumas ornamentum pilei, & cingulum dono dedit. Ita inter ludicra tenerioris ætatis exhibebat secutura sensa maturioris, & prodigia ventura. Octo annorum puer aderat pictori, qui lineamenta illius in tabellam colligebat: non fuit modus sistere Carolum in compositionem, quam desiderabat pictor: hærebat quippè attentus, quo pennicillum iste duceret, nec aliò ferebatur. Fixurus genium Principis Præfectus, lanceam conclavi illatam parieti applicuit; Evestigio versus in partem vultus Caroli, illicò exultantis, & sollicitè concupiscentis optatum chalybem. Simul exhibens, pictori & formam oris, & animi inclinationem. Ita primæ incentivum ætatis ad labores insequentes, quos equidem felicissime exantlavit, Carolum apparabat. Novies in Germaniam

niam profectus, sexies in Hispaniam, septies in Italiam, decies ad Flandros; quater Galliam, bis Africam, bis Angliam intravit; octies mediterraneum mare sulcavit, quater Oceanum. Erat fulmen in bello. Major Alexandro celeritate, nec minor magnanimitate. Quadraginta illustribus victorijs, aut ipse coram, aut per suos duces, ut minus operosas omittam, & præsuit & partis claruit. Plus septuaginta bellis victor evasit; Centum millia castrorum, civitatum innumerabilem vim, navium copiam immensam expugnasse referunt.

Armis justitiam causæ præfigebat: ad ea capessenda non nisi compulsus ibat. Non cupiditate, non ambitione motus, sed aut Religionis causa, aut justitiæ bellum inferebat. Affirmabat, quodd si Galliam omnem in potestatem redegisset, illico se Regi eam restitutum fuisse, suo duntaxat, quod legitime prætendebat sibi retento. Suggerebant aulici, ut victorijs uteretur ad debellandos hostes, fultus potentia, viribusque tam apertis: at ipse respondit: Gentilium Imperatorum eam solertiam fuisse, qui solius nominis gloriam captabant. At Christianum Imperatorem non decere, ut famam sibi apud homines aucupetur, sed ut salutem, viræque singulorum, ac bono publico provideat. Hac intentionis puritate indutus nomē Maximi, ac Fortissimi, à Paulo III. Pontifice oblatum, constanter rejecit, nullatenus hac gentilitiæ vanitatis imitatione captus.

Animò mundo major citra ambitionem fuit-

Nuntiantibus ab omni parte plurium armis se peti; nihil consternabatur Dicebat, ibi gloriam amplius esse, ubi periculorum plurimum. Circumfusus ab hostibus aliquando in Germania, & immissis in exercitum, quem ducebat, non admodum numerosum, sex mille machinarum grandiorum globis, jamque non paucis circa latus cadentibus; nec vultum mutavit, nec formidinis indicium dedit. Rogabant copiarum præfecti, ut consuleret universorum saluti, declinaretque pericula: at, ille lubricus: dicite amabo, quis Cæsarum tormenti ictu perijt? hæc tela Imperatorem non feriunt In bello Tunetano ad Gulettam, ubi major erat, obsessorum resistentia, ubi validior obsidentium vis, ibi aderat Carolus contemptis circumvolantium telorum sibilis, atque adstantium morte. Audacter tum, & confidenter accessere Carolum Alvarus Bazanus, & Comes Tendilla, qui negavere se facturos assultum terrâ, aut mari, si pergeret Cæsar à loco constituto abire, & se immiscere pugnantibus. Respondit Carolus, ordinationibus ipsorum se paritum fore, ut militem, si temperare sibi posset, & in calore certantium fringere mallet extra periculum. Quare nec paruit designationibus Ducum, sed cum animosissimis in valla hostium perrupit. Cumque in confusionem, ac metum miles Italicus, atque Hispanicus alicubi jam prope ageretur, ob nubem pulveris, & immanem missilium bellicorum vim, ipse

ipse se copijs trepidantium immiscuit, forti, invictoque animo inclamans: Ite inquiebat, milites mei, ite leones; impulsosque vocibus egit in hostem, imo ad penetrandas alpes, ac emoverendum loco cum myriadibus copiarum Xerxem egisset. Sic capta Gulletta est. Bis mille Turcarum cæsi, balistarum ænearum trecenta, majorum navium viginti, minorum triginta, cum annonæ instructissima quantitate in prædam victorum venerunt. Mox imposito Gulettæ præsidio Tunetum movit quatuor leucis distantem. Occurrit illico Barbarossa sexaginta Maurorum millibus, & octo millibus Turcarum instructus. Inspectis hostium legionibus intrepidus Cæsar in frontem sui militis procurrit. Monentibus, numerum adversæ partis validum esse: Plures itaque, inquit, vincemus. Sub initium pugnæ audacior è barbaris concito equo penetravit in legionem, à qua Cæsar pugnabat: at præcluserit temeritati susceptæ hasta viam, quâ confixum Carolus abire ad mortuos fecit. Quater impulsus Barbarossa, & quater recalcenscens, tandem omnino coniectus in fugam Tuneti mænibus se abdidit. Offert interea homo Maurus, ad alloquium arcanum admissus, urbem Tunetanam Carolo, ipsumque Barbarossam interficiendum: quo cæso recludendæ forent portæ Cæsari, & cum hostibus illico res agenda per captivos in urbe Christianos, ac victor admittendus. Operam pollicebatur Maurus promptam,

cum panifex barbari esset. At rejecit hominem Carolus affirmans, nolle se cum hoste suo fraudibus, sed armis decertare: & turpe duxit potentiae suae administ. um vernam de vulgo praeficere, ac demere quam plurimum de gloria, quam manibus, teneret; simul Barbarossam periculi admonuit, dissimulato interim facinoris meditati autore.

In praelio ad Algerium magnum discrimen fortuna Caroli subibat, non modo hostibus ferociter obsistentibus, sed & tempestatibus aëris ac procellis adversum pugnantibus. Copijs & annonâ providè instructi Mauri, capto quin etiam augurio ab immaniter infremente coelo audacissimè involabant in Christianos. Isti coenoso, ac paludoso in sabulo ad genua immersi nec sclopos expedire, nec vim arcere satis poterant. Vicit nihilominus obstantem fortunam animorum generositas. Sed qui impulsos ad recedendum Mauros persequerentur, ob incommoditatem terræ, atque aëris non ita prompti suppetebant. Hærebant Alemanni pondere armorum prægraves in statione. Quare Carolus ante signa nudato ense prior provolat, ac patrio idiomate inclamat; euge, inquit, mecum generosa pectora, pro fide, pro Cæsare vestro, pro gloria inclytæ nationis, ite, impellite barbaros jam nutantes. Unus in fugam hostes egit, unus victores, ut victoriâ uterentur, jovit. At non etiam sic præcellis persuasit. Incubère multò quàm antea ferociore: imo expertissimi regio-

regionum affirmavere ab hominum memoria non fuisse conjurationem ventorum, & aquarum tantam, quanta eo die defœvierat. Concussæ per littora triremes, absorptæ vadis celoces, & inspectante Cæsare maior expeditionis nauticæ pars fædo fluctu absumpta. Nec cadus pulveris supererat, nec panis crustula. Per eam noctem, alterumque diem necesse habuit Carolus alendo exercitui non exiguam partem equorum per stationes distribuere, quorum carnibus interim sustentarentur famelici. Cæterum Imperatoris, ac militis officio functus omnibus periculis aderat, omnia signa obibat, omnia coram disponebat: nihil commotus ad pertinaces æris injurias; solum illud, respiciendo cœlum reverenter, auditus à circumstantibus interdum dicere: fiat voluntas tua. Tandem à loco certaminis, promotus per viginti leucas exercitu ad promontorium Metafusij deducto in naves milite, obsecutus est tempestatibus cedendo, non adversando. Præmisit in mare Italos, tum Germanos, atque Hispanos, demùm ipse postremus omnium excessit à litore in navim. Et quia vi procellarum diminuta fuerat classis, ne multitudo vim faceret ituris, impedimenta præsertim, & equos ejici in pelagus jussit.

Landresium obsidione soluturus accurrerat cum valido peditatu, atque equitatu Rex Franciæ, obtuleratque pugnam. Non detrectavit certamen Carolus, etsi viribus impar. At Rex ani-

madvertens in promptu adesse Cæsareas legiones, impetum intra valla continuit. Et jam cordatior Cæsar copias promovet, atque inter primos obsequitans monet circumstantes, ut sicadere se, aut vexillum inclinare viderint, illicò priores ad erigendum signum, quàm ad servandum Carolum concurrant. Tum aciem disposuit, iussitque conclamantibus tubis provocare ex stationibus hostem. Hæsit enimvero ille in loco, & nocte insequente solutis castris omninò se proripuit ex campo. Ubi majora pericula, & fortior adversarius, ibi Carolus animosior ac promptior. Accuratè & vigilanter expendebat, & circumspiciebat singula ne cui parti deesset. Dies noctesque obibat aciem ferro obarmatus, & dissimulatis sæpe molestijs podagræ incumbentis ære induebatur. Prior ad discrimina se inferebat, dicebatque nunquam minus periculi Regibus esse quam in corona adversariorum : securiores esse in prælio quàm inter accumbendum mensæ, vel lecto : plus cruoris Regij sparsum fuisse inter aulæa hætenus, quam sub papilionibus.

Erigebat animum Caroli ingens in Deum fiducia. Ad Tunctum motâ quæstione, quem in primipilum designaturus esset ; arrepto in manus Salvatoris de cruce pendentis simulacro, productoque in sublime ; hic inquit, Dux belli ; ego illius signifer, & promotis castris crucifixi effigiem manu gestans, ut jam erat armis succinctus, prælium

lium inivit. Primarium vexillum ex altera parte
insigne Imperialis Aquilæ, ex altera crucifixi ima-
go adornabat, tantam hæc aspirans pietatem aspe-
ctantibus, ut eximia cum teneritudine ab intuen-
tibus suspiceretur. In istud scloppum exonerave-
rat hæreticorum quidam in prælio adversus Saxo-
niæ Ducem gesto, coloresque turbaverat. Illic
Cæsar altum suspirans atque ingemiscens, ac simul
spe victoriæ consequendæ ex omine firmatus:
Domine, inquit, injuriam hanc tu vindica, si pla-
cet: potes enim: ego administer ultionis adsum:
adjuva conantē. Experiebatur aliquando rebus suis
minus faventem genium Pauli IV. Pontificis. So-
licitabat Joannes de Manrique orator Romæ Cæ-
sarens, ut plurium Cardinalium attestationem
prosequeretur Cæsar, quâ dicebatur in electione
Pauli vitium intercessisse, fieri itaque posse, ut ne-
gotijs Imperialibus consuleretur ex mota quæ-
stione super electione Pontificia; at respondit
Carolus: non expedire, ut quæraturnullitas in ea
electione, quæ tot calculis comprobata fuerat;
minus propterea Ecclesiam in confusionem mit-
tendam: adfuturum à Deo subsidium, neque
ab alto de fore defensionem justarum sua-
rum prætensionum. Mandavit itaque Oratori,
ut adiret Pontificem & nomine suo Pontificatum
gratularetur. Hæc in Deum fiducia cor Caroli
dilatabat ad perficienda maxima; & faciebat ve-
nerandum, etiam adversarijs. Venerat Admi-

ralius Franciæ ad pacta stabilienda Bruxellas. Tanta cupiditas infederat Gallos videndi Caroli, ut nec theatra, nec suppedanea sufferrent curiosissimos admiratores. Inclamantibus Caroli domesticis, ut parcerent subsellijs importuni quæ à confluxu vim patiebantur, respondit ex illis nemo: finite, videamus tantum Principem, quo fortiolem, generosiolemque mundus non vidit.

Causa Religionis omnium penè laborum princeps Carolo scopus fuit. Quotidie pro hujus incolumitate Deum deprecabatur. Eam frequens, habebat in ore, cum colloquebatur. Cùm Principibus renunciaret Bruxellis, primæ sollicitudinis loco duxit Philippo Filio negotia Religionis, curamque anxie commendare. Et subinde illachrymatus: vide, inquit, Fili per has lachrymas Flandriæ tibi fasces, sed ante omnia fidei catholice studium commendo. Ex Zelandia soluturus in Hispaniam inter complexus, & lachrymas filio repetitis affectibus eadem tenerrimè ut cordi haberet, mandavit. Monebat, ut Ecclesiam Romanam omnibus viribus coleret, atque defenderet. Fili mi, agebat, si saluam vis monarchiam, quam tibi vastissimam consigno, vide ne ulla ex parte à Religione Catholica discedas. Postremis quas ad Imperij Proceres, ac Spirensē Cameram dederat litteris, curam Religionis Statibus inculcavit, prolatis in eum finem copiosis argumentis, ac subditis precibus. Intelligens ab æremo inita quendam,

dam, dictum Caraçallam, convictum hæreseos, Nulla me, inquit, ratio à solitudine in publicum revocaret, quàm ne deesset vindex Religioni, qui plectat pro merito hæreticos. Verumtamen meâ opera adversus periculosos hosce (ita nuncupabat hanc hominum faciem) non est opus. Scripsi Inquisitoribus ut non parcant flammis ad delendam horum colluviem, quorum nullus veri catholici frugem unquam præferet: quare sine piaculo tolerare de illis vel unus nequit. Deliquisse me fateor, quod Lutherum vivere sustinuerim: At constrictum me juramento tum sensi ex salvo conductu, quem impio homini concesseram. Addebat; Ducem Saxoniae Mauritium, apud quem cum solo sex hominum comitatu diverterat, promississe aureos montes, ac præcipuè centum milium armatorum copias adversus Turcam tunc Hungariæ imminentem, adisque expugnationem Constantinopolis sustentandas ab Imperio, si modo Cæsar pateretur publicis disputationibus subijci doctrinam sectariorum: se verò noluisse unquam tanti emere nova imperia, neque tam finistris conditionibus: solo contentum vivere Christo crucifixo. Reverebatur singulari cum demissione canones Ecclesiasticos, una cum matre & directrice fidelium Ecclesia. Quare rogantibus licentiam prædicandi: non istud inquebat meæ, sed Episcoporum juris-dictionis est. Eorum me quoque arbitrio inclino, ac volo muneri eorundem

dem nulla ex parte esse uspiam derogatum. Pietate planè cum singulari victorias omnes Deo in gratijs referebat. Accepto nuncio Regis Franciæ in potestatem redacti; cum aulici de tripudijs cogitarent, nihil ipse gloriandum ratus, unum hoc egit, ut ad ædem Divæ Virginis Atocanam profectus Deo, Virginique Matri beneficium in acceptis referret, & postero die sumpto pane Eucharistico, devotas supplicationes per dies septem continuas indiceret. Profligato Saxone per incredibilem ut celeritatem, ita felicitatem, scripsit summo Pontifici, veni, vidi, Deus vicit. Non omittebat illo die divinis ad altare mysterijs adesse, dempto illo unico, quo tempestate jactatus ad Algerium, fuit prohibitus. Nullis occupationibus ita obruebatur, ut horam orationi constitutam omni die non exqueretur. Post dimissos Principatus Lauretum appulit: profususque illicò in genua, terramq; exolculatus, gratias pro felici ad tranquillitatem appulsu egit. Mox sumpto in manus crucifixo, *Christe*, inquit, te duce hostes debellavi, victorijs auctus fui, triumphos egi, gloriam tuam toto orbe protuli: quidquid tamen egi, tibi debeo, tibi gratiæ. Nunc redditus Hispaniæ suscipiendis mei corporis exuvijs destinatæ abs te, da animæ meæ feliciter à mundo migrare; & quidquid Carolus est, tuum esse concede. Dum solennitates Theophoriæ obiret, & in caput apertum calentissimus sol incumberet, monerentque Proceres

ceres subducere se ab æstu. Non ita : inquit Carolus, nam neque diei hujusce calor, neque Jovis Sancti serenitas ominosa, aut nociva sunt.

Prudentiam Caroli multa rerum experientia, atq; imprimis lectio historiarum firmavit. Libros Regum, quos adolescenti sibi exposuerat quondam Adrianus præceptor, postea Pontifex, ita mente tenuit, ut prudentiæ Christianæ inde perpetua documenta sancto, ac pio Dei timore refertissima semper deligeret. Instructionibus politicis translatum Gallicè Thucydidem historicum, in narrationibus suis solertissimum, atque observationibus civilibus plenum, adhibuit, eumque, ut evolverent consiliarij, commendabat. Plures alios historicos Hispano, ac Germano sermone conscriptos accuratè perlegit, ne quidquam illum lateret, quòd à præstantissimis mundi Principibus gestum aliquando esset. Erat vivacis, ac perspicacissimi ingenij; Judicij verò tam circumspecti, ut sapientissimi obstupescerent. Penetrabat consilio difficultates, in quibus hærebant Duces, ac consiliarij enodandis; judiciumque Caroli, ne mutato quidem apice, reverebantur omnes. Ipse nihilominus existimationis suæ parcius eos consulebat, quorum sententias, nequidquam opportunius suasuras præveniebat suffragio prius in chartam conjecto. Asserebat, indecorum videri, ut Austriacæ Domus Princeps in summum fastigij Regalis elatus præcipitet resolutionem; ita oportere illum allucere rebus agna-

agendis, quasi cum sole in summum cæli elato hæ-
reret immobilis. Utebatur eadem solis similitu-
dine, dum communem illius lucem attribueret
virtuti boni principis, pauperi æquè, ac diviti Ju-
stitiæ elementariæque radios dispensanti. Ubi ne-
gotium gravioris momenti urgebat plures dies da-
bat considerationi, imo simulabat alterationem
quandoque corporis, ut dispositio mentis inten-
tior esset providendis eventibus: quorum præte-
rea pondus altissimo secreto tegebat. Deliberatio-
nes in abditissimo silentij arcano reponebat, ne-
que eorum notitia prius executione patebat. Aje-
bat, Regum intentiones nonnisi facto declarandas
esse.

Sapientissimè discernebat, quos ad officia tum
sago, tum toga obeunda vocabat. Quare factum;
quod pace & bello clarissimos duntaxat rebus
præfecerit. Proreges & Provinciarum gubernato-
res amovebat citius à munere, ne ex usu imperan-
di audaces, & insolentiores evaderent. Dictami-
na admodum excelsa, & aptis adornata similitudi-
nibus usurpabat. Ajebat in castris, & senatu res
optimè procedere; quando Princeps assistit, uti
efficacior est Lunæ influentia, quo propius terræ
admovetur. Potentiam item regiam atterere con-
tumaces, & consolari humiles, uti fulminum est
genus, quod stramentis parcit, & æra consumit.
Consilia & sanctiones necessario easdem perseve-
rare non posse semper; uti neque tempora quæ
qua-

quater per annum variant, neque lunæ aspectus, qui alternatim proficit, ac deficit. Hac arte cum energia incredibili animi sensa promovebat in publicum. Miserat Franciscus Rex Galliae oratorem ad Cæsarem, qui nuntiaret non probari Statibus Franciæ tractatus Madriti confectos: ac proinde repeteret prolem regiam lytro moderato redimendam. Replicuit Carolus posse Franciscum reverti in captivitatem, uti juraverat, si non posset stare pactis. Non habuit, quod responderet Franciscus, neque quod foederatus Rex Angliæ opponeret. Simul enim admonebatur historiarum uterque. Olim quippe contigit, ut bello inter eas nationes gesto captivus Regis Angliæ, Rex Franciæ Joannes, cum ex simili contradictione procerum nequireret promissa exequi, necesse habuerit juxta conventionem præstare, quod poterat, atque in Angliam ad captivitatem reverti.

Justitiæ, Regum gloriæ, amantissimus Carolus, ultro profitebatur non meminisse se injuriæ cuipiam advertēter abs se illatæ. Solebat huius virtutis executioni immensis itineribus se committere, ut consilijs, & convocationibus populorum interesset. Adeo ad amissim jura æquitatis pensabat: ut diceret: si contingeret iteratō Regem Franciæ in potestatem venire, aliud, præter Burgundiæ ducatum, quem videlicet Rex iniquè usurparet, non fore se ab eo repetiturum. Aucturū etiam longè amplius libertates Germaniæ, modò Catholica ubi-

ca ubique Religio restitueretur. Ad Justitiæ firmandas vires procurabat impensè, ut magistratum, ministrorumque salva semper auctoritas staret, cum recte judicassent. Declaraverat Camera Spirensis hostem Imperij Albertum Brandeburgi Marchionem. Ad Carolum provocaverat Albertus; at Cæsar: non decere infringi cursum justitiæ respondit, nec Imperatori fas esse senatûs publici æquitatem convellere: ab armis discedat Marchio, rationibus prætensiones suas fulciat, judicio dicasterij Imperialis se submittat, tum si agatur inique, se muneri suo minimè defuturum, & partes Marchionis pro virili acturum. Ubi causa Religionis infestabatur severiorem omnino in ea defendendâ se præstabat. Intellexerat ab exercitu Germano expilatam in Picardia civitatem, neque templis aut altaribus parsum: Ex ijs militum de custodia sua quendam iniecisse manus tabernaculo asservandæ Eucharistiæ sacro. Illicò impium appendi infami ligno ante fores Ecclesiæ jussit, quidquid restitutionis faciendæ promitteret. Tanta Carolo reverentiæ in res sacras tutandæ cura.

Quantâ fortitudinis virtute claruerit Carolus, nunquam satis diximus, quidquid diximus, aut dicemus. Socia cæterarum virtutum moralium est Fortitudo. Eas hætenus pertexuimus, de sola hac restat dicendi campus. Martem investitum corpore, atque à fabulis translatum ad historiam in Caro-

Carolo credidisses. Inter pericula occurrebat primus: totos dies noctesque armatus inhærebat equo: ad sibilos circumvolantium pilarum ænearum attendebat immotus, & irretorto vultu impellentibus per grandinem plumbeam hostibus, ut loco cederet, persistebat invictus, asserens, minime formidandos canes esse, qui plurimum allatrarent: Dei favoribus roboratos vacare à timore. Aliquando dispositâ acie, quam adversus Franciscum paraverat, interrogatus; num superesset aliud agendum: hoc unum, inquit, ut ensium aciem exaeratis ad universas Gallorum barbas recidendas; quippe non eminus, sed cominus pugnandum erit. Repressit Solymannum fortitudo, ac felicitas Caroli, ne huius adventum ad Vienne operiretur. Cæsarem aiebat, non Cæsareanos metuo: Fortunam Caroli revereor, a suetam vincere. Eluctatus maritimas tempestates portum intraverat, sed monebant locorum periti, ne contactas peste regiones iniret. Eamus tamen, inquit, intrepidus; non reformidemus afflatum, nec Julio, nec Octaviano Cæsaribus bubo istiusmodi feralis fuit, nec futurum Carolo confido. Quamvis propensione genij, & inclinatione fortunæ in bella gerenda proclivior videretur; pacis tamen semper desiderantior fuit. Instabant oratores Veneti, ut bellum, quod Respublica optabat, iniret; at respondit Carolus; non respiraret mundus à bello unquam, si ad datam occasionem

evestigio in arma convolaretur : se vim voluntati suæ fecisse semper, quoties bello Principem Christianum petijset. Nec defuit glorioso Cæsari decor laudatissimæ temperantiæ. Ut suspicionem liberioris licentiæ, adversam fidei conjugali, amoveret, sæpe admotis manibus claudebat ipse fenestrarum ostiola, ut excluderet ab oculis alienam pulchritudinem, sive transituram illac, sive illic constituram. Adulteria quammaximè detestabatur. Intelligens à primipilo quopiam fuisse perpetratum flagitium ; manu ad capulum admota, hoc inquit ferro cor scelesti transigerem, si adstaret ; mandavitque evestigio castris excedere, redireque ; unde venerat, in Italiam. Dùm Gallias pertransiret, divertissetque ; à via in oppidum ; adstantem in conclavi puellam habuit elegantioris formæ. Interrogata, quid isthic ageret ; eò se parentibus inscijs immisam esse respondit : At Carolus statim loco educi, ac parentibus restitui jussit. Abstinentiâ cibi ; potûsque familiari utebatur. Suggererat nonnemo : cibum ut lautiolem caperet levandis tot negotiorum, quibus obruebatur, gravaminibus opportunum. At Carolus : lautè commessari vulgare est : Ideo ferendis negotijs humeros non subtraho, quia minor me cura saginandi ventris tenet. Scio equidem multos de plebe habere commodius, at mihi pondus servandæ Christianitatis sic disponente cæli Providentiâ, incumbit : quare huic oneri, muneri que tempus impendo,

do, immemor horarum, quas triviales infumunt curandæ cuticulæ: cedit illud utilitati publicæ ex Divino beneplacito mihi commendatæ, quamvis meo cum incommodo; sed honoratius illo, quod perversè absumitur per cupedias. Aliquando cænaverat cum apposita sola portione falsamenti: intervenerat Ferdinandus frater, Hungariæ Rex, & quæsierat, admitatus, quo gustu crudelitatem illam ingereret, vix digerendam à stomacho. At Carolus nihil respondit aliò intentus consideratione. Resumpsit subinde quæstionem Ferdinandus. Tum Carolus: liberè affirmo, cogitationes, & curæ, quæ totum me sibi vendicant, non concedunt, ut causas investigem, tam intoliti gustûs. Cibis vesceretur vulgaribus, sic qualitate condimenti, ut quantitate substantiæ perexiguâ. Quo factum ut complures authorum tradiderint, Carolum ad pondus, & mensuram constitutam comedisse, ac bibisse.

Liberalitate maximos Imperatorum superavit Carolus, qui regna, & Provincias integras erogabat. Donavit Muleassi Tuncetanum Regnum, Alexandro Mediceo Ducatum Florentinum, Sfortiæ iteratis vicibus Ducatum Mediolanensem, Guiljelmo Cliuensi Montensem, Duci Mantuano Montisferatum, Sabaudo Comitatum Astensem, Ferrariensi Principatum Mutinæ, ac Rhegij; Urbinati Soram, Lanojo Sulmonam, Doriæ Amalphim, Levæ Asculum, Gonzagæ Molfettam, & Arianum,

Equitibus Jerofolymitanis Melitam, Genuenfibus
 ipsam, cujus Rem-publicam confervant, Genuæ li-
 bertatem. Cum lacte imbibiffe liberalitatem cre-
 di potuit. Poterat adolefcens per concessam facul-
 tatē quotidie quadraginta feutorum Eleemofynam
 elargiri. At licentiam, Aulæ præfecto non con-
 fcio, eodem sæpe die conduplicabat, etiam fepties
 quandoque animadverfus indulto uti. Immensam
 vim auri expendit in redimendis captivis, in de-
 tandis orphanis, in egentibus locupletandis, in
 personis miserabilibus ab inopia fublevandis. Ha-
 bebat in ore, quod liberalitas Regum debeat so-
 lem imitari, qui cænum indurat, & ceram lique-
 facit: pari modo, quod beneficentiæ regiæ ufue-
 nire conveniat, ut nonnullorum conciliet animos,
 aliorum confirmet. Affabilitas, & humanitas præ-
 ter cæteras animi dotes fingulares, summē ama-
 bilem Carolum populis fecerunt. Colloquebatur
 aliquando in Flandria Seldio Ferdinandi Regis
 Oratori: Produëtō in feram noctem difcurfu ne-
 mo adfuit, qui Seldium à Carolo divertentem de-
 duceret. Arripuit candelabrum Carolus, & ad
 conclave designatum comitatus Seldium, frustra
 deprecantem, imò fubfequentem antegreffor vice
 adminiftri officiofè alluminans. Cum ad digreffum
 fcalarum perveniffent: Ecce, inquit Carolum tot
 alias ftipatum exercitibus, nunc incomitatum; fa-
 ciferi obeuntem munus fuo quamplurium anno-
 rum fcruo. Joannem Fridericum Saxonix Ducem
 capti-

captivum non præteribat, nisi posito galero salutarer. Consultabant de Carolo detinendo Galli, cum ex itinere per Gallias ad Franciscum Regem diver-
tisset. Intellecto Consilio Carolus ad demerendam sibi Estampiam Regi peramicam animum applicuit. Itaque in conclave, ubi ad prunas assidebat intran-
tem manu comiterprehendit, jubetque assidere ad latus: tum mixtis, uti ferebat opportunitas, ul-
tro citroque sermonibus captaturus animum fæ-
minæ, annulum ex composito à digito demittit, pretiosissimo adamante conclusum; inclinata ad momentum illa annulum levat, & officioso ho-
noratum osculo refert Cæsari. At, subridens Ca-
rolus, Annulus hic, inquit, tibi esto: non solent Cæsares, quod dilapsum à manibus est, repetere: monumentum hoc sit Caroli isthic aliquando ho-
spitis. Liberalitatem venerata fæmina, postea vulgatis Caroli laudibus tantum effecit, ut illius intercipiendi, detinendi que nulla impofterum cogitatio manserit. Imo ab eo tempore quacunque incedebat, festivis honoribus accipiebatur. Tan-
tæ fuit efficacæ prudentia affabilitati consociata. Capta Tuncto innumera adfuit captivorum turba, qui in servitutem à barbaris olim abducti profusis lætitiæ lachrymis liberatori suo acclamabant, & in terram prostrati rogabant, uti sibi liceret vel pedibus maximi in orbe Principis oscula figere. Spectaculum omnino miserandum afflictissimorum paulò ante ex omni Europæ natione mortalium.

Humanissimus Imperator consolatus universos, ad manûs osculum singulos admisit, mox viritim distributis vestimentis congruâ pecuniæ portione donati, remissi quique in patriam supplicibus in cœlum dexteris bene precantes liberalissimo Cæsari. Ingressus Barcinonem inaudijt urbis oratores quinque repræsentantes statum, non consueſſe ab equo descendere, cum Principem suum civitate reciperent; adhæc, quod nescire vellent eundem simul Regem esse atque Imperatorem: præstituros tamen Singula, quæ Carolus imperaverit. Nullam ille consuetudinibus priscis vim facturus assensit, ne descenderent equo, & omisso Imperatorio Comit̃s Barcinonensis titulo præhabito, urbem accepit. Egregium pro demerendis cordibus consiliû. Parabatur alibi hastiludium, at è numero cohortium nulla erat, quæ nobilem quendam, dotibus equidem opibusque insignem, sed qui progenitores pares habere cæteris, quamvis & ipsi clari fuissent, non videretur. Edoctus de litigio Cæsar, eo ipso tempore, quo plenus confusione nobilis stabat in prætorio, prodit in publicum, atque ad circumstantem certaturorum turbam: nemo inquit, hunc suæ cohorti adscribat, ego illum meis collusoribus annumeratum volo. Ita contentionem diremit, & honore perturbatum afficiendo honores celebratissimos meruit. Clementiam magnitudini parem præsetulit. Mirantibus, quod frequentius ignosceret perduellibus;

libus: non id ago, inquit, ut occidam vi-
tutes, sed ut mortuos resuscitem. Asserebat ma-
ganiminitatis indicium esse, non advertere ad ca-
lumnias, & maledicta. Rainerio nobilitate, atque
opibus præpotenti, sed ob crimen læsæ Maiestatis
damnato, vitam condonavit, nec non fortunas
restituit. Guilielmus Dux Cliviæ mortem me-
ritus, ubi demissè supplex Cæsari accidit, vitam
impetravit, cultusque amplius in posterum fuit.
Idem obtinuit comes Palatinus, ac Dux Wirtem-
bergensis. Sæpius per Germaniam clementiæ e-
dita documenta, etiam Gallijs præstitit. Diver-
terat ad Regem Carolus, subitoque incendio di-
versorium Cæsaris exarserat. Rapi suspectos im-
missi spontè ignis ad supplicium mandabat Rex,
at deprecabatur pro afflictis Cæsar, effecitque
etiam à carcere immunes. Sæpe contigit, ut per
Hispaniam, quæ optabant boni, jam seditiosi tre-
pidarent imminentia supplicia, parata in caute-
lam temerè factiones cientium: at alienus à fun-
dendo sanguine Hispano Carolus, malefacta non
imputabat malitiæ, sed ignorantia. Atque, ut
fidelitatem suorum evinceret, è captivis pluribus,
octo ad sententiam capitis damnavit, quos ipsos
alia scelera, non modo publicum nefas reos effe-
cerant; neque istud Clementissimus Princeps
magis justæ iracundiæ, quam dolori dedit. Cæ-
terorum turbam dimisit incolumem, ipsosque
centum octoginta quos in vinculis detinuerat

non multo post liberos esse voluit. Ita fulmina cum periculo paucorum transeunt, quamvis non sine terrore multorum. De reis fuerat Nobilis Toletanus, quem adulator aulicus, captaturus gratiam Caroli, quo loco deprehendendus foret, prodiderat; Accepit indicium Carolus, sed visus non advertisse, dissimulavit mandatum de nobili protrahendo è latebris. Itaque delator interpretatus oblivionem, iterum replicat, insinuatque latentem. Tum Cæsar: satius fuisset, inquit, si viro illi intimasses adesse me, neque toties suggessisses mihi adesse illum. Diffidentium à Cæsare Ducis Saxoniae, atque Hassiae Landgravij internuntium Cæsareani interceperant, evolutisque syngraphis deprehenderant notatos per Alemanniam Procures, qui seditiosis suppetias erant missuri. Re ad Carolum relata, æmulatus hic Julij Cæsaris factum, jussit epistolas flammis absumi. Ut ille civium Romanorum cum Pompeio conspirationes; ita iste procerum Alemanniae cum hostibus adversum se pacta oblitterans, docensque, mitiorem esse formam vindictæ, quæ est ignorantia delicti.

Clementiam profusa in omnes benignitas comitabatur. Aditus ad colloquendum parebat singulis. Monitus fieri posse, ut sic aliquando de vita periclitaretur, respondit: Deum nemini negare accessum: se maiestatis Divinae emblemata in terris esse: securitatem sibi à benignitate in omnes

omnes comparari : Amorem ab amore provocari, ut jurgia à jurgiis : nemini odiosum fore, qui benevolentiam singulos complecteretur. Jusserat ab aula rapi in carcerem è gynæceo quandam. Dolebant factum Nobiles quinque apud illam gratiosi. Quare à capite ad calcem squalidi expectavere Cæsarem, dum pertransiret; adstantes immoto pileo. Agnovit postulata Imperator absque insoliti huiusce cultus interprete, & subridens : sapitis, inquit, sapitis : liberam habete : missoque, qui carcere foeminam eximere, intercessores placavit. Illi ad pedum oscula affusi, liberalem, quæ offerebatur, dexteram honoravere. Mortuo Francisco duce Mediolani adfuit à Gallia orator nomine sui Regis eam provinciam repetiturus. Audijt Carolus perorantem, & suavissima cum dissimulatione : Eadem mea quæ Regis tui voluntas est : ambobus id ipsum in votis. Credebatur orator postulato Cæsarem annuisse, & quantocyus renunciaverat Regi optatam, uti existimabat, expeditionem. At Carolus æquivocatione usus fuerat ; asseruerat enim se Mediolani Principatum ita sibi vindicare velle, uti pro se Rex eundem efflagitabat. Dolebat nonnemo è veteranis Carolo ab obsequiis, quod exigua in parte lucrosum hætenus servitium servivisset ; Respondit Cæsar : quid mirum ? Etiam luna, quò soli vicinior, eò obscurior. Affirmare solebat, exercitui formando, comparari oportere caput Italicum,

brachia Hispana, & pectus Germanum. Deferebat istud Italorum solertiæ, Hispanorum robori, & fidei Germanorum.

Addidit Carolus sui nominis splendori celebratissimum mundi honorum contemptum, quo tandem renunciavit sceptris & coronis, Cæsarem fratri, Regiam filio resignando, seque in exilium à rebus humanis voluntarium abdendo in claustrum Hieronymianorum. Egit inter hos vitam cœnobitæ. Prope Ecclesiam S. Justæ ædiculam perangustam incoluit, familiâ stipatus modicâ, ipse perexiguo contentus. In hac solitudine animi inter cœlestia voluptatibus studuit. Attendebat frequens divinis officijs, quæ ad aram maiorem, quo prospiciebat, agebantur. Inde sanctissimo Eucharistiæ ferculo identidem reficiebatur. Ibi horis canonicis, sacrisque ad populum concionibus assistebat. Ex indulto Pontificio poterat, quò amplius devotioni vacaret, & corpori multum laboribus attrito non incommodaret, non ieiunus sacram communionem participare. Musicis ad divina peragenda concentibus delectabatur, ipseque ordinabat sacras canticnes, quæ præcinerentur, usus operâ voluminum à Guerrerio laudatissimo ab arte musicâ, & Capellæ Magistro sibi præsentatâ: discernebat item accuratè cum hic author alios in inventione, aut dispositione aucthores imitatus sua fecisset, quæ erant aliena; nec advertentes musicos de felici translatione, quæ occur-

occurrere observanti, edocebat. Feria sexta per quadagesimam utramque, quas in hoc cœnobio exegerat, comitabatur publicam totius monasterij supplicationem, & flagellationem, tanto ardore desævians in corpus, ut funiculos attereret. Ab ædicula quandoque in vicinum nemus divertebat, plerumque pedes incedens, atque ibi in constructo Eremitoriolo rebus divinis vacabat. Semel deVectus asturcone, prope fuit, ut nisi promptè subuenissent, fuisset præcipitatus. Universum equile tanti olim monarchæ, tunc equo unico, & mula, quæ famulum deportaret, absolvebatur. Regiæ domûs apparamenta nudi erant circum parietes; cellæ tamen, cui indormiebat, affixi inhærebant aliquot nigri panni. Habitu induebatur modestissimo. Decentiæ causa indulgit, ut ad mensam quatuor lances argenteæ servirent. Erat sanè rigor hie vitæ, & cultûs austeritas præferenda priscorum Eremitarum miraculis, Macarij, aut Hilarionis, si conditio utrinque spectetur, à qua & iste, & illi recesserant. Doloribus interim ægritudinum, ac pertinaciâ podagræ plurimum divexabatur, quibus tamen mitigandis necessitati potius, quàm commoditati indulgebat. Quare nec alio medico utebatur, quam qui toti monasterio erat communis. Aliquando à tonsore interrogatus, quid tum animo voveret. Bis mille scutorum, inquit, quæ seposui, cogito impendere proximè in exequias mihi celebrandas.

Hæc

Hæc, subdidit ille, melancholicæ affectionis sunt cogitata, si Majestas Vestra obierit, ac nos vixerimus superstites, non deerunt pro meritis officia, quæ supremo, debitissimoque affectui impendentur. At replicuit Carolus: multum refert, inquit, utrum viatorem præcedat lumen in tenebris, aut sequatur. Volo, ut præsens intersim solemnij mortuorum, progenitoribus meis, ac mihi constitutis.

Mansuetudine indicibili prosecutus fuit in hoc recessu obsequia eorum, qui deserviebant: quamvis in omni vita eosdem ut filios semper complexus fuerit. Frequenter invisebatur à propiùs habitantibus ad Divæ Justæ cœnobium. Ex ijs erat Ludouicus de Avila magnus Ordinis Alcantaræ Commendator, Cæsareus Cubicularius, & incola Placentiæ, unde hæredem Mirabelliorum unicam in matrimonium duxerat. Adfuit hic quodam die, dum mensæ accumberet Carolus, qui cognito amici adventu, degustata pulli gallinacei parte, reliquum asservari pro Ludovico jussit. Fieri enim, inquit, posset, ut nihil præterea superesset, quod hospiti apponeremus. Gaudebat huic colloqui super gestis in bello; Caroli quippe comes assiduus is fuerat. Inter alia affirmabat Ludovicus: sibi in domo esse picturam, in qua prælium cum Rege Galliæ habitum repræsentabatur ad Rentisum. Quæsit Carolus, quæ dispositio actionis in ea exhiberetur: atque intelligens pul-
los

los è stationibus hostes, & in fugam actos ad vivum exprimi. Quæso, inquit, Ludovice, fac, ut pictor moderetur exhibitionem facti; neque enim fuga, sed laudabilis ad tutiora receptus hostium fuit; hunc ego malim coloribus, ut imitetur, non fugam. Adeo modeste de rebus abs se gestis sentiebat: adeo avulsus ab omni eo, quod sapere poterat vanitatem: adeo sollicitus & cautus, ne existimationi proximi quidquam derogaretur. Simile præstitit, cum in celebris Ecclesiæ sepulchrum intelligeret inferendam esse magna cum pompa & instructissimis cum apparatibus quandam personam, cæteroquin non admodum honestæ, ex acta vita, recordationis. Itaque Cœnobij eius Priori dixit, ut missos faceret illos apparatus, ne publicitas sepulchri revocet in memoriam ea, quæ silentio præstabat abscondere: non suffecturas quatuor annorum centurias, quæ agendæ de facinoribus poenitentiae tribuerentur. Magnam animi voluptatem capiebat ex conversatione amicissima Sancti Francisci Borgiæ: Huic aliquando asseruit, summopere sibi molestum esse, quod, ut cupiebat ad maiorem sui corporis captandam mortificationem, non posset indormire vestitus. Replicuit vir Apostolicus, multis noctibus, quibus Maiestas vestra, ære coopertus vigilavit, adscribenda est hæc corporis nunc intemperies: attamen Deo agendæ sunt gratiæ, quod meritorum amplius per annos præteritos reportaverit Maiestas Vestra inter

ter vigilias, ac labores militares pro Ecclesia Dei exantlatos, quam potuerint consequi viri Religiosi quamplurimi, cilicijs quamvis perennibus, insepulti. Triduo Franciscum penes se derinuit. In digressu, jussit titulo Eleemolynæ, viro sancto enumerari ducenta scuta: prohibuitque Ministris, ne tegiversationem Patris ullam admitterent; dicerentque, quamvis perexigua hæc esset donatio; eam tamen, spectando currentem vitæ statum, & præsens ærarium, unam ex profusioribus, quos unquam contulisset, fuisse. Obijt Carolus sanctissime in solitudine suscepta, annos natus quinquaginta septem; Princeps à virtutum multitudine incomparabilis, à rerum gestarum gloria immortalis.

§. IX.

Ferdinandus I. Benignus, Pius, Verax, Justus.

Multum, quod in Imperatore Ferdinando I. imitentur, habent Principes. Erat pius, clemens, affabilis, justus. Utebatur eo dicto frequentius: fiat Justitia, pereat mundus. Hanc potissimum in regnorum suorum tutelam adscivit. Magna cum circumspectione deligebat Tribunalium Judices, ac fori ministros. Privata sagacitate inquirebat in actiones singulorum. Quamque vole-

bat

bat coli à subditis, eandem ipse in viciniam omnem observabat. Principum nulli molestus, nullius adversus quenquam prodiciones fovens, esto præsidia & castra adversariorum, tempore induciarum aperienda offerrentur. Tam germanam fidem admiratus obstupuit Solimannus Turcarum Imperator, & laudavit. Fuit miles, qui feudum promissum à Cæsare exigebat: Videbatur consilio Imperiali sufficere, si homo privatus pro feudo determinatam pecuniam acciperet, præstitis obsequiis competentem. At ego, inquit Ferdinandus, feudum illi pollicitus sum: verbo Cæsareo est standum; si jactura facienda est, minus verborum, quam rerum mearum fiat. Acceperat à Carolo Quinto investituram Witembergensis Ducatus, exacto inde Udalrico, atque exauthorato. Quia tamen causa Ducis ad arbitros fuit devoluta, & supplex pro reo Saxoniae Dux cum Principibus nonnullis Imperii rogabat, ne Ferdinandus jure rigido uteretur; commisit judicio eorundem universam sententiam: cumque illi possessionem toparchiae Udalrico adjudicassent, retento penes Dominum Austriacam supremo dominio, quamvis multi inique cum Ferdinando agi censuissent, acquievit tamen, plus pacipublicae, ac datae fidei attribuens, quam lucro privato. Miserat Maximilianum Filium, postea Imperatorem, ut nomine Philippi secundi, tum absentis, Hispanias moderaretur. Proficiscenti dedit scripto in mandatis. Primum

mum

mum ut omnibus negotiis orationem, & missæ sacrificium præmitteret: deinde ne assentatoribus, aut morionibus aurem uspiam præberet: tum ne labori, & vigilantia parceret, si quo in casu fides & pacta antecessorum, aut verbum Principis periclitarentur: Cautè in omnibus, etiam coram amicis ageret: ne universa uni homini confideret; nervum quippe prudentia esse, non promiscuè, ac temerè collocare fiduciam. Negotia sua Ferdinandus primùm Deo commendabat, tum expendebat accuratè, demum cum peritis consultabat. Ad casus inopinatos dicebat; accidit in puncto, quod non speratur in anno: cui cum alius consultorum subdidisset; in puncto etiam amitti, quod recuperari in anno non possit: replicuit Cæsar; Ita omninò est: at in remedium adversus hæc oratio, & consilia prudentium supersunt.

Erat affabilis: officiique sui admodum studiosus; & facilis ad audiendum, si qui desiderarent alloqui. Habebat quotidie horas designatas, quibus cujusvis conditionis homines admittebat ad affarium. Singulos amœna cum dexteritate suscipiebat, & dimittebat cum humanitate, & clementia eximia. Animadverterat aliquando repulsam ab audientia fuisse sæminam pauperem, eò quod tempus constitutum jam, ut aiebant, diffluxisset. Reprehendit tamen ministros acriter, si, inquit, ab alloquio nostro repellimur pauperes, quali cum merito consistemus coram tribunali divinæ Majestatis?

statis? Accincto venationi fascis integer memorialium oblatus fuit: hunc ille continuo præfecto venationum tradidit: at iste alijs curis officij sui intentus respondit, sibi ignotam esse artem tallium libellorum: Ergo patiamini, subdit indignior Cæsar, secretarios horum negotiorum peritos competentibus stipendijs me alere. Venerat in aulam veteranus miles multorum annorum stipendia rogaturus: Cæsare gravius occupato, responsum tulit, opportuniori tempore veniret. Ursit aditum nihilominus miles, pollicitus non plura tribus se verba facturum. Edoctus super hominis instantia Cæsar, admitti militem jubet, sed cum pacto, ne plura, quam quot promississet verba, proloqueretur. Tum ille ad Cæsarem; solve, aut manumitte. Et Cæsar humanissime: non manumitto, sed solvo. Jussitque desiderato stipendio postulantem expedite donari. Fuit Princeps temperans, & modestus. Non sumptuose cibabat: non inhærebat convivio, ut temporis amplius daret negotijs. Inter accumbendum delectabatur eruditorum concertationibus; promovebat ipse quæstiones de Philosophia naturali, & morali, atque etiam historijs. Interdum prælegi ex libro audienda curabat: denique id tempus magis voluptati, ac refectioni mentis, quam corporis saturitati tribuebat. Non amabat in conventibus, ac dictis Procerum inductas commensationes: ubi excessum notaverat, audire

dicentem ; meminertis non isthuc vos commef-
fandi aut compotandi , fed negotiorum Imperij
caufa veniffe : officij veftri curam agite, & tempe-
rantiam illi exequendo affumite. Profecturus
longiùs unâ Imperatricem, ac gynæceum dedu-
cebat. Improbantibus expenfas quæ propterea
graviores, ac minus necessariæ fiebant, respondit;
Principem decet caftum vivere: maior in fexum
huic , quando alienus eft , fit opum profufio,
quàm in propriam uxorem.

Animi relaxationibus honeftiffimis fe dabat.
Primùm delectabatur viris eruditis, quos deduce-
bat femper. Habebat in fymbolo librum, quò do-
cumento monftrabat, quantum fapientiæ tribue-
ret, quamque vellet effe Protector, ac fautor per-
petuus eruditorum. Aiebat præligere fe jacturam
univerfi thefauri, magis quàm eruditionis. Inter
aulicos non minor erat numerus literatorum,
quàm Procerum. Majestatem Principis, inquiebat
ac pretium niti fapientia æquè, ac nobilitate auli-
ca, & profitebatur auxilio fibi ubique præfentiore
fuiffe homines doctos, quam nobiles. Et certè
prudens confilium vi armatâ Principi femper uti-
lius eft. Ipfe vero erat librorum non minus amans.
Deferebat plerumque fecum, quâ ibat, inftructio-
nem gubernandi, quàm cum voluptate identidem
evolvebat. Librum Ciceronis de officijs â pueri-
tia intimè complexus, adeò habebat familiarem,
ut integras, productasque ex eo fententias appofi-
tè ad

tē ad rerum eventus memoriā retentas recitaret. In historiarum notitia apprimē versatus, multos historicorum magnis impensis typis tum primum in lucem protractis edi fecit.

In artibus mathematicis curiosus, insignes mathematicos fovebat, à quibus cursum astrorum, & considerationes stellarū edocebatur. Venationum erat amans; ita tamen ut nihil occupationibus Imperialibus, pauperumq; causis impediementi faceretur. Horum eo ipso tempore lites tractabat, & decidebat: nec admodum erat scrupulosus in ferarum vivarijs vindicandis, quamvis interdicta ab aliquo convellerentur. Tulerat equidem legem, ut qui involasset ferarum cancellos, oculis erutis pœnam lueret: at contigit ab homine rustico peccari in legem: jamque in proximò esse, ut pœnas daret temeritatis. Re intellectā Cæsar liberum dimitti mandavit: asserens nolle se hominem cū fera in pretio componere: malè in compensationem bruti animantis, venire organum adeò opportunum vitæ, ut necessarium sensui.

Assentatores odio quàmmaximè habebat. Non ferebat ampullas titulorum, & magnificos cognominum apparatus. Aiebat se coram Deo non differre à cæteris hominibus. Mortem sibi æquē, ac Singulis, communem esse: pariter se, atque alium quemque Dei judicio sistendum: alterius speciei, ac formæ minimè; sed similis naturæ ac conditionis humanæ narum. Visus fuit per mor-

tis meditationem crebriorem obtinuisse, quod tempus prænoverit sui obitus. Affirmavi moriturum se in festo S. Jacobi Apostoli : Divinam bonitatem constituisse, ut quemadmodum ille in Hispania, ita ipse in Germania peregrinus viveret. Quare ipso die festo S. Jacobi obiit in Germania, in qua plurimam ætatis partem peregrè exegerat, natus olim, atque educatus in Hispania. Salutis suæ curam, incolumitati Ecclesiæ per Imperium posthabuit. Pro hac quotidie Deum supplex orabat : & in morte unum hoc illi desiderium superfuit, unica & anxia sollicitudo, ut conservaretur.

§. X.

Maximilianus II. à Justitia, Clementia, temperantiæ virtutibus Illustris.

TAlem se gessit Maximilianus II. ut patrui Caroli quinti amorem intimum sibi demeruerit. Prudentissimus Carolus à Maximiliano nepote filius audire cupiebat. Ita demirabatur generositatem, indolemque à tenerâ etiamnum ætate aspirantem. In generum postea sibi hunc adscivit, plurimumque Maximiliani ingenuitate delectatus, voluit hunc ad comitia Augustæ indicta auspiciis diætæ facere perorando elegantissimam, quam consecerat dictionem. Dignissimum Imperio

rio Justitiæ virtus præstitit. Hanc quia impensius colebat, etiam quacunque incederet, revere-
batur. Pertransiens suppliciorum stationes & co-
lumnas posito galero in signo Numen virtutis ve-
nerabatur. Magno illi in pretio erat tribu-
al Spirense, omnique illud authoritate firmabat, ac tue-
batur. Dicasteria, & cancellarias à patre erecta il-
lico à suscepto diademate rata habuit: addiditque
singulis executores strenuos, & magistratus subal-
ternos, qui judicum pronunciata cum potestate in
usum, expeditionemque converterent. His au-
ctoritatem contulit, adversus quam nulla vis supe-
rior audere posset. Plurimum delectari erat soli-
tus, cum lites finirentur partium compositione,
non expectata severitate judiciorum. Siquidem
præstolari sententiam nihil aliud esse censebat,
quam multiplicare sumptus, aut parare viam in-
quietudinibus animi, periculisque non raro sese
exponere gravium delictorum. Quare ut nobilio-
rum litigia abrumperet, accersebat illos peraman-
ter, hortabatur de jure mutuo aliquantum remit-
tere, quo sese expediant promptius à fastidijs mul-
tiplicibus, à sumptibus immodicis, à dilationibus
molestis, ab odijs, & discrimine perjuratorum, ac
falsorum testimoniorum, aliorumque inconve-
nientium, quorum operosæ lites seminarium exi-
stunt. Hac ratione concordavit Principes Hassiæ
cum Nassavijs, Item Norimbergenses cum Mar-
chione Brandenburgensi. Ponebat itaque princi-
pem

pem curam in reſtinguendis litibus, ſuadendo arbitros prudentes, abſq; tractu, qui neceſſariò ſuccedebat moroſorum tribunalium.

Juſtitiae conſociaverat affabilitatem, nullo rigore triſtiùs obarmatam. Facilis acceſſu, promprior in favorem miſerorum, benignè cum ſingulis, atque in cujuſque vernacula colloqui ſolitus. Sine moleſtia audiebat, ſine mora expediebat. Erat, qui alteri adverſatus, improbè inſultaverat. Præventurus ſui accuſationem apud Cæſarem, præoccupavit aditum. At Cæſar: animadverto reum, contra quem quereris malè abs te tractatum ſalire in gradus ad conclave non potuiſſe. Deſcendam ad illum per ſcalas, ut audiam: Neſcio enim, quid ſiniſtri mihi, aures accinant. Hæſit accuſator confuſus, & Cæſaris æquitatem in modo inter partes procedendi adoravit.

Magnanimus in condonandis injurijs vix ſenſum illarum præſeferebat, illicò obliviſci viſus. Nec vindictæ cupiditas, nec fames opum, nec regnandi ambitio removebant Maximilianum à gloria Principis juſti & clementis. Opportunius cenſebat eſſe diſſimulare, & aliquantum pati, quam publicam tranquillitatem convellere. Non obefſe murmura eorum, qui facilitatem in condonando carpunt, modo exceſſus plectendo non incurratur. Probè noverat multos Maximilianus, qui in ſe peccaverant, teſtas tamen eorum nequitias rectius diſſimulavit. Arguebat non nemo conſiliario.

liarierum; clementius cum captivis Turcis, qui detinebantur in carcere, agi, & censerebat esse extinguendos: An vero, subiecit Maximilianus, sic bellum cum ea gente finietur? num non supererunt, quos præterea expugnemus? si hostes aperti sunt, ita eos tractemus, qualiter haberi ab ipsis captivi optaremus. Non deerat acutissimis responsis. Bene precati fuerant Maximiliano Proceres, quod exegisset annum climaëticum sine incommodo. Et Cæsar: mihi, vobisque omnes anni sunt climaëtici; nescientibus, quippe constitutam horam mortis, ea quovis die, quavis hora restat expectanda. Expendens multiplices legum expositiones, & glossas, atque ad iudicium ingenia non unum earum sensum, agebat, cereum legibus nasum esse, ut quæ in omnes partes accomodari se patiantur pro libito versantis. Rogatus à Principe, ut mediatorem inter controversos duos adolescentes fratres ageret, quorum inimiciæ affuso indies oleo magis incalescebant: Reposuit Imperator: Perfacile est rotam impellere, dum non fertur ab impetu, at raptam, quis sistat? Faciam tamen, quod maiestatis, Cæsareæ, & intercessionis vestræ ratio feret.

Aulam habuit, quæ eruditorum dici potuit encyclopædia. Aderant graves Historici, insignes Mathematici, prudentes Politici, disertis Oratores, acuti Poetæ: amabat omnes, honorabat singulos. Eorum paginis circumferebatur per orbem

bem Maximilianus. Sæpius Viennam Austriæ se
 transferebat, ut celeberrimæ ab omnigena doctri-
 narum laude isthic Universitatis gustum caperet.
 Non dimittebat diem, quo erudito cuipiam non se
 communicaret. Septem linguis perfectè loque-
 batur, callebat Germanicam, Hispanicam, Itali-
 cam, Bohemicam, Gallicam, Ungaricam, Belgi-
 cam, Astronomiæ, cæterisque mathematicarum
 disciplinis addictus, nullam tamen Astrologiæ fi-
 dem statuebat. Ut judiciariam aliquando con-
 funderet, quærebat à sciolo quopiam, num qui ad
 Cannas perierant, uno, eodemque sub astro fatali
 fuerint : num singuli, qui excellenti rum flore-
 bant ingenio, in idem diei punctum olim nasce-
 do inciderint : ridiculam fore alioquin stella-
 rum doctrinam, nec aliud præter influxus in sub-
 lunaria planè materiales operari. Deliciabatur ex-
 ferarum venatione, cum ea tamen moderatione,
 ut culparet proceres, si quos huiusmodi exercitio
 deditiores comperisset. Aiebat; occupationem
 istam viris Principibus dignam esse, sic tamen, ut
 minimè distrahat à munere publico. Victus tem-
 perantiâ singulari vitam conservavit. Non edebat
 ultra constitutum pondus. Cæterà Princeps
 omni virtute ut regia, & politica, sic œconomica,
 & privata ornatissimus.



§. XL.

Rudolphus II. à sapientia, cultu pacis, amore eruditorum celebris. Eius & Matthiæ Fratris occupationes illustres.

Rudolphus II. & Matthias huius nominis I. Patre Maximiliano II. editi avitam maiorum gloriam serie Augustæ imitationis, atque in Imperio successionis nobilitarunt. Fuit Rudolphus literarum, & literatorum amantissimus, quæ magna Principum est commendatio. Supra thesauros omnes æstimabat eruditionem, atque eruditorum conversationem. A remotissimis Imperij finibus evocabat, si quos inaudisset ex fama florere, viros doctos. Ex his fuere Tycho Brahe, & Joannes Keplerus in Astronomicis celebratissimi, & Ptolomæo pares. Horum, aliorumque ingenium, præsentiamque amabat, æstimabat, honorabat, dies, noctesque lateri suo applicitos volebat. In hos munificus, non parcebat impensis, quibus promoverentur eorum scientiæ per experientiam, & instrumentorum multiplicem apparatus. Debentur Rudolpho tabulæ ab ipso cognominatæ, ut ab Alphonso Rege Alphonsinæ, ambæ insignes, & suorum gloriam authorum, sapientiamque loquentes. In Bibliotheca Viennensi

M 5 asser-

asservatur codex scriptus latino idiomate, propriâ manu Rudolphi exaratus, elegantiae, prudentiaeque; compendium. Callebat Germanicam, Hispanicam, Gallicam, Italicam, Bohemicam, ac Latinam linguam. Eruditissimus erat in quovis artium genere: edebat responsa sensatissima, maxime ad propositiones fortuitas, Oratoribus exterorum Principum admiranda. Legatum Regis Poloniae bene longa, eaque; eruditissima oratione, in capita, & partes divisa loquentem audierat; atque; illic eloquentissima alia latino sermone concepta dictione respondit, ad singula propositionum momenta accuratè prolocutus. Aderat Julius Dux Brunsvicensis, qui obstupescens facundiam, eruditionemque Cæsaris, affirmavit, nisi adstirisset præsens dicenti, fidem tanto doctrinae prodigio nunquam se habiturum fuisse. Exinde, quas antea differebat mittere Rudolpho adversus Turcam suppetias, profusas obrulit, & constantes misit.

Tam exaggerata sapientia cohærere debuit cum victus egregia temperantia. In edendo & bibendo valde abstinens fuit. Uno ferculo, ad summum duobus contentus mensæ accumbebat: condimenta ciborum vulgaria, caro vervecina, aut communior alia, nihil altitium, aut exquisitarum dapium apponebatur. Nec inde mirum imperasse tam pacificum, qui adeo sobrius vivebat. Bellum quod gessit, susceptum, aut voto auctioris tranquillitatis, aut necessitate tutandi

Chri-

Christiani nominis fuit. Adversum Turcas gloriosas victorias retulit. In artium, ut scientiarum cultura par extitit. Pingebat elegantissimè. Non dubitavit quidam scribere ad æmulationem Apellis pinxisse, habuisseque plus aliquid humani penicillum Rudolphi. Suâ manu coronam auream, ac mensam solis lapidibus pretiosis tessellatam, opus artis, & ingenij eximium confecit. Horologia rotatilia affabrè, & scitissimè elaborabat. Hæ illius animi diversiones & deliciæ, prorsus à tesseris, cæterisque ludicris alienæ. Paulò aliter Matthias ingenium, & manus occupabat. Totus ferebatur in machinas militares, & statuariam, quibus operam assiduus, dimissis alijs oblectamentis ut frater, impendebat. Non exercent corpus chartæ, ac fritilla, ut ludos Principum convenit; imò animum si perdas, non sublevant, sed inquietant. Rudolphi, ac Matthiæ occupationes absque periculo jacturæ, absque dedecore inquietudinis erant susceptæ. Mentem à curis fatigatam recreabant, & corpus exercitatione vegetum conservabant.

CAPVT III.

Regum Hispania virtutes.

Imperatorum de Castellana, & Austriaca Domus virtutes, pares famâ, atque immortali memoriâ

moriâ dignissimas conjungo Regū Hispaniæ virtutibus. Non colligo universas in brevem fasciculum, nec multas singulorum extendo: labor foret immensus. Eas delibabo duntaxat paucorum, quas erudiendo Principi, qui in apicem veræ gloriæ contendit, illustriumque majorum vestigijs sapienter inhæret, opportunas existinavero.

§. I.

*Zelus, Religio, Generositas Sancti
Regis Ferdinandi.*

Nec defuit Hispaniæ coronata sanctitas. Nomen Ferdinandi in ea ex pluribus palmam tenet; ac potissimum Tertij, qui monarchiam Hispanicam fundavit, usque hodie semper auctam, nunquam diminutam. Primum hujus Principis virtutes propono: Quoad vixit, zelo Religionis caluit, & continuis adversus Christiani nominis hostes triumphis inclaruit. Ex perpetua sanctimoniam, generositatis, ac felicitatis serie prodigiosus fuit. Episcopus Palentinus eius vitam conscripsit, quæ in ideam Regibus, in miraculum cæteris potest venire. Gloriam Ferdinandi, quem Augusti nomine insignitum vult, auspicator ab amplificatione coronæ. In quo heroum veterum monumenta prætergressus, accumulavit bona domesticis, mala in adversarios refudit. Sceptro Casti-

Castiliæ, & Legionis plura addidit diademata, sed emolumento Religionis Catholicæ, quam suspirabat unicam, dicata. Mauros quamplurimis prælijs devicit, Sevilliam, & Cordubam, Andalusiamque regno apposuit. Regem Granatensem tributa pendere coëgit, ausus in trecentorum lanceariorum comitatu ad exigendum mille maravidiorum auri quotidie tribuendorum pensum in hosticum excurrere. In expeditionibus bellicis provolabat instar fulminis. Cordubam fortuito impetu cepit. Nam intelligens Christianos vicum urbis vi adortos expugnasse, ipse munitissimam, validissimamque cum civitatem Benevento advolans, non expectatis fortioribus copijs, aëre quamvis turbulento, canosisque itineribus, centum tantummodo stipatus equitibus, adortus expugnavit. Sanè occasionem prævenisse visus fuit, quandoquidem eâ vix ostensâ, præsentia suâ paucitatem commilitonum erexit, & eorum, quos pertransibat animos, ad sequelam impulit, ac vinci nesciam urbem patere victoribus fecit.

Laborum tolerantissimus, exemplo suo infatigabilem reddebat militem, quem exercitiis militaribus indefesse occupabat, etiam cum hostis decrat: asserens; usum armorum plus robore valere, Nemo in ordinanda acie expeditior, in præcavendis periculis oculatior; in divertendis hostium technis accuratior; in expugnandis stationibus valentior. Tantam tamen genii heroici celsitudinem

dinem demissionis Christianæ virtute attemperabat. Ideoque victoriosissimum evasisse censuit Rodericus Placentinus. Sæpe in Ferdinandum omnis à sedibus Affrica transiisse in Hispaniam credebatur. At confusus in adjutorio Altissimi rumpebat aciem, dissipabat hostes. Nunquam nisi victor è prælio discessit, nunquam obsidionem nisi urbe capta soluit, nullam gentem aggressus est, quam non disperdidisset, aut in fugam coniecisset; nullam rem intentione concepit, quam executione non confecisset. Pro adagio usurpabat frequenrissimè Davidicas voces: DEus adjutor meus, quem timebo? Divino fretus subsidio, in quo plurimum fidebat non invincibilis modò, sed victor continuò evasit: omnes tamen triumphos Deo in acceptis reponens, nihil propriæ existimationi approprians. Initio belli præmittebat intentionem à vanitate mundi defæctam, solâ animatam cupiditate proferendæ gloriæ divinæ. Obtento autem triumpho, utebatur victoriâ, non amplificando modò terrestri, sed cum maximè cæli Imperio. Nullum bellum gessit, cui causa justa non intervenisset. Meminerat laudatissimæ vocis ab Augusto Cæsare dictatæ: Vanam esse jactantiam, vitiosamque animi levitatem, auferri à desiderio trophæorum, & laureæ, quæ nihil profert, præterquam folia sine fructu: ad hæc conjicere in discrimen atque incertos eventos securitatem, ac vitam subditorum. Usurpabat & il-

lud

lud Scipionis : præstare unum civem servari, quam mille hostium perimi. Interrogatus, quâ felicitate tot Provincijs regnum Patrium adauxisset per tot Regum studia incassum quæsitis ? respondit : fortè prædecessorum meorum scopus magis fuit amplificare regionem, quam Religionem ; magis adaugere gentem, quam divinum cultum stabilire ; ideoque in vanum laboraverint non cooperante Deo in causa aliena. Tum sublati in cælum oculis : Tu Domine, inquit, nosti, cui cordis humani abdita patent, quantò amplius tuam, præ mea gloriam quæsi verim, quantò concupiverim ardentius fidei amplificationem ; præ incremento regni. Respondebat & illud : non suis meritis evenire felicitatem adeo exaggeratam, sed provocari illam à perfidia, qua inimici in Deum contumaces vivunt.

Haud dubiè tamen meritis, ac Virtutibus Ferdinandi respondebant cæli favores. Eo succendebatur Zelo fidei divinæ vindicandæ, ut suis ipse humeris ligna comportaret exurendis hæreticis, suis ipse manibus pyram admotâ face inflammaret. Refert Marianus Sículus, consuevisse Ferdinandum deportare quacunq; abiret effigiem Salvatoris, quam exinijs apparatus adornabat ; coram hac in oratione genuflexus, quidquid orabat, exorabat, non una subinde in Mauros victoria remuneratus. Deferebat quoque inter scrinia binas Deiparæ Imagines, argenteam unam, quæ erat Dei parenti

parentis cum Christo infante inter brachia delato
affidentis: alteram eam, quæ Hispalensibus dicitur
Deipara à regia manu. Alij à Ferdinandi manu fa-
bre factam, alij Angelica ope conflatam credunt.
Certè eam pro merito nuncupare convenit matrè
Victoriarum, nempe cui Ferdinandus trophæa sin-
gula adscribebat, cujus nomini sumptuosissimam
postea Ecclesiam dedicavit, quæ Hispali Mauro-
rum infami delubro successit. Huic imagini asser-
vandæ, ut Reginae, ædem condidit, regios mini-
stros instituit, regios apparitores nominavit, cu-
stodiam, & feciales attribuit, cubiculi præfectam
designavit, cujus modo officium, titulosque una
nobilissimarum feminarum gerit. Hanc effigiem de-
portans Hispalim, recenter à Mauris vindicatam,
intravit, ac triumphum egit. Per visum antea sancto
Regi Divus Ilidorus, quondam Urbis Episcopus ap-
paruerat, monueratque à gentilibus occupatam, uti
Divus optabat, Christo restitueret. Quare, ut in
horis Canonicis Ecclesie Hispalensis legitur, in-
census hortatu celesti Rex animum expugnandæ
in Provincia principi Urbi applicuit. Cinxit pri-
mum acri obfensione locum, tum fortiter oppu-
gnavit, compulsiq; ad deditionem, demum tri-
umphans ingressus dedicavit armorum Præsidi
Deiparae, cujus iconem, Regij exercitus Palladium,
supplicatione indicta in Urbem invexit. Alias ubi
periculum imminet, premittere erat solitus pere-
grinationes ad sacra Odea, & locupletes erogabat
Elec.

Eleemosynas. Multa templa & coenobia dotavit, diravitque: Toletanam Ecclesiam à fundamentis erexit, lapidem primum illi superstruendæ manu suâ collocavit: Patronum Religiosorum ordinum, ac piarum causarum constantem egit. Captâ Cordubâ animadvertens campanum æs ad D. Jacobi ab Almancore ad Maurorum Mesquitam translatum fuisse, ibique in æneas lampades conversum: ne ultra dedecori istud Hispanæ gentis foret, neve Christiano probrosum nomini; mandavit campanas loco restitui, & quidem humeris Maurorum in sedes pristinas reportari. Deditissimus sacrae cum Deo conversationi prodigiosis à Numine gratijs honoratus fuit. Triduo intentus orationi impetravit Raymundo Bonifacio vires ad perrumpendam catenam, quam per Guedalquivir fluvium Mauri tetenderant, removendo ab Hispali periculo. In expugnatione Murciae obtinuit Alphonso filio tutelares de cælo Angelos, ac divi Jacobi præsidium, qui visibili aspectu pugnantem juverunt. Fertur Ferdinandi sanctitas stitisse solem, ut quondam Josue, dum Don Perez Correa cum hoste confliceret. Fertur per Regis meritum steterisse, quod eo imperante, nec fame, nec peste, nec incommodo quoquam regio laboraverit, secundantibus ad votum securitate rerum, ac tranquillitate. Memorandum est facinus, quod in obsidione Hispalis attentavit, referentibus Historicis. Videbatur Ferdinando fastidiosius pro-

longari urbis deditio. Attribuebat suis peccatis anxius tardantem de cœlo benedictionem. Quare insistebat orationibus, Deum, Deiparamque suam calientissimâ prece demerendo. Quâdam nocte, quam in oratione prostratus coram sacratissima Divæ Virginis icone, totam exegerat, audivit ab illa sibi loquentem Divam, uti confideret in auxilio cœlesti: propediem Hispali potiturum, & glorioso fine terminaturum susceptos labores. Erectus itaque promissis in pedes, solus, sine comite, nec observatus à suis, abijt à tentorio, urbemque hostium intrat, per eam, quæ nunc occlusa visitur, portam; inter binas alias, xerem, ac turrim auream dictas, tum sitam, ac parentem. In urbis aditu non advertenti ensis à latere decidit. tum ad delubrum Maurorum majus penetrat, & adorata, quæ ibi supererat à pristinæ Religionis temporibus imagine pervetusta, eadem, quâ venerat viâ, ad tentorium suum revertit, rursus ens, quem dimiserat in porta, mirabiliter succinctus. Interea Petrus Gusmannus, Petrus à Ponte, & Ferdinandus Diannes hujus frater, non repertum per tentoria Regem, toto exercitu disquirunt. Tandem ad stationem Roderici Gonzalez Giffonij & Jacobi Lopez de Haro delati sunt ex adverso portæ Macarenæ metantium. Suspiciantur id quod erat, Ferdinandum in Urbem penetrasse. Assumptis ergo sex alijs secum generosioribus cum parvo milite, & ipsi urbem intrant, procurruntque ad delu-

brum

brum majus. Mauri circumfusi stupent audaciam, opponuntque arma, fit conflictus acer, cadentibus utrinque multis, hæretq; anceps prælium. Recipiunt se tandem itinere, quo venerant Hispani, revertuntque ad tabernaculum Ferdinandi, qui super eorum magnanimitate lætus majorem in eorum animis plausum excitavit, quod incolumem Deo dante se quoque recepissent.

Clementiâ ac benignitate impensis prima jecit fundamenta conciliando, atque ad fidem Christianam convertendo Regi Valentiae Abuzito. Hic Cuencam excurrerat ad Ferdinandum postulaturus inducias. Honorificè acceptum Maurum complexus Rex amantissimè sub umbella regia sedere fecit, regali magnificentiâ coluit, postulatis liberaliter annuit, promptam ad ulteriora impetranda voluntatem obtulit, sua protectione profuse impensa donavit: Effecitque, ut Maurus mansuetudine Ferdinandi captus devinctissimus postea manserit. Clementiam porrò etiam dextrè subtrahebat operi, Davidis exemplo, cum severitate agendum supererat. Seditiosorum Toleti nonnullos manibus ac pedibus mutilari fecit, alios conjici in cados aquæ bullientis; ratus aliquando opportunum esse publicæ tranquillitati impendere rigorem sententiæ. Attamen in administratione justitiæ cavebat, ne plus æquo premerentur pueres, dum potentiores facile à cippo evolvantur. Proinde egentibus ita patebat apud Fer-

N 2

diar-

dinandum Tribunal, ut ærarium regium affluen-
tissimè. Hæc quippe regiae tum celsitudinis, tum
muneris laus est, oppressos in libertatem solvere,
favere desertis, afflictos consolari.

Quoad vixit, religiosissimè progenitores coluit,
ne levissimo passus digustu offendi. Rex Legio-
nis, idemque Pater Ferdinandi nobiles Castellanos
quosdam contra fas, & æquum tenebat in vincu-
lis. Huc eos regia indignatio, atque æmulum
invidia conjecerat. Potissimum ferebat ægrè Rex,
quod vivo se Regnum Castiliæ materno jure Filio
debitum ad Ferdinandum pervenerit. Poten-
tior exinde Patre Ferdinandus nunquam in
animum induxit, ut ostensis armis tumultuantem
placaret. Vi solâ precum, ac literarum egit, ut
rebus suis pacificè sibi uti liceret. Ita scribe-
bat aliquando: Domine Parens, Rex Legionis, Do-
mine mi Alphonse. Quæ indignatio hæc, per quam
mihi creare damna, & inferre bellum moliris? de-
meuisse me paternâ gratiam nescio. Videtur mea
ti i fortuna non placere: quamvis deberet esse
longè gratissima, quod filium habeas, Castiliæ Re-
gem, honorum tuorum studiosissimum. Nemo
insultare tibi, seu Maurorum, seu Christianorum
Principum, dum faveo, inultus poterit. Unde
adversatio tanta? nullum à Castilia damnum, nul-
lum bellum dum vivo: unde tibi antea hostis, inde
nunc defensor & amicus. Si tuus non essem, possem
ex te unniaciter ex te universis Principibus risum facere.
Sed

Sed istud nolo; nec me decet in Patrem, ac Dominum meum esse crudelem. Satiùs est patienter ferre injuriam, atque excusare, quod proveniat ab inadvertente.

Perlectâ Epistolâ Alphonfus verbo respondit: prætenditque belli causam procedere ex debita, nec persoluta à Rege Castiliæ certa pecunia. Non distulit illicò Ferdinandus coloratam quantumvis prætensionem amovere, ac potius elegit, quod postulabat æris inclementior Pater, erogare, quàm diutius irritatum pati.

Observantissimus fidei Regiæ promissam aliquando Menrilam civitatem Regi Granatenfi sine mora, ut petenti cederet filius natu major mandavit. Eidem injunxit, ut omnia, quæ in subditos jura prætendebat dimitteret, ac milites stipendia promissa rogantes illicò audiret. Plurimum afficiebantur Mauri Ferdinando ob constantem in pollicitis fidem. Castimonix amans cilicio carnem domabat, triduò per hebdomadem flagris ad profusionem sanguinis in pavementum devoluti, in se sæviebat, conduplicabat actus pænitiæ; cum aut expeditioni se accingeret, aut pugnam iniret: Imò per id tempus circumdabat nudo lateri, & brachiis cilicium punctis aculeatis ferri obarmatum. Sensit acerbè, quando audivit petulantem fæminam sollicitasse castitatem Religiosi cujusdam ex familia Divi Dominici, atque hunc;

quò se à laqueis importunis expediret, necessitate adactum in focum conclavis insiliisse. Itaque vindicaturus sibi charam puritatem jussit impudentem, in poenam impuri caloris, igne succenso absumi.

Demum justitiæ, & sanctimoniz per omnem vitam amantissimus fuit Ferdinandus. Interrogatus sub ultimo quo obiit, morbo, num constitueret de ratione sepulchri, num in sui monumentum statuam sibi collocari mandaret? Vita, inquit, quam egi: quantum valui irreprehensibilem, atque inculpatam; actionesque meæ mihi in mausolæum sint & colossus. Planè, ut quondam Cato major, qui amicis illustres in foro Romano civium statuas & monumenta narrantibus, ac simul indignantibus, nullam hæctenus earum Catonis memoriæ fuisse consecratam: respondit: factum optimè: malle se, ut mirentur homines, quod honore caruerit, quam ut mirentur simili honore se affectum fuisse.

Ideam consummatæ virtutis in vita, singulariter autem in morte exhibuit Ferdinandus. Concordi voce scriptores sanctissimam, devotissimam, gloriosam pronunciârunt. Collegit ibi in puncto virtutum sphæram amplissimam, ac meritorum. Mandavit, ut circumstantes universi hymnum Ambrosianum decantarent, tum subjungerent responsorium, ab Episcopis dici solitum, quando cum supplicationibus publicis incunt templaviter

viter Deo, & Deiparæ consecrata. Hilaritas hæc cantionis fuit tessera serenitatis internæ, quæ est propria animarum sanctarum, & mentis ad reddendas rationes quàm optimè comparatæ, ut notat magnus Gregorius.

Admirabilis præterea fuit Regis Ferdinandi sub ultimum vitæ tempus ad mortem comparatio. Præmisit contritionem, ac poenitudinem accuratissimam, sine qua, ut docet S. Augustinus, nemo quantumlibet sanctus tutò abit ex vita. Præmisit calientissimos fidei actus, adoratores in steriorum DEI, & veneratores sancti sanctorum. Præmisit humillimos reverentiæ affectus versùs omnem Christianæ doctrinæ observantiam. Præmisit spem, fiduciamque devotissimam, firmam in cruce, passione, & morte Christi Domini. Præmisit abjectissimos sui contemptus, regiæque Celsitudinis pronissimam in consideratione cælestium abjectionem. Præmisit consignatam in manus altissimi universæ, quam de manu Dei acceperat monarchiæ administrationem. Præmisit singularum in domesticos, ac populum obligationum cumulatam executionem. Fidem dictis addat pervetusta historia, in supplementum Roderici Archiepiscopi Palentini conscripta. Imminente, inquit, transitu à sæculo fallaci ad immortalis vitæ claritatem, accersiri voluit Ferdinandus Philippum filium, tùm Archiepiscopum Hispalensem cum clero universo: petiitque in

dinem demissionis Christianæ virtute attemperabat. Ideoque victoriosissimum evasisse censuit Rodericus Placentinus. Sæpe in Ferdinandum omnis à sedibus Affrica transiisse in Hispaniam credebatur. At confusus in adjutorio Altissimi rumpebat aciem, dissipabat hostes. Nunquam nisi victor è prælio discessit, nunquam obsidionem nisi urbe capta soluit, nullam gentem aggressus est, quam non disperdidisset, aut in fugam coniecisset; nullam rem intentione concepit, quam executione non confecisset. Pro adagio usurpabat frequenter Davidicas voces: DEUS adjutor meus, quem timebo? Divino fretus subsidio, in quo plurimum fidebat non invincibilis modò, sed victor continuò evasit: omnes tamen triumphos Deo in acceptis reponens, nihil propriæ existimationi approprians. Initio belli præmittebat intentionem à vanitate mundi defæctam, solâ animatam cupiditate proferendæ gloriæ divinæ. Obtento autem triumpho, utebatur victoriâ, non amplificando modò terrestri, sed cum maximè cæli Imperio. Nullum bellum gessit, cui causa justa non intervenisset. Meminerat laudatissimæ vocis ab Augusto Cæsare dictatæ: Vanam esse jactantiam, vitiosamque animi levitatem, auferri à desiderio trophæorum, & laureæ, quæ nihil profert, præterquam folia sine fructu: ad hæc conjicere in discrimen atque incertos eventos securitatem, ac vitam subditorum. Usurpabat & il-

lud

lud Scipionis : præstare unum civem servari, quàm mille hostium periri. Interrogatus, quâ felicitate tot Provincijs regnum Patrium adauxisset per tot Regum studia incassum quæsitis ? respondit ; fortè prædecessorum meorum scopus magis fuit amplificare regionem, quam Religionem ; magis adaugere gentem, quam divinum cultum stabilire ; ideoque in vanum laboraverint non cooperante Deo in causa aliena. Tum sublati in cælum oculis : Tu Domine, inquit, nosti, cui cordis humani abdita patent, quantò amplius tuam, præ mea gloriam quæsi verim, quantò concupiverim ardentius fidei amplificationem ; præ incremento regni. Respondebat & illud : non suis meritis evenire felicitatem adeo exaggeratam, sed provocari illam à perfidia, qua inimici in Deum contumaces vivunt.

Haud dubiè tamen meritis, ac Virtutibus Ferdinandi respondebant cæli favores. Eo succendebatur Zelo fidei divinæ vindicandæ, ut suis ipse humeris ligna comportaret exurendis hæreticis, suis ipse manibus pyram admotâ face inflammaret. Refert Marianus Sículus, consuevisse Ferdinandum deportare quacunque abiret effigiem Salvatoris, quam exinijs apparatus adornabat ; coram hac in oratione genuflexus, quidquid orabat, exorabat, non una subinde in Mauros victoria remuneratus. Deferebat quoque inter scrinia binas Deiparæ Imagines, argenteam unam, quæ erat Dei
parentis

parentis cum Christo infante inter brachia delato
affidentis : alteram eam, quæ Hispalensibus dicitur
Deipara à regia manu. Alij à Ferdinandi manu fa-
bre factam, alij Angelica ope conflata credunt.
Certè eam pro merito nuncupare convenit matrè
Victoriarum, nempe cui Ferdinandus trophæa sin-
gula adscribebat, cujus nomini sumptuosissimam
postea Ecclesiam dedicavit, quæ Hispali Mauro-
rum infami delubro successit. Huic imagini asser-
vandæ, ut Reginae, ædem condidit, regios mini-
stros instituit, regios apparitores nominavit, cu-
stodiam, & feciales attribuit, cubiculi præfectam
designavit, cujus modo officium, titulosque una
nobilissimarum fæminarum gerit. Hanc effigiem de-
portans Hispalim, recenter à Mauris vendicatum,
intravit, ac triumphum egit. Per visum antea sancto
Regi Divus Isidorus, quondam Urbis Episcopus ap-
paruerat, monueratque à gentilibus occupatam, uti
Divus optabat, Christo restitueret. Quare, ut in
horis Canonicis Ecclesiæ Hispalensis legitur, in-
census hortatu cælesti Rex animum expugnandæ
in Provincia principi Urbi applicuit. Cinxit pri-
mum acri obsidione locum, tum fortiter oppu-
gnavit, compulitque ad deditionem, demum tri-
umphans ingressus dedicavit armorum Præsidi
Deiparae, cujus iconem, Regij exercitus Palladium,
supplicatione indicta in Urbem invexit. Alias ubi
prælium imminabat, præmittere erat solitus pere-
grinationes ad sacra Odea, & locupletes erogabat
Elec-

Eleemosynas. Multa templa & coenobia dotavit, diravitque: Toletanam Ecclesiam à fundamentis erexit, lapidem primum illi superstruendæ manu suâ collocavit: Patronum Religiosorum ordinum, ac piarum causarum constantem egit. Captâ Cor. dubâ animadvertens campanum æs ad D. Jacobi ab Almancore ad Maurorum Mesquitam translatum fuisse, ibique in æneas lampades conversum: ne ultra dedecori istud Hispanæ gentis foret, neve Christiano probrosum nomini; mandavit campanas loco restitui, & quidem humeris Maurorum in sedes pristinas reportari. Deditissimus sacrae cum Deo conversationi prodigiosis à Numine gratijs honoratus fuit. Triduo intentus orationi impetravit Raymundo Bonifacio vires ad perrumpendam catenam, quam per Guedalquivir fluvium Mauri tetenderant, removendo ab Hispali periculo. In expugnatione Murciae obtinuit Alphonso filio tutelares de cælo Angelos, ac divi Jacobi præsidium, qui visibili aspectu pugnantem juverunt. Fertur Ferdinandi sanctitas stitisse solem, ut quondam Josue, dum Don Perez Correa cum hoste confligeret. Fertur per Regis meritum stetisse, quod eo imperante, nec fame, nec peste, nec incommodo quoquam regio laboraverit, secundantibus ad votum securitate rerum, ac tranquillitate Memorandum est facinus, quod in obsidione Hispalis attentavit, referentibus Historicis. Videbatur Ferdinando fastidiosius pro-

N
lon-

dinem demissionis Christianæ virtute at-
bat. Ideoque victoriosissimum evasisse
Rodericus Placentinus. Sæpe in Ferdi-
nandus à sedibus Affrica transiisse in H
credebatur. At confusus in adiutorio
 rumpebat aciem, dissipabat hostes. Ni-
 nisi victor è prælio discessit, nunquam
 nem nisi urbe capta soluit, nullam gentem
 sus est, quam non disperdidisset, aut in fu-
 jecisset; nullam rem intentione conce-
 executione non confecisset. Pro adag-
 bat frequenter Davidicas voces :
 jutor meus, quem timebo ? Divino fr-
 dio, in quo plurimum fidebat non in
 modò, sed victor continuò evasit : om-
 triumphos Deo in acceptis reponens,
 priæ existimationi approprians. Initio
 mittebat intentionem à vanitate mune-
 tam, solâ animatam cupiditate proferens
 divinæ. Obtento autem triumpho, ut
 etoriâ, non amplificando modò terrestri
 maximè cæli Imperio. Nullum bellum
 causâ justâ non intervenisset. Memine-
 tissimæ vocis ab Augusto Cæsare dictatæ
 esse jactantiam, vitiosamque animi lev-
 ferri à desiderio trophæorum, & laure-
 hil profert, præterquam folia sine fructu
 conjicere in discrimen atque incertos
 curitatem, ac vitam subditorum. Uti

lyd Scythias
mille homines
te rex hunc
tot Reges
forte pater
amplius
adaugere
re, ideoque
te Deo
oculis: Te
mani abdu
mea glori
ardentibus
regni. Re
nure feli
illam à p
vivunt.

Haud dubit
dinandi r
debat. Ze
humeris
suis ipse
ret. Refe
nandum
vatoris, q
ram hac
exorabat,
muneratus.
Deipara

si stupent audaciam,
ictus acer, cadenti-
nceps praelium. Re-
o venerant Hispani,
m Ferdinandi, qui
etus majorem in eo-
t, quod incolumem
issent.
impensis prima jecit
que ad fidem Chri-
Valentiae Abuzito.
Ferdinandum postu-
acceptum Maurium
ub umbella regia se-
dâ coluit, postulatis
ad ulteriora impe-
ta protectione pro-
ue, ut Maurus man-
devinctissimus po-
porrò etiam dextrè
mplò, cum severita-
orum Toleti non-
utilari fecit, alios
s; ratus aliquando
quillitati impende-
men in administra-
æquo premerentur
cile à cippo evol-
ta patebat apud Fer-
2 diuzan-

longari urbis deditio. Attribuebat suis peccatis anxius tardantem de cœlo benedictionem. Quare insistebat orationibus, Deum, Deiparamque suam calientissimâ prece demerendo. Quâdam nocte, quam in oratione prostratus coram sacratissima Divæ Virginis icone, totam exegerat, audivit ab illa sibi loquentem Divam, uti consideret in auxilio cœlesti: propediem Hispali potiturum, & glorioso fine terminaturum susceptos labores. Erectus itaque promissis in pedes, solus, sine comite, nec observatus à suis, abijt à tentorio, urbemque hostium intrat, per eam, quæ nunc occlusa visitur, portam; inter binas alias, xerem, ac turrim auream dictas, tum sitam, ac patentem. In urbis aditu non advertenti ensis à latere decidit. tum ad delubrum Maurorum majus penetrat, & adorata, quæ ibi supererat à pristinæ Religionis temporibus imagine pervetusta, eadem, quâ venerat viâ, ad tentorium suum revertit, rursus ens, quem dimiserat in porta, mirabiliter succinctus. Interea Petrus Gusmannus, Petrus à Ponte, & Ferdinandus Diannès hujus frater, non repertum per tentoria Regem, toto exercitu disquirunt. Tandem ad stationem Roderici Gonzalez Giffonij & Jacobi Lopez de Haro delati sunt ex adverso portæ Macarenæ metantium. Suspiciantur id quod erat, Ferdinandum in Urbem penetrasse. Assumptis ergo sex alijs secum generosioribus cum parvo milite, & ipsi urbem intraat, procurruntque ad delubrum

brum majus. Mauri circumfusi stupent audaciam, opponuntque arma, fit conflictus acer, cadentibus utrinque multis, hæretq; anceps prælium. Recipiunt se tandem itinere, quo venerant Hispani, revertuntque ad tabernaculum Ferdinandi, qui super eorum magnanimitate lætus majorem in eorum animis plausum excitavit, quod incolumem Deo dante se quoque recepissent.

Clementiâ ac benignitate impensis prima jecit fundamenta conciliando, atque ad fidem Christianam convertendo Regi Valentiae Abuzito. Hic Cuencam excurrerat ad Ferdinandum postulaturus inducias. Honorificè acceptum Maurum complexus Rex amantissimè sub umbella regia sedere fecit, regali magnificentiâ coluit, postulatis liberaliter annuit, promptam ad ulteriora impetranda voluntatem obtulit, sua protectione profusè impensa donavit: Effecitque, ut Maurus mansuetudine Ferdinandi captus devinctissimus postea manserit. Clementiam porro etiam dextrè subtrahebat operi, Davidis exemplo, cum severitate agendum supererat. Seditiosorum Toleti nonnullos manibus ac pedibus mutilari fecit, alios conjici in cados aquæ bullientis; ratus aliquando opportunum esse publicæ tranquillitati impendere rigorem sententiæ. Attamen in administratione justitiæ cavebat, ne plus æquo premerentur priuperes, dum potentiores facile à cippo evolvantur. Proinde egentibus ita patebat apud Fer-

N 2

dinan-

longari urbis deditio. Attribuebat suis peccatis anxius tardantem de cœlo benedictionem. Quare insistebat orationibus, Deum, Deiparamque suam calientissimâ prece demerendo. Quâdam nocte, quam in oratione prostratus coram sacratissima Divæ Virginis icone, totam exegerat, audivit ab illa sibi loquentem Divam, uti consideret in auxilio cœlesti: propediem Hispali potiturum, & glorioso fine terminaturum susceptos labores. Erectus itaque promissis in pedes, solus, sine comite, nec observatus à suis, abijt à tentorio, urbemque hostium intrat, per eam, quæ nunc occlusa visitur, portam; inter binas alias, xerem, ac turrim auream dictas, tum sitam, ac patentem. In urbis aditu non advertenti ensis à latere decidit. tum ad delubrum Maurorum majus penetrat, & adorata, quæ ibi supererat à pristinæ Religionis temporibus imagine pervetusta, eadem, quâ venerat viâ, ad tentorium suum revertit, rursus ens, quem dimiserat in porta, mirabiliter succinctus. Interea Petrus Gusmannus, Petrus à Ponte, & Ferdinandus Diannès hujus frater, non repertum per tentoria Regem, toto exercitu disquirunt. Tandem ad stationem Roderici Gonzalez Giffonij & Jacobi Lopez de Haro delati sunt ex adverso portæ Macarenæ metantium. Suspiciantur id quod erat, Ferdinandum in Urbem penetrasse. Assumptis ergo sex alijs secum generosioribus cum parvo milite, & ipsi urbem intraat, procurruntque ad delubrum

brum majus. Mauri circumfusi stupent audaciam, opponuntque arma, fit conflictus acer, cadentibus utrinque multis, hæretq; anceps prælium. Recipiunt se tandem itinere, quo venerant Hispani, revertuntque ad tabernaculum Ferdinandi, qui super eorum magnanimitate lætus majorem in eorum animis plausum excitavit, quod incolumem Deo dante se quoque recepissent.

Clementiâ ac benignitate impensis prima jecit fundamenta conciliando, atque ad fidem Christianam convertendo Regi Valentiae Abuzito. Hic Cuencam excurrerat ad Ferdinandum postulaturus inducias. Honorificè acceptum Maurum complexus Rex amantissimè sub umbella regia sedere fecit, regali magnificentiâ coluit, postulatis liberaliter annuit, promptam ad ulteriora impetranda voluntatem obtulit, sua protectione profuse impensa donavit: Effecitque, ut Maurus mansuetudine Ferdinandi captus devinctissimus possea manserit. Clementiam porrò etiam dextrè subtrahebat operi, Davidis exemplo, cum severitate agendum supererat. Seditioforum Toleti nonnullos manibus ac pedibus mutilari fecit, alios conjici in cados aquæ bullientis; ratus aliquando opportunum esse publicæ tranquillitati impendere rigorem sententiæ. Attramen in administratione justitiæ cavebat, ne plus æquo premerentur pueres, dum potentiores facile à cippo evolvantur. Proinde egentibus ita patebat apud Fer-

longari urbis deditio. Attribuebat suis peccatis anxius tardantem de cœlo benedictionem. Quare insistebat orationibus, Deum, Deiparamque suam calentissimâ prece demerendo. Quâdam nocte, quam in oratione prostratus coram sacratissima Divæ Virginis icone, totam exegerat, audivit ab illa sibi loquentem Divam, uti consideret in auxilio cœlesti: propediem Hispali potiturum, & glorioso fine terminaturum susceptos labores. Erectus itaque promissis in pedes, solus, sine comite, nec observatus à suis, abijt à tentorio, urbemque hostium intrat, per eam, quæ nunc occlusa visitur, portam; inter binas alias, xerem, ac turrim auream dictas, tum sitam, ac patentem. In urbis aditu non advertenti ensis à latere decedit. tum ad delubrum Maurorum majus penetrat, & adorata, quæ ibi supererat à pristinæ Religionis temporibus imagine pervetusta, eâdem, quâ venerat viâ, ad tentorium suum revertit, rursus ense, quem dimiserat in porta, mirabiliter succinctus. Interea Petrus Gusmannus, Petrus à Ponte, & Ferdinandus Diannès hujus frater, non repertum per tentoria Regem, toto exercitu disquirunt. Tandem ad stationem Roderici Gonzalez Giffonij & Jacobi Lopez de Haro delati sunt ex adverso portæ Macarenæ metantium. Suspiciantur id quod erat, Ferdinandum in Urbem penetrasse. Assumptis ergo sex alijs secum generosioribus cum parvo milite, & ipsi urbem intraant, procurruntque ad delu-
brum

brum majus. Mauri circumfusi stupent audaciam, opponuntque arma, fit conflictus acer, cadentibus utrinque multis, hæretq; anceps prælium. Recipiunt se tandem itinere, quo venerant Hispani, revertuntque ad tabernaculum Ferdinandi, qui super eorum magnanimitate lætus majorem in eorum animis plausum excitavit, quod incolumem Deo dante se quoque recepissent.

Clementiâ ac benignitate impensis prima jecit fundamenta conciliando, atque ad fidem Christianam convertendo Regi Valentiaë Abuzito. Hic Cuencam excurrerat ad Ferdinandum postulaturus inducias. Honorificè acceptum Maurum complexus Rex amantissimè sub umbella regia sedere fecit, regali magnificentiâ coluit, postulatis liberaliter annuit, promptam ad ulteriora impetranda voluntatem obtulit, sua protectione profusè impensa donavit: Effecitque, ut Maurus mansuetudine Ferdinandi captus devinctissimus postea manserit. Clementiam porrò etiam dextrè subtrahebat operi, Davidis exemplo, cum severitate agendum supererat. Seditiosorum Toleti nonnullos manibus ac pedibus mutilari fecit, alios conijci in cados aquæ bullientis; ratus aliquando opportunum esse publicæ tranquillitati impendere rigorem sententiæ. Attamen in administratione justitiæ cavebat, ne plus æquo premerentur pueres, dum potentiores facile à cippo evolvantur. Proinde egentibus ita patebat apud Fer-

N 2

dinan-

parentis cum Christo infante inter brachia delato
 assidentis : alteram eam, quæ Hispalensibus dicitur
 Deipara à regia manu. Alij à Ferdinandi manu fa-
 bre factam, alij Angelica ope conflata credunt.
 Certè eam pro merito nuncupare convenit matrè
 Victo-
 riarum, nempe cui Ferdinandus trophæa sin-
 gula adscribebat, cujus nomini sumptuosissimam
 postea Ecclesiam dedicavit, quæ Hispali Mauro-
 rum infami delubro successit. Huic imagini asser-
 vandæ, ut Reginae, ædem condidit, regios mini-
 stros instituit, regios apparitores nominavit, cu-
 stodiam, & feciales attribuit, cubiculi præfectam
 designavit, cujus modo officium, titulosque una
 nobilissimarum fæminarum gerit. Hanc effigiem de-
 portans Hispalim, recenter à Mauris vendicatam,
 intravit, ac triumphum egit. Per visum antea sancto
 Regi Divus Isidorus, quondam Urbis Episcopus ap-
 paruerat, monueratque à gentilibus occupatam, uti
 Divus optabat, Christo restitueret. Quare, ut in
 horis Canonicis Ecclesiæ Hispalensis legitur, in-
 census hortatu cælesti Rex animum expugnandæ
 in Provincia principi Urbi applicuit. Cinxit pri-
 mum acri obsidione locum, tum fortiter oppu-
 gnavit, compulitque ad deditionem, demum tri-
 umphans ingressus dedicavit armorum Præsidi
 Deiparae, cujus iconem, Regij exercitus Palladium,
 supplicatione indicta in Urbem invexit. Alias ubi
 prælium imminabat, præmittere erat solitus pere-
 grinationes ad sacra Odea, & locupletes erogabat
 Elec-

Eleemosynas. Multa templa & coenobia dotavit, ditavitque: Toletanam Ecclesiam à fundamentis crexit, lapidem primum illi superstruendæ manû suâ collocavit. Patronum Religiosorum ordinum, ac piarum causarum constantem egit. Captâ Cordubâ animadvertens campanum æs ad D. Jacobi ab Almancorẽ ad Maurorum Mesquitam translatum fuisse, ibique in æneas lampades conversum: ne ultra dedecori istud Hispanæ gentis foret, neve Christiano probrosum nomini; mandavit campanas loco restitui, & quidem humeris Maurorum in sedes pristinas reportari. Deditissimus sacrae cum Deo conversationi prodigiosis à Numine gratijs honoratus fuit. Triduo intentus orationi impetravit Raymundo Bonifacio vires ad perrumpendam catenam, quam per Guedalquivir fluvium Mauri tetenderant, removendo ab Hispali periculo. In expugnatione Murciae obtinuit Alphonso filio tutelares de cælo Angelos, ac divi Jacobi præsidium, qui visibili aspectu pugnantem juverunt. Fertur Ferdinandi sanctitas stitisse solem, ut quondam Josue, dum Don Perez Correa cum hoste confliceret. Fertur per Regis meritum stetisse, quod eo imperante, nec fame, nec peste, nec incommodo quoquam regio laboraverit, secundantibus ad votum securitate rerum, ac tranquillitate. Memorandum est facinus, quod in obsidione Hispalis attentavit, referentibus Historicis. Videbatur Ferdinando fastidiosius pro-

N
lon-

longari urbis deditio. Attribuebat suis peccatis anxius tardantem de cœlo benedictionem. Quare insistebat orationibus, Deum, Deiparamque suam calentissimâ prece demerendo. Quâdam nocte, quam in oratione prostratus coram sacratissima Divæ Virginis icone, totam exegerat, audivit ab illa sibi loquentem Divam, uti confideret in auxilio cœlesti: propediem Hispali potiturum, & glorioso fine terminaturum susceptos labores. Erectus itaque promissis in pedes, solus, sine comite, nec observatus à suis, abijt à tentorio, urbemque hostium intrat, per eam, quæ nunc occlusa visitur, portam; inter binas alias, xerem, ac turrim auream dictas, tum sitam, ac patentem. In urbis aditu non advertenti ensis à latere decedit. tum ad delubrum Maurorum majus penetrat, & adorata, quæ ibi supererat à pristinæ Religionis temporibus imagine pervetusta, eâdem, quâ venerat viâ, ad tentorium suum revertit, rursus ens, quem dimiserat in porta, mirabiliter succinctus. Interea Petrus Gusmannus, Petrus à Ponte, & Ferdinandus Diannès hujus frater, non repertum per tentoria Regem, toto exercitu disquirunt. Tandem ad stationem Roderici Gonzalez Giffonij & Jacobi Lopez de Haro delati sunt ex adverso portæ Macarenæ metantium. Suspiciantur id quod erat, Ferdinandum in Urbem penetrasse. Assumptis ergo sex alijs secum generosioribus cum parvo milite, & ipsi urbem intraat, procurruntque ad delubrum

brum majus. Mauri circumfusi stupent audaciam, opponuntque arma, fit conflictus acer, cadentibus utrinque multis, hæretq; anceps prælium. Recipiunt se tandem itinere, quo venerant Hispani, revertuntque ad tabernaculum Ferdinandi, qui super eorum magnanimitate lætus majorem in eorum animis plausum excitavit, quod incolumem Deo dante se quoque recepissent.

Clementiâ ac benignitate impensis prima jecit fundamenta conciliando, atque ad fidem Christianam convertendo Regi Valentiae Abuzito. Hic Cuencam excurrerat ad Ferdinandum postulaturus inducias. Honorificè acceptum Maurum complexus Rex amantissimè sub umbella regia sedere fecit, regali magnificentia coluit, postulatis liberaliter annuit, promptam ad ulteriora impetranda voluntatem obtulit, sua protectione profusè impensa donavit: Effecitque, ut Maurus mansuetudine Ferdinandi captus devinctissimus postea manserit. Clementiam porro etiam dextrè subtrahebat operi, Davidis exemplo, cum severitate agendum supererat. Seditiosorum Toleti nonnullos manibus ac pedibus mutilari fecit, alios conjici in cados aquæ bullientis; ratus aliquando opportunum esse publicæ tranquillitati impendere rigorem sententiæ. Attamen in administratione justitiæ cavebat, ne plus æquo premerentur pauperes, dum potentiores facile à cippo evolvantur. Proinde egentibus ita patebat apud Fer-

N 2

dinan-

dinandum Tribunal, ut ærarium regium affluentissimè. Hæc quippe regiae tum celsitudinis, tum muneris laus est, oppressos in libertatem solvere, favere desertis, afflictos consolari.

Quoad vixit, religiosissimè progenitores coluit, ne levissimo passus digustu offendi. Rex Legionis, idemque Pater Ferdinandi nobiles Castellanos quosdam contra fas, & æquum tenebat in vinculis. Huc eos regia indignatio, atque æmulorum invidia conjecerat. Potissimum ferebat ægrè Rex, quod vivo se Regnum Castiliæ materno jure Filio debitum ad Ferdinandum pervenerit. Potentior exinde Patre Ferdinandus nunquam in animum induxit, ut ostensis armis tumultuantem placaret. Vi solâ precum, ac literarum egit, ut rebus suis pacificè sibi uti liceret. Ita scribebat aliquando: Domine Parens, Rex Legionis, Domine mi Alphonse. Quæ indignatio hæc, per quam mihi creare damna, & inferre bellum moliris? demeruisse me paternâ gratiam nescio. Videtur me tibi i fortuna non placere: quamvis deberet esse longè gratissima, quod filium habeas, Castiliæ Regem, honorum tuorum studiosissimum. Nemo insultare tibi, seu Maurorum, seu Christianorum Principum, dum faveo, inultus poterit. Unde adversatio tanta? nullum à Castilia damnum, nullum bellum dum vivo: unde tibi antea hostis, inde nunc defensor & amicus. Si tuus non essem, possem atrociter ex te universis Principibus risum facere.

Sed

Sed istud nolo; nec me decet in Patrem, ac Dominum meum esse crudelem. Sarius est patienter ferre injuriam, atque excusare, quod proveniat ab inadvertente.

Perlectâ Epistolâ Alphonsus verbo respondit: prætenditque belli causam procedere ex debita, nec persoluta à Rege Castiliæ certa pecunia. Non distulit illicò Ferdinandus coloratam quantumvis prætensionem amovere, ac potius elegit, quod postulabat æris inclementior Pater, erogare, quàm diutius irritatum pati.

Observantissimus fidei Regiæ promissam aliquando Menrisam civitatem Regi Granatensi sine mora, ut petenti cederet filius natu major mandavit. Eidem injunxit, ut omnia, quæ in subditos jura prætendebat dimitteret, ac milites stipendia promissa rogantes illicò audiret Plurimum afficiebantur Mauri Ferdinando ob constantem in pollicitis fidem. Castimonix amans cilicio carnem domabat, triduò per hebdomadem flagris ad profusionem sanguinis in pavementum devoluti, in se sæviebat, conduplicabat actus pœnitentiæ; cum aut expeditioni se accingeret, aut pugnam iniret: Imò per id tempus circumdabat nudo lateri, & brachiis cilicium punctis aculeatis ferri obarmatum. Sensit acerbè, quando audivit petulantem fœminam sollicitasse castitatem Religiosi cujusdam ex familia Divi Dominici, atque hunc,

quò se à laqueis importunis expediret, necessitate adactum in focum conclavis infiliisse. Itaque vindicaturus sibi charam puritatem jussit impudentem, in poenam impuri caloris, igne succensò absumi.

Demum justitiæ, & sanctimoniæ per omnem vitam amantissimus fuit Ferdinandus. Interrogatus sub ultimo quo obiit, morbo, num constitueret de ratione sepulchri, num in sui monumentum statuam sibi collocari mandaret? Vita, inquit, quam egi: quantum valui irreprehensibilem, atque inculpatam; actionesque meæ mihi in mausolæum sint & colossus. Planè, ut quondam Cato major, qui amicis illustres in foro Romano civium statuas & monumenta narrantibus, ac simul indignantibus, nullam hætenus earum Catonis memoriæ fuisse consecratam: respondit: factum optimè: malle se, ut mirentur homines, quod honore caruerit, quam ut mirentur simili honore se affectum fuisse.

Ideam consummatæ virtutis in vita, singulariter autem in morte exhibuit Ferdinandus. Concordi voce scriptores sanctissimam, devotissimam, gloriosam pronunciârunt. Collegit ibi in puncto virtutum sphæram amplissimam, ac meritorum. Mandavit, ut circumstantes universi hymnum Ambrosianum decantarent, tum subjungerent responsorium, ab Episcopis dici solitum, quando cum supplicationibus publicis incunt templum
viter

viter Deo, & Deiparæ consecrata. Hilaritas hæc cantionis fuit tessera serenitatis internæ, quæ est propria animarum sanctarum, & mentis ad reddendas rationes quàm optimè comparatæ, ut notat magnus Gregorius.

Admirabilis præterea fuit Regis Ferdinandi sub ultimum vitæ tempus ad mortem comparatio. Præmisit contritionem, ac poenitudinem accuratissimam, sine qua, ut docet S. Augustinus, nemo quantumlibet sanctus tutò abit ex vita. Præmisit calientissimos fidei actus, adoratores in interiorum DEI, & veneratores sancti sanctorum. Præmisit humillimos reverentiæ affectus versùs omnem Christianæ doctrinæ observantiam. Præmisit spem, fiduciamque devotissimam, firmam in cruce, passione, & morte Christi Domini. Præmisit abjectissimos sui contemptus, regięque Celsitudinis pronissimam in consideratione cælestium abjectionem. Præmisit consignatam in manus altissimi universæ, quam de manu Dei acceperat monarchiæ administrationem. Præmisit singularum in domesticos, ac populum obligationum cumulatam executionem. Fidem dictis addat pervetusta historia, in supplementum Roderici Archiepiscopi Palentini conscripta. Imminente, inquit, transitu à sæculo fallaci ad immortalis vitæ claritatem, accersiri voluit Ferdinandus Philippum filium, tùm Archiepiscopum Hispalensem cum clero universo: petiitque in

conspectum adferri sanctissimum Christi corpus ab altari, una cum cruce, seu vexillo Redemptionis, & salutis humanæ. Ubi propius adventare sacerdotem vidit, humillimè reveritus sacra mysteria, atque electo provolutus in terram, reclinatusque in genua, funem, quem postularerat, collo inposuit; tum accersitâ cruce, & ante oculos positâ humillimo gestu inclinatus, prehensam manibus devotissimè adoravit, enumerans poenas ac tormenta, quæ in eadem promundi salute Redemptor exantlavit. Mox exosculatus sacra vulnera intimo cum sensu contundens manu pectus inter profusissimos gemitus veniam peccatorum deprecabatur. Demùm sacro viatico communiri rogans, manibus ante pectus sanctissimè conjunctis, oculisque inter lachrymas nanantibus particeps sacratissimi Mysterii factus fuit. Suscepta communione solvi ab humeris mandavit regalem amictum, versûsque ad circumstantes luculentum sermonem habuit; ac potissimum Alphonso filio regii muneris obligationes sollicitè observandas commendavit: Easque primùm quæ Rempublicam, deinde, quæ privatam Regis personam concernerent explicuit. Curam item, pietatemque impendere jussit Joannæ Reginae, ac Regiis Fratribus. Concluserit dictionem verbis sequentibus. Principem terræ te constituo, dominaturum usque ad mare iis omnibus Provinciis, quas â temporibus Roderici Regis Hispa-

Hispaniæ Mauri involarunt. Tuo Imperio configno vastissimas regiones, partim occupatas armis, partim coactas à me in tributum. Si noveris conservare, quæ trado, in eo statu, quo accipis, eris Rex æquè bonus, ac fui ego: si plura adjunxeris, eris melior, ac fui ego: si in hisce defeceris, non eris æquè bonus, ac fui ego. Plura in supplemento historiæ Palentinæ narrantur, quæ sanctissimè dixisse, ac christianissimè fecisse eo articulo Ferdinandum constat. Ferebatur potissimum ad accendendos in divinum amorem animos, instruendas præterea sanctissimis documentis, consolandasque mentes circumstantium. Spectaculum sanè ut loquitur Mariana, frangendis cordibus, & resolvendis in flumina oculis natum. Verùm plorantibus hominibus exultabant Angeli in obitu tam sancti Regis: nec modo Angeli, sed & luculenta miracula, quæ subinde ad invocationem piissimi Regis, dignata fuit Divina bonitas operari, fidem fecerunt eminentis gloriæ, quâ Ferdinandus in cœlo potitur.

§. II.

Magnanimitas Regis Pelagij.

PRæcessere Ferdinandum III. Castiliæ Regem, & consecuti sunt multi in Hispania Principes, qui virtutibus locupletissimis Regnum illustrarunt. Minimè prætereunda occurrit magnanimitas

tas Pelagij. Primus hic Hispanorum animos erexit, ut circumspicerent posse Arabes vinci. Heroem certè amplissimi pectoris, qui extincto Imperio Gotthico, Hispanis consilio, ac spe destitutis unus signum extulit, rebusque desperatis genti cor reddidit ! Ad ideam vivacissimi, quo animabatur, Ingenij è cervis leones effecit. Hispanis quaquaversum in cavernas & antra metu dilapsis, cecinit classicum, & frontem Saracenæ perfidiæ opposuit. Respirarunt illicò Christiani ad tubæ sonitum, Regemque Pelagium creavêre. Hic acceptando dignitatem maiori animo se gessit, quam promerendo eandem. Eo tempore sceptrum capeffivit, quo si alter regnare voluisset, seque & Rempublicam perdidisset. At ipse capeffendo coronam sibi gloriam, suis libertatem peperit. Imo quæ Pelagij exaggeratio est palma, titulum Regis sine regno suscepit ; titulo tamen regio regnum addidit, Mauris latè debellatis. Debuit istud, & debere se Deo professus fuit in acceptis, quem pietate, precibusque assiduis sibi demeruerat. Ubi auspiciatus fuit regnum non præsidia, non arces habuit, quibus se à Mauris tutaretur : crypta illi, ac spelunca mille hominum, quos ductabat, capax Pergama fuerunt. Ex illa mundum Hispaniensis Arabiæ adortus est. Hominis fortunam reveriti hostes pacem, & pacta obtulerant, modo abstineret, ab insignijs, ac titulo Regis. At noluit dimittere honorem Pelagius, genero-

generosior etiam in conservando principatu, quam fuerit antea in admittendo. Temeritatem putasses, nisi fiducia in Deum opus fuisset. Adfuit bonæ causæ Numen, ac primum dum à specu sua hostes repelleret, postea dum ex specu sua impelleret, fecit vincere Pelagium. Visus fuit continuo vidisse hostes, & vicisse. Fuit Rex iste Machabæus Gothicus, Camillus Hispanicus, & Astur Amilcar.

§. III.

*Religiositas, & Fortitudo Regis
Alphonsti.*

Alphonfus I. cognomento Catholicus Religionis in Deum documenta, & sanctitatis cælo, & terra celebratissimæ edidit. Auspicatus est regnum à sollicita cura propagandæ fidei. Quare totus incubuit, ut doctrinæ Christianæ tradendæ per civitates, & terras, quas à Mauris recipiebat, studium ubique ferveret. Causam sibi, ac Regi communem prosecutus DEUS arma regia insignibus passim triumphis locupletavit. Regnum Alphonfus Legionense fundavit. Imperium regionibus quàm plurimis auxit. Ubi Christianam Religionem inserere non poterat, illicò omnia ferro, & flamma excidit: ne superesset superstitioni antrum, quò se reciperet. Odio flagrabat impensissimo in odiosos DEO, tam Mauros, quàm

quàm Hæreticos. Advigilavit operosissimè , ut Arrianorum sectæ tota Hispania extirparentur. Munificus in redimendis, restituendisque in statum pristinum capti vis apud infideles, occasionem, viamque sternebat passim, quâ eripere se vinculis corporis, animæque tutò possent. Ecclesias DEO complures à fundamentis erexit, plurimas ditavit, ornavitque. Conquisitis undique sacrorum voluminum exemplaribus, ac per regnum dispersis, universam Hispaniam in lege DEI edoctam esse voluit. Nullum opus pietaris, cui expediendo par esset, omisit, quin viribus omnibus procuraret. Consecutus exinde Catholici principis cumulatam laudem, & præmiorum in cœlo utiq; opimam ubertatem. Morienti accinuerunt Angeli : Ecce quomodo moritur justus, & nemo considerat : ablatum est à facie iniquitatis, & erit in pace memoria ejus. Morte adeo felici remunerari debuit vita in continuum adducta pro superis discrimen. In præliis animosissimus non recedebat à fronte : imò nonnunquam penetrabat in castra, atque exercitum Maurorum, ut vires hostium exploraret : quin etiam sæpius agnitus à Mauris Deo protegente incolumis servatus fuit. Fiducia super adiutorio Divino nihil non audere faciebat Alphonsum. Suffragabatur expeditio- nibus regiis sancta intentio regnum Christi per Hispaniæ regna proferendi.

§. IV.

Castitas Regis Alphonsi II.

NOluit ab ulla virtute desiderari studium, cui minus sese impenderet Alphonsus II. Ut in eminentia regia non scivit superbè sapere, ita conjunctus matrimonio proposuit castè vivere. Virgo conjux fuit, nec sustinuit ab aliis temerari pretium hujus virtutis. Causâ immodestiae perpetuis carceribus addixit Comitem Sandiatem, & sororem germanam detrusit in monasterium. Victor sui ipsius, victor hostium fortissimus evasit. Uno prælio Maurorum septuaginta milia delevit. Invieta arma circumferebat Carolus Magnus, priusquam se opponeret Alphonso casto. Major Carolo fuit Alphonsus ex agnomine casti, & major ex prælio, quo universum robur Franciæ cum Carolo profligavit.

Constanrino Magno supparem vocat Episcopus Palentinus à pietatis, & Religionis studio. Semper Angelis cognatam Virginitatem, etiam in Alphonso ipsi coluerunt. Cogitabat Rex adornatam lapidibus pretiosissimis crucem, impensis eò potius, quàm ad illustrandam coronam thesauris apparare. Dum quærit artificem, adsunt duo Angeli, qui opus divino honori destinatum prodigioso plane artificio confecerunt. Accepit elaboratum opus Alphonsus, quod radiis fulgentissime

tissimè evibratis dabat indicium, quâ manu coaluisset cælitus, simul patuit operis anticipatis, quàm officioso labore iidem in cœlis Angeli interea pro Alphonso compararent coronam, quâ augustius terrestri post mortem coronaretur.

§. V.

Invieta pietas Regis Ramiri.

Pietate incomparabili claruit Ramirus. Philadelphum imitatus noluit regnare, nisi Collegam haberet Garziam Fratrem. Parem in throno affidere, pari homagium dici voluit, quamvis minor foret ætate. In subditos ea charitate ferebatur, ut vitam, & Principatum coniiceret in discrimen ad avertendum infame tributum, quo obstringebatur annuatim centum virgines Mauris pendere. Rogantibus, ut tempori daret hanc necessitatem, respondit: Pretio totius mundi non inducendum se, ut crudelitati tam immanis postulati annuat. Circumdatus ab innumera multitudine Maurorum, cum vires humane essent impares, divinis per orationem impetratis hostem confecit. Noctem, quam pridie exegerat in precibus, consecuta fuit dies, aucta fulgoribus D. Jacobi, qui prælio adstans, uti promiserat se facturum Ramiro precanti, tuitus est pietatem prius indefensam, cui impune barbari insultabant. Vidit gloriosum Apostolum uterq; excitus pugnans.

pugnantem in Mauros, & gloriosum de hostibus triumphum comparantem Ramiro.

§. VI.

Liberalitas Regis Alphonsi Magni.

VEL inde nomen magni obtinuit Alphonsus, quod admiranda cum munificentia thesauros à patre acceptos, eosque locupietissimos in Eleemosynas erogaverit: Tantum abiit ab avaritia, quantum accessit ad prodigiosam misericordiam subveniendo tam operosè egentibus. Ad hæc non modo gratis accepta per hæreditatem, gratis dedit, sed & parva curis, ac sollicitudinibus propriis in miseros profudit. Hinc misericordiis promissa de cælo misericordia, necessitatibus armorum in Mauros undique impugnantes vicissim copiosis cum laureis subvenit. Aliquando de numerosissimo hostium exercitu non nisi decem superfuere à cadaveribus superincumbentibus insepulti magis, quàm superstitēs, qui Alphonsi fulmineum ensē in prælio eflugerant. Victor tūc campo excedebat, adversa acie aut cæsa funditus, aut sepulta. Decies septies aperto Marte cum Mauris confligit, & triumphavit. Conimbricam, ac Viseum expugnavit; Guasconiam, & Navarram sui juris fecit. Addidit trophæis omnibus victoriam sui, quando dimisso regno filium Garziam paludamento regio pro se investit.

vestiri fecit. Religionem sic coluit, ut tantum nec privatorum quispiam. Factus postea filij ex voluntate sua strategus, militiam poposcit, ac impetravit: in ea ducto contra barbaros exercitu reliquam ætatem exegit, prodigiosis victorijs clarus. Metropolitanam Ecclesiam S. Jacobi Ovetanam impetratis diplomatibus Pontificijs dotavit, ac ditavit. Maurorum manibus corpora Sanctorum Martyrum Eulogij, & Leocritiæ eripuit, transtulitq; à Corduba Asturum. Missis ad Joannem VIII. Oratoribus impetravit Ecclesiæ Ovetanæ metropolitam, & concilium ibi Nationale ad annum 905. sub initia Joannis IX. celebratum: A quo etiam Pontifice Christianissimi cognomen- tum accepit.

§. VII.

Religio, & Fortitudo Sancij Majoris, Regis Navarra.

Fuit Sancius Religiosissimus juxta, ac Potentissimus Princeps. Magnum alij vocant. Existimabat se nihil operari, ubi in negotio cultus divini nihil non magnum ageret. Beneficiorum cæli memor decimas spoliolorum bellicorū Deo promissit, quas ipsas Principibus Christianis paril aude, ut ipse, adversus fidei hostes pugnantibus distribuit, Regnum Castiliæ, cum Extremadura commisit, per

per easque ad Cordubam Mauros profligavit, omnibus Andalusiae Toparchis ad pendendum tributum adactis. Inde illi nomen magni, & Imperatoris Hispaniae comparatum; quo nomine per has gentes à Romanorum temporibus nemo hactenus usus fuerat. Duobus Ecclesiasticis concilijs auspiciū dedit. Palentiam pristino flori restituit. Cathedralē in ea fundavit. Pampelonensibus Episcopum reddidit: Templā, ac monasterio Ordini Benedictinorum condidit, Cluniacensium regula monachis persuasa. Muneratus pietatem regiam Deus Sancio Regem, & Imperatorem filium Ferdinandum dedit. Magnus hic quoque à patris gloriosa imitatione ac memoria fuit. Profectus ad Ovetanā Ecclesiam, votis Salvatori persolvendis, & cumulandis actibus continuatae per omnem aetatem Religionis, obiit in Domino.

S. VIII.

Humilitas, ac Pietas Regis Ferdinandi Magni.

Celebris est fama Ferdinandi, nomen Regis, atque Imperatoris adepti. Non habebat Principem, cui gloria esset secundus; non habebat, à quo vinceretur animi demissione. Interdum sine pompa aulici comitatus ibat ad coenobium S. Facundi. Contentus ibi cibo, potu, lecto, obsequio, qui communis erat religioni. In-

tererat Divinis in choro officijs ad modum ascet-
 rio mox ante initiati. Sacrarum ceremoniarum
 cultor eximius admiscebat se Clero, & quas mun-
 ficientia manûs regiæ decoraverat Ecclesias, etiam
 voce ad laudes Altissimi articulata condecorabat.
 Sacerdotes, & Episcopos eâ veneratione prose-
 quebatur, ut cultis hospitio, etiam ad mensam stans
 deserviret. Templâ, è quibus Legionense in ma-
 gnitudinem, atque elegantiam, quâ claret, erexit.
 A civitate Abulensi ipsâ S. Vincentij Marty-
 ris, & ab Hispali corpus S. Isidori quondam Ar-
 chiepiscopi Legionem transtulit. Erat Sebariæ,
 cum sacræ reliquiæ deportarentur. His obviam
 factus una cum tribus filijs, delatum S. Isidori cor-
 pus, humerisque acceptum Urbi Legionensi in-
 tulit. Affirmat Cardinalis Baronius inde co-
 gnomentum magni Ferdinando jure adhæsisse,
 regijsque prolibus regna comparata. Peregrina-
 tione Hispaniarum Patronum, Christi Apostolum
 coluit; tribus ad ejus aram diebus, ac noctibus in
 preces effusus, opemque subsidiariam postulans
 in expeditionem adversus Conimbricenses Mau-
 ros meditatam. Factum postea, ut die deditio-
 nem præcedente Apostolus Ostiano Episcopo
 Græco diffidentiori super obtinenda ope cæ-
 lesti, apparuerit in visibili forma, atque equum
 candidum conscendens, prætendensque claves
 manu dixerit, abire se, ut Ferdinando Regi affi-
 stat, postero die clavibus hisce urbem reclusuro.

Patuit

Patuit in eventum optatissimum promissa proximè dies, & Conimbrica. Eâdem felicitate exacti à Toletò, Portugallia, ac Valentia barbari: recepta Extremadura, Andalusia, aliæque Provinciæ; omnisque Barbarorum natio per Hispaniam vetigalis facta.

Adscribit Ferdinando nomen magni Stephanus de Gariba; ex rebus in bello fortiter, & præclare gestis pro fide Catholica in Mauros. Ut tamen erat Barbaris formidabilis; ita in Christianos mansuetissimus. Provocatus à Garzia fratre, Rege Navarræ, quamvis ex injustitia belli offensus, vetuit, ne quantumvis jam inclinâtâ in suas partes victoriâ, quisquam militum feriret Christianum hostem: vim omnem jugulo Maurorum inferret. Ita Charitas vel inter adversarios discernebat, quem læderet; atque intra inimicorum viscera stabat ara pietati. Duo concilia pro Ecclesiæ bono procuravit. Rodericum de Vivar formidandum barbaris Ducem, cruditione militari clarum in Religionis, ac fortitudinis apicē evexit, ut cum postea Apostolorum Principes Petrus & Paulus apparitione sua dignati, Divi autem Georgius, & Lazarus in Saracenos pugnanti visibiles concomitati fuerint, & complurium triumphorum fecerint participem. Hic septuaginta novem prælijs victor, dum viveret, atque etiam post mortem invictissimi herois famam réportavit. Pietatem Ferdinandi remuneratus est Deus collata amplitudine Imperij. Pri-

mus ipse Rex Castiliæ, & Legionis: Primus Hispaniæ Imperator cognominatus fuit. Eo regnante Apostolica autoritate declaratum fuit, Hispaniam ab Imperio Romano-Germanico non pendere. Ad Conimbricam vincenti D. Jacobus adfuit: morienti S. Isidorus adstitit, die obitus prænunciâtâ. Migravit ad æternitatem feliciore transitu, quàm existimari potuit fuisse vitæ cursum, quamvis, & ipse fuerit gloriosissimus. Deferri se iussit ad Cathedralē Legionensem nocte Nativitatis Domini. Ibi matutinis officijs præsens, & sacrificio Divino, Eucharistiam percepit. Postero die evocatis rursus Episcopis, atque Ordinibus religiosis, in eorum comitatu denuò se ad Ecclesiam deferri voluit. Ubi posita corona, & regio apparatu ad S. Isidori sepulchrum sic precatus est. *Tua mi Deus, est potentia, tuum regnum, tu dominaris super omnes gentes. Quod à manu tua Regnum accepi, restituo, ac supplex oro, ut per gratiam tuam anima mea lucis æternæ fiat particeps. Tum humillima delictorum confessio se peracta, acceptaque ab assistente Episcopo De nomine remissione peccatorum, indutus cilicio, ac cinere coopertus in amaritudine poenitentiae, & lachrymis per biduum perseveravit, demum in festo sancti Joannis Evangelistæ solutam à corpore felicem animam Regi Regum consignavit.*

§. IX.

*Generositas, pietas, & obedientia filialis in
Patrem Regis Alphonsi Sexti.*

ALphonfus à perforata manu dictus, magne non minor fuit. Fortunatum per Hispanias Alphonsinum nomen quod regias appellationes, etiam illustria agnomina, & elogia plerumque obtinuit, à populo peculiari semper ex veneratione, & amore cultum. Hic Catholicus, alter castus, alius sapiens, alius magnus, alius nobilis, alius bonus, alius felix, alius Imperator dictus fuit. A perforata manu iste cognominatus est, quod infundi sibi à Mauris, in quorum tum erat potestate, liquatum plumbum sit in manum passus, metallo in adversam partem decurrente, ne evigilasse à somno crederetur, & percepisse narrantes Mauros, quâ ratione Toletum intercipi posset à Christianis. Ea tamen constantia adiutrice, & audijt consilium, & postea expugnata urbe executus fuit. Princeps erat undequaque magnus: virtutum amans: cupidus gloriæ. Rodericus Archiepiscopus refert, fuisse Principem justitiæ severum vindicem, servitutis barbaræ depulsorem, consolatorem populi, propagatorem fidei, amplificatorem regni: animam subditorum. Profligavit hostes, dissipavit Arabes, terruit Africam. Eius robur erat præsidium patriæ, timoris expers, nescium

O 3

nescium perturbationis, præsidium pauperum, procerum firmitas. Impatiens claudi finibus Asturiæ sociatis in arma commilitonibus fidissimis, protulit imperium per viciniam omnem. Osor deliciarum pro infortunio habebat, si ab ijs tangeretur. Voluptatis autem loco ferebat præliorum discrimini adesse; tantum sibi vitæ eripi existimans, quantum quietis ab armis concederetur.

Animi magnitudinem frequentissimâ exercitatione generosæ mentis comprobavit. Maxime verò dum pius in parentem, reverens in fratres, documentum exaggeratæ virtutis dedit. Diviserat Ferdinandus Rex in filios tres, Sancium, Alphonsum, & Garziam tres statuum portiones hæreditatis loco adeundas. Præteritæ in divisione filiæ Uracca, & Elvira flentes, orantesque, ne omnino exhæredes fierent, instabant. Motus precibus Ferdinandus, filijs eas commendavit, qui sororibus de dote, ac fortunis providerent. Dissimulabant surdi ad illarum lamenta, & postulata Patris. Solus Alphonso, qui minore, quàm Sancius opulentia ditatus recesserat, Patrem adit, & partem statuum sibi destinatorum in favorem sororum offert. Placuit pietas Ferdinando. Quare benedictionem paternam impertiens Alphonso, eius voluntati committit, ut quod placuerit, dotandis sororibus de suo conferat. At Alphonso, omnia quæ obtinui, tua sunt pater: ac simul præstantiores de sua por-

portione urbes, Zamoram, ac Taurum cum districtu ambarum, atq; Infantadi regionem omnem distribuendam in sorores exhibet. Lætus generositate filij Ferdinandus, iterata benedictione: Deum, inquit, oro, ut regna, quæ in fratres divisi in tuum aliquando diadema redeant, hisq; majora superaddantur. Cessere postea ex voto paterno omnia. Alphonfus quippe divisorum a patre regnorum monarchiam postliminio obtinuit, addiditque ad Castiliam, Legionem, Gallitiam, & Portugalliam Ferdinandi hæreditatem, Regnum Toletanum, plurimasque à Mauris obtentas ditio- nes. Adeo nullam jacturam facit, qui parentum obsequio quidquam cedit. Humiliter subesse edoctus, gloriosè imperare didicit. Mortuum etiam rupes planxere. Nam sub obitum Alphonfi per Hispaniam à silicibus, ac petris profusæ guttæ, atque à marmore altaris Divo Isidoro sacri, copiosus humor triduò stillare visus.

§. X.

Invieta Constantia Regis Garzia II.

EXercuere Garziam II. calamitates austera: non tamen sine ampliore profectu, quem invicta Principis constantia comparavit. Exutus regno, ac libertate in terris, in cælo sibi coronas multiplicavit. Alphonfus VI. frater Garziam pluribus annis carcere detinuit. Tum primum fratrem

fratrem jussit liberum fieri, cum audivit gravius egrotare. Deprecatus est beneficium Garzias, imò oravit, ut post mortem sepeliretur non solutis à corpore compedibus. Elegerat in satisfactionem suorum delictorum, perseverare mortuus in poena, quam vivens ultro delinquendo sibi induxerat.

§. XI.

*Magnanimitas, Pietas, & Justitia
Sancii III.*

REX Castiliæ Sancius hujusce nominis tertius, non modo virtutibus deditus, sed, & in virtutem ipsam transiisse credebatur. Clypeum nobilitatis cognominatum fuisse refert Rodericus; quamvis & pauperum esset certa tutela. Quare pari consensu acclamabatur: pater pauperum, Religiosorum Ordinum zelans Patronus, virtutis certum munimen, tutela pupillorum, Justitiæ columen. Nulli deerat indigenti, nullum promisso, aut verbo fallebat: ditabat multos, felicitabat omnes. Magnanimitate singulari in adversa, & molestias depugnabat. Puritatis & continentię studio clarus nulli virtutum subtraherat affectum. Fortis in hostes, munificus in res facras, liberalis in subditos, reverens in Deum, Documentum modestiæ fuit; quod absque nota disgustus, absque tergiversatione ulla sustinuerit à patre

à patre Alphonso, debitos sibi primogenito status communicari, ac dividi cum Ferdinando fratre minore. Passus scilicet regni partes à suo dominatu sejungi, modo virtutes, in unum se collectas retineret. Potuit illi auferri portio Principatus, sed non potuit integritas laudatissimi Principis. Auxit famam generosæ mentis, cùm ab obitu Patris ipse Regnum Castiliæ, & frater Legionense moderaretur. Adfuerunt enim nonnulli, qui spoliatos se à Ferdinando fortunis quondam ab Alphonso obtentis querebantur. Non tulit, aut paternæ voluntati vim inferri, aut in fraterna æquitate quidpiam desiderari. Itaque pietatis, ac Justitiæ causa exercitum coëgit, quo ad saniora consilia fratrem adduceret. Impar adverso robori Ferdinandus elegit, quod erat consultius, nempe fratrem humili deprecatione placare; venitque mutato habitu, vultuque, delatus in conspectum Sancii, cum pranderet. Quid ageret Sancius, si probus non esset? Habet in potestate principem, & toties infidum ac molestum. Attamen ab ambitione, ac vindicta remotissimus mutare personam facit, & hospitem, non ut hostem, sed ut Regem accipit. Adhibet mensæ, reumque confitentem, quod culpam agnosceret, ac Sancium non modo ut fratrem, verum etiam ut patrem, & patronum revereretur, cui lubens regnum, & diadema deberet, atque in tributum, atque homagium venisset;

nisset complectitur; dignissima sanctè imperantis voce compellans: absit, inquit, frater dulcissime, ut tibi eripiam, quod pater amantissimus concessit mihi: autem, ut vectigalem accipiam tanti parentis filium. Quod placuit patri, ut haberes, tibi habere: meâ sorte contentus vivo: patiamur tamen ambo, ut subditi in partem veniant rerum nostrarum, quorum subsidio majores nostri hæc ipsa à Mauris vendicarunt, quæ possidemus. Redde frater, quod Comiti Petro, cæterisque Proceribus sustulisti: abstinebo à bello, & conquiescam. Ita gloriôsè Sancius, atque illicò jurans in verba Ferdinandus Legionem, & Castiliam mutuis virtutibus coronavere: major Alexandro uterque abstinendo, quàm involando alienos principatus. Sancium porrò consecuta de cælo amplior remuneratio: quando Calatravæ jam ab ordinis Equitibus desertæ propè defendendæ impar, prodigiosum de cælo subsidium adversus Mauros impugnantes obtinuit.

§. XII.

Generositas Regis Ferdinandi II.

Ferdinandus II. Legionensium explicato adversus Alphonsum Regem Portugalliæ exercitu, posthabito discrimine, quod erat præsentissimum privatæ utilitati, Religionis Catholicæ potio rem curam præsetulit. Eodem quippe tempore in Portugalliam irrupere Arabes. Intellectâ
re Fer-

re Ferdinandus adversario suppetias misit. Exhorruit primùm Alphonsus ad copias, quas existimabat Mauris ab hoste suo in præsidium venire. At perspecto religiosissimo Ferdinandi consilio hæsit attonitus, devinctumque se professus est.

§. XIII.

*Patientia, remuneratio, & correctio
Regis Alphonsi VIII.*

ALphonsus VIII. cognomento bonus, mensuram nominis implevit egregijs facinoribus, præsertim poenitudinis de commissis peccatis susceptæ. Agnovit in horû vindictam accidisse prælium ad Alcarcos infelix. Quare pijs operibus redimens malefacta consecutus postea est victoriam navalem per mundum celebratissimam, nationique Hispanæ perquam gloriosam, adversus Barbaros. Præterea ad numerum Sanctarum ædium, quas impensis pluribus Deo dedicabat, vicissim urbes & ditiones cælitùs recipiebat. Pietate felicitatem comparabat. Fortitudine inclytus, dissimulabat omnes injurias. Offensus calumnijs in faciem contortis ab adolescente quopiam, quasi non audisset, pertransijt. Davidem æmulatus in ferendo despectu, eidem in rememoratione priorum delictorum suppar fuit, eorum demeritis opprobria exprobrantium evenire professus. Adolescenti prædicto Nobilitatem confirmavit, arma & equum

& equum attribuit. Supra famam Marci Antonij liberalis, qui non plexuisse maledicum contentus fuit. Dedecet Principem toto robore uti in sui defensione: Præstat vires, potentiamque, clementia atque humanitate attemperare. Magnanimi indicium tolerantia est. Cumulavit cælum gloriam Alphonfi in prælio nàvali affulgentè à cœlo cruce in victoriæ omen, quemadmodum eadem Constantino Imperatori ad triumphum præluxerat.

§. XIV.

Virtutum pretia apud Alphonsum IX. Legionensem.

Regnante Alphonso IX. Legionensi magnæ generositatis exercendæ opportunitas in Regia se obtulit. Eiecerat Rex in exilium Urracam novercam & Didacum de Haro Toparcham Biscaia. Ad hæc oppugnabat Didaci Castrum Guiar, cui defendendo præerat Marcus Guttierrez præclarus miles, ac Patrono suo obstrictus jurejurando, de nemini dedendo præsidio. Septennio Marcus adversus regios munimenta expugnando loco conduplicantes locum defendit. Absumptis jam viris, ac viribus universis, solus iste superstes tuebatur stationem, nec cogitabat de deditione. At tamen animadvertens frustraneam se operam facere, & perire sine fructu; appensis ad collum clavi.

clavibus Castris, transverso situ corporis se collocat in porta, ut vel mortuus prohibeat hostem aditu. Interea Rex observata languidiore resistentia adversariorum, id, quod erat, subodoratus, impetu facto, conscensisque propugnaculis invadi arcem jubet. Obstupescunt regii quæta omnia, nec defensorem ullum: multò autem maxime cum in Marcum mortuo verius, quàm spiranti similem, protensumque in porta inciderunt. Delatus ille ad Regem lachrymas excivit; & commiserationem ad eam fortunam redactus vir fortissimus movit. Mandavit evestigio Alphonsus, ut omni cura servaretur dignissimus vivere, qui sic mori delegerat. Adeò quoque constantiam hominis probavit, ut revalescenti gratias & honores locupletissimos obtulerit. At, Marcus; absit, inquit, & Rex, ut abs te quidquam gratiæ, aut lucri capiam: à quo innedicabilem honoris jacturam sum passus. Tu mihi laudem profligasti, quam moriens fuisset consecutus, nisi castris expugnato me vitâ donasses. Dimitte me, & patere, ut redeam ad Dominum meum: qui capite truncato, vitam, quam indulxisti, quamque demerui non servato castris eripiat. Quid enim? fidem meam servando præsidio obstrinxi: sacramento teneor, dum vivo: Immortali amaritudine prosequar tui memoriam Alphonse, quod te obstante exequi juratæ fidei decora non valuerim. Rex cognita
Marci

Marci ad Didacum suum proficiscendi voluntate, obsecuturus anhelantis desiderio, hominem dimisit. Transiit illicò in Africam Marcus, ubi exulabat Patronus, adiitque hunc plenus tristitia, & lachrymis. Receptum peramanter studuit ille, quâ poterat, ratione consolari. Attamen ex memoria pristinae fortunæ dum aliquando ab aliis celebraretur Marci constantia ac rara fides, in advertentiùs prorumpens Didacus; Ita equidem inquit magnæ istud fortitudinis, ac fidelitatis documentum est; attamen desiderarem non amississe castrum. Tum enimverò nova caligine generositas Marci offundi cepit; nec sustinuit ultra subire oculos Didaci. Itaque Legionem redit, vili lacerna indutus, turbato capillitio, malè reclusus, malè cultus. Pro captando hospitio divertit ad mapale canibus venaticis apparatus: ibi de residua panis annona, quæ canibus supererat victum capiens, unâque per noctem accumbens, aliquantum tempus egit. Observatur tandem à curiosioribus aulicis, agnoscitur, vulgariturque in regia, Marcum Gurtierium ab Africa reversum inter canes regios hospitari. Accersiri virum jubet Alphonfus, rogatque causam portentosa novitatis. Tum Marcus, quæ gesserat, audieratque in Africa singillatim enarrans, tandem orat, supplicatque, ne patiaturo tanto tempore, exulem se atque infamem obire terras, obtestaturque sibi castrum restitui tutandum, ac defenden-

fendendum : ne ultra esse possit, qui audeat im-
 properare, quod verbo, fideique datæ defuerit.
 Rem miram ! Vicit rara virtus, magnanimitatem
 Alphonsi ; nam promptè : si, inquit, hæc tuæ
 ægritudinis unica est ratio, faxo, medebor : tan-
 tæ virtuti faveo lubens. Redi in Castrum, ne-
 cessariis annonæ, & armorum nunc lautius in-
 structum ; neque modo illud, ut ante tuere,
 sed etiam pro tuo Patrono Didaco defende,
 aut cuilibet alterida, cui placuerit, nam &
 istud permitto Didaco. Fuit hæc munifi-
 centia, & generositas Alphonsi conjuncta cum
 prudentissima virtutis æstimatione illustre omni-
 no decus regalis animi. Marcus in possessionem
 Castri pro Didaco de Haro Patrono pristino
 reductus, per literas certiozem Didacum fecit :
 & esse in potestate munimentum, ac salva omnia
 nunciavit : mandaret porro cui consignare,
 si placeat, castrum velit, atque tunc etiam solve-
 re sese obligatione, quâ servando illi hætenus
 tenebatur. At neque Didacus vinci ab aliena
 generositate voluit. Rescripsit Marco Guttierio,
 uti arcem Regi Legionensi traderet, solvitque à
 juramento Marcum, simul confessus viri nobilis,
 ac generosi partes abunde cum hætenus adimple-
 visse. Ita honor Marco Guttierio, Regi gloria,
 Didaco civilitas, cæteris admiratio mansit.

✱ (o) ✱

§. XV.

*Disciplina militaris, & literarum studium
in Rege Sancio Strenuo.*

Sancius quartus Palladis æquè ac Bellonæ studiosus fuit. Elucidarium composuit quæstionū Philosophicarum, ac Theologicarum. Alium item Consiliis ac Consiliariis informandis librū opportunum. Arma porro ut calamum scitissimè tractavit. Continuis in Arabes bellis exercitatus disciplinam militarem acerrimè tuebatur, nunquam inclementior, quàm in militum flagitia. Ut Rex diligebatur ab omnibus, ut bellidux ab omnibus timebatur. Nec decet militem, Julio Frontino authore teste, magis hostem, quam Ducem vereri. Inobsequentes in corona exercituum capite faciebat diminui: neque rarò, ipse validis, ac robustis viribus pollens, sua manu delinquentes castigabat. Et suborto aliquando tumultu inter milites, & còusque progressu, ut mutuis se vulneribus conficerent, nec valentibus sedare contentionem atrociorē ducibus, percepto strepitu Sancius è lecto, ut erat interulà tectus prorumpens, atque in globum tumultuantium immissus. Ubi fides vestra, inquit, milites? In me ferrum convertite, qui in hanc vos arenam adduxi; parcite commilitonibus. At cum nihil proficeret, correpta ex adstantium manibus lancea in pervicacio.

caciores invehitur, jamque uno, alterove ex iis confosso ; Aut, inquit, in Mauros (nam & hi prope aderant conflicturi) aut in me pugnate, aut ego in vos desæviam. Cauete, ne ex furore vestro fiat lætitia barbarorum ; neve eruentati Christiano sanguine sustineatis emori hostibus catholici nominis interim inultis. Ita commotos animos compescuit, meruitque timeri, qui reformidabat neminem. Supergressus Avidii Cassij strenuitatem, qui in simili seditione irrupit in aciem seditiosorum, ac præsentia discussit funera; quæ inconsultè parabantur.

§. XVI.

Benignitas Regis Ferdinandi IV.

MUnificentia, ac benignitate multarum regionum possessionem obtinuit Ferdinandus. Ad fauces mediteranei & Calpem expugnandam profecto occurrit Arabs perquam annosus : & Regem affatus : nescio, inquit, quem in finem à te, tuisque tanta patiar : Hispali natus à proavo tuo inde pulsus sum. Profugus Xere substitit ad columnas Herculis, atque ab avo tuo Alphonso jactatus iterum, cum nuditate, ac vulnere me oportuit longius proficisci : Tartessum abij, domoque ibi comparata, à progenitore tuo Sancio urbe captâ demum migravi, quo tandem abibo securus ? Calpen, ut fortissimam Hispaniarum arcem tenui, ubi annos incanescerent finirem ; nunc ades & tu, & expugna-

tis munimentis in novam fugam impellis. Transmittendum ne tandem mare, ut in Africa fruatur optatâ quiete, nec calamitates meæ gentis ultra videre me contingat? Motus compassione Princeps benignissimè hominem complexus, navem illi, ut optaverat commeatu instructam obtulit, quâ in Africam trajiceret: permisitque, ut quot quot socii se vellent conjungere, liberi irent. Vulgata per Mauros famâ eam Regiæ clementiæ estimationem peperit, ut quam plurimi spontè deditiorem facerent. Tantum valet opinio benignitatis in Principe apud hostes quoque, ut superet metum armorum, quæ gubernantur ab iracundo. Ita Quintus Metellus omnem prope Hispaniam ostensa mansuetudine Romano Imperio vectigalem fecit.

§. XVI.

*Pœnitentia & emendatio morum in
Alphonso XI.*

EXegerat primos annos juventutis Alphonſus cum nota crudelitatis, animadverſus injuſte laceſſiſſe nonnullos. Secuta nihilominus pœnitudo, ut narrat Episcopuſ Palentinuſ acerboſ mores in benigniſſimoſ mutavit. Moto in Portu galliam exercituſ vetuit, ne ulla incommoditaſ fieret à milite, niſi adverſuſ euntibuſ, & opponen-tibuſ arma. Pro innocentibuſ habebat, quam-

vis

vis in hostico qui aperto Marte non adversarentur. Noluit, ut turbæ paupertinæ damnum crearetur: captos Portugallensium nobiles trecentos illic dimisit, prohibuitque offendi. Vicit interim Clementia, subjugavitque sine armis Portugallos. Nempe Regem adire utque cum Alphonso pacisceretur impetravere, imò ad expeditiones postea susceptas merentes in castris regiis sunt Alphonsum deinceps persecuti.

Contigit ad Algeziram, ut exercitus deficiente annona fameret. Rex cibos mensæ regię deputatos distribui per castra iussit; mansitque ipse sine cibo: affirmans velle se inedia pati pro milite, qui causa sui patiebatur mediam. Deliberaverat audacissimus Maurorum nonnemo Alphonsum de medio tollere, jamque conjurationem confectam fassus, operiebatur meritam pro tanto facinore cogitato vindictam. At obstitit clementia Alphonsi, liberumque dimisit, cum addito: Iret, & à Rege suo præmium postularet vitæ in discrimen conjectæ ejus, ac patriæ causâ. At neque barbarus probavit facinus, sed temerarium immuni supplicio affici fecit.

In expugnatione Tartessi postquam Granatæ, & Africæ Regem debellasset, opulentissimos nactus thesauros, nihil omnino attigit, quoadusque Regi, ac Proceribus, militibusque à Portugallia, qui suppetias tulerant, prædæ maxima pars delata

P 2

cessisset.

cessisset. Instantibus iisdem, ut portionem ampliore caperet, paucis armis in participationem lucri accedens contentus fuit. Ex spoliis augustioribus singulare munus summo Pontifici misit, cum adjuncto militari vexillo, quod Regi Sarracenorum antea præferebatur, gratias pro victoria Divino subsidio referens quem in persona sui in terris Vicarij adorabat. Et Pontifex indicta Romæ supplicatione religionem, fortitudinemque Alphonsi cooperatam Divinæ gratiæ celebravit.

§. XVIII.

*Regis Joannis amor, & commiseratio
in subditos.*

AD cæteras virtutes, Pietatis in Deum, timoris Domini, reverentiæ sacrorum mysteriorum; adhæc strenuitatis regiæ etiam per fortunam adversam comprobata, addidit Joannes laudatissimam ad populi utilitates promovendas teneritudinem. Induebatur, dum imperavit, veste lugubri. Rogavere in comitijs Vallisoleti celebratis proceres, ut posito tandem luctu serenaret hilariore apparatu Regiam. At Joannes causam assumpti luctus exposuit. Aiebat; principio regni observatum à se fuisse, quod justitia & probi mores neglecti indignè haberentur: conatum se fuisse ut reponeretur in thronum æquitas, quam pro meritis amabat: suo tamen demerito nihil hæc-

nus

nus pro dignitate virtutis impetratum : imò squalidam illam ac mœrentem oculis sibi continuo obversari. Proinde indecorum videri, ut æquitate contempta eius administer Princeps festum agat, & celebret hilaria. Observasse se quoque corruptos passim per regnum mores, qui ab amore & commodo proprio lactati emendari vix possint : quare incredibili se mœrore affici, quòd opportunissimam regno, super morum corruptelam, sanationem facere non valeat. Insuper exhaustas subditorum facultates dolere se, quas aggravatis tributis antea oneraverat ; magnum videlicet sui diadematis nocumentum. Denique acerbissimi luctus sibi causam esse, quæ magis animum cruciaret, quàm pulla veste pro dignitate possit explicari, quòd in nupero ad Aliubarottam prælio infelicitè gesto magna in populo, magna in nobilitate clades facta Castiliam exhausserit. Hunc dolorum suorum fontem nequaquam reprimendum unquam, quoadusque divina bonitas sui, atque publicæ per regnum calamitatis misertus, modum adferat alleviando sibi à tristitia, & subditis ab oneribus tributorum gravissimis. Ita consilij sui rationes prosequèbatur Joannes. Et verò subjungèbat. Quod si hilarem impòsterum Regem vellent in hæc pacta convenirent. Nemo subditorum, conditionis cuiuslibet, aut sexûs auro, sericove impòsterum vestiretur : nemo argentum, aut gemmas deferret. Mox in pactum,

atque exempla regis composita gente ; ut etiam exactionibus publicis limes fieret , Joannes autem cum regiarum prolium, ac Reginae cultu reformavit. Exinde milliones brevi tempore collegit, quorum profusionem antea factam, cohibuerat ; atque hoc ære in publicum collato superplevit vectigalium pondus, quod regnum aggravabat. Monitus præterea, quod actionibus consilia sapientum nequaquam præmitteret, libereque pro voluntate multa ageret: quatuor Episcopos, ac totidem Jurisperitos designavit, qui negotijs gerendis assisterent. Ita regnum omne ad tranquillitatem decentiamque composuit. Hic porro idem fuit, qui quod ex consuetudine prius factitabatur, postea lege etiam lata, ut observaretur, firmavit : nempe ut delato per plateas ad infirmum quemlibet venerabili Sacramento, nemo subditorum, qui id oculis observaret, imò neque Rex, aut Regina, aut regius Infans immunis ab obligatione esset, illud quantocyùs prosequendi, ad Ecclesiam usque unde delatum fuisset : prohibuitq; ne ulla pulverum, aut cœni molestia quencquam dictorum ullatenus excusaret ab hoc officio.

§, XIX.

Prudentia & Justitia Regis Hen-
rici III,

Regnum adolescens accepit Henricus ; ijs tamen canæ prudentiæ dotibus ornatus, ut circumspicere

cumspectè & sapienter ubique agens, æquaverit ætate provectos. Paucis, quibus regnavit annis præclarorum facinorum, ac virtutum admirabilium multam seriem edidit. Urgebant initio procures, ut medelam adhiberet periclitanti Reipublicæ ex neglectu justitiæ. At inquit, Henricus, unde hæc libertas impunè agendi invaluit? Replicabant illi: factum inde, quòd criminibus supplicia non forent. Inde igitur, inquit Henricus, auspicabimur emendationem publicam. At si reos vos ipsos comperero, à vobis ordiar. Cæterum scitote sanando corpori, nec ignem, nec ferrum admovendum esse, ubi medicamini leniori locus superest. Toleranda quædam, donec ratio temporis & personarum qualitas aliud non patitur. Rexit enim verò Henricus ea moderatione, & prudentia, ut non multò post non superfuerint querelæ, nec quæ corrigerentur delicta. Aptabat se ingenijs suorum; colebat viros literatos, ac sapientes: aiebat Rempublicam consilij efficacius, quàm armis conservari: plus intellectu, quam ferro ad eam tutandam, ornandamque opus esse. Non ferebat Dicasteria, & magistratus segniter suo munere fungi. Deprehensos peccasse in æquitatem severe coercerebat; atque hos severius, qui opulentiores erant: aiebat enim sufficere argumentum ad plenè convincendos tales malarum artium, quòd admoti ad magistratum pauperes, in eo locupletes facti sint.

Admodum liberalis, ac splendidus, œcœnomiæ tamen non defuit: congefſit theſauros, qui bello in Mauros gerendo poſtea ſuffecerunt. Stupebant omnes, unde Regi diuitiæ, cum nec avarus, nec in populo exactor eſſet: imò aſſereret; præſtantius ſibi videri ærarium, quod diffuſum per Rempubli- cam, quam quod parietinis quatuor clauſum poſ- ſidetur: nec Principem diuitis populi futurum unquam pauperem rectè cenſeret. Quæſitus à milite, quâ ratione opulentiſſimus ſit factus? re- ſpondit: theſauros regioſ vehementer accreſcere, quando Rex non auri, ſed juſtiſſimæ eſt cupidus. Henrici pretioſiſſimum illud eſſatum fuit, cum ſuadentibus, neſcio cujuſ vectigalis, ad ſacul- tates regias augendas, non attento decore ac famâ regnantis, impoſitionem, repoſuit: omittite conſilium: plus timeo lachrymas ſubditorum, quàm gladios hoſtium. Populo nempe, non ſibi curam impendebat, & gubernando ſolius ſibi bonæ famæ fructum ſeponēbat. Ejusdem & iſtud fuit. Quæſiuit aliquando, num ad portam palatii adeſ- ſent, qui poſtularent audiri? reſponderunt cir- cumſtantes, adeſſe; ſed non admitti, ne forte incommodarent regi, tùm non nihil ægrotanti. Indignatus Henricus: ite, inquit, accerſite, Rex non ægrotat: abſit, ut quiſquam lamentari poſſit, Regem ab officio vacare. Timeri præ- terea voluit. A Præfecto aulæ Joanne Hurtado de Mendoza rogatus; cum ſic æquus eſſet, cur timeri

timeri se crederet ? respondit, quia DEum ego timeo, ideo me quoque subditi timent.

Regem majestate, ac potentia; Patrem clementia ac bonitate repræsentabat; ideoque mortuum subditi ut patrem amissum ploravêre. Tractabat causas publicas, præsertim Justitiæ advigilando ipse: Præmittebat actionibus consilia ministrorum quibus prudentiam consociabat suam. Probè intelligebat sollicitudinem in negotijs providentiâ, curaque regiâ stipatam generare benevolentiam & affectum subditorum; qui continuò remissior evadit, quantò negligentior publicæ rei Princeps, se muneri suo subtrahit. Singulari cum circumspectione deligebat ministros; cujusvis genio atque aptitudini proportionatas actiones designando. Ajebat; expendi debere multa cum consideratione eos, qui in plura negotia, ad tempus productius erunt applicandi: periculosæ plenum opus aleæ esse deligere cooperatores boni publici: Per eos stare, aut minui regiam in populo existimationem. Adepta nondum administratione regni exactè penetrasse visus fuit, quantum minorenni sibi tutores detrimentum creaverint. Quare orator Pontificius, Episcopus S. Pontij, affirmabat: non Principis teneram ætatem, sed ambitionem gubernatorum formidandam esse: illam tempore, ac maturato judicio emendari, hanc perniciæ majori in Rempub. grassari. Attentus in concedendis gratijs opportu-

ne satagebat, ut tempori, & meritis causæ universim impenderentur. In victu, & apparatu aulæ moderatus decentiam spectabat, non diffimulatâ curâ augmentandi ærarij, ne aliquando necessitas ad tributa exigenda impelleret, atque ut exhausto illi per patris & Avi profusiones factas quæreretur remedium sine cujuscpiam molestia. Multum studuit promovendæ Religioni Catholicæ, præsertim restituendæ, ubi pressam intellexerat. Viris eruditis, ac sapientibus delectabatur, affirmans plus Atheniensibus Solonis consilia, quam Theniistoclis victorias profuisse. Didacus de Valera Reginae consiliarius, ac Præfectus regij cubiculi in Historia Regum Hispaniæ refert; Henricum fuisse laudatissimum Principem, & quâ saggo, quâ toga, apud viros utriusque fori celebratissimum: Pacem, & concordiam regno procurasse: curam æquitatis viris eruditionis, ac conscientia probæ commendasse: hos præmijs, & muneribus decorasse: deprehensos in officij neglectu severè punivisse: depressisse arrogantes: erexisse modestos: populum reddidisse opulentum: thesaurum ex proprijs redditibus locupletasse; nec ad eum quidquam per pauperum lamenta intulisse.

Narrat prædictus author binis eventibus sanè memorabilibus Henrici gubernationem fuisse celebratam. Horum prius confirmat doctrinam Aristotelis; quod Regibus maximopere conveniat,

niat, pecuniosos esse: neque unquam expedire profusionem ærarij, uti neque gratias, atque exemptiones paucorum, eò quòd istæ paucis impense, plurimis, & bono communi incommodent. Reversus aliquando à venatione Rex, quam frequentabat, ut animum à curis remitteret; cum hora diei inclinatiores esset, nihil quod apponeretur pransuro sibi ac Reginae reperit. Postulanti causam, reposuit obsonator; nihil expendendæ pecuniæ, imò neque oppignorandi, quod antea fecerat, quidquam in usus regios superesse. Acerbè responsum tulit Henricus, Et, ita ne, inquit, Castiliæ Rex septuaginta millionum Dominus, tantum æris non habeat, ut mensam instruat? Tum penula ab humeris rejecta, Ite, inquit, & date in pignus, binosque de vervece armos comparate. Factus illicò ex venatione coturnicum, & comparata carne regalis mensæ apparatus, tantò admirabilior, quanto prodigiosius, à potentissimo Rege amictum in cibos, & spoliū corporis in nutrimentum converti. Moris tūm erat, ut Palatini per vices se mutuò ad coenas invitarent; Ita lux obiendo per ordinem singulorum ædes, opes, quas comparaverant armis, profundebat in convivia. Eo ipso die Archiepiscopus Toletanus coenam regio comitatus apparaverat. Rex posito cultu habitum mutat, intratque ædes, & coenaculum accumbentium, observaturus convivantium delicias, & potissimum sermones. Quisque intelli-

get,

get; quo vultu altitium, & culinæ cæteras cupidias inspexerit: nempe usumfructum patrimonij regij, quem hilariter illi equidem Rege otiosè spectante absumebant. A cœna consecuti sermones opportunè ad intentum Regis. Nam quisq; annuos redditus quos habebat, magnificè enumerabat, facta quin etiam comparatione cum regiis, quos vel æquare vel non admodum inferiores esse dicerent. Captâ quam desideraverat, informatione Rex ad palatium revertit: decernitque opimas prædas, quæ in cassem ex nocturna cœnatione, rectius veneratione venerant, retribus concludere, & injuriosa per rapinas capita throno suo immolare: indignum omnino ratus, eos ex alieno splendide vivere, se ex proprio famere. Cautè igitur sub noctem adesse in aula jubet sexcentos armatos, & cohorti addi mandat Matthæum Sanchez expeditum ad secutura mandata carnificem. Postero die sub diluculum nihil opinantem Archiepiscopum exciri à strato ad regiam jubet; nunciatque se colloqui velle, motum ægritudine non levi, super ultima voluntate. Advolat ille, & simul acciti adsunt cæteri nuper convivæ, etiam, quòd periculum festinationem mandaverat, à servitio incomitati. Sub meridiem prodiit è conclavi Rex ferro dextram armatus, & lævam obvolutus penulâ pro carnibus emptis heri oppignorata, at nunc denuo redempta. Tum vultu, ut pridie turbato, versus ad Archiepiscopum interrogat;
quot

quot Regibus Castiliæ convixisset ? Replicuit Archiepiscopus, Majestatis vestræ quatuor antecessoribus servivi, quantum nunc in Majestate vestra veneror. Ab isto cæteros ordine perquirat ex eadem formula: nec fuit qui plures quinque nominasset. Tum Henricus. Quâ ratione fieri credam, ut vos annosiores paucioribus convixeritis, cum ego multò ætate minor, viginti omnino Reges Castiliæ noverim ac numerem ? Attonitis, & terrore ad has voces perculsis, incitator ille; Vos inquit, vos reges estis: nequaquam Ego: vos imperatis vectigalia, vos spolia, & fructus reddituum regionum tenetis, vos jus Regum Castiliæ usurpatis. Reos capitis, & fortunarum pronuncio. Ad sonum invectivæ moniti ex composito adfuere armati: ac primum carnifex enses, funes, instrumenta suppliciorum in medium infert. Archiepiscopus desperata omnia circumspiciens: ætatem, meritamque indignationem Henrici reveritus, DEO, & regiæ Clementiæ potius, quàm defensionem, causæ patrocinium sapienter, & generosè committens, in genua provolvitur, & veniam obsecrat. At Rex urget increpationem, rationes accumulatur susceptæ indignationis, divisim causas omnes justæ iracundiæ accuratè pertractat: Tandem tamen placatior: vitam, inquit, condono. At volo, ut priusquam à conclavi exeat, exactissimum computum reddituum usurpatorum faciatis, & fateamini, à tempore, quo hæres

hæres ad diadema successi. Fecere omnes imperata obedienter; & cessare arcibus, quas involaverant; restituere lucra, quæ impune aggrefferant; solvere centum quinquaginta milliones Maravidiorum inferendos in ærarium; dimissique sunt domum post alterum mensem. Hoc facinore incredibilem sibi timorem, ac reverentiam apud omnes conciliavit Henricus, Justitiâ nempe ac clementiâ usus in castigando scelere, & reparando bono publico. Nec fuit illo Castiliæ Rex, qui lucrosius sibi regnum effecerit.

Nec minus prospera fuit expeditio Henrici altera, quam profectus Hispalim suscepit. Gliscebant in populo factio ingens. In turbido suæ utilitati studebant, qui seditionem extinguere poterant. Ex his erant primarij, Comes de Niebla, & Comes Petrus Ponce. Instabat per edicta Rex, & præstolabatur patienter inter adversantes, viros equidem generosissimos, optatam concordiam. Mittebat turbarum, causarumque inquisitores, qui infectare, nulla compositione impetrata revertebantur. Visa importunitate factionis, quæ reverentiam non haberet regiis edictis, & justitiæ aram calcibus elideret, ipse coram rebus mederi, atque Hispalim ad cognoscendam, finiendamque prodignitate causam accedere statuit. Itaque conscensa navi cum procerum paucis Corduba per Bætim eo appulit. Urbem ingressus in diem posterum mandavit acciri prædictos Comites, unâque

unàque urbis aministratores iudices, atque bis duodenorum primorum civitatis senatum. Clansò primùm Urbis aditu, postea etiam aulæ, quò convocabantur Primores, observari atria à militibus iussit, forumque publicum omne. Rebus providè dispositis prodit ad multitudinem Henricus. Timor omnibus idem, sed tantò vivacior singulis, quantò quisque se reum, sibi pejus conscius, magis experiebatur. Actorum voluminibus reclusis Rex assedit in throno, ut præmia, sic poenas pro meritis dispensaturus. Ululatus primùm; ac stridor dentium partes divisit. At impetrato silentio quæsit Rex; qui Iudices, qui arbitri civitatis essent? Tum adstantibus illis: Quæ diræ, inquit, vos tenuère, ut quibus urbis tranquillitatem conservandam commisi, vos æquitate deserta sitis ausi licentiam pro animi vestri affectionibus, tot scandalis, cædibus, atque rapinis indulgere! nec admissa defensione illicò Comitem de Niebla & De Ponce capite truncari mandat, quò flammæ publicæ oleum addere sustinuerint. Tum senatum, ac Iudices officio depulit nunquam reassumendos imposterum, eorundemq; munerum spe filios ac nepotes privavit, officiis publicis exuit, & à gratia sua perpetuò extorres fecit. Visus fuit eo rigore regionem, non modò subditos perterruisse. Diffugebant in tenebras improbi, ne occurrerent Principi Probitatis vindici. Sed neque tenebræ ad occultandos

tandos valuere. Inde illos protrahi per vigilantiam Præsidum, ac potissimum Judicis Curiae, Joannis Alphonſi de Tauro legum Doctoris fecit; quem civitatis ſuperintendentem conſtituerat. Producti è latibulis facinoroſi, maximè alienæ vitæ inſidiatores mercede conducti, plus mille à patibulis pependere. Ita juſtitiae litatum fuit, quam decuit laurea & palmis decoram triumphum canere, & ſuperſtites etiamnum improbos monere emendationis, populumque univerſum cum appreciatione longævitatæ apprecari fauſta omnia Henrico. Cordubam ſimilis tempeſtas ad ſalubrem malaciam compoſuit. Reverſus in Caſtiliam Rex acclamationes publicas, & famæ præconia ingentia obtinuit. Ejus pro tribunali ſententia quàm late imperavit, tam cuntes promptè in ſuffragia, obſequentesque habuit, ut à Proceribus ad infimam plebem, nemo unus eſſet, qui ut Numen aliquod divinum nomen Henrici non revereretur.

§. XX.

*Illuſtres Virtutes Regis Ferdinandi V. &
Iſabella Regina Catholica.*

IN Ferdinando & Iſabella Regibus claruere generoſitas, & magnitudo animi; juſtitia item & munificentia & amor ſubditorum: Tanto afficiebantur dolore auditâ morte præſtantiorum in bello

bello Ducum, aut Præfectorum, ut tenebrimis lacrymis tanquam filij charissimi obitum deplorarent: Induebant luctum, abstinebant à publico: consolatores mittebant ad defunctorum consanguineos, multis istos gratijs locupletabant. Hæc benignitate devinciebant animos, ut imminente bello nemo parceret impensis, nemo sanguini, alacres ad quodvis discrimen pro Regibus subeundum. Exinde proveniêre expeditiones bellicæ gloriosissimæ, comparati Duces in armis strenuissimi, Consiliarij in senatibus prudentissimi; lactati scilicet, atque enutriti ad gloriam, & heroica facinora à magnificentia & liberalitate dominantium. Misericordiâ in pauperes ferebantur incredibili; quos sublevabant; in orphanos, quos dotabant; in pias domos, quas locupletabant, & adornabant.

Bono publico promovendo singularem industriam conferebant; conservando illi, atque amplificando rationibus, ac medijs studiosè adinventis. Propugnandæ justitiæ societatem laicam; tutandæ Religioni tribunal Inquisitionis crexerunt. Regnantium curâ ac pietate pulsî à finibus Hispaniæ Judæi, ac Mauri. Ut moribus Christianis firmandis succurrerent, viros probitate ac doctrinâ præstantes Episcopatibus præficiebant. Qui si munitis, aut ex oneris gravitate, aut ex amore privatæ vitæ recusarent, agebant cum Pontifice, ut præcepto compellerentur officium

Q

pasto-

pastorale fuscipere. Deligebantur ad sacras Præ-
 laturas, qui meritis, non qui ambitione voca-
 bantur. Delectus spectabat utilitates publicas,
 non respondebat privatis prætensionibus. Quare
 in eo fastigio collocabantur, qui sanctitate vitæ,
 & contemptu mundi, ac meritis in causa Reli-
 gionis clari repræsentare possent gubernationem
 Ecclesiasticam Sanctorum Patrum Basilij, Am-
 brosij, ac cæterorum, qui fugiendo honores,
 iisdem se dignos reddiderunt, & constituti in di-
 gnitate ex zelo animarum conspiciui maximè eva-
 serunt. Tantam pro Ecclesia Dei solitudinem
 Ferdinandi, & Isabellæ compensavit Altissi-
 mus per monarchiam Hispaniæ, horum dominan-
 tium diademati illigatam. Confluxere tum in
 unam Domum Regna Arragoniæ, & Castiliæ, &
 Gentilitia Lusitaniæ. Obtinuere armis regnum
 Granatense pulsas ex universa Hispania in Afri-
 cam Arabibus. Accessit Regnum Navarrae inser-
 tum patrimonio Regis Arragonum Ferdinandi.
 Ex Hispania in Italiam producto Imperio Regnum
 Neapolis additum. Ex Europa in Africam con-
 tinuatis victorijs ac barbaris depulsis Icosium,
 Brugia, Melilla, Tripolis urbes acquisitæ: proten-
 so à continente in vastum mare dominio Insulæ
 Canariæ subjugatæ: visus demum noster orbis
 gloriæ maximorum Principum perangustus, iisdem
 se novus aperuit: supra Alexandri magni vota
 non optato duntaxat, sed detecto, domitoque
 novo

novo mundo, cui felicitas Regum Hispaniæ imperaret.

§. XXI.

Liberalitas in egentes Philippi I.

Breve tempus imperandi, vastum benefaciendi obtigit Philippo. Paucis diebus famam liberalissimi consecutus fuit, quæ complurium annorum exercitio par evaserat. Alij magnum dixerent, Vernuleius liberalem, omnes à virtutibus universis illustrem. Voce publicâ decantabatur, Philippum non defuisse ulli, quem miserum scivisset, cui potuisset subvenire. Simul liberalem, simul misericordem, simul charitate, ac prudentia conspicuum celebravere. Prudentiæ quippe est necessitati munificentiam impendere; charitatis verò, non modo Principem, sed ut Christianum Principem benefacere. Desiderabant Proceres Castiliæ frui ex propinquo Philippi indole, quem Ferdinando Catholico jam præferebant. Argumentum prudentiæ Philippi captârunt, cum accipitrem qui aquilam in propylæo Aulæ stantem involaverat, occideratque, jussit reciso capite mactari; asserens impune non debere dimitti subditum, qui in suum Principem se hostiliter armasset.

Virtutes Philippi III.

Philippi III. singulare decus fuit è pluribus virtutum, viæ innocentia. Undique cognomentum Sancti obtinuit. Confixus intimo Dei timore, ignotum reliquit, num aliquando lethali-ter peccasset. Coronavit Deus hunc Principem felicitate eximia. Amplioris potentiae hæredem reliquit, eâ, in quam ipse successerat: expertus pietatem, ut ad omnia, ita ad regna quoque amplificanda utilissimam. Magna Regum gloria, Deum nunquam offendisse: magna exinde subsidia æterno juxta, ac temporaneo coronæ emolumento. Etiam dum vivunt, intaminati à sceleribus Principes Deum observatorem habent, & fautorem. Castitatem coluit libertate regiâ longè maiorem. Extra thorum, quem solo successio-nis affectu inivit, omnem fæminam nescivit. Nec intuitu, præter honestum, usus. Prope juvenis ab uxore solutus, vixit ut maturitate senex, ut circumspeditione virgo. Remotus ab illecebris carnis, voluptatibus animæ abundavit. Deo charus, & hominibus amabilis, in hos affabilitate, in Deum pietate, in Religionem fervore, & constan-tiâ, in se ipsum severitate, cruentis in se flagellis identidem desævians, ferebatur. Sedis Apostolicæ Romanæ filius obedientissimus, defensor Christia-ni nominis fortissimus, Imperatori Romano Ger-manico,

manico, statibusque Imperij Catholicis servandæ veræ Religionis causâ perpetuus auxiliator fuit. Ab universa Hispania tandem ipse Mauros omnes, & Maurorum propaginem pestiferam exegit. Horum conjurationem atrocissimam edicto unico profligavit. Erant conspirantium nongenta milia. Nemo unus omnium ausus est opponere se Regi. Ipsi, qui jugum imponere Hispaniæ meditantur, pulsî in exilium, contenti fuere in redemptionem vitæ, fortunarum quoque jaçturam pati.

CAPUT IV.

Virtutes coronatæ Religionis, & Prudentiæ Ferdinandi II. Imperatoris, & Philippi II. Regis.

REcenſuimus gesta Heroica Imperatorum & domo Austriaca, ac Regum Hispaniæ, meritiſſima, quæ tranſeant in Ideam Principum lectiſſimorum. Placet diſtinctiùs ac pleniùs proſequi binas virtutes apprimè neceſſarias Imperantibus, Religionem & prudentiam. Habet Princeps binas obligationes, ad quas ſe continuo, ut refleçtat, oportet; alteram verſus Deum, cuius Dominio ſubeſt, alteram verſus ſubditos, quorum imperio præeſt. Religio cum Deo conjungit, prudentia

dentia hominibus adaptat. Illa Regi Regum immortalī Regem applicat, hæc mortalium gubernationi dignè accomodat. Utramque in hunc locum seposui, ut ambas virtutibus cæteris eminentiores, exhiberem in duobus Principibus per mundum celebratissimis. Fuere ambo secundi, sed sine primo, in hoc genere virtutum. Religio Ferdinandi II. Imperatoris, ac pietas cunctis gentibus notissima. Philippi secundi Regis Prudentia per universum, quā vastè dominabatur orbem vulgatissima. Dignissimi ambo vitæ & gubernatione immortalī, vivunt etiamnum in memoria sæculorum. Sublati ab oculis viventium, perennant in vivacissima rememoratione historiarum. Multum conferunt, ait Seneca, ad institutionem vitæ exempla maiorum. Et memoria Heroum æquè utilis est, ac fuit præsentia.

§. I.

Ferdinandus II. Imperator, Catholicus, piissimus, clementissimus, liberalissimus, in omni virtute excellens.

DE virtutibus piissimi, & catholicissimi Imperatoris Ferdinandi II. librum conscripsit Guilielmus Lamormaini, quamvis volumina ad plene complectendam gloriosissimi Principis heroiorum facinorum omnem seriem non suffecissent.

Ex

Ex illo disertius quædam delibabimus attestationi firmandæ, quòd Ideam optimi Principis absolutissimam, atque ad imitationem Davidis Principem secundum cor Dei efformatum, mundo exhibuerit Ferdinandus. Omnis illius actio, pietatis, & Religionis, charitatis, ac zeli Divini odorem traxit. Quidquid operis præstabat, condecabatur morali prudentia, quæ intra naturæ cancellos minimè conclusa, erigebat se continuo ad principia supernaturalium luminum. Fide divinâ motrice videbatur operationem auspicari, fide terminare. Pietate & religione ardua politicarum virtutum exercitia sic incingebat, ut sejuncta nemo uspiam dignosceret. Regulas agendorum celsissimas, & divinis propiores semper præsetulit. Procul aberat ab idolo prudentiæ, quam affectatam, & vāsam politicam vocamus; quā Principum nonnulli hodie utuntur, malo suo pessimo. Nihil genuinæ prudentiæ, ubi simulatio, & mendacium; aut ubi, quod scelestius sæpe intervenit, abusus Religionis, aut res divinæ versæ in instrumentum designationum creaturarum. Summæ imprudentiæ est nota, si contendas stabilire monarchiam, quæ donum Dei est, astutiâ, & fraudibus mundi, tanquam fulcris, Deo quàmmaximè odiosis. Sollicitudo una Fedinandi fuit exaltare, & promovere fidem Catholicam, quæ unica basis veræ prudentiæ, & politicæ existit. Prima illi cura gloriæ Divinæ, exinde verò negotiorum publicorum.

Præferebat confiliarios ; qui conspicui ab obsequijs pro Religione impensis ; quàm in alios fines comparatis clarent. Exigebat ab his talenta, & experientiam ; sed multò ampliùs veritatem, ac timorem Dei, Amabat sinceram dicendi libertatem. Aiebat sibi nequaquam placere canes mutos. Exosos habebat eos, qui vel humano respectu, vel timore præpotentium discederent à dictamine conscientiæ, & libertate judicij. Delectabatur ijs, qui animo limpidò, mente sincerâ, liberè, & modestè quæ conceperant, edicerent. Sæpius contigit laudatum ab illo fuisse consiliarium, qui fidenter sententiam pronunciaverat, imo comprobatione, & dilucidatione Cæsarea suffultum. Ubi aliquem è primoribus consulentium advertebat indignari, & divertere ab opinione, eâ de causa, quòd inferioris notæ alter sua liberaliùs protulisset ; partes huius defendendas arripiebat, parabatque libertatem cæteris abeundi, quâ vellent, in vota. Cum de rebus arduis, præsertim de vita, & fortunis privatorum deliberaret ; primùm ab omni turbatione mentem expurgabat ; tum ardenter cum Deo conferebat, & virorum religiosorum preces in subsidium vocabat : demùm consultabat accuratè & secundum potiores sententias pronunciabat ; affirmans tutius esse plurium iudicio niti : atque etiam fortè falli, quàm proprio præsumptuosè confidere. Ubi casus consultationem excludebat ; totus impensiore

fiore studio ad captanda de cœlo consilia ver-
tebatur.

Decreverat Viennensis senatus, ne quisquam
ab urbe in vicum vicinum, Hernals nuncupatum
digrederetur, audiendis ibi, participandisque
doctrinis sectæ Lutheranæ. Acerbius tulere hoc
edictum Proceres A catholici. Quare apud Fer-
dinandum congregati proferebant indulta, ac
libertates pristinas, multumque lamentabantur sibi
vim inferri. Perorantibus illis Cæsar Catholicissi-
mus cruce identidem pectus suum muniebat, &
voce cordis intima deprecabatur DEum, quò re-
sponsuro sibi linguam regeret, ne ulla ex parte
quidquam ediceret, quod aut in præjudicium
Religionis Catholicæ cederet, aut crudeliùs irri-
tare hæreticos in publicam perniciem posset. Ubi
gravioris momenti consultatio instabat, aut deli-
beratio de Republica; & pluribus consiliis, & fre-
quentiùs interrogatis utebatur. Agebatur de
bello Mantuæ Duci inferendo. Tùm manu suâ ad
præsides consiliorum, ac Tribunalium datis lite-
ris Cæsar perscripsit: irent iteratò, ac sæpius
consultaturi, priusquam edicerent sententias, at-
que illud demum statuerent, pro quo rationem
sine animi molestia reddere se posse illicò sibi non
diffiderent coram DEO iudice. Ordinavit, ut
eadem præmonitio prælegeretur consiliariis, quo-
ties eadem in causa deliberaturi congregarentur.
Quando negotium in materia religionis tractan-

dum occurrebat : primum opinionem Theologorum è diversis Academiis exquirebat, quam scripto sibi consignari postulabat, quò attentius legendam & expendendam haberet. Post hæc ad deliberandum evocabat Episcopos, ac Prælatos, quos noverat rei Catholicæ zelantiores : ab his exquirebat sententiam, sed præmonitis, ut fidei incolumitatem ante omnia spectarent; ut id edicerent quod æquum coram Deo judicarent; utve scirent suam se in eorum humeros conscientiam exonerare: ideoque pro doctis, ac piis electos, constitutosque illos abs se, qui præ cæteris in præsidium, ac defensionem Religionis debeant advigilare. Cum res deliberanda adeo testata esset, ut pluribus simul communicari non posset, hoc utebatur artificio: singulos scorsim consultores evocabat: sententiam scripto postulabat: eam denique cautelam adferebat, ut quisque se consultum duntaxat existimaret. Ita gemino cum fructu operabatur; nam plurium sensa colligebat, & certior fiebat de integritate secreti. Cujusque enim intererat silentio abscondere, quod uni sibi conceditum putabat. Prudentiæ Ferdinandi pretium addebat columbina mansuetudo. Videbatur omnino consecutus doctrinam Christi, quâ mandat: estote prudentes, sicut serpentes, & simplices sicut columbæ: nulla fictione aut deceptione vitiabat intentionem: quod in corde, hoc erat in ore: sensui interno respondebat sermo

mo externus: ignorabat artes, quibus æquivocaret. Innato candore serenabat animos: sincerissimam mentem allucebat à vultu, ab oculis, à gestu, à sensuum compositione. Regnandi artem, quam error multorum in fastu, ac mendacio collocat, solebat regnorum pestem cognominare. Extrema nempe deceptionum tandem patent: ac simul fundamenta imperiorum, & coronarum bases subvertuntur. Sæpe cum magno sensu indignabatur, & dolebat reperiri Principes, qui pro fulcro gubernationis fraudem assumerent: qui aliud animo, aliud ore versarent, quòd isthæc nec Christianum quidquam saperent, nec illustrem indolem decerent, minus regiam, aut Imperatoriam loquerentur. Dum esset Archidux Ferdinandus, postulanti cuidam è palatinis admodum charo ob familiæ splendorem commendatitias literas; gratiosè eas concesserat. Non placuit alteri, non inferioris fortunæ aulico, gratia Principis, æmulo, sibi non æquè dilecto, impensa. Credens itaque præjudicio sibi futuram, penetrat ad Cancellarium, fingitque mandasse Archiducem, ut equidem eas gratiæ literas expediat, ejus tamen ac suam mentem esse, ut Ferdinandi nomine seorsim alias det, in quibus amico, cui inscribebantur Principi significet, commendatitias fuisse datas ad instantiam importunè postulantis, qui molestissimè tulisset, si fuissent negatæ: Interea Archiducem cupere, ne intercessio prosit; nec judicare, ut peti-

tio

tio minus proficua supplicanti exaudiatur. Miratus fuit commutatam improvisò sententiam Cancellarius. Sed quia perspectum habebat Archiducis candorem, simul suspicari fraudem coepit. Redit ad Ferdinandum, factumque exponit. Vix aliàs magis indignatum observavit, ut fraudem commissam audijt. Quæ inquit hæc hominis audacia, & temeritas, ut mendacem me ac deceptorrem facere attentet! Accusari malim cæterorum, quam falsi. Nescit, quam amo, sinceritas subdolas artes, neque curat addiscere. Tu literas expedi, prout imperavi. At ille ab aula exulet dimisso officio. Non patiar, ut in me, aut mecum habitet fraudulentus.

Errata à Palatinis quibus familiariùs utebatur commissa summo cum candore, & sinceritate corripbat. Non ferebat in illis nævos, quin de ijs illicò commonefaceret. Aiebat, maximæ in omnes benignitatis argumentum esse, si neminem patiatur Princeps in moribus defectuosum. Constanti libertate utebatur in Proceres etiam majoris notæ: nec acerba cuiquam fuit admonitio, quæ à candido pectore dominantis proveniebat.

Indefessus in negotijs, otium nescire videbatur. Aut legere, aut scribere, aut audire, aut audiri, vel orare tota fuit Ferdinandi occupatio. Recolebat ingentis beneficiij loco, quod Deo dante nulla sibi fatigatio ex continuis, pro Republica laboribus

ribus accideret. Inter prandium & cœnam vix horæ quadrantem dabat capiendæ oblectationi cum filijs aut conjuge, publico semper intentus: nulli consilio absens: lassiss quoque, qui consultabant, ipse vivacior suggerebat animos, & prosequi occasiones bene merendi paratus eos superabat. Affirmare fuit solitus, trium sibi exercitatione occupationum nullam unquam molestiam creari; nempe divinarum rerum usu, consiliorum assistentiâ, ac venatione. Cum incredibili temporis & animi impensa distinctè ac solus evolvebat quotidie oblatos undecunque libellos supplices, quos necesse fuit quamplurimos esse ex munere Imperatorio. Perlectos suâ manu conscribebat, expediebatque suis quoque à tribunalibus expendendos. Constabat autem, quàm accuratè singula prælegisset: quando tabellarijs super negotia postea referentibus, & oblivione quædam prætereuntibus, ipse de memoria, quam felicem & mirandam habuit, admonebat rerum aliter in libellis porrectis observandarum, & definiendarum. Ubi dies decreverat evolvendis libellis, impendebat noctem. Aliquando à cœna surgens fascem litterarum bene magnum manu extulit, negavitque se accubiturum; donec perlegisset, ordinassetque de singulis. In ætate deversa parem juveni alacritatem ad negotia contulit. Admonitus ne supra vires animum intenderet, atque ut causas minoris momenti committeret alijs: respondit: non ideo se ad-
 mo-

motum esse gubernaculo ut acquiescat, sed ut laboret: nec Principem oportere de sua incolumitate sollicitum esse, cui procuranda Reipublicæ salus fuerit commissa: expedire, ut neglector sit sui Princeps commodi prius, quam muneris publici. In mortem usque non laboravit ex tædio occupationum. Ipso, quo ultimùm decubuit, morbo, ac die, complura, quæ scripto porrecta supererant, perlegit, multorum negotiorum dispositionem, multorum decretorum subscriptionem fecit: aliqua seorsim consiliarijs expedienda mandavit; prolixam quoque epistolam Regi filio suâ manu exaravit. Imperatorem non modo stantem, sed & operantem mori oportere, ut aliàs verbo, sic demùm facto comprobavit. Iturus ad venationem providebat accuratè, ne detrimentum negotia caperent. Quare pridie duplicabat operam: expediebat quæ moram non patiebantur: designabat in quibus die postero ministri forent occupandi. Reversus in urbem exigebat factorum seriem: addebat ultimam manum, aut emendabat. Nec inter ferarum saltus à curis domesticis vacabat. Semper duos minimùm consiliarios jubebat comites ire, quibus, si opus foret, uteretur in consultando. Ubi recentius nihil expendendum occurrebat, cum iisdem inter corporis relaxationes de rebus bonum commune alias concernentibus tractabat. Facilitas admittendi ad alloquium multum molestiæ creasset, nisi ad id constan-

stantiam, & delectationem applicuisset. Promptè omnibus dabat assatum, dimisso nemine, qui vellet colloqui; etiam ubi fessus, aut minus necessaria proponerentur. Aliquando post plures horas alloquij, versus ad palatinum adstantem: sine molestia, inquit, audio singulos, & tantò quemque libentiùs, quantò publica magis, quàm privata adduxit: longè molestiùs accidit, si, quamvis exigua, obiter; quemadmodum si ea quæ majoris sunt momenti non diffusiùs narrentur.

Humanitatem Ferdinandi, & Benignitatem ipsi hostes obstupefcebant. Ibant ab hostili exercitu Viennam frequentes, ut affabilitate Cæsaris oculos pascere, & capere colloquio experimentum. Nemo colloquebatur Cæsari qui cum benignissimi Principis laudatione non recederet. Elector Coloniensis aiebat: rapti hominum animos & corda à Ferdinando. Erigebat trepidos, serenabat perturbatos, consolabatur afflictos, neminem discedere à se patiebatur tristiores. Divulgatus fuerat rumor venturum Ferdinandum in Stryiam, ac superioris Austriæ partes, ubi non multò ante conjuratione sævissimâ populus secesserat à Principe. Ab omni parte fuit illicò confluxus hominum ingens: visaque ab actione, gestu, atque oculis Ferdinandi aspirante in omnes gratia, & benignitate, rapti in teneritudinem affectus reciproci, affirmabant; si, vel semel antea Cæsarem vidissent, nunquam se motibùs præteritis

tis auferri, aut implicari velle ausos fuisse. Patebat singulis ad alloquium indefessus : horas integras & complures sereno, atque hilari vultu solitus producere inter audiendum. Imò finitis propositionibus curarum privatarum sæpè detinebat supplices, & digressus ad inquirendum de patria : conditione, familiâ singulorum amplius suâ humanitate, quàm postulassent, complectebatur. Credebatur cum subditis, cœu cum filiis colloqui ut Pater, eâ in cunctos affabilitate & moderatione ferebatur. Ubi vires corporis suppetebant, colloquebatur succinctus gladio, aut acclinis mensulæ : ubi vires defecerant sedenti sibi assidere colloquentem jubebat, præsertim si Confessarius, aut ex ordine sacerdotali quispiam accessisset. Cùm Ecclesiasticus, aut vir nobilis, famâ notus, aut visu, seu in Aula, seu alibi se præsentaret, occurrebat Cæsar hospiti, prætendebat manum, & civilissima cum amabilitate consalutabat. Moris est, ut Cæsarem in urbem adventantem, loci senatus sub umbella ad Ecclesiam, aut Palatium deducat. Hic totum se ad benevolentiam componebat Ferdinandus. Per decursum viæ exquirebat ab his, quis civitatis status, quæ conditio civium, quæ dispositio & necessitas publicæ rei. Intellectâ ægritudine ministri, aut alterius de familiaribus, quotidie qui inviserent ægrum, atque se de convalescentia edocerent, submittebat : si periculum gravius imminabat, expediebat Aulæ medicos

dicos ac sollicitè eisdem curam infirmi commendabat. Nec modò aulæ proximos, sed & à comitatu remotiores hâc sollicitudine complectebatur. Cardinali Pazmanno Archiepiscopo Strigoniensi, Nicolao Esterhasio Hungariæ Palatino alijsque compluribus simili officio occurrerat. Non ingenerabat tamen contemptum in subditorum animis ista facilitas; quinimo ad pretium tantæ virtutis accrescebat amor universorum. Non supprimebat majestatem demissio, sed demissionem majestas erigebat. Qui abuti benignitate poterant, à majestate coercerantur. Orator Tartarorum ad præsentiam Ferdinandi obmutuit. Causam rogatus ab interprete: fassus est Majestatem Cæsaris libertati dicendi quam attulerat, compedes injecisse.

Constans fama est, nullum Romano Imperio liberaliorem Ferdinando Principem præfuisse. Immensi operis foret largitiones enumerare. Aiebat nonnemo è palatinis: prodigium fore; si vel umbra in Ferdinando aliqua iracundiæ, aut avaritiæ se proderet. Erat supra fidem humanam patiens, supra temperamentum munificus. Nec bene faciendi saturitatem quantâlibet munificentiam con sequebatur. Affirmavit sæpius: cupere se ut auri copiosa ac nova fodina sibi à DEO detegeretur per Provincias hæreditarias: Eam non equidem opibus accumulandis, sed erogandis in egen-
tes se impensurum. Liberalitatis ac munificentiam

R.

potius

potius propugnandæ inter eas, quæ tum erant, rerum angustias, quàm ostentandæ argumentum semper dedit. Profusus fuit in ædes sacras & Clerum; liberatis in militem, ac duces; munificus in Palatinos: his ditiones ac Principatus contulit, in illos etiam prodigum penè se gessit.

Ecclesiasticis ac Religiosis cœribus prospexit paterno semper affectu: his auctoritatem & comoda in quamplurimis servavit & auxit. Clero Ecclesias ac beneficia per Bohemiam Austriamq; propè innumera restituit, quæ hæreticorum manibus per anteaotos motus invasa tenebantur. Huic operi labores, impensas, & pericula quamplurima addixit. Cathedrales & Collegiatas Ecclesias redditibus locupletavit; è quibus Vinnensem Episcopatum Principis Imperij honore decoravit. Quatuor per Bohemiam Cathedrales crexit, Archiepiscopatum Pragensen annuis redditibus amplissimis ditavit. Damna per Bohemiam ab Hussitarum factione Clero illata munificè compensavit: Primatem Hungariæ liberum fecit à pensione Neo-castro quotannis viginti millium florenorum procuranda aggravatum. Eadem quadragesimam octavam auri & argenti portionem ex fodinis Ungariæ assignavit; Reddidit pristinum Sancti Regis Stephani in Metropolitana favorem, ex injuriâ temporum diminutum. Remisit quadraginta millium florenorum exactio-
an-

annuatim Principi reservatas : noluit Episcoporum ac Prælatorum decedentium in ditionibus Hungariæ & Austriæ usurpata ab antecessoribus spolia attingere ; mandavitque omnia successoribus in dignitate, ac Præsulatu conservari. Immensum foret referre expensas in reparationem templorum, sustentationem sacerdotum, particularium Ecclesiarum subsidia, potissimum verò in Religiosorum ac piorum locorum fundationes liberalissimè & benevolentissimè erogatas.

Ut erat ipse eruditissimus in multiplici scientia, ita literarum amantes, ac viros doctos apprime diligebat. His honores, ac dignitates, Ecclesiasticas, ac civiles decernebat. Maximè profusus in eos, qui virtutem scientiæ, bonos mores bonisatribus sociabant. Gestiebat audire Principum, ac Procerum filios studio liberalium Artium deditos vivere : quos ut ampliùs ad prosequenda benè cæpta incitaret, disputantes è Philosophia, aut Gradui Universitatum promerito admos, publicis honoribus prosequeretur, decernendo aut torques aureos, aut claves Regij cubiculi, aut insignes alias dignitates, ac prærogativas, quas subinde, etiam à conferentibus Filijs Imperatorijs capeſſebant. In muneribus publicis distribuendis, etiam ijs, quæ Viris principibus cæteroquin competebant, præferebat insignitos gradibus literarijs, aut eruditos in scientijs, præ alijs ætate, aut meritorum serie inclytis, prætendentibus dignitatem.

gnitatem. Per Imperium, & regna, ac Provincias hæreditarias fundavit Gymnasia, ac studia publica: Universitates temporum vicissitudine attritas restituit: qualdam à fundamentis erexit: alias firmavit, ornavitque. Collegia ac Seminaria in virtute ac doctrina instituendæ juventuti, juvandisque conditionis minus amplæ adolescentibus in spem ingeniorum, atque utilitatis publicæ complura condidit. Exempla sunt amplissimæ Domus in eum finem collocatæ, Viennæ in Austria, Pragæ in Bohemia, Græcij in Styria, Clagenfurti in Carinthia, Olomutij in Moravia, Tyrnaviæ in Hungaria. Pro lautioris aliàs fortunæ juventute, sive ad clerum erudienda, sive ad edificandas liberales artes educanda, addidit prædictis locupletes convictorum domos Viennæ, Olomutij, Pragæ, Tyrnaviæ, Goritiæ, & in alijs civitatibus. Pro Scotis alibi, ac Hibernis cogitavit; nisi consilia malignitas temporum interverisset. Ne verò deessent scholæ hominibus, aut homines scholis, pari curâ providit, ne hæreticorum prava institutio aliorum juventutem derivaret. Plura horum conventicula extirpavit: alia ad meliorem frugem revocavit. Celebre Gymnasium, quod Græcij sumptibus Provinciæ per hæreticos gubernabatur, abolevit omnino; inductis in locum, sacro Virginum D. Claræ Cænobio dicatum, Monialibus.

Filios Archiduces attenta cum sollicitudine ac
disci.

disciplina fecit educari. Nec præfectum illis, nec familiam constituit, quam non præcisset in bona fama & studio virtutis, ac Religionis excellere. Institutioni eorum privatæ in artibus liberalibus, ac conscientia Patrem de Societate Jesu delegit. Proficere illos voluit in virtute potissimum, ac doctrina; atque experimentum diligentiae in utroque genere ipse captabat. Ubi Ferdinandus filius, postea Imperator: ad argumentandum, aut tutandas Philosophicas conclusiones erat processurus, & ipse cum voluptate aderat, & de Proceribus, ut nonnulli adessent, curabat. Constitutos in ætate annorum decem & octo, admovebat consilijs, primum ut audirent, postea etiam ut pronunciarent; ita aptatos sensum præparabat. Reip: In filias curam, & amorem non absimilem gessit. Assistere illis nequaquam patiebatur, nisi decentissimi moris matronas, virgines virtute omnigenâ conspicuas, familiares vitæ inculpatæ. Fama erat, Serenissimas Proles non modò cum lacte virtutem imbibisse, sed transcriptam per lineamenta Ferdinandi accepisse. Ut rectè agerent, nec correptione erat opus, nec severitate. Reverentissimæ in Parentes, Dei loco cultos ferebantur, quos æquè in se benevolos, & indulgentes experiebantur. Ubi Ferdinandus, postea cognomento III. Regium diadema suscepit, fratris loco à Cæsare cultus fuit. Absolutam illi gubernationem concessit in regna, ac Provincias,

quibus semel præfecerat : nec rigidè censere solitus, nec examinare importunè, quæ constitueret. Justitiam, ut cæteras virtutes apprimè coluit. Huius erat vindex eximius semper, quamvis admisceret clementiam. Jus suum cuique esse constanter, ac fortiter voluit. In ferenda sententia æquissimus, nec movebatur cognatione reorum, nec flectebatur auctoritate. Non absterrebat partium potentiâ ; non epijkciâ emolliebatur, non emolumentorum propriorum curæ succumbebat. Recti tenax eò flectebat animum, quò amissim Themis. Pro Feudo impetrando ab Italia opulentus Princeps venerat. Admissus ad Cæsaris familiaritatem ob ingenuos mores, credebatur è voto lucraturus sententiam. At ventilatâ causâ pro adversâ parte definivit Ferdinandus. Stupuit aula æquè dissimulationem amicitiae, ut sinceritatem sententiae. Quæsitus, quâ ratione imposterum culturus foret Principem? Respondit, hac primùm, ut latam ex me sententiam pacatus audiat. Malè, inquebat, mecum ageretur, si amicitia me ab æquo averteret. Et malè cum illo, si interpretaretur ex observato rigore Justitiæ, infringi posse, cursum benevolentiae. Tumultu ad Rakerspurgum Styriæ exortovitam amiserat Georgius Baraffius Baro Hungarus. Cædis authorem credebant Gubernatorem loci. Quare ad vindictam sollicitati Hungari primùm incendio locum aggressi : deinde ignibus uni-

uni-

universam Styriam vastare comminati sunt. Consulebant Ferdinando Proceres, ut extinguendo igni, qui per animos acrius, quam in tecta gliscebatur, caput gubernatoris impenderet. Absit, inquit, æquissimus Princeps, ut immeritum plectamur: non pericula, non minæ extorquebunt, ut injuriam cuiquam irrogem: satius est flammis Provinciam, me, conjugemque, ac filios involvi, quam æquitati me deesse. Admodum circumspicere causas criminales expediebat. Mandabat, ut Judices attentè rem expenderent, ponderarent adjuncta, processum iteratò ac sæpius decurrerent, tum precibus per religiosas Domos indictis veritati statuendæ lumen è cœlo postulabat. Latam Ratisbonæ ex jure militari adversus Fridlandi complices sententiam ad suum tribunal revocavit. Ter, & amplius causam recognovit ipse, reviditque per suos, tum proprijs, adscitisque sacrorum hominum precibus, ne errori obnoxius definiret, apud Deum supplicavit. Ferendis eiusmodi sententijs in facto usurpabat adagium: *festa lente*. Ubi autem nec publicæ rei, nec privatæ cuiusquam intererat, acorem Justitiæ attemperabat dulcore clementiæ. Poenas delinquentium, aut moderabatur, aut minuebat. In alijs partem supplicij, in alijs qualitatem, locum, aut tempus immutabat, in alijs totum condonabat. Quod sufficiebat æquitati, si unus plecteretur, non ampliabat in plures. Non patiebatur reorum in cri-

mine læsæ majestatis progeniem delicta majorum luere. Non vindicabat parentum, vel fratrum injurias in filiis, & consanguineis. Ubi modus non erat ignoscendi, non omittebat cæteram stirpem consolari: affirmabat, nequaquam fore propudio sobolis iniquitatem paternam: acturum se vicem progenitorum promittebat, & nisi demerentur, capturos experimentum Clementiæ.

Fortitudinis exempla illustria non prosequar multis. Præstitit illius à juventute documenta eximia. Asuetus exercitationibus militaribus à prima ætate, hastiludia, ac torneamenta amavit. Peritiâ armorum quorumvis victor inter acclamationes, & plausus ab orchestra semper redibat. Animi verò fortitudine claruit incredibili; quam patientiæ, atque in adversis tolerantia maxima portio coronavit. Inter injurias ab Hæreticis innumeras invictus stetit. Sustinuit adversarios impudentes quàm maximè; qui longissimè impares augustæ dignitati furere nihilominus audebant in Ferdinandum. Opprobria sanguinariî, proditoris, sicarii, cæterorumque vilissimorum agnominum, nec indignatus audivit. Græcii in conventu Procerum Provincialium Anno 1599. prorupere factionis Hæreticæ Principes in apertam fidei Catholicæ, quam pro viribus propugnabat Ferdinandus, impugnationem: malleum durissimum Conscientiarum Archiducem appellantes. E cæteris vehementior fuit, qui constitutus pro
reli-

reliquis fuerat orator. Hic furiosissimè invero-
cundus, & temerè mordax, ea cum insolentia in-
vectus est in Ferdinandum; ut ipsi, quorum no-
mine causam agebat, verecundarentur de inso-
lentia. Audivit hominem patientissimè Prin-
ceps, & dissimulato leone, quem spirare de pe-
ctore poterat, agni mansuetudinem præsetulit:
In id unicum stetit intentus, ut discussis ab animo
quibuscunque calumniis obsistentibus, urgeret
propositum Religionis instaurandæ, quod men-
te sedebat. Erat Germania pertinaci complu-
rium annorum martis turbine agitata. Inter arma
neque calami otiabantur, tantò effecaciores,
quantò magis impunè, in Cæsareum quoque no-
men grassabantur. Poterát Ferdinandus inqui-
rere in authores, poterat imperare, ut scriptorum
opposito cuneo, improba famosorum acies discu-
teretur, poterat elidere multis artibus fabulas,
ac mendacia canino dente in augustam dignita-
tem impacta. Maluit tamen invictâ tolerantia
vincere impudentiam; cum quidquid scriberetur
ab hostibus, cederet in commendationem bonæ
causæ, nempe Religionis à Ferdinando defensæ.
Ex prædictis nonnemo grandior, & ipse opibus,
ac honoribus cultus antea à Cæsare, ad maledi-
centiæ virus, addiderat scelus ingratitude.
Urgebat in loco Catholico, ut liber plurimùm in-
jurius authoritati Imperatoriæ, scriptus animo
magis heterodoxo, quàm catholico, quem men-
tieba.

tiebatur, typo vulgaretur. Delatus ad Cæsarem, meritisque pœnas atroces, homo ingratiſſimus, beneficam etiamnum Cæſaris patientiam expertus fuit, neque aliud imperatum, quàm ut libri editio prohiberetur. Erat Viennæ condemnatus ad mortem, multiplici prius ſupplicio exercendus: ex cæteris unum decernebatur, ut linguam ferro reſecandam præberet, eò quod contumelioſè in Cæſarem fuiſſet locutus. Perlatâ ad Ferdinandum de more ſententiâ lineam ſubduxit linguicidio, vetuitque offenſæ in ſe mentionem fieri. Negligens, remiſſumque obſequium, quod interdum præſtabant aulici, aliis indignantibus ipſe patiens ferebat, aut hilari vultu amabilem ex aliena deſidia jocum captabat. Venerat Pragam, ex itinere, cùm ad cœnam accubituro, ocreis ſublatis deſuère calcei, crepidæve, quas indueret. Meritò cuuētis increpantibus ejus incuriam, qui providere debebat; Cæſar ſubridens: cœnabimus, inquit, nec frigus tantum eſt, cui avertendo ſit opus aliis calceamentis.

Constantia, & animi generoſitas tanta fuit in Ferdinando, ut quamvis non nemo diceret; vix alium in mundo Principum æquè ſcopum fortunæ fuiſſe; tamen imperturbatus ad omnia, & invictus perſiſteret. Quam vitæ partem à moleſtia liberam tenuit? quem dominatum adiit, obtinuitvè, cui deſuerit adverſatio? quoties aut adminiſtrata perperam arma ultimo involvère periculo,

culo, aut vis hostium diris implicuit calamitatibus? Non raro accidit deploratam potuisse videri Ferdinandi conditionem. Perstitit tamen ex fiducia in Deum erectus, & nequaquam fractus casibus. Observabant Consiliarij parem in vultu serenitatem, tranquillitatis animi indicem, quæcunque infelicium eventuum nuncia adferrentur. Interdum eodem mense iniquæ sortis non uni assultus occurrerant. Alibi prælia infelicitè gesta, alibi commotæ seditiones, alibi capta oppida, & urbes narrabantur. Plaga plagæ superaddita credebatur posse evincere contorsionem vultûs, sensumque fortunæ. At eodem colore se gerebat Cæsar, ut ad singula, sic ad universa constans. Anno 1616. quindecim dierum spatio succedentibus continuò sibi tabellarijs allata fuit primum mors Maximiliani Ernesti fratris Archiducis, tum Mariæ Annæ ducissæ Bavarix, sponsæque lectissimæ obitus; Mox Gradiscæ Venetorum armis obsessæ fama; demum P. Villerij, qui Ferdinando erat à Confessionibus, superiorum voluntate in negotio Religionis missi, inde cum reverteretur, ad Veronam ab hostibus detenti. Excepit iterata adversa neutiquam consternatus, deditque imbellibus documentum plura indies, si occurrerent, à Divina providentia capiendi patienter experimenta. Duos primogenitos, primas parentum Delicias, vixdum natos, illicò extinctos siccis oculis vidit. Quòd tamen sacro re-

gene-

generationis lavacro essent abluti lætabatur : & illud magnæ felicitatis loco duxit , auxisse se empyreum gemina innocentium voce , quâ laudes Deo æternum canerentur. Nec dissimili fronte prosperam , quâ adversam fortunam respiciebat. Nec efferri, nec auferri noverat à feliciore eventu. Ad nuntium victoriæ ad Pragam obtentæ , ex qua fusos ad internecionem hostes , restitutum sibi diadema, & regnum Bohemiæ, ac profligatū æmulum intellexerat , composito vultu adstitit. Illud tamen egit, ut continuo supplicationes per templa indicerentur , gratijs muneratori Deo referendis. Cætera, quæ publicam lætitiā pro merito comitarentur hilaria omnino rejecta. Gabrieli Bethleno Transylvaniæ Principi hæc Ferdinandi ad omnem fortunam constantia formidinem incussit : profecturum se nihil subinferebat adversus animum , quem nec adversa attererent, nec prospera avolare facerent. Nunciato ad Lutzam obitu Gustavi Adolphi Suecorum Regis , effusa ibat in plausus Aula : alij leoni mortuo etiamnum insultabant : alij confectum bellum gratulabantur : alij timores profligatos lætabantur : At Cæsar sibi semper similis; demissè de nobis sentiamus, inquebat, Deo committamus ordinationes eventuum. Satis constiterat tam obstinato complurium annorum bello, tanto hostium valore, ac ferocia gesto nihil apertius fuisse quæsitum , Domûs Austriacæ ruinâ , atque à solio Imperiali impofterum de-
deje-

dejectione; quippe, ne Tertius Secundo succederet. At stabilitâ denuò Electorum votis in Ferdinando filio coronâ Imperiali, populo jam acclamante vitam, ac victoriam inaugurato Romanorum Regi, proceribus æmulorum delusas artes, diffatas puncto tot annorum machinas, accisas spes, quas non modo auri, quàm sanguinis immani profusione lactaverant: universis felicitatem Austriæ, ac potentiam in adversis quoque victricem succlamantibus; quæ quamvis ut hanc attererent, omnem penè hætenus Germaniam concussissent, vastis cladibus per arma, famem, ac pestem undique illatis; unus ex omnibus Ferdinandus exundantem lætitiâ admiranda moderatione augusti vultûs temperabat; nihil solutioris animi, minùs in hostes injuriæ professus. Egressus conclavi, quo electio perfecta fuerat, processit ad aram & flexo genu illud ex cantico Simeonis usurpavit: nunc dimittis servum tuum Domine, secundùm verbum tuum in pace: quia viderunt oculi mei salutare tuum: quod parasti ante faciem omnium populorum, lumen ad revelationem gentium, & gloriam plebis tuæ Israël. Actisque devotissimè Deo gratijs, reliqua de more rituum sacrorum fieri solita est prosecutus. Temperantiam cum comitatu fœderatarum virtutum eximie semper coluit. Adolescentiæ pulcherrimum esse ornamentum pudicitiam, moribus, diætisque asseruit. Depulit ab obsequio, & aula nobi-

nobilem, qui ausus fuerat offerre commodandam operam in præjudicium honestatis. Agebat tùm, exosissimos sibi palatinos esse, qui essent veneris mancipia. Etiam Rex, & Imperator admissurus fœminam ad alloquium, cujuscunque conditionis ea foret, non sustinebat unquam cum sola colloqui: adesse volebat aut conjugem, aut alium quemque actionum testem. In publico nemo ab aulicis incomitatum vidit. Matrimonium inijt virgo. Viduus sexennio in flore ætatis, & calore annorum triginta sex, & occasionum abundantia continentissimus vixit. Fidem conjungalem illibatissimam servavit. Affirmavit Imperatrix, ream se delicti fore, si vel suspicaretur Ferdinandum sinistrè agere, etiam cum adolescentula accumbentem: Certitudinem de Cæsaris innocentia majorem sibi esse quavis suspicione in oppositum declinante. Procul ab ore, procul ab auribus omnis illi lascivia; procul inconcinna, aut inhonesta dicacitas, quam nec sustinebat coram se ab alijs pronunciari. Ubi contigit ludis theatricis interesse, præmonebat actores, ne decentiæ in sermone, & gestu obliviscerentur: scirent sibi agendam fabulam in præsentia Cæsaris, qui verecundiæ, ac decori Patronus esset: non abiturum impunè, qui temeraret turpiore scena Majestatem integerrimam. Nihil habebat proclivius, quàm implacabili odio aversari hominem, quem intelligeret implicatum vitijs carnis; non patro-

patrocinabatur reo nobilitas, non Reip: moderandæ peritia. Princeps notæ non vulgaris de hujusmodi delicto sibi conscius, solum vertere exul maluit, quàm iram, indignationemque casti Cæsaris experiri. Adhuc in viridi sunt leges superstites, quas incestibus, adulterijs, cæterisque nefarijs voluptatibus plectendis tulit. Cætera ad pœnas reorum moderandas facilis, crimini luxuriæ puniendo severior semper incubuit. Sensuum, oculorumque imprimis custodiæ constans vacavit. Pepigisse fœdus cum oculis suis credebatur, ut ne cogitaret quidem de virgine. Observant palatini nullam fœminarum intentiore oculo à Ferdinando usquam conspectam. Vitæ abstinentissimæ à voluptatibus fuit. Morem usitatum in aula, & conclavi regio odorum, ac suffimenti pretiosioris in luxum, ac delicias procurandi, omnino prohibuit. Peregrè profectum præcursores, & cubicularii non sustinebant excipi in odoratis apparatusibus, quos secururæ Majestati instruebant officiosi veneratores. Genium Principis ad illa fastidientem patientibus ostiis, ac fenestris jubebant expectari. Nec ferebat molestè in viliora tuguria quandoque divertere, & aiebat; nihil incommodi à fœtoribus creari sibi, qui osor esset delicatioris Arabiæ. Ad mensam vulgaria inferri mandabat, non cibo, aut potu animadversus offendi; quamvis ingratior, viliorisque condimenti præparatus adesset.

Musica

Musicâ super mensam, sanus juxta, atque æger delectabatur; seu genio in eam propensior; seu animo per eam exhilarando, & roborando intentus; seu denique paratior ad audiendum, quàm ad colloquendum. Ampliore cum gustu res sacras decantari audiebat. Somnum definiebat necessitas; ultra septem horas nunquam acubuit. Ultimis annis ab importuna humorum defluxione, & concursu dormitabat interdum frequentius; Luctabatur tamen cum somno, plus molestiæ sibi accersens ex pugna, quàm ex sensuum quiete fuisset consecutus. Mandaverat cubiculario aliquando, ut designatâ horâ noctis lumen conclavi inferret, excitaretque à somno. Ratus hic Cæsarem productiori quiete indigere, distulit officium fortè semihorâ. Experrectus Ferdinandus, cognitoque lapsu temporis acriter hominem reprehendit, vetuitque amplius attentare factum inconsultæ discretionis: Sciret, negotiis præfinitum tempus minimè indulgeri posse inertiae. Jam sibi per elapsam diem aliquanto tempore indultam quietem satis interceptisse cursum rerum gerendarum.

Regibus quoque corporis afflictationes voluntarias, non esse disconvenientes exemplo docuit. Habuit in usu frequenti ad carnis macerationem promovendam jejunia constituta: quibus cilicia, & disciplinas, etiamnum hodie sanguine Cæsareo purpuratas adjungebat. Piâ se invidia ferri in

eos

eos affirmabat Imperatrici, qui admiscere sese publicis per urbem poenitentibus in Hebdomada sancta possunt: saepius abs se tentatam horum societatem, sed efficere nequivisse, ut lateret. Quovis Divæ Virginis profesto jejunabat, suoque exemplo palatinos omnes ad parem pietatem induxit. Cilicio cingebat latus frequentissimè; præsertim cum solutus à conjugē in viduitate ageret. Postremis Quadragesimæ diebus severior in se, jejunio afflictationes corporis per flagella, & ciliciorum asperitatem, vigiliis item, & productas orationes, & lectiones piorum librorum conjungebat.

Delectabatur venatione quatuor de causis: primum, quia ex medicorum consilio conservandæ valetudini & promptitudini ad labores publicos consequendæ aptam hanc exercitationem credebat. Deinde quia minimum periculi, quod in damnum animæ redundaret, in tali oblectatione videbat. Tertiò, ut asuesceret tolerandæ aëris incommoditati, injuriisque temporum, & æstus. Quartò, ut palatinos avocaret ab otio domestico in campum: sapientissimè asserens occasionem vitiorum nasci ex inerti desidia, quam in Regum, & Imperatorum aulis otiosi incurrunt. Quare ut aliorum utilitati commodaret, suæ quoque oblectationi indulgebat: hanc sine altera minùs captaturus. Interea per lustra, & saltus non deerat officio Imperatorio: audiebat supplices, terminabat

minabat causas, componebat lites, verbo, ac opere afflicto consolabatur. Si fortuito aper, aliudve ferarum aliquem de turba rusticana, quæ venationi deservit, vulnerasset, deferri illico in civitatem læsum mandabat, & curationem à chirurgis palatinis admoventi ægro jubebat, ac tandem repositum in pedes, veste & pecunia donabat.

Virtutes autem illæ, quæ politicam, & naturam supereminent; quæque cæterarum in hoc Principe animi dotium origines fuerunt, planè admirationem legentium, ut rapiant, necesse est. Basis universarum fuit heroica fidei Catholicæ professio, & cultus Religionis. Zelo illius proferendæ, & exaltandæ immenso claruit Ferdinandus. Plurimos Prædecessorum Cæsarum, in isto genere gloriosissimorum, vel æquavit, vel vicit, statuitque posteris dignissimum ad imitationem exemplum. Vicesimo ætatis anno gubernationem Provinciarum adiit. Eo ipso tempore ad Lauream ædem peregrinus, ad aram clarissimæ ibi à miraculis Deiparæ votum concepit sectas, sectariosque ministros omnes pellendi à Provinciis hæreditariis Styriæ, Carinthiæ, ac Carniolæ, esto vita, & sanguis glorioso operi foret impendendus. Quadragesimo tertio anno ætatis diademate Hungariæ, ac Bohemiæ, ac mox Imperii redimitus, DEO similiter vovit ad Cellas Marianas Deiparæ, in finibus Austriæ, ac Styriæ Sacram ædem

ædem profectus, pari studio, ab heterodoxorum doctrina Bohemiam, annexasque ditiones purgandi. Octennio ante mortem instauravit sacrum propositum nullis laboribus parcendi, nullis occasionibus, sibi de coelo subministratis subtrahendi operam, quoad defensio, & tutela Religionis in Hungaria firmaretur, ad eum ipsum modum, quo olim regnum illud Catholicum, & Apostolicum extiterat, atque à Patrocínio Deparæ non minus validum, quam fortunatum. Exinde modis omnibus, atque artibus quoad possibile fuit, advigilavit reponendæ per eas regiones vitæ Religioni. Nec minus constanti efficacia propulit errores circa Divinum cultum & Provinciis hæreditariis, Styria, Carinthia, & Carniolia. Mox falsorum dogmatum præcones exegit à Bohemia, & utraque Austria: Quorum loco sacerdotes Catholicos substituit. Tanto hæc cum animarum profectu gessit, ut absque nota temeritatis affirmari possit, sollicitudine, ac cura Cæsaris myriadem hominum ad Ecclesiæ gremium revertisset: proinde, nec immerito Ferdinandum cognominari posse, quia into debere earum ditionum Apostolum, ac Principis Apostolici honore insigniri. Ut Hungariæ, & Silesiæ pristinam religionem redderet, ea fundamenta jecit, quibus in vestigia consecutus Ferdinandus Tertius Pietatis Paternæ hæres tanta postea addidit incrementa propagati cultus divini. **Quantum** contentionis, ac studi-

profiteretur in erigenda, ac tutanda fide Catholica, voces contestatae sunt, quas calamo, & ore protulit, æterna commemoratione ac commendatione dignissimæ. Agebat; potius dimissurum se spontè Regnorum ac Provinciarum gubernacula, quam defore scienter ulli opportunitati veræ Religionis propagandæ. Dicebat; electurum se prius, cum conjuge, ac filiis scipioni innixum per orbem abire peregrinum, & ostiatim emendicare panem: imò malle, in mille partes discerpi corpore, quàm sustinere ultrà in avitis ditionibus eas injurias in Ecclesiam, & offensas in Deum, quas hæctenus Hæretici impiè intulissent. Agebatur in Silesia de conditionibus ineundæ cum Principibus heterodoxis concordia. Negotium conciliationis susceperat Fridlandus armorum pro Cæsare præfectus. Urgebat, uti charam haberet Cæsar tranquillitatem, sic aliquantum remitteret à cura instaurandæ religionis inter homines in sua opinione pertinaces. Sed admonebat sollicitè Fridlandum Ferdinandus: ne pacem inter homines procuraturus, negligeret pacem cum Deo constabilitam velle. Prostratus in genua orabat Deiparam, ut si pax concludenda Filio non placeret, aut si præjudicio Religionis foret; dissipatam faceret, & eversam modis omnibus; quidquid exinde calamitatum, ac malorum redundaret in se. Incredibile dictu, quo animi gustu acceperit, cum Principum quosdam abju-

Abjuratâ hæresi professos veram fidem intelligeret. Ipse datâ opportunitate dogmata fidei illis exponbat; aut peritissimos rerum divinarum assignabat, à quibus edocerentur veritatem. Hos coram advocabat; admonebat de personarum conditione, cum quibus erant acturi: pandebat viam, quâ conversio expeditiùs instituenda videretur. Revocatos ad veram fidei confessionem lætus, & alacer accipiebat. Exaggerato verborum pondere commendavit Successori filio moriens in tabulis singillatim conscriptis accuratam Religionis Catholicæ tutelam; & conservationem. Spem, Theologicarum virtutum alteram vivâ fide suffultam in tesseram sibi adscivit, scripsitque in labaris consilij, militiæque. Expeditionibus quibusque arduis, ac periculosis fiduciam in Deo, ut vadem secundorum eventuum applicabat. Erat ad Viennam Anno 1619. Henricus Matthæus Turrianus cum Bohemo milite seditioso. Jam ad pomeria processerat. Maior Ferdinando tempestas ab ijs, qui intra urbem conspirasse cum hoste ferebantur. Bartholomæus Villerius à Societate JESU Regis tùm confessarius fortè aditum in concave opperiebatur. Indiciùm Patris facturùs cameræ Præfectus referatâ leniter portâ pulcherrimum omnino spectaculum incurrit; profusum nempe in genua coram crucifixo Ferdinandum. Tandem admissus Pater post moram à Præfecto imperatam; cùm Ferdinandus hisce penè verbis: re-

cogitabam, inquit, quo in discrimine res nostræ essent, domi, forisque. Volvebam animo destituta hostium, qui extra mœnia; & consilia seſtariorum, qui intra urbem. Circumspectis singillatim omnibus cum humana deficere præsidia intelligerem, ad divina me converti. Ut solitus sum semper, Deum adoravi, ac dixi: JESU mi Redemptor, & Domine, qui corda universorum perspicis: nosti intimè, quàm meæ gloriæ nihil, tuæ omnia causâ agam. Si tibi gratum est Domine, ut me atteras his ærumnis, ut hostibus meis me in opprobrium, & internecionem tradas, ecce non detrecto, modo fiat tua voluntas: Ecce promptum me servum tuum, ut obediam. Vix orare desii, cùm fiduciâ me plenum sensi, & animum expertus sum admirandâ tranquillitate serenitati pristinæ restitutum. Quare confido DEum ire dissipatum atroces machinas meorum inimicorum. Speravit Ferdinandus; nec spes fefellit. Adfuere in proximo suppetiæ. Repulsi hostes, insidiæ discussæ, confirmati, qui nutabant, fideles. Vulgatum privatis, publicisque sermonibus fuit; Christum de cruce pendentem collocutum fuisse Ferdinando, atque in spem certæ opis crexisse. Ubi primùm innotuerant Cæsari conjuratio, & molimina Fridlandi, unâque in præcipitium res inclinatæ; sensit, ut oportuit, horruitque ad inauditam perfidiam. At, ut erat fiduciæ in DEum maximæ, nihil prius egit, quàm

suppe-

suppetias de cœlo implorare. Dissimulatâ causâ per Religiosas Domos supplicationes crebras indixit: voto insuper concepto Tyrocinii Religiosi pro Societate JESU ad ædem S. Annæ fundandi, divinam opem sibi demereri perrexit. Illicò ingenti fiducia bonorum eventuum plenus, postero die suo Confessario dixit: Pater, suo tempore me faciat memorem voti die hesterno à me concepti. Obtuli enim DEO impensas pro Novitiatu Societati Vestræ Viennæ erigendo, si à periculis impendentibus expediar, quemadmodum confido futurum. Mundo notum fuit, quàm prodigiosè rebus propè desperatis DEUS adfuerit, confecto per proprios milites perduelli; priusquam Ferdinandus plectendo illi manus admove-
ret. Ratisbonæ acceperat nuncium; copiis, ac viribus instructissimum Regem Angliæ sibi bellum apparare. Qui literas attulerat, simul quid agendum, rogabat: cui Imperator intento in cœlum ultu, ut aliàs in hujusmodi casibus; DEUS desperatè advigilat, inquit. Erectissimo ad divina sensu locutus est, cum Francofurto Græcium dux à suscepto Imperiali diademate complures excelleret, ad Cæsaream Clementiam revertens, aut offugere promeritum fulmen desperantes: nuppe ad majestatem, ac lætitiâ ore attemp-
to: sæpius, inquit, hæc & majora discrimina visimus: Experimur DEO non deesse vires hu-
mana consilia, & artes evertendi, suamque Eccle-
siam,

fiam, ac sibi fideles protegendi. Nec posse hodie, nec velle desinet: æquè potens, ac bonus etiamnum est altissimus: ab illo indies auctiora spero. Cæsaris fiduciam profundis actam adeo in cœlo radicibus, atque iteratis toties cognitam experimentis attendebant Proceres, milites, ac cives. Quare ubi indictam Religiosi cultus expeditionem aliquam animadvertebant, communi ferebatur omnium voce: Hodie iterum Ferdinandus millia inimicorum aliquot prostravit.

Amore in Deum ferebatur ardentissimo. Huius indicium erat sancta, quâ æstuabat cupiditas Divinæ gloriæ tutandæ, & promovendæ in terris. Sæpius affirmavit; ex insito sibi profundissimè desiderio honoris DEI amplificandi, promptum se esse fortunis, & coronis exui, à throno abire ad rusticum mapale, à majestate ad angustias infimæ egestatis, imò offerre se morti quantumvis infamæ, atque atroci. Quando preces ad Deum fundendas ab alijs pro se exigebat: non exaggerabat, ut fieri amat, magnitudinem periculi, pro quo avertendo supplicaretur; non infortunij molem, quæ eum molestia fortè incumbibat; sed unum id in eventum orationis postulari volebat, ut demum illud fieret, quod divinæ gloriæ proferendæ opportunissimum foret. Nihil æquè deprecabatur, atque offensam DEI. Horrebat speciem omnem delicti, præsertim mortalem, malorum gravissimum. Non in se, non in proximo sustinebat as-

fectum

fectum peccati. Edictis publicis severè invecus
est, præsertim in blasphemos, ac perjuros. Qui
attentius Ferdinandum observabant; noverant
qua alteratione & convulsione animi ipse audiret,
sicubi Divinum nomen irreverenter ac contem-
ptim haberi intelligeret. Ad dissimulandas suas
injurias facilis; longè severior ad vindicanda in
Deum delicta fuit. Christo devotissimus, gesti-
re, atque lætari cum maxime videbatur, ubi solen-
nitatem geri per ædes sacras, ubi ceremoniarum
Ecclesiasticarum pompam duci, ubi populi ad
conciones concursum fieri, nusquam promptius,
quàm ubi Theophoriæ festa celebrari consuevis-
sent. Anno 1630. Styrae, ac Welsij, iterum an-
no 1636. Laureaci ac Lincij per dies Eucharisti-
cis solennijs dedicatos aliquantis per, dum iter ad
lietam Francofurtum susceptam continuaret
commoratus, cum ingenti animi voluptate vidit
superioris Austriæ populum inter eximia religiosi
ultius indicia confluentem, atque adstanti sibi sa-
cerdoti affirmavit; non potes assequi animo, pa-
ter, quàm cordis lætitia perfundat, dum aspicio, an-
te diem meum supremum, in hoc ipso loco (erat
incij) ubi non multo ante in Augustissimum cor-
poris Christi Mysterium contumeliosè, atque im-
mè gesta sunt plurima, unde fons tot errorum in-
le, tot rebellionum in statu publico inexhaustus
manabat; nunc inspectante me tanta cum pietate,
frequentia Procerum, & gentis universæ verum
Deum

Deum sincerè colli, atque adorari. Tanta hæc omnia cum animi teneritudine aspicio, ut temperare à lachrymis non possim. Spirabat ab ore hæc dicentis fervor & charitas ad divina incredibilis, atque affectus adeo tener, ut audientis quoque oculos emollierit in profundas lachrymas.

Fructus divini amoris conformatio est cum voluntate Dei. Singularis ea in Ferdinando, ac propè unà illi in rebus omnibus solatio fuit. Dixisse aliquando fertur: Pridem me curæ ac molestiæ confecissent; nisi me, meaque singula Divinæ providentiæ plenè commissem. Inter continua, & evidenti discrimina, quibus vita, & salus Ferdinandi, totiusque domus, ac patrimoniorum conflictabatur propè ad exitium, nunquam animo concidit, nunquam in lamenta procurrere auditus est. Ejus vox erat: Fiat voluntas tua mi Deus: ut placuit Deo, sic factum: sit benedictum nomen sanctum illius. Eâdem dicendi formula erigebat, & consolabatur suos quoque, quos afflictos animadvertibat. Vir egregius & militaris, ac magni nominis affirmabat; nullum ex Archiducibus Austriæ post Ferdinandum ad coronæ Imperialis honorem ultra processurum. Alios per divitias, & virtutes bellicas in fastigium illud fuisse olim proVectos: nunc deesse Ferdinando, & ærarium, & vires: exhaustum illud per Cæsaris liberalitatem, accisas istas, ex præpotentia hostium. Ita ille coram intimis procerum, ita coram Confessario Ferdinan-

dinandi differebat. Intellecto, ratiocinio Ferdinandus reposuit modestissime; sua rebus omnibus est periodus; oriuntur, & occidunt. Fieri potest, ut imperium in Domo Austriaca, sublato me, desinat. Si ita Deo videtur, non modo non obfisto, sed ne quidem contristor. Dividit ille pro bona sua voluntate, ac rursus aufert regna, & imperia. Non vacat de opibus ac robore esse sollicitum, quando ad placitum divinum dantur, & vertuntur gubernacula. Rudolphus I. audiit Imperator etiam tum, cum armis, & auro longè impari foret instructus, quibus per DEI misericordiam amplius nunc Archiduces Austriæ se locupletatos, & succinctos experiuntur.

Referebant anxie palatini: quibus indices calamitatibus Imperium quateretur: bella seri ex bellis: periculo uni incumbere in vestigia alterum: thesauros spirare; expirare vires. At Imperator religiosissimus: Quod officij nostri, quod muneris est, nos agamus: cætera Divinæ Providentiæ committamus: Illius voluntas habeatur pro nostra: Sollicitè ante omnia curemus; ut cæli ac beatitudinis æternæ præmia consequamur; Deus universa disponet quàm optimè. Hisce cogitationibus Ferdinandus & adversa ferebat fortiter, & prospera capiebat modestè. Illustre documentum sit, quod anno 1616 edidit. Nunciabatur ex Bohemia Maximilianum Archiducem, & Matthiam Cæsaris antea Rudolphi II. fratres plurimum

mum satagere rerum Ferdinandi. Quinimo Cæsarem Matthiam constituisse non abire ab urbe Pragensi, donec sibi adoptatus in filium, atque institutus in Provinciarum, ac Regnorum hæredem pronunciaretur Ferdinandus: Accepto nuncio Rectorem Collegij Societatis Jesu Græcij evocat Archidux, mandatque, ut precibus domesticorum commendet susceptum negotium: neque tamen, ut alius orationi scopus præponatur; quam ut impetretur à Deo, sanctissimæ illius voluntatis, quæcunque placuisset, executio. Adidit cedro dignas voces: Pater, absit verbo vanitas, & arrogantia. Quotidiè manè sic DEUM oro: Domine DEUS, si est ad majorem laudem & gloriam tuam, & salutem animæ meæ, ut major sim eo, quod sum; exalta me; & glorificabo te: Quod si ad majorem laudem & gloriam tuam, ac salutem animæ meæ est, ut humilior ad infimam depressionem meam; deprime me, & glorificabo te. Amor proximi amorem divinum subsequatur. Nemo Principum fuit subditorum suorum amantiore Ferdinando; nemo in juvandis illis operosior. Sermo inciderat de calidiore conatu, quem reformandis ad frugem provincijs impendebat. Et ipse: errant, inquit, Acatolici, qui adversarium me sibi existimant, dum regionem à sectarijs expurgo. Non odi, sed amo: nisi amarem; omitterem ista, & tenebris suis insepultos dimitterem. DEUM testem invoco: me amo-

amo-

amore singulorum neque vitæ parfurum: si morte mea ab erroribus universos vindicare possem, absque mora cervicem accipiendæ securi inflecterem. De proximo sinistrè loqui non auditus est unquam. Detrahentes alieno nomini vultu ad severitatem composito compescebat. Non patiebatur quemquam opinione bonâ excidere. Vivis æquè ac mortuis quoad famam consulebat. Non sustinebat de mortuos de ijs quoque vitiis coargui de quibus cùm viverent, reprehensos esse constabat. Supplicio temporali affectos desiderabat pœnis subtrahi æternis: quare sollicitus inquirebat; num divinæ se voluntati conformaverint; num decedere in gratia studuerint. Afficiebatur tenera cum pietate erga animas in igne purgatio detentas. Audito obitu viri illustrioris, aut prælio alicubi per suos gesto, statim sacrificia, & suffragia fieri imperabat pro Catholicis militibus per eam occasionem sublati è vita: ipseque ætatis devotionibus in eundem finem DEO supplicabatur. Habebat catalogum defunctorum, quorum in precibus erat quotidie memor. In eo conscribebantur Pontifices, Imperatores, & Reges, qui diem Christianè sua ætate obierant. Item eorum, qui sibi fuerant à consilijs, aut sacris confessionibus: nec eorum erat immemor, qui etiamnum in iisdem obsequijs vitam agebant; quodque memorandum magis, Religiosorum hominum quorundam, quorum consuetudine delecta.

lectabatur, aut quibus charum se esse experiebatur.

Amor proximi non excluderat charitatem, quam Ferdinandus explicabat in adversarios, & hostes. Erat miraculo par actio, cum eo ipso tempore quo domi, ac foris atrocissima glisccebat conjuratio, ipse nihilominus affirmaret, neminem in mundo esse, cui male cuperet. Plurimis in caput Ferdinandi conjurantibus, ipse in omnes benevolentissimus perseverabat. Ex acerrimis hostibus bellum movebat Gustavus Rex Sueciæ. De hoc narrabant palatini: quâ industria aciem ad Lipsiam ordinaverit, quo astu pugnaverit, quâ ratione cæsus Tillius, ac non multo post tempore ex vulnere mortuus. Subjünxit Cæsar: Gustavus Rex est inclytus, & Dux illustis; doleo, quod causæ patrocinetur iniquæ. Ita meritum gloriæ nec inimicis invidebat. Damna increbrescebant Provincijs ex diutino bello, ac multiplicatis seditionibus. Has quibusdam compescere facilitum videbatur, si molitionum capita, quæ pauca erant, rescarentur. Itaque fuit ex Ministrorum numero, qui ad excindendas has radices se offerebat; unâ postulans, ut si in expeditione pro Cæsare suscepta occumberet, Cæsar conjugi, ac filiis imposterum pro se provideret. At renunciari Ferdinandus jussit: cogitata hæc nec hominis Christiani, nec Imperatoris esse: palam se curaturum, ut æquitas armis vindi-

vindicetur : euentus secuturos abs se DEO committi, ut consueverat semper. Accesserat ad aulam Capitaneus vir nobilis, qui in corona procerum gloriabatur, quod iactu bombardæ trajecerit brachium campiduætori partis adversæ. Aberasse illum à scopo dicebant alij, qui dimisso brachio rectius cor adversarii impulisset. At Ferdinandus non sine sensu: quâ fronte, inquit, licet tibi exultare de damno illato tuo proximo? Huc pertinet admiranda Cæsaris clementia, quâ facillimus in hostes, veniam dabat promptissime deprecantibus. Usus fuit lenitate maxima non in plebeios modo, sed & in Principes, atque etiam turbarum, ac molitionum authores. Identidem profitebatur, odisse se neminem; cupere vero omnes, ut tandem resipiscant. Anhaltinum Principem; hostem antea, & benevolè recepit in gratiam, & honoribus auxit. Nuper ille Friderici Psendo-Regis sectator; mox restitutus Cæsari, admodum etiam mensæ Imperatoriæ, cum Cæsare accubuit stupentibus, ne indignantibus dicam aulicis. Friderico usurpatori Regni Bohemici iniquo, ac coronæ Regiæ prædoni, veniam ultrò obtulit; si modò à perduellione desisteret, neque se Regis Sueciæ armis conjungeret; quæ etiam inobsequentem perdidit. Carolo Friderici filio parem gratiam, quam si sapienter agere veller posset consequi, monstravit: at inconsultum Juvenem aliò fata damno suo

no suo abstulerunt. Quos in fidem receperat, eo affectu complectebatur, ut ne memoriam quidem præteritarum injuriarum præferret. Pluribus pristinos honores restituit: alios æntioribus locupletavit. Fuere omnino qui tantam Clementiæ virtutem, excessûs ac vitii loco habuerint. Imò vulgatum sermonibus publicis circumferebatur: quod præstet injuriis esse in Principes Austriacos, quorum postea gratiam denuo prensas, quam vivere inoffensis illis. Ad hæc quod meliore apud eos loco sint, qui quondam adversabantur; quam qui semper coluerunt.

Dilectionem inimicorum, favor in egentes excepit. Suaserat non nemo Procerum; ut expeditionem libellorum, quæ causas pauperum, & sortis hominum iustitiæ concernerent; demandaret alteri, cui fideret; ipse dimissa sollicitudine, ac molestia vulgi animum reservaret grandioribus curis & momenti. Quinimò, inquebat, Ferdinandus; delector causis pauperum expediendis, neque molestiam sentio. Huic operi potissimum agendo electum me esse credo, & deputatum. Alteri idem suggerenti respondit: expeditione memorialium & cognitionibus hiscè causarum coelum promeremur; neque scio, an æquè curis grandioribus. Audierat sub annum 1633. non suppetere passim Advocatos, qui causas personarum miserabilium sustentarent, defectu lucris, & compense, quam à pauperibus desperant Patroni.

troni. Illicò sibi proposuit confectis bellis, quæ ærarium hæcenus exhausserant, constituere per civitates, & oppida insigniora de redditibus suis stipendia, quibus definito numero alerentur Advocati, quorum curæ, ac diligentia defensio & juvamen egentiorum, præcipuè viduarum, ac pupillorum imposterum committatur. Attentus subsidio infirmorum, & captivorum redemptioni, illis Xenodochia aut fundavit aut ditavit; his Eleemosynas amplissimas designavit. Mandavit Adolpho Michaeli Comiti ab Althan viro exaggeratissimæ semper virtutis, qui redimendorum ex captivitate Turcica captivorum sollicitudinem susceperat, ut in eum finem ab officio, ad munere quolibet, quorum per regna, & provincias innumera sunt, triginta tres aureos Hungaricos, exigeret; ut numerosum, sic opportunum planè afflictis futurum subsidium. Quoties Palatio egrediebatur, concurrebant ad impetrandam stipem egentes, quam sæpè manibus propriis Ferdinandus gaudens erogabat. Dignissimum religiosi Principis edebat spectaculum, cùm aut in Bohemiam, aut Imperium proficiscens catervas pauperum prænuncia fama exciret, & ipse nec declinans, nec dedignatus vilis plebeculæ concursum affectu compassionis singulos, & profusa liberalitate donaret. Sabbato, qui in quadragesima à sepultura Domini sanctus dicitur, solebat propositam per Ecclesias Eucharistiam devotè visitare.

re: & plerumque viginti templa obibat pedes, accursum mendicabulorum undique confluentem non passus sine solatio elemosynæ dimitti. Etiam ubi per venationum occasiones alicubi diem, noctemve erat acturus, aderant sæpe opportuni, & importuni rogatores: dissuadebant etiam viæ comites subire tuguria, aut immisceri mapalibus, quò illa fæx confluxisset, facilè morbosum contagium timeri: at Cæsar non pertimescebat quidquam, asserens, abesse Deum ab Deo loco non posse, quò pauperes divertissent. Suaserat ministrorum nonnemo, ut certum de comitatu dimitteret, causatus, non videri opus ejus hominis in aula sustinendi. At Cæsar: quis scit, an aliquando necesse habeat auxilio nostro, an vero etiam omninò nunc operâ nostrâ non indigeat. Nondum salutatus Imperator, nec translato è Styria in Austriam palatio solebat Græcii frequentius ad Xenodochium divertere, ac miseris deservire ad mensam. Plerique insigniorum aulicorum immixti Patribus Societatis dapes inferebant, ipse manibus admotis eas dispertiebat, ac dividebat accumbentibus, atque etiam infirmioribus admotas ori ingerebat. Inter prandendum nunc huic, nunc illi applicitus colloquebatur familiariter; de ægritudinis vi, ac tractu inquirebat; solabatur omnes, atque ad virtutes huic statui competentes patientiæ, pietatis, resignationis in divinam voluntatem erigebat. Dominicis, quando-

quandoque diebus ad exemplum religiosissimæ, piissimæque suæ matris curabat de platea, ac trivio advocari mendicos : atque hos simili cum affectu, atque aliàs in nosocomio, faciebat mensæ accumbere, deserviebat assidentibus, & inter obsequia regię matris, conjugis, ac filiorum, item religiosa Patrum de Societate ministrantium colebat. Nec deerat unquam consuetudini Christianorum Principum, quin die Jovis Sanctioris hebdomadæ egentiorum duodecim pedes exemplo Servatoris Christi, demissus coram illis in genua, ablueret.

Suavissimo cum benevolentię affectu ferebatur in sanguine junctos : Opportunè semper horum utilitatibus, ac placitis secundabat. Ubi contigit mutatis rerum circumstantijs compelli Ferdinandum ab eorum consuetudine dividi, pacifcebatur, ut in signum mutui, constantisque amoris saltem annuatim, aut biennio se reviserent semel si frequentius non liceret. Summo cum amore, tenerritudine, & reverentia parentes coluit. Nunquam voluit induci, ut à norma, ac modo deliberandi de momentis gravioribus, quem à Carolo Patre didicerat, recederet. Suggestentibus aliàs formas, reponebat constanter : sic me procedere convenit : debeo istud honoratissimæ memoriæ amantissimi, ac prudentissimi mei Progenitoris. Quæ à Patre per ultimam voluntatem acceperat exequenda, non modo ipse accuratè redegit in

opus, sed & similiter continuanda suis hæredibus commisit. Addidit suo codicillo sequentes clausulas: Quia Carolus Archidux, beatæ memoriæ, dilectissimus progenitor noster, ac Dominus, in ultimis tabulis, ac suprema sua voluntate complura præcepta salubria dictavit, quibus filios nos, ac hæredes oporteret esse instructos ad conservandam, & amplificandam Religionem Catholicam conformiter ad exempla gloriosissimorum nostrorum majorum, præsertim Ferdinandi Primi: eas instructiones volumus in præsentì codicillo haberi pro expressis, & innovatis; & mandamus filiis atque hæredibus nostris, ut fideliter, & accuratè singula ad unguem observentur. Erga matrem devotissimus nulli defuit occasione, per quam eius authoritati servandæ, promovendæque poterat attendere. Princeps statuum factus, & Provinciarum hæreditate aditâ, etiam junctus matrimonio obedientissimus esse matri perseveravit, non aliter atque in adolescentia, cum esset sub tutela. Nutus erant pro imperio, & obsequij tarditas quam minima, pro culpa gravi. Defunctorum propinquorum, Patris, ac fratrum corda lipsantheis aureis, argenteisque, consignata in Ecclesia Societatis Jesu Græcij, suo demùm adjuncto corde contumulari voluit; ne mortuos statim disjungeret, quos vivos affectus intimus quondam devinxerat.

Mysteriorum Christianæ Religionis, præcipue
sacra-

Sacramentorum reverentissimus, verbo, & exemplo eorum dignitatem, & efficaciam ingerebat A catholicis. Accessurus ad Sacramentum Poenitentiae, prius erratorum, ac offensarum veniam ab Eleonora conjugē precabatur. Sacrae mensae accubiturus praemittebat pridie abstinētiā à cibo, quamvis à praecepto jejunii dies vacaret. Adibat Communionem cum eo fervore, cum ea pietate, inter suspiria, & lachrymas ut amore divino succensa videretur anima à corpore eluctari. Non adfuit aliquādo constituto tempore Confessarius, ab urbe absens, qui confessionem Caesaris exciperet, sacrā hostiā palam reficiendi de more consueti, die Jovis sacrae hebdomadae. Tanto ex fortuita hac absentia correptum se metu sensit Ferdinandus, ne à publica atque usitata devotione praepediretur; ut aestu sancto intus commotus in pium sudorem difflexerit; quem superveniens tandem Confessarius observavit ipso monente Caesarē; illustre certè testimonium charitatis divinae intra praecordia flammantis. Curabat, ut divinarum rerum administratio cum ritu, ac decore tantae rei actiones condecēti coram perageretur. Non dedignatus frequentissimè pium patrini nomen, complures tū virorum Principum, tū domesticorum aulae proles à sacro fonte levavit. Ubi per negotia non vacabat adesse sacro muneri obeundo, submittebat de proceribus unum, qui vices pro se ageret. Eandem charitatem assistendo

T 3

comple-

compluribus ad sacramentum Confirmationis præstitit; eâ manu fasciam frontibus chrismate inunctis, & obligandis admovens, quâ sceptrum tractabat Imperiû. Celebre fuit spectaculum, cum istud Officiû exhibuit Christiano Guilielmo Marchioni Brandenburgico, recens ad Catholicam fidem converso, ac sacratiora dogmata in Ecclesia Collegii Societatis JESU Viennæ professo. Ambo tû in eam affectuum diviniorem teneritû dinem proruperunt, ut à lachrymis temperare non valuerint. Ubi annua Theophoriæ festa recurrebant, nullam earum dierum vacare à sua præsentia patiebatur. Intererat publicis velati sub Eucharisticis speciebus DEI triumphis, procedens pedes, aperto capite, redimitus serto de rotis implexo, manu facem succensam gestans. Fiebat interdum, ut ex producta per longius iter, atque horas plures processione, manus & brachium à cerei gravioris tractatione inflammaretur, & intumesceret. Rediturum postridie ad simile munus monebant fidentiores, ut eo die ob affectum brachium à gestanda face abstineret: At Ferdinandus: superest, inquit, valetque manus altera, quâ DEO serviam. Occurrens delato per plateas cibo Eucharistico demittebat se è curru, aut equo in pedes, & religiosè comitabatur. Cum negotia majoris momenti expedienda instarent, aut urgeret bellum atrocius, aut regno cuiquam gravius discrimen immineret, primus Ferdinando erat ad-

ram

ram recurſus, unde ab expoſito pluribus in locis venerationi publicæ Sacramento opem implorari faciebat. Aderat ipſe ſive per Eccleſias urbis, ſive in ſacro oſceo domeſtico inſtitutis ſupplicationibus, & flexis genibus coram Venerabili per plures horas præibat exemplo ſubditis ad implorandam DEI miſericordiam, & ſubſidium. Miſſæ incruento Sacrificio aſſiſtebat devotiſſimè: gaudebat peragi illud cum reverentia debita, & per ſacerdotes vitæ exemplaris. Accidit aliquando, ut capellano aulico impedito ad dicendam miſſam evocatus fuerit loci curio, quò Cæſar ab itinere diverſerat. Jam apparatu ſacro indutus adſtabat miſſam inchoaturus: Cùm Ferdinandus ignotum antea ſibi hominem accerſit, & interrogat; nùm ſacræ functioni Confeſſionem ſacramentalem præmiſerit? dubitanti, quid reponeret, & ſilentio ſuo factum neganti, addidit; convenientiùs futurum, ſi priùs reconciliationem faceret.

In omne genus pietatis, & religioſi cultûs propenſiſſimum ſe præſtitit. Manè digreſſus à lecto poſt præmiſſum ſignum crucis, muniebat ſe devotè precatione ſequenti; quam calamo exaratum in libello orationum annotaverat. Per ſignum ſanctæ Crucis, in qua Jeſus Chriſtus filius Dei & MARIE, verus Deus, & verus homo, mundi Salvator paſſus eſt, & mortuus inter duos latrones, ex ineffabili, & incomprehenſa charitate ver-

sus Deum & nos homines, cum ineffabili humili-
 tate, mansuetudine, patientiâ, fortitudine, & con-
 stantiâ; ab inimicis meis, nempe hæreticis, &
 dogmatibus hæreticorum, à mundo, & vanitati-
 bus suis, à carne & concupiscentijs suis, à dæmo-
 ne & fratribus suis libera me Domine, Deus mi.
 Tu solus scis, & potes omnia. Priusquam in pu-
 blicum ad capiendos ornatus corporis prodiret,
 horam integram quotidie impendebat orationi,
 & meditationi ad privatum in intimo secessu, &
 apparatus huic pio exercitio oratorium. Clau-
 debat precationem recitatâ senties oratione Do-
 minica & salutatione Angelica, quam pro salute,
 & incolumitate filij sui Ferdinandi coram imagine
 S. Ignatii brachijs in formam crucis compositis
 pronuntiabat; additis in memoriam quinque
 vulnerum Christi totidem terræ osculis impressis.
 Tenuit hunc morem constanter, sive iter ageret,
 sive ægritudine teneretur. Documento sit, quod
 accidit in itinere, quod post comitia Imperialia
 Viennam Ratisbonâ redux inierat sub annum
 1637. Propinquabat Austriæ ad diem 23. Januarii,
 jam ad oppidū Straubingam appulsus, sed cum ea,
 quæ patuit postea auctior, valetudinis prostrata
 infirmitate. Inde Confessario suo, etiam tūc
 decumbenti ex morbo, in hæc verba perscripsit:
 Reverende in Christo Pater: Hactenus consue-
 veram priusquam vestibus induerem horæ spatio
 consuetæ meæ orationi vacare. Exuperior per istud
 iter

iter non fore opportunitatem moris continuandi ; siquidem solito citius oportebit iter institui. Nescio equidem me huic pio exercitio ex voto obligatum esse ; tamen à paternitate vestra consilium peto, num dispensare mecum ex parte valeam. Cæterum per gratiam Dei bene valeo. Datum Straubingæ 24. Jan. 1637. Horâ orationis expeditâ & assumpto vestitu binis Missæ sacrificijs continuis attentissimus aderat. Finitâ alterâ respondebat sacerdoti Litanias Lauretanas præcuncti. Non omittebantur istæ in privato, nisi eodem die in publico decantandæ forent, quod diebus Sabbatinis, ac pridie festorum, & Dominicis in sacro odeo aulico perficiebatur. Sub meridiem avocabat animum à negotijs publicis per semihoram, precando Deo, & expendendæ conscientiæ intentus. Non dimittebat hunc morem, ne quidem inter venandum. Ubi fera, vel avis in prædam expectabatur, ipse captabat tempus Deo, ac sibi opportunum. Priusquam noctu decumberet iterum semihorâ, ut minimùm orationi, ac discussione conscientiæ vacabat. Nec aliter rationes abs se factorum exigebat, quàm si ad moriendum se eâ nocte componeret. In eum finem recitabat preces ad B. Virginem, Angelum Custodem pro impetrando felici obitu conscriptas ; & subjungebat protestationem fidei, desumptam de septima parte familiaris admodum Ferdinando manualis, seu libelli precatorij, quem

olim P. Petrus Ribadeneira edidit. Postremis vitæ annis multum molestiæ capiebat à defluxionibus capitis, quæ vigilias orationi faciendæ destinatas cum importuno somno interrompebant. Luctabatur adversus catarrhos, & somnum Ferdinandus, donec preces expediret. Monuit aliquando Eleonora conjux, ne violentiam discutendo somno tantam admoveret, sed ad quietem se lassus componeret: & quomodo hoc, inquit, agam? num ut brutum me ad dormiendum componam? Habebat in usu addere prædictis exercitiis Pietatis orationes vocales. Decurrebat quotidie pensum Rosarii, cursum B. Virginis, officium defunctorum, Litanias septenas, nempe Virginis Lauretanæ, omnium Sanctorum, Nominis Jesu, Sanctorum Germaniæ protectorum, Sanctorum Martyrum, eas quæ pro animabus in Purgatorio, & alias quæ de B. Virgine ex scriptura sacra sunt comportatæ. Exercebat mentem frequenter per orationes jaculatorias. Etiam noctu evigilans prorumpebat in voces: Maria mater gratiæ, mater misericordiæ: Tu nos ab hoste protege, & mortis hora suscipe. Monstra te esse matrem, &c: Familiares sibi psalmos aliquot habebat, quos in urgentioribus periculis ad demerendam opem divinam recitabat. Erant ex illis secundus, trigesimus, trigesimus quartus, quadragesimus quintus, quinquagesimus tertius, & quinquagesimus octavus, septuagesimus ac nonagesimus. Officijs, ac cæremo-

remonijs Ecclesiasticis semper cum voluptate aderat. Ut non omitteret adesse solemni litaniarum Lauretanarum cantui, quovis sabbato haberi solito, jubebat citato cursu urgeri equos, absentem etiam leucà non unà revecturos in urbem. Dehortabantur à festinatione stabulo Præfecti, quòd equis incommodaretur. At inquebat Ferdinandus: nihil interest, ut bene habeant, modò revehant tempori: suppetent, qui postea eorum loco inserviant. Publicas supplicationes obibat quàm diligentissimè ac piissimè: magis devotioni accendendæ, quàm pompæ comparandæ. Procedebat cum ea compositione incessus atque oris specie, ut pietatis Christianæ, ac veræ Religionis viva imago diceretur. Manu gestabat rosarium, intentus DEO precando, & sanctis invocandis. Græcij adhuc Archidux virum Principem in supplicatione lateri adjunctum, & colloqui tentantem, placidè repressit: Recitemus, inquit Rosarium, ne populi devotio ex nostra confabulatione patiatur scandalum. Illud verò memoratu dignum. Dum à Gustavo Adolpho Rege Sueciæ omnia in Imperio vastatione, & cædibus perturbarentur, visum fuerat Urbano VIII. Pontifici maximo concessio pro Germaniæ populis jubilæo ad implorandam opem divinam Christi fideles incitare. Vulgatâ Viennæ indulgentiâ, constituta fuit supplicatio à templo aulico ad Cathedralem Divi Stephani deducenda. At pluvia intempestiva, & ferocior

cior imber intervenerat. Quare disuadebant palatini, aut ire omnino, aut ire pedes cum Processione: sat futurum pietati ajebant, si Cæsar curru progrediatur ad Basilicam. Nihil motus Ferdinandus & supplicationi interfuit, & pedes ivit. Erant luto, ac coeno instratæ plateæ; perrexit constans: irruebant à tectis, & canalibus impluvij vortices; non subtraxit verticem: inuidabant rivi, & torrentes per compita; transibat sine sensu. Peregit supplicantium iter indutus humili veste, manibus ante pectus in crucem cancellatis, oculis in terram modestè defixis, tectus penulâ per imbrem subactâ, pileo in faciem à temporis injuria deflexo, frequentibus aquæ guttis vultu toto conspersus. Non omitam tamen, quod jam tunc vulgi sermonibus ferebatur. Nempe ea ipsa in supplicatione fuisse Regem Gustavum à Ferdinando Cæsare detriumphatum, & per demissionem ejus diei contusam fuisse superbiam toties hæctenus victoris inimici. Nec multis abinde diebus hostis insolens ad Luzam ictus telo bombardæ sub initium conflictûs perijt.

Delectabatur lectione librorum, qui eruditionem spiritûs, & historias sacras tractarent. Priusquam in Imperatorem assumeretur septem omnino vicibus historiam multorum voluminum à Laurentio Surio super vitis Sanctorum conscriptam legendo evolvit. Nec curis Imperij admotus, amovit oculos à lectione. Addidit prædictis histo-

historijs vitas Patrum, gesta fundatorum, aut re-
formatorum sacrorum ordinum, aliasque Sancto-
rum nostri temporis illustrium. Avidus captabat
quidquid ex Indijs, China, aut Japone typis edi-
tum vulgabatur de fidei in illis partibus incremen-
to, aut persecutionibus nominis Christiani. Ad
dies festos celebriores, Natalitiorum, Circumci-
sionis, Epiphaniæ, Resurrectionis postulabat à
Confessario libros diversorum authorum, qui su-
per ijs solemnitatibus Salvatoris fuissent com-
mentati; quos ipse legeret. Supremis vitæ annis,
cum deessent, qui recentiores proponerentur
præsentari sibi relegendos veteres jussit P. Vincen-
tium Brunum, & P. Ludovicum de Ponte. Hujus
postremi meditationes adeo habebat perspectas
usu & notitiâ, ut memoriâ abs se recoli posse ipse
diceret. Quotidie versus aliquot, aut caput in-
tegrum ex libello de imitatione Christi, & breve
compendium vitæ Sanctorum, fastis eius dici ad-
scriptorum, attentè decurrebat. Sacras literas
sæpius relegerat: illis evolvendis singularem pie-
tatem, reverentiam & attentionem applicabat,
nec omittebat documenta, ac præceptiones exin-
de captas executioni opportunè committere.
Profecturus etiam venatum, si mora ab urbe lon-
gior erat futura, designabat libros, quos unâ de-
ferri ad legendum tempore constituto volebat.
Adeò lectioni erat deditus, ut non semel Comes
Balthasar à Thanhausen Ferdinando perquam fa-
miliaris

miliaris dicentem audierit ; promptius dimissurum se vitam, quàm lectionem.

Devotione in Deiparam ferebatur ardentissima. Hanc ut filius matrem amabat. Penso illam quotidiano precum honorabat. Nulla confraternitatum, nulla sodalitatum Marianarum fuit in provincijs, ac regnis hæreditarijs, cuius Albo augustum nomen gaudens non adscripserit ; suoque exemplo Imperatricem, Regem, Reginam, liberosq; Archiduces ad idem faciendum invitavit. Quà pietate cognitâ persuasæ quoque sunt ex remotissimis regionibus diversæ Congregationes, ut impetrarent à Ferdinando ad suos cœtus exornandos adscriptum eius nomen. Insulæ in Flandria, aliæque documento erunt, quàm gratanter hic Princeps ab omni parte gestiret audire Cliens marianus. Peregrinationes ad ædes sacras, potissimum verò Deiparæ, obiit cum eximia animi voluptate, & frequentius adolescentior. Invisit Domum Lauretanam, Cellas marianas, Deiparam Oetinganam, aliasque Viennæ, ac Græcij celebriores. Non occurrebat cura molestior, non discriminẽ gliscebatur operosius, cum non æquè recurreret ad Patronam Dei Matrem ; aut facto voto pij operis, aut peregrinationis obeundæ prosperos sollicitaret, & demereretur eventus. Auditus fuit dixisse ; nullam se à Deipara opem implorasse unquam, quam illicò non obtinuerit. Sincero, ac simpliciori affectu petebat, quæ recta, ac

ac salubria certò fore crederet : cæteris subjungebat conditionem : si ita ad Dei gloriam futurum esset. Ut prosperam in Regem Romanorum electionem pro Ferdinando filio impetraret Ratisbonæ Anno 1636. Cellensem peregrinationem vovit. Ut eodem tempore Adamo Comiti Schvartzzenburgico, Oratori Brandenburgico, viro catholicissimo, atque Reipublicæ utilissimo à morbo tùm decumbenti valetudinem pristinam cælitus exoraret, munus insigne ad ædem Deiparæ Bambergensis deportandum constituit. Compos factus utriusque desiderij, votum alterum expeditè ac munificè exsolvit, de altero, cum à supremo morbo præventum se cerneret, monuit Imperatricem ; ut magnæ matri, ac Dominæ suæ, ita Deiparam erat solitus compellare, promissum obsequium ea deinde sui loco præstaret : fecitque Imperatrix mox vidua accuratè.

Bellorum eventus, quæ vicenis omnino annis gravissima, & variâ cum fortuna gesserat, Deiparæ Patrocinio, ac dispositioni commisit. Ejus iconem præferri in labaris militaribus mandavit ; futuram, ut certus ominabatur, faventiori præ Aquilæ auspicio. Eam exercituum suorum Generalissimam in privatis, publicisque sermonibus, atque etiam in diplomatibus, & edictis compellabat, jubebatque communi suarum legionum venerationi hoc nomine præsidem salutari. Acer in vindicta de contemptoribus Deiparæ sumenda, pro

pro perduellibus, ac proditoribus, juris ut divini, sic militaris habebat, qui in ejus numen peccassent. Audierat ab Italia cohortem quandam ausam fuisse expilare sacram alicubi ædem Deiparæ: Evestigio sumpto calamo in hæc verba Præfecto militiæ perscripsit, sub Undecimam Novembris Anni 1629. Dilecte Comes, Perscribo, quod dolens intellexi, de insolentia, & ausu, quem militum meorum nonnulli commisisse feruntur in ædem Divæ Virgini sacram, & divina mysteria: Notæ tibi sunt gratiæ & victoriæ, quas per intercessionem Deiparæ Generalissimæ meorum exercituum hætenus obtinui. Nisi abstineat ab hujusmodi delicto miles; justo metu teneri possum, ne pristini ejus in me favores in indignationem abeant. Mando tibi, quàm valeo efficacissimè, ut accuratè inquiras in factum, & severissimè plectas reos; neque cujusquam respectu flectaris. Ita munus adimplebis ministri, qui Principis sui gratiam demereri gestit. Evocaverat ab Hispania Religiosos Ordinis S. Benedicti de Monteferrato: quos constituerat extra Urbis Viennensis pomeria locare, cum cœnobio, ac templo Deiparæ honori fundando. Opposuit Præsidi Urbici Præfectus; non fore editioris fabricæ hanc molem, loco propinquo opportunam urbi; potiùs à propugnaculo ædificia esse amovenda, quàm adjungenda: facile futurum, ut hostis obsidionem olim intentaturus, ex ea statione periculosius civitatem adoriatur, & qua-

quatiat. Auditâ interpellatione subjunxit Ferdinandus: Bone DEus! quid istud argumenti? non æstimo tutelæ urbis munimentum aptius Ecclesiâ Deiparæ: Hanc opto quovis alio propugnaculo civitati conjunctiorem: Nequaquam discedo ab opere constituto: Qua parte mandavi, eâ templum assurgat: Plus inde emolumenti, quam periculi rebus civitatis accessurum confido.

Implorabat Clementiam Ferdinandi, & delictorum veniam dudum perduellis, & à partibus adversis hærens hætenus Laurentius Hoffkirchen Baro Austriacus. Ex multis immeritum nominibus cui parceretur una res erexit. Habebat in potestate sua imaginem Deiparæ Boleslavianam celeberrimæ per Bohemiam venerationis. Hanc spes erat pristino loco, decori, ac reverentiæ restitutum iri, si in gratiam Hoffkirchius reciperetur. Itaque diploma reconciliationis expedit Ferdinandus, quam ea conditione Hoffkirchio indulget; ut sacram Virginis immaculatæ effigiem venturus in conspectum Cæsaris simul adducat; reponendam juxta intercessorum pro eo pacta in pristina statione. In alios Cælites reverentissimus Ferdinandus, præcipuè D. Joannem Baptistam, Principes Apostolorum Petrum, & Paulum, S. Antonium de Padua, S. Augustinum, S. Franciscum, S. Ignatium, S. Tereciam coluit. Affirmavit quandoque Imperatrici præsentem, aliisque compluribus; plurimum scilicet Sancto Igna-

tio, cui res suas intercessione sancti apud DEUM servandas, promovendasque jam pridem commisisset. Adnumerabat prædictis singulæ cum veneratione eum de sanctis, quem fortuitâ sortitione capiebat sibi patronum singulis mensibus: quam sortitionem pro Ferdinando sanctimoniales Virgines Annunciatae peragebant. Angelo suo custodi deditissimus vixit. Ejus honori impetravit à summo Pontifice, ut per hæreditarias omnes Provincias ab universo Clero festum Angelorum custodum cum octava solemniter celebraretur.

Extra Cælites nulli impendebat majorem reverentiam quàm ordini sacerdotali. Pretium homini apud Ferdinandum conciliabat solus hic character. DEUM in sacerdote venerabatur. Præponderabat hæc dignitas alteri cuivis honoratæ vitæ, aut fastigij celsioris: quamvis & vitæ integritate in proximo & eminentiâ honoris cujuslibet pro merito, & conditione delectaretur. Colloquens cum sacerdote, etiam Capellano domestico, honorabat hunc titulo Domini, aut Patris. Occurrens de his cuiquam, aperto capite eum reverebatur. Mos est Principibus è domo Austriacæ Alemannicæ præbere accedentibus manus osculandas in signum gratiæ, & benevolentiae. Sacerdotibus dexteram promptè offerebat Ferdinandus, sed non sustinebat, ut osculo tangeretur: aiebat enim, illud esse favoris Cæsarei, quem de
beret

beret; istud honoris & observantiæ, quam character deposceret. Stupuerunt circumstantes, cum diceret aliquando, se in occurſu Angeli, & sacerdotis; prius ſacerdoti venerationem impenſurum, poſtea Angelo. Quotidie in ſiſis ad DEUM precibus meminiffe ſolebat Cleri, primùm Epiſcoporum univerſim; deinde ac ſingulariter ſummi Pontificis. Honorem ordinis ſacerdotalis tutabatur fortiter. Audierat de quodam Epiſcopo, quod de ſe acerbiſſis prolocutus fuerit; nec deſuit, ex colloquentibus; qui hominem ut improbum, & iniquum ſuggillaret. Quem reprehendens Ferdinandus: omitte iſta, inquit, Epiſcopus enim eſt. Quacunque proficiſcebatur, volebat ſibi adeſſe confeſſarium. Huius præſentiam ſibi æquè gratam eſſe affirmabat, ut cuſtodis Angeli. Cum ad Confeſſionem Cæſaris excipiendam ille veniret, occurrebat obviam Ferdinandus capite detecto ad limen conclavis; & ingredientem reverenter conſalutabat; morem hunc toto vitæ tempore proſecutus. Mirum & illud in tanta Maieſtate. Capiebat prior ſedem, & accommodabat locò, in quo aſſidere excipiendæ Confeſſioni ſacerdotem oportebat, cumque officium præveniret, aut deprecaretur Confeſſarius, aiebat; ſineret ſe agere, quod muneris ſui nunc eſſet. Alijs quoque obſequijs præſentem, ac recedentem ſtudioſè proſequabatur.

Religioſos ordines eximio cultu complecteba-

rur. Non est cœnobium, non institutum Regularium, quod gloriari non valeat de amore Ferdinandi sibi impenso, ejusque in se quampluribus meritis. Vetustate attritos, & collabentes per provincias hæreditarias ordines spendori pristino reddidit. Florentes verò, ac robustos avitis bonorum temporalium incrementis amplius firmavit. Primus in Austriam, Bohemiam, & Styriam Clericos Regulares S. Pauli, Camaldulenses, Regulares S. Francisci de Paula, Carmelitânos discalceatos, Eremitanos S. Augustini, & Eremitanas, Religiosos Ordinis S. Benedicti de Monteferrato ab Hispania profectos, Servos Matris Dei, Franciscanos Congregationis Hibernicæ invexit. singulis horum, aliorumque cœnobia, aut monasteria vel à fundamentis crexit, vel ab alijs collocatâ locupletavit, ornavitque. Impensius afficiebatur ijs Religionibus, quas sciebat suæ Regulæ, ac Professionis amantiore, & observantiores, neque à primævo rigore defecisse. Ab his frequentius preces expetebat, publicis Imperij negotijs Deo commendandis; cum his familiarius conversabatur, & interdum accumbere mentæ in horum triclinijs solebat. In hos ut Consiliarij, & Ministri propensiori affectu ferrentur, ac primum filius in Imperio successor satagebat. Plurimum se debere orationibus eorundem; aiebat, per quas sibi multiplices ab alto favores, & gratias fuisse impetratas affirmabat.

Et quia mundo notum est, quanta cum tene-
ritudine affectûs fuerit complexus Ferdinandus
Societatem Jesu, justissimum esse duxi, ut in me-
ritissimam memoriam beneficiorum, quæ in nos
profusè contulit, hoc loco nonnulla subjun-
gam. Decem domos Societati nostræ à fun-
damentis collocavit. Binas Professorum, alte-
ram Viennæ, Pragæ alteram. Binas Novitiorum,
Viennæ itidem, ac Leobij: Collegia sex, Laba-
censè in Carniolia, Clagenfurtense in Carinthia,
Goritiense in Forojulio, Kutenbergense, & Lito-
mericianum in Bohemia, & Glockovianum in
Silesia. Plurimum auxit & dotavit domos, &
Collegia Academica, quæ jam prius instituta fue-
rant à Carolo Progenitore Græcij, & Avo Ferdinan-
do Primo Pragæ, & Viennæ. Profuit munificè Pas-
saviensi Collegio, quod Leopoldus Cæsaris frater
crexerat, item Lincensi, & Brunensi, quorum
prius à Rudolpho II. posterius à Matthiâ Impe-
ratoribus fundatum. Favet liberalissimè Colle-
gio Olomucensi, Iglaviensi, Znoimensi in Mora-
via, Zagrabiensi in Croatia, Jaurinensi in Hunga-
ria, Fluminensi in Istria, Tergestino in Forojulio
ad mare Adriaticum, cæterisque passim per regna,
& Provincias hæreditarias diffusis. Etiam filios,
& fratres pari inclinatione in Societatem propen-
dere impostero optabat, eò quod ab eadem tum
in virtute, tum in literis institutionem haberent
utiliter conjunctam, quam Progenitoris sui, &

ipse sua cum satisfactione & proprio experimento hactenus comprobassent. Pro se, & Palatinis Confessarios, & Concionatores è Societate delegit. Hos quotidie sacro Missæ Sacrificio coram dicendo adesse voluit: Horum precibus ubi tempestas aliqua periculosior status publici imminabat identidem se commendabat: His liberalius pro conversatione uti; adire frequentius istorum domos, & collegia, prandere, ac coenare cum his familiarius consueverat. Non defuit occasionibus, ubi ornandis, & locupletandis illis præsentabatur opportunitas. Dicebant universi; cum, qui Societati adversari pergeret, lædere pupillam oculi Ferdinando. Eundem esse hostem Cæsari, qui oppugnaret; amicum, qui bene vellet Societati.

Anno 1634. die tertiâ Maij colloquens Ferdinando filio profecturo ad castra, motu proprio Societatem Jesu, ut haberet cordi, commendaverat. Replicuit Rex: non videri sibi opus incitamento, cum diligeret, & in pretio haberet Patres Societatis. At Cæsar: placet, inquit, nihilominus iteratò, ac sæpius Patrum tibi curam impensè committere, quamvis non ignorem, quo loco apud te sint. Defendendos, & tutandos omnino abs te desidero adversus hostes, quos non modo apertos habent, sed & qui illis per simulationem adversari non videntur, occultè tamen impugnant. Patebit progressu temporis plu-
res

res ad oculum his fautores esse. Aliàs in laudem, & commendationem Societatis affirmavit: quod si sui juris ipse esset, evestigio huic Religioni nomen dare pergeret. Redux Francofurto Græcium à suscepto Imperiali diademate, cum in triclinio Collegij à filiis Archiducibus, Joanne Carolo primogenito, postea demortuo, & Ferdinando Ernesto in Imperio successore, recitata ab his oratione elegantissimâ, salutaretur: confido, inquit, Societatem filiis meis charam fore: quod si egerint felices, ac fortunati evadent. Quid luculentius eo quod sequitur? Non semel dignatus est Ferdinandus Religionem hanc matrem suam compellare. Sparserat per Hispanicam Aulam improbum rumorem impudens fœmina, de quodam Societatis Sacerdote, quod occasione confessionis excipiendæ sollicitaverit virginem nobilem in Aula Cæsarea ad impurum facinus, atque ob id pulsum à palatio. Res ab Hispania ad Præpositum Generalem perlata, atque ab isto ad Confessarium Cæsaris. Cæsar ex Confessario de literis edoctus ad marginem Epistolæ suâ manu adscripsit, exhibendum Generali Præposito.

Reverendissime in Christo Pater.

Remitto Reverentiæ Vestræ literas. Mendacium omni imposturâ mendacius continent, & miratus apudaciam, & indignatus sum fabulæ. Si reverentiâ vestra adversum huic mendacio pro

Innocentia traducti Patris testimonium postulat; dabo promptè, & equidem, si pauculæ hæ lineolæ non sufficiant, in forma amplissima. Ita censeo expedire ad conservandam bonam famam Societatis Jesu Matris nostræ. DEUS illam servet, ac tueatur unacum Reverentia vestra, cujus SS. Sacrificijs me totum commendo. Ex Eberstorff 17. Septemb 1633. Reverentiæ Vestræ
Ferdinandus.

Finis non suppetit recensendi beneficia, quæ Imperator Ferdinandus Societati contulit; eandemque etiamnum beant. Quia tamen proposita scriptionis brevitæ longiorem digressionem prohibet, finio narrationem præsentem cum illustri clausula codicilli à Ferdinando dictati. Ubi de restituenda & conservanda Religione Catholica mentionem fecerat, addi in scripto jussit: Ex quia ad consequendum finem, opportunissimum esse medium constat, si stet firmus honor, atque incolumitas totius ordinis Ecclesiastici, & sacerdotalis; omni studio protegendus, & singulari ope firmandus est. Ideo paternè & benignè oramus, atque requirimus Ferdinandum Ernestum filium natu majorem, successorem nostrum in Imperio, cæterosque filios, hæredes, & successores omnes, ac præsertim eos, qui successu temporum Reipublicæ præerunt: ut primo loco sibi commendatos habeant sacerdotes, & Ecclesiastici ordinis cæteros homines; Eorum domos,
Eccle-

Ecclesias, monasteria, fundationes, bona temporalia, omniaque jura & prætensiones eisdem manuteneant ac tueantur; ut eos revereantur, ament, omni modo, ac ratione, quo poterunt, adjuvent, & defendant. Ante omnia verò cum omni sinceritate, & singulari cum zelo commendatam iisdem cupio Venerabilem Jesu Societatem, ejusque Patres. Siquidem hi sua doctrina & instructione juventutis, ac vita exemplari inter Christianos, & Catholicos non modo per Austriam inferiorem, sed & per Regna ac Dominia nostra cætera, imo in mundo universo admodum bene, atque utiliter operantur, atque in conversatione cum proximo, & fidei Catholicæ dilatazione quærenda plus cæteris laboris impendunt, atque hoc fideliter, & ad ultimum constanter: non obstante, quod indignum omninò est, quòd ingratus, ac iniquus hic mundus eos odio habeat, ac persequatur plus omnibus cæteris. Qua de causa pluribus quoque præfidiis, ipsi indigent; & ampliorem protectionem, opem, & assistentiam præ cæteris promerentur. Speramus dictos hæredes, & successores nostros sincerè præmissa observaturos. Estque seria hæc nostra ultima intentio, & voluntas.

Ut verò cælestia gloriosus hic Imperator impensè venerabatur, sic pretia illi terrestrium continuò ampliùs vilescabant. Nulla illi voluptas ab honorum & divitiarum affluentia. Favebat Di-

vina liberalitas in accumulandis & multiplicandis dignitatibus, opibusque Ferdinando, dum ex adverso Ferdinandus neutris animum affigeret. Gloriæ incrementa cœlum congerebat; at Ferdinandus intra Christianæ demissionis limites constans perleverat: non appetebat, quod faciebat parvi. Anno 1627. assistebat à throno Imperiali, redimitus corona Cæsarea, & paludamento regio investitus, dum Impetrici Eleonoræ, ac filio diadema regni Bohemiæ imponeretur. Videri poterat admodum sibi complacuisse in apparatu & magnificentia actionis adeo illustris. Verùm redux in palatium familiari sibi adstanti affirmavit. Universam Regum, ac Cæsarum pompam, qualem hodie spectaverat, similem omnino posse censi actæ in theatro comœdiæ. Ibi quoque adolescentes Academicos personas sustinere Regum, & repræsentare Cæsares, omnemque pompam aularum. Discriminis hoc unum in theatro utrovis esse, quod fictitii illi & personati paucis horis fabulam ludant; veri isti, & genuini pluribus annis imperent. Cæterùm duratione temporis non substantiâ muneris differre. Cùm animo volveret tot in se quotidie novos hostes subnasci, tot appeti caput suum insidiis, tot comparari machinas deturbando sibi à folio. Ergo tanti, inquit, interest esse caput coronatum? Præsto sum, ut sponte ac lubens Imperio me abdicem; modò constet, cui DEUS, utique meliori,

meliori, illud destinet. A Dieta Imperiali, postquam in Cæsarem fuerat inauguratus, Ratisbonâ Græcium redibat, cum dignam pietate ac genio suo sententiam protulit: Diadema Imperiale suscepisse se, non gloriæ suæ amplificandæ causâ, sed promovendæ divinæ, & utilitati Reipublicæ procurandæ. Alio fine inducendum se fuisse nunquam, ut oneri humeros supponeret, & animum muneri applicaret. Usus est in populo, ut adventantem Principem triumphali more, in urbem, ac ditiones invehant. Admittebat pompam Ferdinandus eâ, ut affirmabat, de causâ tantummodo, ut subditorum in Principem veneratio facta maneat, condiscatq; populus parere præsidibus, ac magistratibus, simul atq; eosdem amare. Nee tamen semper id officii, ac pompæ publicæ admisit. Modestiae documentum ultimò dedit, cum Ratisbonâ redux Austriacorum procerum, ac Vienneusium magnificos apparatus à Provincia & urbe decretos, jamque in promptu stantes progredi vetuit. Neminem de potentioribus, sumptuosa quæque ad occursum comparantibus, prodire obviam passus, mandavit, ut cuncti in aditu tantum palatij ad manus osculum præstolarentur. Ne verò etiam contemptos se crederent; affectus hujusce significatione se delectari præstulit: Interea apparatus universos in adventum Regis Romanorum proximè inaugurati ut differrent, mandavit. Anno 1595. edicto impedivit, ne dum Ingolstadio Græ-

Græcium reverteretur ætatis anno decimo septimo ad capienda ditionum gubernacula, publicis honoribus adventans coleretur. Et contemptim, & cum risu aspiciebat quodcunque auri, & argenti, ac divitiarum cæteroquin homines concupiscunt aut quærunt. De opulento numer opecuniarum & opum, qui ex perduellium, ac reorum pœnis in fiscum inferebatur, nihil in privatos usufransferri patiebatur. Sæpiùs asseruit, suâ opinione atque æstimatione nihil aurum â cœno differre; seq; nisi benemeritis præmia exinde decernenda sibi aliquando forent, nullam ejus metalli cogitationem unquam suscepturum fuisse.

Nulla negotio despiciuntur cætera ab eo, qui semetipsum omittit appetiari. Demissionem virtutum regaliū operosissimam studio, ac diligentia singulari coluit Ferdinandus. Eâ mentem temperantiâ coërcebat, ne superbiæ fastu auferretur dum se dominum mundi esse nosset; ut â Christianæ humilitatis cancellis nunquam dimitteret volatilem aliàs spiritum regnantium. Ipse gloriæ humanæ contemptor eximius de sua persona non loquebatur jactabundus, non ferebat sermones assentatorios; odio habebat fœcem hominum, natam principibus per adulatorias laudes corrumpendis. Historicos equidem non refugiebat, qui de gestis suæ gubernationis scriberent; sed non amabat, qui affectatè laudarent; Ajcebat; sua interesse, ne malè agat, non autem quid

quid historicus scribat. Triduò antequam moreretur testatus est; quanti se ipsum faceret. Monerat Procerum nonnemo, ne diligentia deesset ad recuperandam valetudinem opportunæ. Cui Ferdinandus: non ultrà opus habet Imperium meâ personâ, dedimus illi successorem, & hunc perquam bonum. Dum Principès viri feudorum investituram ab assidente â solio regali Cæsare genuflexi postulabant: & circumstantium corona potentia Ferdinandi applauderet, ac Majestatem adoraret, quæ honoratiora in terris capita haberet affusa ad genu; tùm averso â terrenis splendoribus animo, oculos intendebat in demissionem sui humillimus Princeps, illud literarum sacrarum corde repetens: *Domine non est exaltatum cor meum, neque elati sunt oculi mei: neque ambulavi in magnis, neque in mirabilibus super me: Ego sum vermis, & non homo: opprobrium hominum. & abjectio plebis.* Eâdem se demissione obarmabat cum per oppida, & civitates inferretur triumphans, aut cum oratores exterorum Principum acciperet. Intentus tunc maximè in historias Regum â sacris codicibus propositas, de quibus legendo frequentius capiebat documenta magis ad complacendum Deo, quàm ad consentiendum mundo facientia. Collocutus de his suo confessario, agebat; animadvertisse se ex sacra lectione, per paucos Regum probatos Deo fuisse, complurès perversorum, pravorumque morum perseverasse: subjunxit Confes-

sarius

farius sanctæ observationi annuendo : Eos ipsos
 etiam, quos scriptura sacra commendat è Regi-
 bus Judæ, aut Israelis, nonnunquam ab exerci-
 tio illustri facinorum heroicorum declinasse in
 superbiam : summum ità optimis quandoque
 Principibus discrimen ab arrogantia & fastu sub-
 natci : timendum his amplius esse naufragium
 in portu, cum subtracta jam propè litus est na-
 vis, quàm cum in alto velificabat. Edoctum ex-
 perientiâ consultò proclamasse Davidem Regum
 optimum : non veniat mihi pes superbiæ. Re-
 posuit Imperator : Confido in bonitate Divina,
 quæ me reddet à periculo hujusmodi liberum.
 Quando de prospero undecunquè eventu fio cer-
 tior, prostratus in terram, DEO gratias ago, &
 dexteræ Excelsi munus agnosco, non opus meæ
 virtutis. Gratum si quod aliàs nuncium allatum
 fuerat Ferdinando adhuc Archiduci Anno 1598,
 exactos tandem è Styria pravorum dogmatum
 præcones, & discussum à Græcio venenum, quod
 Provinciam, & civitatem acerbè in eam diem ve-
 xaverat. Laude ac memoria immortalis dignus
 erat hic eventus, quem sola Archiducis in pro-
 posito constantia, nequidquam valituris reme-
 dijs consiliorum, aut armorum, perfecerat. Vi-
 deri poterat tam expectatum nuncium posse re-
 solvere animum Ferdinandi in lætitiâ & sui pre-
 tium non inane : at supergressus stimulum naturæ
 exclamavit : *non nobis Domine, non nobis, sed nomi-*

ni tuo da gloriam. Tùm in conclavè interius recedens flexo genu, affectu & submissiōe inclinatissimâ, DEO grates pro beneficio hoc publico persolvit. Sub annum 1634. appulerant die decima Septembris à Ferdinando filio literæ, quibus celebratissima ad Nördlingam victoria recensebatur; fuis in prælio ad internecionem hostibus, reliquisq; qui superfuerant pauculi, in fugam dispersis, bellico apparatu cuncti, vexillis militariibus, atq; opimis spolijs in potestatem redactis, & simul quod caput erat, jactâ basi existimationis, & securitatis, quâ impoſterum Majestas Imperatoria Ferdinandi inconvulsa maneret. Literas reclusit, legitque adstante de proceribus suis familiari Ferdinandus, oculis illicò in lachrymarum flumen effusis, subjunctoque dicto: magna nobiscum Deus operatur: ego tamen in simplicitate mea progrediar, & post obtentam hanc victoriam in oculis meis humilior, quàm ante perseverabo. Ita universa Deo semper attribuebat. Et istud humilitatis profundissimæ argumentum fuit, quod ubi, quamvis infrequenter admodum, ab ore Ferdinandi verbum excidisset, quo ab obsequijs quicquam percelli aliquantum animo poterat; illicò malagma vulneri parabat, & captatâ opportunitate colloquebatur iterum afflicto, tanta cum dulcedine, & affabilitate, ut nihil abesse videretur, quin singulari quadam dicendi formula veniam offensæ deprecari crederetur. Addebat tantam
animi

animi demissionem verbis, ut impar authoritati Imperatoriæ actio dici posset; nisi constaret, quod humilitas Christiana magis illustret, exornetque majestatem, quàm obscurer.

Instructum virtutibus adeo illustribus Imperatorem Ferdinandum insignibus providentiæ suæ documentis Deus complexus, & tutatus fuit semper, demirantibus id ipsum, & asseverantibus ipsis hostibus. Adversarios nactus fuit plurimos æquæ, ac potentissimos. Pernissi tamen à Deo nequaquam sunt, ut simul universi irruerent. Debellatio uno procedebat alter in campum. Si unà omnes arma opposuissent, unus in omnes humanitùs non profecisset quidquam Ferdinandus. Unus tamen omnes singillatim vicit, ita disponente adversa Deo, ut quamvis virtus Ferdinandi exerceretur, tamen desertam se nullibi aspiceret. Turcam irritabant seditiosi, ac rebelles, ut moveret in Cæsarem. Spem barbaro faciebant prædæ, ac Regionum prono eventu obtinendarum: occasiorem ne dimitteret è manibus sollicitabant, Deo nihilominus curante obsurduit ad postulata factiosorum vicinus, & potentissimus & hæreditarius Christiani nominis hostis. Sæpius conjuratione factâ concurrerant in Cæsarem Principes & Respublicæ, unitis viribus obruturæ, uti sperabant vincendum. Adfuit in præsidium Deus, difflavit improbum gluten, & fœda fœdera compescuit; partibus, aut ad propria emolument-

ta curanda dilapsis à discordi concordia, aut qui venerant formidabiles cum dedecore ab incepto depulsi. Post cladem, quam exercitui Cæsareo inflixerat Rex Sueciæ ad Lipsiam, nihil promptius adesse ruinâ Domûs Austriacæ videbatur. Erat Cæsar supremo discrimini proximus; exutus omni milite; etiam spe suppetiarum humanarum undequaque accisa. Causa tamen Ferdinandi Deo cordi fuit. Seu infusus timor, seu offusus error abstulit Gustavum, cæteroquin Ducum experientissimum, ut diverteret ad convellenda Imperij membra, cum in promptu haberet fulmen, quod capiti infligeret. Prælium quo Ferdinandus Rex Hungariæ universum hostem debellaverat ab evidentibus divinæ providentiæ indicijs resplenduit. Si adversarius exercitus sustinuisset pluribus diebus aciem, necesse fuisset Cæsareo recedere. Deerat provisio de victu: deerat de re bellica instructio: triumphatum tamen. Prima victoriarum in albo monte ad Pragam, si quæ alias, demonstravit, adfuisse Deum Ferdinando. Erat Cæsareus exercitus incommodo loco: hostilis in editiore montis crepidine metabatur. Illi per inaccessum iter eluctandum ad pugnam; huic præsidio ad victoriam stationis fuerat opportunitas. Nec illi sperare ut vincerent, nec isti timere, ut vincerentur, poterant. Fidem tamen rebellium divina virtus elisit, & metum fidelium ad triumphum omnium gloriosissimum crexit. Et illud

X

ad-

admirandum: Fridericus quintus Elector Palatinus collectis validis copijs ibat erepturus diadema Bohemiæ Ferdinando, cum eo ipso tempore ad collegium Electorale evocatus suffragium inter Electores cæteros dedit Ferdinando, ut in Imperatorem coronaretur: ferro quod in latus regium armaverat Fridericus divinitus converso in laurum, quâ ad fastigium excelsius incingeretur. Quod illustrius sequenti in pijsimum Principem cœli affectuum documento? Anno 1618. perduelles Bohemi dejecerant è fenestra dicasterij Pragensis Guilielmum Comitem Slavatam, Jaroslaum Comitem de Martiniz, & Philippum Fabritium Regni Secretarium, reos nempe furoris publici, quod in fide data Ferdinando perseverarent constantes. Prodigio evidentissimo factum, ut ab editissimo casus nullum de tribus extinxerit. Sed & omen fuit; jactationem illam fortunæ Cæsareæ non excidio, sed validiori à casu firmitudini futuram impofterum. Refert Carolus Caraffa Episcopus Aversanus, tùm apud Cæsarem Nuncius Apostolicus in historia Germaniæ sacre restauratæ: Anno 1620. die octavo solennitatis S. Viti Ecclesiæ Pragensis, & Metropolitana Patroni; in eo templo sub mediam noctem auditas voces alternatim de more Ecclesiastico Psalmos, & divinum officium decantantium: neque à vulgo modo, sed etiam à primoribus Hæreticis, ipsisque ad custodiam templi à palatino collo-

collocatis militibus prætorianis auditam Psalmodiam: certum nempe, ut interpretatus fuit Caffa & eventus docuit, indicium insequentis proximè anni actionum ordinante divina providentia in favorem Ferdinandi, & Ecclesiæ Dei promovendarum. Anno quippe 1621. ipso die octavæ capite truncati fuere directores (sic cognominabantur) Bohemici. Illi ipsi videlicet elisis ferro faucibus mactati, qui concentum Ecclesiasticum à loco sacro depulerant; quem cum homines Deo dicati non possent tunc prosequi, ipsi ab alto cælitates cum sancto Vito, & Divi Ferdinandi Patronis noctu supplevissent; & per invisibilem concentum vindictam quoque justissimam adversus Deo & Cæsari perduelles impetrassent. Observatum fuit universim neminem arma Ferdinando movisse, qui aut violenta morte, aut per ærumnas immanes, aut cum nominis insigni infamia non periisset; Cæsare ex adverso indies proficiente in gloriæ, & successuum fortunatiore semper incremento.

Demùm collocato filio in paterni honoris solio, metam consecutus justissimorum desideriorum, placidâ non minus morte acquievit Ferdinandus, quàm molestijs, quas gloriose exantlaverat, subtrahitur fuit. Censuere omnes, qui hunc Principem noverant, & istud non sine ope cælesti evenisse; quòd tanto annorum cursui superesse potuerit tot interd discrimina, ærumnas, ac sollicitudines, quibus

convixit. Adscripsere miraculo medici post corporis factam anatomen, humana virtute fieri non potuisse, quod Ferdinandus adeo fuerit semper hilari, ac renidente vultu, adeo in omnes affectu prono, & liberali, denique in eam ætatem, quæ sexagesimo erat superior emerferit. Præterea quod mortem obierit sine convulsione pectoris, sine angoribus cordis, sine oris, ac vultus ulla distorsione, eâ cum serenitate placidissimè moriens, quâ vix à somno indormire amœniùs alias videri poterat. Qui mortuum, triduo propositum spectaculo, intuitus est, pari sensuum compositione, quâ vixerat, coram adjacere extinctum fatebantur. Non erat mortuo, sed amabili sopore consopito similior.

Die, quo supremum diem vixerat Viennæ, omnium ore ferebatur obiisse Imperatorem, cui parem à sanctitate, Religione, integritate morum, & clementia multa sæcula nequaquam tulerint. Idem sensus per provincias & ditiones hæreditarias atque etiam ad gentes externas manavit. Ipsi passim heterodoxi opinionem de Ferdinando integerrimam conceperant. Fuit qui à pulpito auditoribus suis declamaret, aut Catholicorum neminem in cælo esse, aut esse receptum Ferdinandum. Immensum foret referre elogia & præconia, quæ non modo per Germaniam sed & regna extranea scriptis & ore edita reportavit. Undique & ab omni parte acclamabatur pius, instaurator

rator religionis, fortis hæreticæ pravitatis extirpator, Princeps dicto constans, humilis, liberalis, benignus, quodque DEO potissimum cordi, etiam Sanctus. Alii comparatione instituta æquabant Ferdinandum Ezechiaë, Josaphato, Davidi. Fuit ejus pietas tantæ apud duces ac milites existimationis, ut omnino crederent, plus illum oratione & precibus posse ad debellandos atrocissimos quosque hostes, quam exercituum, armorumque vim locupletissimam. Aiebat ex summis campiductoribus quidam: magis desidero ut Ferdinandus vel semel advolutus aræ Deiparentis, ibi Litanias Divæ Virginis recitet; quam ut in suppetias duodecim millia veteranorum submittat: amplius confido ejus precibus, quàm robori quantolibet militari. Audiamus Gustavum regem Sueciæ. Hic propitiam ubique fortunam expertus, tenebatur nihilominus metu solius virtutis ac probitatis Ferdinandi. Gabriel Bethlenus Transylvaniae Princeps dubiam ac periculi plenam aleam dicebat esse, bellum movere Ferdinando, quem nec adversa deiicerent, nec prospera extollerent. Quæsierat ex veterano Turca Budensis Vezirius Mustapha; quid factum quod Ferdinandus semper à belli usu remotus, fortissimum nihilominus ducum, Regem Sueciæ debellaverit? respondit ille, Ferdinandus est Princeps Sanctus: Deus illi adest, & pro ipso pugnat. Permisit Turcarum Imperator, ut Con-

stantinopoli funebria magnifico cum apparatu fierent pro Ferdinando. Apponi feretro coronas & sceptrum, aliaque Majestatis insignia passus fuit. Panegyres haberi funebres, ac laudationes publicas institui non vetuit. Adfuere prædictis solemnibus Primi purpuratorum, & Oratores Regum ac Principum tunc Bizantii præsentés.

Talem esse decuit Imperatorem, qui servandæ & defendendæ per Germaniam fidei atque Ecclesiæ erat à DEO præordinatus. Argumentum voluntatis divinæ in assumendo ad diadema Imperiale capiendum Ferdinando conspirantis sit illud, quod Authorum plures memoriæ tradiderunt. Facta conspiratione decreverant prævalidi, & præpotentes rerum Catholicarum adversarii occasione uti, vix postea reditura, uno ictu impellendi ac frangendi potentiam Catholicorum: etiam Electores, qui tùm aderant, & facili negotio interfici posse credebantur, facto impetu simul erant obruncandi. Verùm ipsis illis diebus clementissima & potentissima DEI Mater videndam se præbuit Joanni Suicardo Principi Electori, & Archiepiscopo Moguntino: & visa fuit animos hæsitanti addere ac dicere; Constanter Suicardè: ne metue: elige Ferdinandum. Fecit Suicardus imperata; simulque hostium machinæ collapsæ, nempe, non est consilium contra Dominum, neque robur. Absit sepelire silentio illam quoque gloriam Ferdinandi, quod relique-

rit successorem similem sibi; de quo in præsentis scribere & plura addere non vacat. Mundo nota sunt, quæ de eo gloriosè dici possunt. Abstineo à laude Principum viventium. Eorum tantummodo qui diem suum obierunt celebrare memoriam institui; ut suscitarem à mortuis, quos hæredes imitentur.

§. II.

*Rara prudentia, aliaque virtutes illustres
Philippi II. Hispaniarum Regis.*

NON fuit ab orbe condito vastior Monarchia, quàm cui Philippus imperavit. Nunquam à regionum aspectu sol recessit, quas ille per quatuor mundi partes diffusâ in immensum corpus Majestate gubernationis explicabat. Huic Monarchiæ & præfuit, & adfuit Philippus, etiam sole ipso præsentius. Prudentiâ & accuratione regnandi maxime dissita compaginabat. Justitiâ & benignitate, quasi singulis assideret, universâ ad tranquillitatem componebat. Æquitatis severissimus cultor fuit. Nulla ætate pauperes adversus opulentos pro domo sua sæpius & felicius exaudiri patuit. Satagebat quietem inducere in rempublicam, & depellere constanter delicta, tanquam certos authores inquietudinis. Suavitate & Clementia simul claruit. Priusquam rigorem Themidis expediret, capiebat experimentum lenitatis:

dehortabatur ut Pater, antequam feriret. At-
temperabat moderationem rigori tanto artificio,
ut quisque timeret in modico offendere, ne in
permixtarum virtutum alteram, sibi acerbiorē
improvisus incurreret. In omnes æqualiter sin-
cerus, æqualiter promptus, nescius ex acceptio-
ne personarum judicare. Eo regnante complu-
rium dominiorum ac jurium lites antea indecisæ,
planè ad miraculum finitæ sunt, nemine contra-
hiscēte, & sine tumultu. Ministros habuit,
quos reverebantur, & suspiciebant omnes; sed &
quos ipse illicò compescebat, removebatque ad
cujuscunque iniquè oppressi pauperis querelam.
Misericordiarum tum erat vox adversus aggressores, &
tribunalia non integræ fidei; si justitiam denega-
tis, Regem adibo: Hoc dicto judices & dicaste-
ria tota commovebantur ad metum. Nunquam
consensit; ut impunè magno sceleri esset: quid-
quid auri vel argenti in pretium misericordiæ of-
ferretur. Aiebat, pœnas esse constitutas æquè
pro opulentis, atque pro indigentibus. Nec tri-
bunalia telæ aranearum adinstar esse debere, cui
intricantur tantum muscæ, pervadentibus scara-
bæis. Innocentes hac bilance æquitatis redde-
bat securos ubique, & semper pavidos nocen-
tes. Imò ut inter subditos indifferenter; ita se
inter ac subditos æquitatem sanctè servatam vo-
lebat. Habebat Franciscus de Palafax Arizæ to-
parcha super quibusdam juribus controversis li-
tem

tem, quam Philippo movebat. Nihilominus animo generoso decreverat foro cedere, & ad voluntatem Regis ac placitum, causam ponere. Vidit prudentissimus Rex viri magnitudinem: atque hac ipsa de causa quod arbitrio suo prætensiones suas committeret Franciscus, gratum id sibi primum esse significavit; tùm quod è justitia foret, facturum se omnino spondit: demùm delectorum duorum judicium discussione, ac fidei probatæ decidendam controversiam omnem commisit. Designati judices, Rodericus Vasquez Consiliarius Regis, & Rodericus Zapata Auditor dicasterii Indici, libratris utrinque momenti causam adjudicavere Francisco. Nec offensus in minimo Philippus uestigio misit, qui Franciscum de regis gratia, ac fiducia in obsequiis ac fidelitate ipsius imposterum perseverantia commonefaceret. Mandabat Regio Senatui Philippus; ut in dubio, inter se ac partes alias controverso, semper adversus Regem definirent. Non fuit passus undecunque ad regias partes inclinari judicium. Fiscali Præsidi atque eruditis in eo assessoribus universa actio incumberebat. Prohibere erat insuper solitus, ne per cætera tribunalia vulgaretur, istam alteramve è partibus Regi probari: providens cautè ne regium placitum impellendis animis fortè serviret. Contigit ad Segobiam, ut non multo ante processionem è loco regi rhedarii ad invicem rixati, etiam fer-

ro se peterent, altero ex iis vulnerato. Ut adfuit
 abeundi tempus, intuitus Rex aurigam, quem in
 rixa observaverat, rhedæ admotum; interrogat
 ex Didaco de Corduba, quî factum quod no-
 cens iste in vincula raptatus non fuerit. Respon-
 dit Didacus neminem futurum fuisse, qui rhedam
 regiam nunc gubernaret: cùm Rex, compinga-
 tur, inquit, in carcerem, & plectatur: mihi
 equum admove: atque ita commodo privato
 æquitatem præhabuit. Alphonsus Sancius de
 Segura civis Toletanus, pro parte communitatis
 opposuerat se urbis censoribus, nec iniquè. De-
 lata ad Philippum causa, acciri Rex hominem ius-
 sit, & satisfieri hujus postulato. Cumque in-
 grata censoribus ea res accidisset, provideri illi de
 regio fisco, & prohiberi omnem de cætero mole-
 stiam adversus Sancium iussit, ut publicæ rei Pa-
 tronum: quin etiam frequentius adiri ab illo
 voluit; ut, fortè octo mensium spatio absentem,
 compellârit; quid istud? tanto tempore te præ-
 sentem non vidi. Tanti faciebat Philippus stu-
 diosum boni publici, atque æquitatis amantem.

Ordinem Sacerdotalem apprime reverebatur.
 Virum nobilem, qui sclopo in Canonicum Tole-
 tanum exploserat, decollari iussit: Alterum, qui
 colapho sacerdotem inhonoraverat capitis affici
 supplicio. Quærebatur Architectus ædificio S.
 Laurentii promovendo. Aderat, qui filium suum
 commendabat præficiendum operi, præclarum

in arte ; sed modò exulem ab urbe, quòd criminis gravioris reus esset. Quo audito Philippus ad parentem conversus ; videsis, inquit, ne filium tuum furca potiùs expectet. Petebant Didacus Fernandez de Cabrera Comes Chinconii, & Bobadilla regius Senator, Philippo intimi, ut Mencia Didaci filia Præfectura Regii Infantis, aut gynæcei donaretur, quò expeditiùs per hunc honorem elocari in matrimonio condecienti posset. At Rex; Aulæ meæ, aut Regni ministeria non dantur in dotem. Nubat cui volet Mencia: si maritum nacta fuerit de me benè meritum, aut meriturum, non deero illi præmiando. Oderat tribunalium in ferendis sententiis segnitiam & moras. Expertus præsidem regii Senatus Cardinalem Spinosa mirum in causis promptè expediendis judicem, aiebat ; Virum habeo desiderio meo parem.

Et ipse, ne cui parti deesset promovendæ æquitatis, nulli labori parcere unquam volebat. Aut incumbere evolvendis libellis, aut consultationibus attendendis ; aut expediendis negotiis continuò intentus fuit. Ad sylvas & hortos deferbat secum litterarum fasciculos: modò scribendis, modò dictandis, modò definiendis causis operosissimè applicatus. A venatione redux sollicitè ad curas tantisper intermissas revertebatur, ad instar operarii, qui panem artificio mercatur. Non habuit administrum curarum publicarum æquè negotiosum, ac erat ipse: Constantiâ, & dili-

diligentiâ incredibili intentus ferebatur ad omnia. Contenta in scriptis, super mensulâ depositis, accuratissimâ memoriâ complectebatur, ordinem singulorum ac situm tenacissimè retinens. Contigit, ut collocutus Matthæo Vasquio Secretario observaret per ostij rimas cubicularium quendam disquirentem in iis chartam, suo proposito servituram: cùm Philippus Vasquio: dic homini, inquit, parcere me illius capiti, ob memoriâ Sebastiani Santoij, de me quondam optimè meriti, cujus commendatione ad servitia mea hic fuit assumptus. Nempe inter præmia rectè factorum computabat honorem impensum vivis æquè, ac mortuis à virtute ac Sapientia celebrioribus. Præstitit istud copiosè in Cardinalem Spinosam: quo vita functo, delatus in Marin Mugnos patriam Cardinalis, ad sepulchrum substitit, iussitque Sacrificiûm solenni ritu peragi; cui postquam interfuisset, amplissimis encomijs ac laudibus fideitatem viri prosecutus; tandem subdidit ad filios conversus: hic jacet optimè meritis de Regno nostro minister. Patebat omnibus Philippus tanquam ara, ad quam in necessitate singuli confugerent. Servi ab heris attriti, subditi à dominis vexati, miseri à potentioribus oppressi, debitores à creditorum injurijs vim passi, pervia omnes experiebantur ostia ad senatum & tribunalia, atque intimum Regis conclave. Pro sex Philippæis à Magnate Hispano debitis pauperi ope-

operario missus fuit liſtor, qui mercedem in domo Magnatis exigeret. Ea erat in Regem obſervantia Grandium, & virorum per Hispaniam Principum, ut certatim inter ſe contenderent, quis apparitores regios, exequendæ juſtitiaſ cauſa tranſmiſſos honoratiùs domo exciperet, & tractaret. Rex quoque tantæ fuit in populo venerationis, ut digreſſum à Palatio effuſæ in plateas ædes circumſiſterent, & affectu in Principem adeo beneficium profuſiſſimo complecterentur. Ut tamen alienis incommodis ſublevandis ſe dedit; ita proprijs moleſtijs diſcutientis in ſe inclementior abſtinuit. Fuit Madriti negotiator, cui ad votum res non procedebant. Multum jam in expectatione terminandæ cauſæ erat conſumptum & burſæ, & patientiæ. Credebat hæere omnia apud Regium ſenatum; ac primùm moram imputabat Regi procraftinanti ſententiam. Audière vociferantem; aut peccato Barrabbæ, aut ſuorum temporum ſcleribus factum, quod Philippi regnarent; ductoque per exempla regnorum ac nationum exterarum argumento tandem furias omnes in Philippum II. armabat. Maledicta ad dicaſterium auſicum delata, & mandante Præſide temerariùs in carcerem conjeſtus. Mox propria confeſſione, ac teſtimonijs convictus deſtinabatur congruæ poenæ. Priuſquam tamen ſententia vulgaretur, neceſſe fuit juris proceſſum Philippo repræſentare. Cùm Rex: quod audax inquit,

quit, hic homo in Philippos viventes ac mortuos
 bacchatus sit, non æque utrosque afficit. Mor-
 tui quippe non perceperunt ea maledicta, &
 quamvis percepissent, mei muneris non est sin-
 gulorum ex ijs injurias ut meam vindicare: imo
 illi ipsi offensam remitterent si audivissent: neque
 enim ejus nunc conditionis sunt, ut affici inju-
 riâ, aut ultionem ab hoc foro implorare velint.
 Quantum mea interest, possem ulcisci, non volo
 tamen: sed ignosco. Convellatur processus juris,
 & liber mittatur reus à carcere. Imò de nego-
 rio quod tractat investigate: & quam primum re-
 nunciate Præsidi Senatûs, velle me, ut causa di-
 scutiatur ocyûs, ac definita ad ædes prædicti ne-
 gotiatoris transmittatur. Fuerat hoc documen-
 tum illustris patientiæ, clementiæ, & æquitatis,
 tanto Rege virtutum dignissimarum. Anno
 1574. vigeat ad S. Mariam del campo vectigal,
 quo decem pro centum ex indulto pendebantur.
 Obstitit concessioni homo literatus acriter in po-
 pulo adversus Regem invecus, non sine animo-
 rum ad tumultum motu. Datus proinde in car-
 cerem est à Magistratu, & ad consilium regium
 causa delata. Sententia Regia nihilominus fuit:
 uti dimitteretur è carcere, cò quòd insanum oport-
 teret credere eum, qui male loqui auderet de
 eo, quem non nosset, quocum nunquam con-
 versatus fuisset, & à quo nunquam læsus. At in-
 stabat Præses, videri sibi adhuc exemplo cete-
 rorum

rorum plectendum. Sed Philippus; Age, dimit-
tatur: Fieri consuevit, ut minus querelarum ha-
beatur de Principe, qui majorem conquerendi li-
centiam præbet.

Ut justitiæ, ita prudentiæ ad miraculum dedit
specimina. Et domesticæ, & diffusæ gentes à
singulari prudentia Philippum commendabant.
Quod monarchiam adeo diffusam incredibili ani-
mi magnitudine, ac potentia in officio contine-
ret, erat argumentum transcendentis humanæ sa-
pientiæ facultatem. E suo conclavi Indias orien-
tales, & occidentales mirâ providentiâ modera-
batur, quibus administrandis alii non suffecissent
per exercituum vim immensam, & profusionem
æris ac sanguinis luculentam. Adhibuit guber-
nationi multiplicem senatum, togæ, & sagi,
Justitiæ & gratiæ. Utebatur operâ Vice-Regum,
oratorum, campiductorum, aliorumque in mi-
nisterio aulæ, vel personæ regiæ occupatorum.
Hos inter, ut conciliaret benevolentiam, auto-
ritatemque, prudentiâ, arte, ac præsentia potissi-
mum suâ faciebat. Non minus amari, quàm
formidari volebat. Sic tractabat omnes; ut ne-
que Dominum, neque conditionem mutare vel-
lent. Per conscientiæ teneritudinem cavebat,
ne cuiquam onerosior accideret: per sapientiam
in concordia, & æquitate cunctos conservabat:
per potentiam propugnabat adversus inimicos. Fe-
rebatur in illos, facilis, tractabilis, beneficus, ju-
stus,

stus, remunerator, serius, severus, constans, absque acceptione personæ, absque simulatione fraudis, magno cum divini honoris promovendi fervore, ac zelo. Domi, ac foris, liber aditus patebat ad Regem singulis, nec à quoquam timere periculum poterat, quem DEUS protegebat. Inundabant à concursu populorum viæ quæ ferebatur. Gestiebant intueri pacis, & Justitiæ Patronum; acclamabant & augurabantur Philippo prosperitatem, longævitatē, felicitatem. Ut subditos quaquaversum dispersos ad invicem vinculo arctiori adstringeret, providentissimè in conjugium sociari faciebat Arragonios, Castilianos, Catalaunos, Valentinales, Navarros, Lusitanos, Italos: Ita sanguine & affinitatis intermediis obligationes, & studia vastæ monarchiæ in unum comportabat. Strenuam curam adhibuit, ut factiones illustrium familiarum, atque etiam nationum stirpitùs exterminarentur. Reos dissensionum captivitate, & suppliciis mactabat: frænum; & compedes iniquis diuturnis animorum collisionibus deberi. Novandarum rerum cupiditatem, & statuum mutuas æmulationes, quæ infringere & debilitare solent gubernationem, & corpus politicum convellere, omnino truncabat. Seditiosos, & partiales primùm satagebat ad concordiam, & tranquillitatem per arbitros, & censores adducere: deinde ubi profundius radices malum egisset, occupabat sectarios extra par-
singulo-

singulorum, in administrandis curis publicis, aut militia : ita providè, ac prudenter succidebat odia, subnervabat invidiam, frangebat æmulationes, discutiebat compētēntias, ambitionem, & levitates animorum cæteras à subditis proscribebat. Ad imitationem Traiani Imperatoris, natione quoque Hispani, erat amabilis ad populum, honorabilis in senatu, venerandus apud omnes, terribilis in hostes, in pretio, ac veneratione ubique, atque ex admiratione virtutum magis, quàm ex terrore gubernationis metuendus. Causas complanabat prudenter, cùm haberet constitutos in palatio, ac per omnes ditiones, qui inquirerent studiosè, & erudirentur cautè, ac verissimè Regi referrent, quæ scire illum conveniebat. Nobilitatem colebat attentè : constitutos in aliquo munere juxta graduum, qualitatum, ac obsequiorum rationem circumspēctè. Non omittebat, ut perspiceret, quo Idiomate loquerentur singuli, quibus moribus asuessent, cui muneri utiles forent. Habebat catalogum virorum Principum, quo repræsentabatur, quod genus cuiq; , quæ propiæ origo, quæ illius incrementa, aut inclinatio; unde honores singulorum, ac tituli; quo regnante investiti fuerint possessionibus, quas habent; quæ merita præcesserint; qui omnino extincti; qui alijs conjuncti; qui ab alijs oppressi, & silentio obvoluti. Conditione omnium spectatâ, admovebat excellentiores Proregum dignitatibus & legationibus

Y

nibus primarijs, ac muneribus minùs per cæteros exequendis. Inde authoritas accrescebat personæ & experimentum indolis, ac splendor familiæ. Nec eruditorum immemor, procurabat nosse, quis profectus in literis, ac moribus Salmanticensium Academicorum, quod seminarium est summorum Hispaniæ dicasteriorum. Utrebatur in eum finem opera Ecclesiasticorum, regularium ac Prælatorum, qui de melioribus ac dignioribus accuratè se edocerent. Ex his habuit Marcum de Vilalba Abbatem Collegii S. Bernardi Salmantini, quem postea ad Abbatiam Fiterensem in Navarra promovit; præbendæ huic admotum abs se potissimum affirmans, eò quòd vera sibi semper edixisset: quamvis virtute, ac litteris clarus, pluribusque in ordine suo præfecturis cum laude obitis vir ille aliàs claruerit. Perspecta habebat nomina concurrentium ad officia, seu candidatorum: genus item, ac mores; non aliter, ac si per omnem vitam sibi convixissent; faciebatque notitiæ indicium in consultatione de singulis, in electione ad præfecturam judiciorum, reliquorumque politicorum munerum. Callebat singillatim civitatum per Hispaniam, omnemque monarchiam, nomina, maritimorum item portuum, atque ostiorum fluvialium seriem, reddituum regionum proventus, rationesque expensarum, quasi præsens universis adesset. Liberalissimus in benemeritos de corona, sic tamen erogabat; ut sibi familiares nun-

nunquam nimis attolleret, neque ultrà proportionem illustraret, aut officiis supra capacitatem obtrueret. Aiebat; non omnes stomachos aptos esse majoribus fortunis digerendis: & immeritos, si supra conditionem ornentur magis corrumpi, quàm corpus si alimento minus apto perperam ingesto prægravetur. Pervidebat accuratè palatinorum suorum, & ministrorum genios, quo sine trahantur, quibus moribus vivant, quâ indole, quâ conditione præditi. Declinantem à primo obsequiorum fervore, vicissim remissione affectus regii castigabat, atque ita ad pristinam industriam, ac diligentiam revocabat. Definiebat limites, quousque intimi in aula progredi possent; eò eluctati jam retrocedere sciebantur. Solent nempe apud Principes gratiosi inde illicò deficere, unde proficere ultrà non valent. Emen-
davit propriâ manu privati arrogantiam, qui in competitorum numero erat repertus nomini suo præfixisse titulum donni: subscripsit quippè Rex, eâ conditione admovendum muneri, si additamentum dimitteret, quod nec pater competitoris usurpaverat, ideoque minus filio competere. Propositam habebat sæpius personam pro munere illustri, quam nihilominus præteribat semper. Iterum præsentatam, atque inter candidatos primo loco, iterum promovere omiserat: tertio tandem planè solam in catalogo collocatam à Consilio regio, cum commendatione adjecta prudentiæ,

dentia; quæ favorem Philippi demereri posse videretur: subscripsit denique Philippus: proponatur alius; notam habeo hominis prudentiam. Nec sine causa tergiversabatur Rex. Habebat enim candidatus ille familiaritatem cum certa fœmina suspecta, quam & designaverat Rex scripto, addideratque ob id minime fore unquam promovendum. Alia occasione vir Nobilis pro officio eminenti nominabatur: sæpius dissimulato assensu, tandem subdidit: concedo, si à lusu abstineat. Ab alio senatu commendabatur nonnemo pro beneficio pinguiore Ecclesiastico: nihil autem ad vota Philippus: donec multoties lacessitus respondit: si hunc in Episcopum promoverimus, quem suorum filiorum habebit in Episcopatu hæredem? simulque, ne ulterius nominaretur, effecit. Petierat pro pensione Ecclesiastica conferenda subjectum aptum, ac benemeritum à Comite Chinconij; & iste de pluribus unum proposuit, visum sibi præ cæteris digniorem: reposuit Rex: prius scire volo, quid actum de filio, quem iste, dum collega Salmantinus esset, susceperat. Toleti libellum supplicem acceperat à fœmina illustri, quæ deponebat querelam adversus Canonicum loci, à quo fuerat per vim constuprata. Cognita veritate Rex per Sebastianum Fanroium mandavit ad monasterium ituræ dotem de ærario regio numerari. Non multò post Canonicus ille pro Episcopatu obtinendo præsentabatur:

tur : at presentari, inquit Philippus, cum oportebat pro officio paterno. Nominaverat pro Ecclesia Salmantina Præsulem Hieronymum Manrique de Lara virum exempli, atque eruditionis eximiæ; & subdidit. Præficimus Universitati Salmantinae Episcopum, qui non modo Ecclesiam gubernet, sed etiam magisterio suo informet plures, qui ex ea Universitate ad Episcopatum cum dignitate promoveri possint. Postulabit sacerdos quispiam à Philippo licentiam, ut sibi liceret septingenta scuta in dotem filiae ex redditibus legare : cui Philippus ; sufficient centum pro filia presbyteri. Sapientissimæ mentis vasto complexu capiebat feliciter negotia quævis togæ, & sagi, privata, & publica, domi ac foris, absque eo, quod aliarum curarum gravitas incommodaret tenuioribus. In eum finem immotus inhærebat pulpito, unde opportunissima responsa, admonitiones, emendationes, discussiones, etiam probatissimorum scriptorum manu propriâ expediebat. Subjungebat inventiones, & artes opportunas nonnunquam detegendis, si quæ intervenire possent, fraudibus. Planè constat nunquam injustitiæ advertenter commissæ fuisse insinulatum. Ad omnia rectam intentionem, & desiderium bene operandi conferebat. Per varias indagines, & artes inter se dissimiles, ignotasque vulgo, procurabat accessum ad veritatem, quam habebat ubique in pretio, & honore. Consilio intelle-

Etus, ac prudentiæ suæ id consecutus demum fuit Philippus, ut solus imperaret; adscitis inter proceres ad gubernandum administris, non item socijs adregnandum.

Intelligens in Indijs orientalibus urgente quinquenni fame multos Gentiliū in servitutem fuisse venditos; mandavit, ut qui Christianam fidem sulciperent, emanciparentur; qui generosioris indolis essent adoptarentur in sodalitatem Ordinis à Christo nuncupati, certisque ex instituto Philippi insignibus ac privilegijs ornatī. Ita providē, ac sapienter eas gentes aptabat Evangelio. Ab exordio suæ gubernationis legiones integras Religiosorum hominum ad conversionem, institutionemque earum gentium misit; qui viribus militaribus conjuncti, nationes Philippi imperio aggregatas Dei quoque jugo omnium maximē salutari adjungerent.

Sapienter, & circumspectē conferebat beneficia Ecclesiastica. Non patiebatur proponi ad Infulas Episcopales nisi à virtute conspicuos, laudatos à diligentia, bono exemplo, moderatione, & sufficientia ad munus obtinendum. Plus virtuti dabat, quàm sanguini. Quare, dum ipse viveret, literarum studia maximē fervebant: Nobilissimis quoque familiis ad eas condiscendas applicatis, inde honores ac spem præmiorum pro merito consecuturis. Vocabat ad prælaturas Ecclesiasticos minimē ambitiosos, qui sæpius allato-nun-

cio promotionum credebant sibi illudi. Joannes Fernandez Vadillo à cursore audiens nominatum se esse à Rege pro Episcopatu Cuençæ, cum primo adhuc somno in lecto teneretur; non emovit se loco, nec ostium reclusit; sed chartam præsentationis per ostij rimam intrudi jussit, metuens fraudem fortè subesse. Peritiores Philippum nuncupabant *Consilium majus*: eo quòd Regis prudentia superexcelleret reliquorum senatuum expectationes. Erant illis adscripti viri eruditissimi, & defœcato judicio præstantes: Rex tamen antebat omnes distributione opportuna negotiorum, observatione rerum singulari, electione mediorum ad propositos fines ritè conducenti. Exhibebat palam eminentius ingenium, & vastam capacitatem respondentem regij muneris celsitudini. Vitam agebat inter curas, ac continuos ingenij motus, versatilis textrinae in morem; in qua, ut agebat ipse, per multiplicem filamentorum ordinem, necesse est textorem discurrere manibus, pedibus, ore, atque oculis indefessum. Fuitque certè mors Philippi, operosæ antea texture tela omnino præcisa. Dum viveret nunquam non erat negotiosus; manum scriptioni, pedes itineribus exercebat; cor in filamentorum plurimos ductus protendebatur. Alius procurrebat in Belgium, alius ductabatur in Italiam, in Africam alius; alius in Peruviam, in novam Hispaniam, ad Anglos Catholicos, ad aulas Christia-

norum Principum, ad Imperij Romani fines digrediebatur. Ubique vigilantia aderat in promptu, discutiens quæ ratio gubernandi vigeat, quæ tempestas fortè cavenda. Si abrumpebatur in Indijs contextus, reponebat: si in Belgio incidebatur, restituebat: semper attentus negotijs, quamvis in tot partes animo distractus: semper præsentissimus sibi, ut etiam in fine vitæ promptissimè advocare mortem, nec perhorrescere, ut inopinam, ignotamque visus fuerit.

Erat eminentis prudentiæ vir, qui affirmavit Philippum ab arte gubernandi tantum valere; ut si ad regnum per concursum cum sapientissimis quibuscunque vocaretur, & iudices adstarent peritissimi in doctrina regnandi, prærepturus ipse unus competitoribus universis palmam, ac conclamandus in Regem sine ambiguitate ab omnibus foret.

Claruit Philippus dictorum, & factorum illustrium copiâ insigni. Venerat ad alloquium vir nobilis ab altera chirotecarum retenta non denudatâ manu. Jam dictionem absolverat; cùm Philippus; dimitte inquit alteram à manu chirothecam, & cras ad alloquium redi. Profectus ab urbe observaverat imparem in agro spicarum luxuriam; alias videlicet celsiores, uberioresque; demissiores, tristioresque alias: causam à Didaco de Corduba percontatus, ubi audijt lætioris segetis originem ab affusa pinguiore humo derivari.

vari; simplicem, ait, rusticum! qui per totum agrum non utitur hoc adminiculo. Rogatus à morione per aulam gratioſo; cur ſingulis opem implorantibus, non æquè ſingulis opem ferret? quia, inquit, ſi adeſſem ſingulis, non multò poſt ego quoque indigerem. Ut motus Aragonicos plenè componeret, conſtituit Tarracone ſedem regiam figere, eoquæ ſe, quamvis agrum deferri voluit: diſuadebant iter medici: at Philippus: officio meo fungar, quamvis in hoc itinere deſungar. Non ferebat de abſente in colloquijs malè dici: aiebat; non eſſe bonum, qui deteriorari nequeat, nec improbum, qui meliorari non poſſit. Querebatur Corduba, quod paſſim per officinas viderit Philippi imagines, ſed imperitè laboratas; videri ſibi conveniens, ut celebrior à fama picturæ, ut erat tùm Alphonſus Sanchez, aut alius conſtitueretur, cui ſoli licitum foret Regem in picturam conijeere: Etiam Alexandrum magnum noluiſſe ab alio effigiari, præterquam ab Apelle, qui coloribus, & Lyſippo, qui ſcalpro dabat operam. Cui Philippus: Quisque ſuâ operâ panem mercetur; ne exinde pejùs actiones noſtras depingant, quàm vultum. Affirmabat felici negotiorum expeditioni conducere, ſi priùs attentâ conſideratione ponderentur: item, non ſtomachum quemque digerendis quibuscunque fortunis aptum: dividi item fortunas bifariam, in proſperas, & adverſas; in proſpe-

ris modestiâ , in adversis animi temperie opus esse.

Obiens regionem Tolosanam observabat sumptuosas ædes, & ad voluptatem omnem comparatas : ubi quorum cæ essent, interrogasset, audissetque cuiusdam de secretarijs suis esse, addidit : & caveam avicula grandiore ! Audiere dicentem, quod si ipse Rex non esset, non ambiret ducis aut comitis, aut marchionis dignitate fungi : potius curaturum, ut de vulgari nobilitate censeretur ; qui tamen annuos octo millium scutorum redditus possideret : ita exemptum fore molestijs, & obligationibus, quæ titulos magnatum & Grandiũ consequuntur. Destinaverat interesse solenitati cui-piam in tempore ; proinde tantisper indormiturus, à Cordubensi mox ut suscitaretur, monuit. At Corduba in scamno assidens, & ipse indormijt. Experrectus Philippus soporatum etiamnum Cordubam compellat : Placeat Majestati Vestræ expergisci, tempus monet. Sed & Corduba, permitte ut porro dormiam, necdum hora advenit. Dum adolescentior & adhuc Princeps Liberorum, per Flandriam Ruscinonem excurre-ret, adito Perpiniani castro, etiam invitatus fuit Helnam. Adventantem grandioribus in lætitiæ signum æneis fistulis incolæ exceperunt ; sed tristī casu factâ dispositione convulsi lateres ad portam de stipatoribus Principis unum in capite graviter læsum prostraverunt. Philippus modesta jam

istâ jam tum, & gravi indole præditus, sat tempestivè, inquit, nos experitur regio; jussitque tolli in humeros vulneratum, atque ad medicum deferri toto semestri vix curandum. Coeteris partim attonitis, partim indignantibus stetit unus ipse sine metu, & sensu. Digressus Illibero cum classe biduò inter adversos ventos fluctuabat. Appellere jam parabant nautæ, nisi Philippus ad promovendum cursum animasset: persistite, inquit, nam lassabitur hostis. Nec multò post impulsu Principis ac remorum evasere procellam.

Consilia privatorum quoque utilitatibus distabat accomoda: Inter quæ illud, quo fortunæ eorum consulebat, qui ab obsequijs erant. Nempe: ne adstarent Principi cum fastidio: solum sibi aliquando relinquerent, præsertim volentem: pari cum reverentia in omnibus se gererent: munus impositum sincerè, & promptè, atque ad nutum Domini exequerentur: negotia præmeditata, & digesta proponerent, dimissis ambagibus: quæ videbuntur opportuna ac necessaria edicerent: quibus Princeps bene vellet, ne detraherent: arcanum, quod accepissent, haberent, ab alijs manifestatum dissimularent. postremi omnino essent, qui super eo differerent: malis artibus gratiam Principis ne quærerent: benefaciendo ex inimicis amicos redderent, simul ingenij, ac rectæ intentionis ita fidem probaturi: æmulos

Urba-

urbanitate prævenirent : dissensionibus ne locum facerent : etiam æmulatorum notos , ac propinquos demererentur , ut occasio dissidiorum etiam remota caveatur : à comitatu grandiore abstinerent , cum adeunt , abeuntvè palatio : ne elegantiore apparatu se vestirent supra Principis , & aulae consuetudinem : ut cum ex commissione principis aliquem reprehenderent , graviter , ac modestè loco , & tempori accomodarent delegatas functiones. Hæc sapientissimus Rex privatis Principum ad latus asseclis dabat documenta , penitissimè ediscenda : quibus omnibus præcellere in animis singulorum optabat affectum timoris Dei , rectæ intentionis , ac studij veritatis.

Excelsa morum gravitate , & auctoritate præsentia ab adolescentia enituit. Aliquando dum vestibus indueretur , ingressus fuerat conclave Cardinalis Tavera. Monuit Principem , Præfectus , ut Cardinalem caput operire moneret ; At Philippus tamdiu dissimulavit , dum caput prior ipse reclusus , jam , inquit , ut tegas , licebit. Visus erat æmulari severitatem Philippi Regis Macedonum , & sexti Aurelij , quem à pueritia nemo ridentem vidit , quibuscunque ad id stimulis urgeretur. Nec Philippo nisi summa oris compositio , ac modestia in usu fuit.

Testatus est Joannes de Velasco Regis cubicularius , totos viginti quatuor annos , quibus Philippo inservijt , nec indignationis se vidisse gestum ,

stum, nec inconcinnam vocem, in quam Rex aliquando prorupisset, audisse. Hæc vitæ & actionum moderatio ad obitum usque producta, illud quoque obtinuit à Philippo, quod nudari pro facienda anatome se prohibuerit, nec inducendæ post mortem interulæ ac vestibus, alium applicari, præter Christophorum de Mora mandaverit, volueritque plumbeo sarcophago claudi, ne ad odorem præcavendum necesse foret regem exenterari. Nunquam jurasse, nunquam lamentatum fuisse, nunquam injuriâ affecisse quenkum observarunt. Nemini signum offensi animi ex vultu præbuit; quamvis severiorem aliquando se præstaret. Amantissimus veri; fictionum verò hostis capitalis fuit. Nemo notavit in Philippo cupiditatem, vel avaritiam: moderatissimus in cultu, ac vestitu & victu vixit.

Colloquebatur in aula Madritensi Philippo Joannes Austriacus ex progenitore frater: intervenerat colloquentibus filius Ferdinandus: cum fortuito casu impacto in adventantis adolescentuli oculum, & nares capulo ad sanguinem læsus parvulus incantæ actionis reum Joannem acerbissime torquebat. At Philippus, DEO gratiæ sint, inquit, quod salvus oculus. Tùm Joannes etiamnum inconsolabilis: si istud, inquit, evenisset, præcipitem è fenestra me dedissem: cui rursus Philippus modestissime: eccur istud? meri infortunii casus fuisset. Qui in fidem, & sinceritatem

tatem peccaverat, poterat jam de venia desperare. Priusquam expediret sententiam, curabat de veritate ad unguem reddi cettior. Deprehensum è proceribus quendam, quòd mendacio se interrogatus circumvenisset, severè increpuit. Itane, inquit, mihi in faciem? Suffecit hoc fulmen, quo miser è vivis proximè pelleretur. Sed & cubicularius Philippo è multis charior, itidem in mendacio deprehensus gratiâ simul, ac vitâ digressus à conclavi subito excidit. Aiebat: ministrum mendacem & perjurum esse, tantoque atrocius delinquere, quantò lateri magis appropinquat.

Majestati tantæ miro vinculo adstricta consociabatur humilitas. In Escuriali locum habitationi suæ designaverat ambulacrum inferius, cui incumbibat aula, quam cursu, & recurso, cantu item, ac sedilium ultro citroque deportatorum motu inquietabant religiosi incolæ. Animadverso demum errore deprecabantur molestiam quam diu nocturne Philippo creassent. At ille; molestiam sensi equidem, sed patienter me ferre oportuit, qui dignus non sum subire vel pavementum, quod calcant serui DEI. Decumbibat ibi sub seram noctem; & sub quartam matutinam erigebat se strato: Ad primum missæ sacrificium, quod procurabant ante auroram instituti à rege ibidem in seminario adolescentes, non abhorrebat excitari: ratus tantum Angelorum
supple-

suppleri per hos in terris : quorum officium , ne quietem interrumbarent , quamvis cogitaverint aliqui differre , noluit tamen ullo tempore impediri.

Cæsaraugustæ moratus die cinerum , non permisit capiti suo cineres de more affundi , donec Ecclesiastici omnes , etiam non-sacerdotes essent inspersi : tùm singulari cum corporis compositione ad infimum gradum altaris processit , cætero vulgo communem , nec tapetem , nec pulvillum substerni genibus passus . Ministros Ecclesiæ , & Sacerdotes reverentissimè colebat . Intel ligens subortam fuisse litem , inter proregem Valentiae & loci Archiepiscopum super pace accipienda tempore divini sacrificii : Quin etiam ex mandato regii senatus decretum fuisse , ut Proregi personam Philippi repræsentanti primæ deferrentur , quod similiter in novo orbe sancitum ferebatur . Præsens itaque ipse anno 1585. Valentiae , cum pax ab altari primum sibi deferretur : abi , inquit ad officiantem , & primum Archiepiscopo defer , tùm redi , & pacem offer . Ædificatio nis publicæ momentum singulare prosecutus est populus cum acclamatione universali ; una voce insonantibus in templo cunctis , Vivat Rex , Vivat pietas regia , vivat annos æternos magnus monarcha . Intraverat stipatus ingenti mendicabulorum coronâ Valissoleti palatium devotus quidam Religiosus ex Ordine S. Dominici , Hieronymus

nymus Vallei. Jamque eluctatus in scalas recta
ad conclave Philippi ferebatur, cum obuius
Regis Archiater improbat factum, quod ejus-
modi genus hominum arcendum a regia videretur;
posse exaffatu, & afflatu eorum corrumpi
valetudinem Principum, quos cautè conservari
bono publico opus sit. Respondit Hieronymus:
non arbitror in aula Christiani Principis, ac pri-
mum Philippi Regis Christianissimi promulgari le-
ges DEO adversas posse, quibus indigentia pauperum
non ultra aditus pateat. Proto-medicus
& facto & dicto Hieronymi incitator regem adit,
atque de insolentia, ut putabat, queritur. At,
Philippus; rectè inquit Hieronymus & fecit, &
dixit, evocatoque ad se Religioso, in comitatu
pauperculi unius de pluribus, audiit supplices:
jussitque puero mendico adstanti largam erogari
Eleemosynam, atque hanc per manus Philippi
filij conferri. Evocabatur in Patronum, ac de-
fensorem Ligæ Catholicæ in Francia constitutæ
Philippus Anno 1585. Non acquievit postulato
ex innata sibi a teneris modestia: quamvis ut au-
rem præberet, Papa, & Principes plurimi vehemen-
tius instarent. Mortuo deinde Henrico III. Cogna-
to, Parisiense Parlamentum decreto novo, a con-
silio statûs approbato Philippum II. protectorem
Catholicæ religionis primarium, & Zelatorem in-
columitatis regni Galliæ consalutavit: nempe
quem experti nuper fuerant regnante Carolo no-
no &

no & Henrico tertio adversus hæreticos, & schismaticos pro Catholica fide conservanda multiplices cum felici eventu suppetias tulisse. Ac tum denique Philippus magno Galliae & Religionis emolumento protectionis oblatum munus suscepit.

Nec habuit, nec desideravit rerum abs se gestarum historiae scriptorem. Qui tùm scribebat, Ambrosius de Morales, regni historicus, non regis fuit, Fortuito sacristiam in Escuriali cum Philippo filio ingressus in sacerdotem incidit, qui sacro ad missam celebrandam apparatu se inducbar: mandavit illicò ire filium & juvare assumendum indumenta, & aptare albam vestem decenter ad talos. Statim Princeps accinctus operi adfuit, sed pileo caput coopertus: cum Rex: an intelligis fili, quid agas? Et iste nudato confestim capite pulchrâ cum decentiâ, ac demissione officium prosequi perrexit. Cum è sacrario sacerdos ad altare procederet canitiem suam venerandam nudabat Philippus, præstito rursus eodem signo reverentiæ cum ab altari recederet. Rationem facti posterioris rogantibus aulicis, affirmavit: in sacerdote ad sacrarium revertente venerari se reliquarium, ac lipsanothecam corporis, ac sanguinis Christi, cujus species Sacramentales adhuc intra pectus sacrificantis durarent. Tarraconem profectus festo die, ut equum, cui solæ exciderat reparare liceret prosequen-

Z

sequendo itineri, ad superiorem Ecclesiasticum pro licentia misit, summo Christianæ in leges Ecclesiasticas observantiæ documento. Erat Compluti cūm Canonizationis B. Didaci solemnitas, anno 1589. ex ejus mandato ad diem octavam mensis. Aprilis imposterum celebranda ageretur. Destinata festivitati dies Dominicæ videbatur populo, qui concurrebat innumerabili, factura periculum missæ eo die non audiendæ. Itaque consultius Philippo visum, ut in posterum diem supplicatio indicta differretur. Probasse consilium Superos patuit. Nam ipsâ Dominicâ, horâ sub meridiem alterâ adfuit cursor, qui ipsum altare attulit, in quo festum Canonizationis egerat Pontifex Romæ ad S. Petrum, quod regiæ pietati idem Pontifex dono mittebat; unâ cum vexillo amplo, cui effigies sancti, & Papæ, ac Regis insignia, & arma depicta inerant: opportunum omnino ornamentum ad condecorandam in crastinum processionem.

Fidei proferendæ, ac propugnandæ fervor, item versûs Apostolicam sedem reverentia, ac submissio erat in Philippo singularis. Adstitit Valisoleti anno 1559. actui Inquisitionis institutæ adversus errores & venena Cazallæ per regnum gliscentia: magno ibi cum ardore rem Catholicam tutatus fuit. Erant nonnulli nobiles graviter plectendi, pro quibus ex commiseratione intercedebant potentiores aulici. At Rex intrepidus,

& piè severus; benè agitur inquit, cùm infectus veneno sanguis nobilis, igni admovetur, ut purificetur. Quodsi meus ipse in prole mea sanguis sic infectus deprehenderetur, primus ego illum in signè injicerem. Ex condemnatis æquè â prosapia, ac perduellione, & pertinacia hæretica famosior cæteris Carolus de Sessa Regem allocutus, fertur interrogasse, quî possit annuere, ut ipse comburatur? Reposuit Philippus: his humeris ligna comportarem proprio filio flammis absumendo, si malitiosus æquè, ac tu foret. Obsequio matris Ecclesiæ in omni vita se totum dicaverat, ut & ipse sacrum vaticinium impleret: Erunt reges nutritii tui. Nunquam defuit locupletandæ, defendendæ, adjuvandæ, protegendæ, promovendæ. Consecutus in hoc gloriam Theodosij in Oriente, Caroli in Occidente, Hermenigildi ac Ferdinandi in Hispania, Odoardi in Anglia, Ludovici in Francia, Henrici in Saxonia, Wenceslai in Bohemia, Leopoldi in Austria, & Stephani in Hungaria, ac Josaphati in Indiis. Fulciebantur in Philippo curæ novem summorum Pontificum per annos quadraginta duos; senatûs quoque eminentissimi Cardinalium negotia maxima. Ad illum in ærumnis confugiebant Respublicæ in Italia: Ejus protectioni se debebant, suamque tranquillitatem Principes ejusdemmet regionis: Ejus ope, & consilio confirmabantur Proceres, & Toparchæ Germaniæ: De ejus favore certus fiden-

ter expeditiones, & victorias adversus Turcam promovebat Imperator: Ipsi à finibus orbis Christiani Persæ, cæterique Principes sperabant, obtinebantque suppetias rebus suis adversus communem hostem protegendis. Pontificem reverebatur Philippus, ut Ecclesiæ patrem, ac Principem, Christique in terris vicarium, animarum gubernatorem, pastorem summum. Vicissim Pontifices colebant Philippum, ut anchoram pacis publicæ, & pretiosum Ecclesiæ unionem: quo elogio regem honoraverat Pius quintus, cum se sancto fœderi adversus Turcam adscripsisset. Gregorius XV. Pii Successor, pro salute, & incolumitate Philippi publicas Romæ supplicationes indixit: memorabilia, quæ sequuntur, in consistorio de rege prolocutus; vivendo Ecclesiæ Dei Ego ultra prodesse non possum: mortuo mihi facile substituetis meliorem alterum: pro incolumitate Regis Hispaniarum orate, quia universæ Christianitati ipse perquam necessarius existit. Fuit pretiosissimus fidei adamas Philippus, fuit murus inexpugnabilis Christianæ Religionis, fuit zelator insignis divini honoris. Opposuit arma Turcarum Imperatori; ejus copias in orientalibus partibus profligavit; Equites Melitenses ab obsidione liberavit; pro tutandis Hungariæ finibus militem expedit; protexit Catholicos in Francia; opposuit se furiis Angliæ, quamvis impari cum felicitate, pari tamen gloria; occultis DEI judiciis interdum

dum sibi gratos exercente adversis, & hostes prosperis donante. Etiam Josias Rex Judææ sanctissimus à Rege Ægypti prælio, & vita exutus mansit: Et Ludovicus Rex Galliæ in expeditione terræ sanctæ, multis jam auctus ex ea triumphis captus tandem à Mauris fuit. Philippus II. Rex Catholicus inter prospera & adversa felix imperavit; per illa inimicos contudit, per hæc seipso gloriosior triumphavit. Ad illius patrociniū confluebant viri Ecclesiastici ex toto mundo. Episcopi Armeni, Anglicani, Hiberni, Græci singulis pronissimo affectu locupletandis & tutandis aderat. Pari munificentia prosequēbatur Catholicos quosque, quos Religionis amantiōres experiebatur, & qui à patria & fortunis suis exules, aut peregrini ad communem pietatis Christianæ aram, Regem Hispaniæ accedebant. Pastoris & Patris in morem filios Ecclesiæ, & oves Christi sibi amantissimas colligebat, refocillabat, fovebat. Eosdem per septentrionem, & ditionum suarum vasta spacia oberrantes, & sedibus propter avitam fidem pullos passim constitutis per Provincias Eleemosynis juvabat, & transeuntes ad sua castra cæteris ducibus, ac militibus præponebat.

Desiderium, quod habuit proferendæ longè, lateque Catholicæ religionis, fuit flammantissimum. Observaverant Consilarii Status Indici, Philippinas Insulas parum prodesse regio patrimonio locupletando, absumere plus curarum & gentium,

gentium, quæ necessariae conservationi Monarchiæ alibi commodius impenderentur: itaque proposuere Regi eas Insulas numero equidem quamplurimas, sed defensionis incommodas, descri oportere. Respondit Philippus; modò prædictæ Insulæ ac nova Hispania unico alendo cremitorio, unde Christi fides propagari possit, sufficiant, non dimissurum se illas unquam; ne qua pars mundi orientalis relinquatur expers à radio lucis Christianæ, & divini nominis. Regum intentionem in protendendis finibus non debere spectare auri; argentique fodinas, sed dilatationem Evangelii: Quinimò Prædicationis cæptæ consilia auro & argento promovenda esse, ut multiplicatis illiæ veræ fidei cultoribus, suppleatur numerus ab ea deficientium in septentrione. Venerat Comes Egmondanus à Flandria libertatem Conscientiæ pro ea gente exoraturus: at Rex cordatè & liberrimè replicuit; potiùs se dimissurum Regis titulum, quam permissurum hæresim in sua ditione.

Superstitiosæ eventuum fortuitorum observationi admodum inimicus fuit. Ut eas ab animis suorum evelleret, proficiscebatur peregrè iis diebus frequentius, quos vana superstitio pro nefastis vulgò habebat. E quibus cùm diem martis alii reformidarent ut ominosum, nihil eo die quod occurrere poterat agendum dimittebat. Etiam Ulyssipone anno 1583. Philippo filio eo die homagium

magium præstari voluit: cumq; anno 1578. idem sibi Princeps natus esset, ea ipsa luce par tripudium præsetulit, indixitque, atque si Dominico, vel Jovis editus fuisset: matrimonium quoque cum Maria Regina eo die iniit. Econtra quidquid superstitionem, adversam Religioni Christianæ, oleret summè detestabatur. Decumbebat â podagrâ frequentius: huic curandæ Dux Nasserâ â Valentia submiserat Pachetem Arabem, mira adminiculo herbarum medicantem: At Philippus intelligens hunc Arabem insimulatum fuisse dæmonis ad perquirendas herbas adjutoris, & familiaris, atque ob id inquisitioni subjectum, adduci nunquam potuit, ut curæ eum suæ admoveret, quamvis universa, quæ cæteris applicabat, oculis ipse inspiceret, & spes certa mali levandi promitteretur: quippe aiebat: non cupio per malas artes quæsitam salutem.

Magnum Regem in vita, Christianum insignem in morte repræsentavit. Multis morbis, ac doloribus singulari cum patientia per vitam exantlatis, atque hos inter longævis podagræ cruciatibus exercitatus fuit. Totum illa corpus perrepsit, ea cum carnis, ac nervorum convulsione, ut neque admoveri tenuissimos pannos sit sæpe passa, nec non singulariter affici delicatam complexionem oportuerit. Non fuit tamen audire lamentantem, non impatientem, non molestum inservientibus: quinimo solari eorundem de sua molestia afflictionem,

Deum identidem laudare, & divinæ se voluntati conformare. Erat sanè istud agere gloriosius aliquid reportatis è bello victorijs, ditionibus in potestatem redactis, regnis monarchiæ additis, aut pari cum Alexandro fortunâ mundo sibi subjugato. Quis dicendo pro dignitate exequatur fortitudinem, ac constantiam, quâ vultu immoto, ne suspirans quidem, incisionem alterius genu admisit, & toleravit? Ægrotudine confectus, & fractus languoribus, non lachrymam misit, non significationem edidit sensus perculsi; leniendo duntaxat dolori postulavit; ut confessorius elatâ voce Dominicæ passionis ex Evangelista Matthæo historiam legeret, signanterque verbis insisteret, quibus in horto Getsemani usus erat Salvator: non mea, sed tua voluntas fiat. Expertus ab hoc consilio, & facto coeleste præmium, & conversus mox ad Confessarium profunda cum demissione monuit, ut gratias Deo referret: suppressâ lætitiæ causâ, ne in animis circumstantium aliqua sui existimatio proveniret; ita gloriam, quâ apud Deum fuerat illustris Christianæ demissionis velo obtegens, ex ea virtute cæterarum basi, imo coronamento impulsus.

Animi magnitudinem, ac robur singulare moriens explicuit. Pluribus ante mortem diebus de imminente obitu factus certior, nullo metu, aut tristitia, sed festivo, ac gaudenti obtutu nuncium accepit. Mox ad complectendum amicum hospitem

spitem pro dignitate se comparaturus expiationem conscientiae quam diligentissimam & frequentem præmisit. Diebus quinquagenis eodem situ supinus strato incubuit, virium lapsu, ac vi dolorum mutationem, & innovationem loci prohibentibus. Unum tunc Regis desiderium audiebatur, ut fiat DEI voluntas; una hæc cogitatio, ad bonam mortem comparatio. Accidit, ut è cubicularijs quidam lætior, nunciaret; iudicio medicorum ex eo morbo Philippum adhuc biennio, superstitem fore. At Rex nihil ad ista animadvertens; cum mortuus, inquit, fuero, imaginem Deiparæ, quam videtis, quondam meæ matris donum, quam ego quinquaginta sex annis mecum de collo circumtuli, filiæ meæ date. Intentus in finem vitæ piè decurrendum, quæ ad eum facerent, quidque deinde suo corpori præstandum, sapienter, ac providè præordinavit. Collo meo, inquebat, cruculam ligneam pendulam à filo appendite, ut pectori insistant. Mori volo crucifixum tenens manu, quocum mortem obijt Carolus Imperator progenitor meus. Adfunt ibi binæ candelæ ad aram Divæ Virginis de Monteserrato benedictæ, unam de ijs habete in promptu, præsentandam cum opus fuerit. Sarcophagum, & sepulturam ratione, quam edico, instruetis. Agens super negotijs animæ cum confessario, Pater, agebat, DEI apud me vices agis: promitto tibi, præstiturum me singula, quæ suggereris, saluti

luti meæ opportuna : per te stabit , si quidquam
 necessariorum abs me omittetur : ad universa pa-
 ratum habes. Voluit ut Philippus filius adesset ,
 cùm extremâ unctiōe erat inungendus. Hac ex-
 pedita subdidit : Petij , ut interesses præsens huic
 functioni : ut inspicias , quo res humanæ fine ter-
 minentur. Tùm sollicitè inculcavit , & iteratò
 commonuit , ut cordi unicè haberet Religionem
 Christianam , defensionem fidei , & curam ju-
 stitiæ : ut conatus omnes per tempus vivendi , ac re-
 gnandi eò dirigeret ; ut cum ipse quoque mortis
 articulo appropinquaverit , securum in conscien-
 tia se experiatur.

Mandavit subinde , ut vulnera nudarentur , quæ
 ex morbi , & curationum tractu acceperat. Ea filio
 commonstrans : ecce , inquit fili , quomodo à
 mundo , & tempore Reges tractentur , ecce , quàm
 pariformiter ad cæteros homines mundi capita
 miserijs subjaceant ! Vide , quàm severè , sed justè
 defectus meos , per quos minùs ut oportuit , Deo
 servivi , ipse in me nunc vindicet : nec adhuc scio ,
 quid in futurum mecum disponat. Hinc velim ,
 ut concludas , quid futurum sit ijs , qui DEO ne-
 gligentiùs parent : Tùm Christi de cruce penden-
 tis effigiem , & flagellum sanguine cruentatum pro-
 tulit ; & , hoc signo , inquit , manus obarmatus
 diem obiit Carolus Imperator , Avus tuus , ut nunc
 ego Rex Catholicus ; hoc idem in pignus salutis
 assumo , dum morior ; non aliter ages Fili , & re-
 veren-

verenter ut decet, semper habebis imaginem Christi Salvatoris : ita exemplo tibi Carolus & ego prævimus : meritum tibi nobiscum commune exinde spera. Sanguis huic flagello aspersus, non est meus, sed Caroli Imperatoris, ac Domini mei. Tibi hunc asservavi, ut memineris, nos præ cæteris indigere, ut simili modo sanguinem fundamus. Accipe donum & pretiosarum reliquiarum loco conserva, atque in pretio habe. DEO conjunctus vive ; à quo tibi benedictionem opto, quam paternè, & ego impertior. Simul benedictione amanter impertitâ Philippum dimisit, nec ultra vidit.

Moriens cereum benedictum Deiparæ Monseratensis dexterâ tenuit ; tam arctè complexus, ut mortuo vix potuerit eripi. Diebus, quibus quinquagenis decubuit, decies, & quater sacro epulo refectus fuit. Conversatio sub id tempus omnis de morte. Capi mensuram jussit feretri, quo elatus fuit Carolus ; quo item amictu involutum sarcophago intulerint explorari, ut non dissimili apparatu conderetur. Funebria sibi alia instrui vetuit, quàm quæ religiosis conventibus sancti Laurentij impenduntur. Mortem Regis omnis Christianitas luit. Eâ Romam perlata convocavit sacrum Collegium Clemens VIII. & quæ sequuntur in consistorio edixit : Si aliquando nacta fuit DEI Ecclesia causam luctus, & moeroris, nunc certè à morte Philippi II. retulit copiosam.

Amisit

Amisit defensorem ipsa eximium, & ejus hostis adversarium potentem. Omnis Philippi vita perenne bellum in hæreses, & sectarios fuit. Duæ res consolationi sunt : Altera, quòd diem suæ premum obierit cum admiranda sui in divinam voluntatem resignatione, conjunctâ inexplicabili patientiæ in doloribus, & immutabili in officia Religionis affectui : Quare præmium immortalis gloriæ jam esse consecutum confido. Altera verò est, quòd filium nobis reliquerit, natum in spes maximas; qui non modò de se successiōnem, sed & reviviscentiam Patris polliceatur.

O. A. M. D. G.



Emendanda.

- Pag 2. lineâ 3. munerisq.
 p. 3. l. 20. hominibus.
 p. 20. l. 9. volubilitatem.
 p. 28. l. 11. exercitus.
 l. 26. abstemios.
 p. 29. l. 11. illicitam.
 p. 35. l. 5. subsistet.
 l. 13. legum.
 p. 58. l. 10. Cyrâ.
 p. 58. l. 20. amabant.
 p. 71. l. 22. attritas.
 p. 75. l. 14. profectus.
 p. 76. l. 19. fonte.
 p. 77. l. 6. Majestatis.
 p. 78. l. 9. Bela.
 p. 83. l. 25 hebdomada.
 p. 88. l. 9. fata.
 p. 110. l. 18. confluxerant.
 p. 111. l. 2. implorare.
 p. 117. l. 5 abjectos.
 p. 120. l. 16. applicuit.
 p. 122. l. 27. facilitate.
 p. 145. l. 3. Angliam.
 p. 168. l. 12. In.
 p. 172. l. 7. tergiversationem.
 l. 11. quas.
 p. 178. l. 2. affirmavit.
 p. 182. l. 13. tum.
 p. 185. l. 16. fritilli.
 p. 225. l. 14. inediâ.

Alios errores, si qui sunt, benignus lector corriget.









